


Sp: 115

W-41








STIMVLVS MISSIONVM:

Siue de propaganda a Religiosis per
vniuersum Orbem Fide.

*Vbi de Dignitate, & utilitate huius Functionis: &
quod animarum cura, post Ecclesie Pralatos,
præcipue ad Religiosos Ordines pertineat.*

Adiuncta breui collectione Priuilegiorum, & gra-
tiarum, quæ à Summis Pontificibus concessæ
sunt Religiosis inter Hæreticos, & Infideles,
in propagatione Fidei laborantibus.

AVCTORE P. F. THOMA A IESV
Ordinis Carmelitarum Discalceatorum.



ROMÆ, Apud Iacobum Mascardum. 1610.

SVPERIORVM PERMISSV.

FR. Ferdinandus à sancta Maria Vicarius Generalis Fratrum Discalceatorum Congregationis S. Eliæ Ordinis B. Virginis Mariæ de Monte Carmelo Libellum hunc inscriptum, Stimulus Missionum, per R. P. Fr. Thomam à Iesu prædictæ Congregationis Sacerdotem professum, compositum, probò, vt typis mandetur, si ita placuerit Reuerendis. Domino Vicegerenti, ac Reuerendis. P. Magistro Sacri Palatii. Dat. Romæ die 2. Decembris 1609.

Fr. Ferdinandus à S. Maria Vicarius Generalis.

Imprimatur, si videbitur R. P. M. Sacri Palatii Apostolici.

Cæsar Fidelis Vicefg.

**Approbatio R. & doctissimi D. Patris Fr. Didaci Alvarez
Archiepiscopi Tranensis.**

Librum, qui inscribitur, Stimulus Missionum, siue, de propaganda à Religiosis per vniuersum Orbem Fide ab admodum R. P. Fr. Thoma à Iesu Ordinis Carmelitarum Discalceatorum, ex commissione Reuerendissimi P. Fr. Ludonici Ystella Valentini Magistri Sacri Palatii Apostolici, attente perlegi, nihilq. in eo sanz doctrinz, aut bonis moribus aduersum reperi: Quin potius auctoritatibus scripturæ, dictis & exemplis Sanctorum, ac efficacissimis rationibus, sic religiosorum animos ad propagandam per vniuersum Orbem Fidem excitat, & inflammat: vt cum Isaia omni trepidatione postposita dicere audeant: Ecce ego, mitte me. Quos iure optimo annumerandos esse inter illos censeo, de quibus Iudicum 5. dixit Debora, Qui sponte obtulistis de Israel animas vestras ad periculum, benedicite Dominum: & infra: Cor meum diligit Principes Israel, qui propria voluntate obtulistis vos discrimini. Quapropter dignum puto, vt pro communi vtilitate in lucem prodeat. Romæ die 2. Ianuarij 1610.

Fr. Didacus Archiepiscopus Tranen.

Imprimatur.

Fr. Thomas Pallauicinus Bonon. Magister, & Reuerendissimi P. Fr. Ludonici Ystella Sacri Palatii Apostolici Magistri Socius Ordinis Prædicatorum.

SANCTISSIMO D. N.
P A V L O . V.



FRATER THOMAS A IESV.

EX Hispania, iussu Beatitudinis
tuæ, ad expediendam missio-
nem in Aethiopes Hesperios
euocatus, Pater Beatissime, beni-
gnius, quàm cogitasset, à te ex-
ceptus, & ad opus, cuius desiderio flagraue-
ram, incensus fui. At cum Sanctitas Tua cerne-
ret viam multis difficultatum scopulis prætex-
tam, mei curam paternis planè visceribus ge-
rens, sponte sua, ac non sine diuino consilio de-
creuit, in Congregatione nostra Italica rema-
nerem. Quæ certè in re, & pietas, & pruden-
tia mira, qua res omnes administras, facile re-
splenduit, vt mirari non desinam, quo pacto
cum consilio nouo vota mea iampridem con-
cepta cohæserint. Cum enim ego in conuer-
sionem Infidelium destinari olim impensius
optasset, iamq. rem pene confectam, mox ve-
rò disiectam vidissem; deliberatione Tua inter
huius Congregationis alumnos, in opus Apo-

stolicum strenuè incumbentes, recensitus, foelicius optatis meis respóderi, quàm si, quo itihere Romã veni, ad nauigationẽ Aethiopicam in Hispaniã remeassem. Iã ergo Pater Maxime, atq. Sãctissime, Christi legatione fũcturus, ne tempus, quod vsque ad profectiõnem interlabi necesse erat, inertia torpens, vlla ratione perdereim, librum quendam iussi voluminis ad Infidelium resipiscentiam elaborauĩ, vt & animo, & scriptis eò ferrer, quò desideria pia præcesserant. Multa sanè volumina euolui, multa excerpti, multa congeffi, ordineq. seruato digessi, vt qui Hæreticorum, Schismaticorum, Mahumetanorum, Hebræorum, Ethnicorum, salutem moliuntur, in promptu habeant, quicquid ad opus Euangelicum tam in his, quæ ad doctrinam, quàm quæ ad prudentiam pertinet, possit exquiri. Sed dum opus illud comparatur ad proelum; hanc veluti præfationẽ, quam Stimulum Missionum, appellauĩ, in lucem dare decreui. Cui autem laborem hunc meum ad ouilis Dominici propagationem elucubratum dicarem, nisi Pontifici Maximo, Beatissimo, & Pastori salutis animarum cupidissimo? quem merito cum D. Bernardo appellabo:

Lib. 4.
de con.
si. c. 10. *Sanctimonie speculũ, Fidei defensorem, Doctore gentium, Pastorem plebium, Magistrum insipientium, sal*

*Salterra, Orbis Lumen, Sacerdotē altissimum, Vicariū
Christi. Hæc profectò laus, Pater Sanctissime,
decet te: meq. huius encomij tui conscium
hinc decuit vrgeri ad studia mea in eum sco-
pum conferenda, in quem animū tuum por-
rò pijsimum directum prænoueram. Reddō
ergo tibi, Pater Beatissime, quod iure debeo,
precorq. ne disparitatem operis, sed voluntatis
immensitatem expendas. Ego verò pro inco-
lunitate tua ad nauis Petri clauum diutissime
regendum expetita, apud clementissimū Deum
prece, ac sacrificio instare minimè desistam.*



Præfatio ad Lectorem.



VAMVIS pro convincendis omnium infidelium erroribus, usq. iuvandis, ut fidei Catholica lumine illustrati veritatis via insistant, varia sint ab Authoribus conscripta volumina; tamen quia multi, maxime vero illi, qui Orbem peragraturi Missionum studio incumbunt, nec tantâ librorum copia, nec otio abundet, ut ex tam varijs authoribus, tamq. prolisicis disputationibus, brevi tempore ea quæ pro temporum, personarumq. opportunitate opus habent, possint decerpere; illud certè desiderari videbatur, ut in unum veluti corpus omnia præsidia, & arma, quæ ad fidem tuendam, propugnandamq. faciunt, & argumenta ad infidelium sectas extirpandas, aduersariorumq. obiectiones refellendas, modus deniq; securè, & inoffenso pede inter illos conuersandi, eaque agendi dexteritate, & prudentia, ut ad fidem amplectendam suauiter alliciantur, accuratè redigerentur. Ex quo huius culture studiosi, tanquam ex promptuario sine magni laboris, ac sumptus dispendio, quicquid in hunc finem exposci videtur, depromant. Ego itaq; non meo quidem arbitrio, sed Superiorum meorum iussu, huic operi manum admoui, ut qui Hereticorum, Scismaticorum, Iudeorum, Mahumetanorum, Ethnicorūque salutem moliuntur, in promptu habeant, quicquid ad opus Euangelicum, tam in his, quæ ad fidei doctrinam, quàm quæ ad prudentiam agendi, & casuum moralium resolutionem, qui in hac functione offerri possunt, videtur requiri. Sed quoniam totum
ferè

ferè hoc negotium ex Ministrorum dignitate, & aptitudine dependet, prius visum est viros Religiosos, qui ceteris aptitudine præstant, ad causam Christi, fideiq. propagationis promouendâ stimulare. Atq; ideo dū opus pro omnium gentium salute procuranda edere paramus, in quo Summam eorum, quæ ad infidelium sectas conuincendas, modumque agendi, ac iuuandi illos, pro nostra virium paruitate sumus complexi, breuem hūc tractatum, quem Stimulum Missionum nuncupamus, præmittere, ac Christianorum omnium maximè Religiosorum omnium animos, in Missionum studium excitandos, operæpretium duximus. Hos enim inter alios ad tantam gloriam à Deo, ac ab Apostolica Sede electos coadiutores, nemo est, qui possit dubitare: Quare cum huius operis scopus ille sit, omnium Ordinum Religiosos, ac viros omnes pios, non solum inuitare, sed acutissimis Stimulis eorum animos pungere, ut huic Missionum operi, ac iuuandis infidelibus unusquisque pro viribus à Deo acceptis studeat, meritò stimulus Missionum nuncupatur: qui maioris claritatis gratia in quinque distributus est partes.

In priori igitur parte de extrema salutis animarum necessitate disseritur: deinde ostenditur, quam sit Deo gratum studium salutis animarum: tum ex dignitate, tum ex utilitate, & huius functionis iucunditate: denique probatur ad amplectendum eam omnes Christianos quodam modo obligari.

In Secunda demonstratur, Religiosis omnibus quantumvis solitudini, & contemplationi vacent, valde esse consentaneum, expedientissimumq. conatus Ecclesie in infidelium cultura iuuare, ipsosq. præ alijs huic functioni esse aptissimos, quæ multis ostendimus argumētis,

tis, & exemplis Monachalium Ordinum, ac virorum
baremiticam vitam profitentium.

In Tertia ostenditur, Ordines Medicantes præcipuè
inter alios Ordines esse Dei, in animarum cultura coad-
iutores, ex duplici capite, quorum alterum petitur ex
antiqua horum Ordinum in Ecclesia Dei institutione: al-
terum ex fructu, qui ab his in Ecclesie arua emanauit.

In Quarta probatur Instituto nostro Carmelitarum
Discalceatorum consentaneum esse animarum studiū,
etiam pro infidelibus iuuandis; primo ex genere: quia
id omnibus Religionibus congruit; deinde à specie, quia
inter Mendicantes relatum. Tandem à ratione ipsius in-
diuidua, nempe à regula, quam nos Primitiuam appel-
lamus, à Summorum Pontificum decretis, à Constitu-
tionibus ab initio nouæ Reformationis editis; ab ipso
nostri instituti Authore; à maiorum exemplis; à præ-
dictionibus Diuinis, ac demum à scopo nobis præfixo.
Concluditur præterea, non solum nostro id esse consen-
taneum Instituto, sed & ad finem eius specialem spe-
ctare. Nam cum aliud sit contrarium esse Instituto,
aliud conforme, siue consentaneum; aliud vero ad fi-
nem, substantiamq. Instituto pertinere, siue Instituti
partem esse; tertium hunc locum procuratio salutis
animarum in nostro Instituto sibi vendicat.

Pro libri fine, (hoc est in Quinta parte) Summo-
rum Pontificum, amplissima Præuilegia subiiciuntur.
quibus facilius Religiosi adducantur ad hanc felicissi-
mam animarum culturam suscipiendam; omnia verò
libentes Sanctæ Matris Ecclesie obedientia, & corre-
ctioni, ac peritiorum etiam iudicio subiiciamus.



PRIMA PARS STIMVLI

Pro iuuandis Infidelibus, vbi de necessitate,
dignitate, & vtilitate huius præstan-
tissimæ functionis agitur.



PRIORI igitur hac parte,
ostensa totius Orbis facie, si-
mul & extrema animarū salu-
tis necessitas detegitur. Dein
de quā gratū sit Deo ipsi stu-
dium ac labor pro iuuandis
animabus maximè Infideliū,
quātaq. honestatis eminētia,
& dignitas in eo resplendeāt,

ostenditur; tum ex ipsius animæ rationalis nobilita-
te ac præstantia; tum ex doctrina & exemplo Chri-
sti, & aliorum Sanctorum; tum etiam inter alia præ-
cipuè ex virtutum omnium influxu in hoc opere, ac
deniq; ex eminentia, & præstantia inter alia opera.
Differitur deinde de varijs huius functionis vtilita-
tibus, & quod ad amplectendam eam omnes Chri-
stiani, vnusquisq; pro captu suo, teneantur.

DE EXTREMA FERE TOTIVS

Orbis animarum salutis necessitate.

CAPVT I.

EA est calamitas Orbis terrarum hac nostra tempestate, vt nemo sit adeò ferus, qui non mitescat, si vicem ætatis huius ad mundi occasum, & mortem sempiternam inclinatz consideret, vt cum innumeras nationes Infernus absorbeat, rarò, rarisq. in locis pietas Christiana ita colatur, vt firma spes salutis æternæ existat: Quapropter pios animos precor, sequentem totius orbis geographico more partitionem attente considerare, ac ex ipsius consideratione ad misericordiam commoueri, ac simul ad Infidelium conuersionem procurandam excitari. Nam cum inter vniuersas mortalium calamitates ignoratio Christi primum locû obtineat; his, qui pro carnis oculis Catholicæ fidei lumine vtuntur, nullum omnino miseriæ genus luctuosius videri debet, quàm immensa hominum à Christo aberrantium, ac innumerabilium paruulorum multitudo, qui Euangelico carentes pane, sempiterna morte damnantur. Hoc autem clarius ex proxima diuisione constabit.

Prima igitur Orbis terrarû calamitas, seu extrema animarû salutis necessitas præ foribus penè in tota Europa adest. Nam cum hæc mûdi pars fuerit Christiani cultus feracissima, mirum quantam in sterilitatem deuenerit. Græcia quippe omnis cum Insulis, Regionibusq. quamplurimis, quæ ritu Græco gaudent; deinde Septemtrio ferè totus, eiusq. latera

latera in Orientem, & Occidentem parentia paucis
 vrbibus exceptis hæreseos ignibus flagrant. Sunt
 in hac orbis parte multa Regna, quæ hæreticis
 Principibus parent, vt Angliæ, Hybernix, Scotiæ,
 Saxoniæ, Suetiæ, Daciæ, Dinamarca, & alia, in qui-
 bus, vna excepta Anglia, vix vlli verbi Dei inueniā-
 tur Ministri. Alia vero sunt hæresibus infecta, quæ
 Principibus Catholicis obediunt, vt Poloniæ, Ger-
 manix, Hungariæ, Galliæ, vbi Sæctarij cum Catho-
 licis promiscuè versantur: & ob id merito timen-
 dum, ne hæresis, quod sincerum est, inficiat, & cum
 veræ fidei detrimento ex prauo Catholicorum ma-
 ximè Sacerdotum, ac Ministrorum exemplo vires
 acquirat, & hæretici in sua perfidia magis in dies
 firmentur. In Europa igitur sola Pontificum Sede
 insignis Italia, ac Hispania diuino munere ab hæ-
 resum, vel schismatum contagio seruatur. Quare
 cum tot nefariæ, ac pestilentes hæreses ab Orco in
 terrarum Orbē reuocata per plurimas totius Eu-
 ropæ florentissimas Prouincias, ac Regna grassen-
 tur, verè nunc oraculum illud Ioannis impleri cer-
 nimus: Et quintus Angelus tuba cecinit, & vidi
 stellam de cælo cecidisse in terram, & data est ei
 clauis abyssi, & ascendit fumus putei, sicut fumus
 fornacis magnæ, & obscuratus est Sol, & aer de fu-
 mo putei. Et de fumo putei exierunt locustæ in
 terram, & data est illis potestas sicut habent scor-
 piones etc. Hæc enim rectè in hæresibus Luthero
 inuentore in orbem effusis, fortiri effectum docta,
 & eleganti oratione R. P. Bellarminus iam pridem
 probauit, & res ipsa loquitur. Etenim Satanicam
 nouorum hominum in hæresibus recentibus exco-

gitandis, veteribus reuocandis, vtrifq; diffeminandis, fucandis, ac propugnandis solertiam, astutiam, audaciam, ac rabiem si intueamur, cælum ab ijs misceri terræ, omnia sacris ardere bellis, ac prælijs cruentissimis decertari deprehendemus: Quæ magnam videntur habere vim ad viros, qui aliquo Religionis, ac pristinæ pietatis tanguntur sensu, excitandum, vt conatu simili pro domo Dei in acie contra hostes fidei stare, & consilijs, verbis, scriptis pugnare operæpretium ducant.

Iam quoque Aphrica, quæ olim Catholica fide claruit, hodie extrema præmitur necessitate; nam à freto Hercule, vsq; ad Aethiopes Mahumetanis, vel Ethnicis erroribus, aut Schismaticorum proteruitate deseruit: complectitur enim inter alia Barbariam, Numidiam, Lybiam, Nigritarum Regionem, magnam Imperij Turcici partem versus Aegyptum, & Mauritaniam: Continet etiam Aphrica Aethiopiam interiorē, maximè Presbyteri Ioannis latissimum imperium, quod inter vtrunq; Tropicum à mari rubro ad Aethiopicū ferè Oceanum pertingit: & hi quamuis Christiani censeantur, inculti tamen sunt, & nimis rudes, ac erroribus Alexandrini Patriarchæ, cui parent, infecti, in tenebris iacent.

Asia verò, trium Orbis partium facilè maximæ, maior est quàm aliarum indigentia: nam cum hæc latissimè pateat, complectaturq. quatuor amplissima Imperia, videlicet Turcicum, Persicum, Tartaricum, & Chinicum ferè omnia miserrima cæcitate Mahumetana, vel Ethnica laborant. Quod si vel in interiori Continente, vt in Armenia, vel

in

in maritimis locis, quæ hoc sæculo Lusitani Reges in India Orientali obtinuerunt, aliquot Vrbes fidem Christianam colunt, id certè cum vastissimis Regnis Asiaticis comparatum, adeò exiguum est, vt dolorem parum lenire possit, præterquam quod ea loca remotissima tenuiter in Christiano cultu proficiunt, aut fortasse nonnulla deficiunt.

Denique America, quam Orbis quartam partem Geographi constituerunt, in extrema calamitate versatur. Nam & quod ad fidem Christianam pertinet, parum culta est: & in Europeis hominibus Indi auaritiæ potius quàm Christiani zeli exempla conspiciunt: suntq. præterea tam in Occidentalibus, quàm Orientalibus Indijs quamplurimæ Proinciæ, quibus Euangelium nondum delatum est. Sunt autem hæ Regionēs vltra fretum Magalanicū in maxima terræ spacia excurrentes, vltra Peruanā Regionem vsq; ad fretum Magalanicum ad vtrâsq; ripas maximi fluuij Maragnon mille circiter leucarum longitudinis: Campestria quæ adiacent nouo Regno Granatenſi mille circiter Leucarum, estq. ibidem Regio illa amplissimis Indorum Ciuitatibus celebris Laguana dicta. Maximus item terræ tractus, quam Floridam vocant, nouus Mexicus, Præterea trecentæ insulæ, quas Lucaias appellant, quarum aliquæ Italiam magnitudine superant, duodecim autem tantum Regi Hispaniarū parent. Vndecim etiam Insularum Philippinarū milia, ex quibus aliquæ tota Hispania maiores sunt, quarū vix triginta Imperio Regis Hispaniarū sunt subiectæ, quarū oīum incolæ facillimo negotio fidei lumine illustrarētur, si prebōrū Pastorum, non tam

sua, quam quæ Iesu Christi sunt, animarumq. salutem quærentium instructionibus, atq; integræ vitæ exemplis sedulo informarentur.

In Occidentali vero India, quæ iam diu Ministrorum cultura gaudet, calamitas hæc magis est conspicua: in hac enim cum indifferenter omnes Baptismi lauacro abluti sint, plurimi tamen Idola colunt: Idq. non tam proprio, quam aliquorum Parochorum vicio, quorum praua cupiditate, ac moribus dissolutis præfati incolæ scandalizati Christianam fidem blasphemant.

Ac deniq; nostra, & parentum nostrorum ætate, tam magna Orbis pars reperta est, ut merito distare vltimum iudicium videatur, usque dum tot gentibus salutis via aperiatur, ostendatq. se Deus fidelem in omnibus verbis suis, dicens, *Matth. 24.* Et prædicabitur hoc Euangelium Regni in vniuerso Orbe in testimonium omnibus gentibus, & tunc veniet consummatio: Illud perspicuum est hoc sæculo, ab anno propemodum quingentesimo supra millesimum, plus terrarum, atq; hominum esse detectum, in quibus Euangelij lux maxima ex parte desideratur, quam totis mille superioribus annis. Multæ præterea sunt regiones, eaq. amplissimæ, in quibus non est fides Christiana audita, neq; propofita, ubi innumera animæ omni etiam salutis spe destitutæ in sempiternum pereunt. Profectò tot, & tantæ Regionēs non sunt frustra repertæ, sed Diuina agi prouidentia credendum est, ut primum innotuerint, mox adeantur, & tandem salutis nuntium accipiant.

Hac igitur inspecta breui Orbis terrarū descriptione,

ptione, quæ saxa ipsa emollire deberet, quis adeò durus existat, qui mundum pereuntem suis oculis intueatur, illiq. non succurrat, cum possit auxiliũ ferre? Hanc mortaliũ salutis vniuersalẽ, ac incredibile necessitatem magna ex parte, non tam in tabulis depictam, quàm factis ipsis expressam cum cognouisset vir ille Apostolicus Franciscus Xauerus in hæc verba ad suos in Europa commorantes scripsit: *Mibi vero per sæpe venit in mentem circum Europæ Academias, ac præcipue Parisiensem cursare, ac insani ritu passim vociferari, eosq. qui doctrina plus habent quàm charitatis, his cõpellere verbis: Heu quam ingens animarum numerus vestro vitio exclusus calo deturbatur ad inferos.* Nec mirum, virum piissimum ita tot animarum pereuntium zelo angì, ac stimulari; cum & salus paucorum hominum adeò pretiosa sit Christo, vt si oporteret iterum pro eis pati, id libentissimè faceret: quemadmodum Carpo significauit reuelatione quadam, quam Sanctus Dionysius Areopagita veram existimauit. Cum ergo viri pii, & religiosi tot millibus opem ferre possint, quomodo in vtramq; aurem dormientes torpescere possunt in salute proximorum procuranda? Presertim non videntur sententiæ Iesu Christi Saluatoris nostri subscribere, qui proximos ab interitu sempiterno, cum possint, & ex fraterna charitate teneantur, non vindicant. Ferant igitur opem quicumq; Dei amantes, & hominum salutis studiosi apud benignum Redemptorem haberi volũt, & quibus possunt modis, sacrificiis, lachrymis, tum consilio, opera, sudoribus, & sanguine ipso, si opus sit, charissimam Christo Iesu tot gentium salutem pro-

sequantur . Ferant etiam apud Dominum messis , quem in terris Christus, suum Vicarium pro messe colligenda constituit, illumq. deprecetur, vt mittat operarios in messem, sic enim proposita vniuersi Orbis necessitate olim D. Bernard. lib. 2. de Conf. cap. 6. Eugenium Pontif. vrgebat, vt messi congregandæ sedulò studeret: *Exi inquit in agrum Domini tui, exi inquam in mundum: Ager est enim mundus, isq. creditus tibi . Exi in illum, non tanquam Dominus, sed tanquam Villicus, videre, & procurare, vnde exacturus es rationem. Exi dixerim quibusdam tuæ passibus intentæ sollicitudinis, & sollicitæ intentionis. Neq; enim ipsi, qui iussi sunt ire in Orbem vniuersum, Orbem circueiunt præsentia corporis, sed mentis providentia. Et tu leua oculos quosdam considerationis tuæ, & vide Regiones, si non sunt magis sicca ad ignem, quàm albæ ad messem. Nonne si exis, & cernis ista, pudebit otiosam iacere securim? hæc Bernard.*

DE EXCELLENTIA, ET DIGNITATE
huius functionis, pro iuuandis Infidelibus . CAP. II.

DE necessitate quidem extrema Euangelicæ prædicationis in Vniuerso ferè Orbe, vel certè in maiori eius parte dictum est à nobis toto superiori capite, nunc dignitatem, præstantiam, amplitudinem huius altissimæ functionis iuuandis animabus destinatæ opus est vt attingamus . Omnis quidem virtus cultores suos euehit tam altè, vt reliqui homines eos cum admiratione suspicere, & velut inuiti amare, & colere cogantur, sed hoc mul-

multo magis efficiunt præstantes, excellentesq. virtutes, & quæ sint inter cæteras maximè difficiles, & arduæ: ex quo genere cum sine vlla controuersia fit feruens in proximos Charitas (maximè verò in Infideles, qui quantò à nobis remotiores, tantò necesse est vt charitatis flamma sit maior) non est dubitandum, quin præ se ferat dignitatem, ac splendorem maximum.

Hanc igitur zeli animarum præstantiam, Dei aspirante gratia, ex quatuor capitibus breuiter conuincemus. Primò, ex dignitate ipsius hominis: sicut enim in artibus earum dignitatem ex nobilitate materiæ, quam Philosophi obiectum appellant, conijcimus, in hac functione, quam artem artium meritò Sancti Patres appellarunt, ex materiæ præstantia, hoc est à nobilitate, & excellètia, à Deo animabus nostris collata, eius nobilitatem, ac splendorem expendemus. Secundò, ex imitatione Christi, & Sanctorum. Deinde ex influxu virtutum omnium, qui in altissima hac functione reperitur. Quartò ex præstantia huius studij supra alias virtutes.

DE DIGNITATE, AC PRÆ-
stantia anime rationalis.
CAP. III.

EX omnibus creaturis corporalibus, quæ à Deo conditæ sunt, nullum est hominè dignius opus, aut quod maiorib. laudibus, etiam ab Ethnicis celebretur. Sic Cic. *primo de Legib.* dignitatē hominis cōsiderans; hunc dixit, *animal prouidū, sagax, multiplex, acutū, memor, plenū rationis, & cōsist. præclarūq.*

conditione generatum à supremo Deo, cum quo ait, primā homini rationis esse societatem. Alij verò appellarunt creaturarum internuntium, superis familiarē, Regem inferiorum, indaginem rationis, lumen intelligentiæ, interpretem naturæ, animal sanctum, liberum, stabile, fluxui æui interstitium, mundi copulam & Hymenæum, ab Angelis paulò diminutum; cui status ab opifice Deo rectus concessus sit, ut mens eò spectet, ac ratio, quò vultus ipse collineat: ceteroquin positum in mundi medio, ut commodius omnia circumspiciens, omnium itē rerum disquirat causas; animusq. virtutibus excultus, atq; in Deum rectè tendens, gloria, & honore in perpetuas æternitates coronetur.

At altius Seneca, licet fidei lumine orbatus, sed tamen ex latenti lumine coactus, hominis nobilitatem ex Divino consortio, his pēnè verbis Lucillum alloquens, *Epist. 14.* commendavit. *Apud te est Deus, tecum est, in te est; manet in unoquoq; nostrū sacer quidam spiritus, qui bona opera nostra observat, qui nobiscum agit, qua nos cum eo ratione agimus: nec sanè quisquam sine illo potest esse bonus.* Et alibi: *Admiratus es (ait) homines ire ad Deos: admirari potius debes Deum venire ad homines, quodque vicinus est, ut in eis maneat, nec enim sine ipso aliquid est boni.*

Quæ etsi magnam omnino esse hominis dignitatem, ac gloriam declarent, alia tamen sunt argumenta, quæ si rectè perpendantur, tantam esse hominis nobilitatem, ac eminentiam agnoscemus, ut nihil sit eo præstantius. Primum sit, animam à Deo ipso fuisse homini inspiratam; non enim cum mate-

ria

ria quasi commixta est, & ex illius gremio educta, sed extrinsecus adueniens corpori infusa legitur. Cateris quidem animantibus præcepit Deus, vt ab aquis producerentur. Producant genus (inquit) aquæ reptile animæ viuentis, & volatile super terram &c. Item: Producat terra animam viuentem in genere suo; iumenta, & reptilia, & bestias terræ secundum species suas. Simile quid de homine, aut eius anima minimè protulit; sed & quod primum hominum per se efformauerit, & quod eius animam independēter à corpore, & absq; vllō respectu eius causalitatis creauerit, creatamq; veluti hospitem in idem corpus exceperit; apertè significatur. Et consonat illud Aristotelis 2. lib. de generatione animalium cap. 3. hinc, vt videtur, depromptum, mentem videlicet extrinsecus aduenire, diuina nq. & separabilem esse.

2. Secundum nobilitatis animæ rationalis argumētum est; quod quasi ex pectore diuino, intimisque præcordiis efflata dicitur: Non quidem quod sic pars aliqua diuinæ essentiæ (circa quod aliqui turpiter errarunt) ab antiquis Patribus grauissimè reprehensi; sed quod, & genere essendi immortalī, & vi potenciarum, atque operationum spiritualium intimè, ac reconditè Diuinam naturam participet. Vnde Diuus Ambros. de bono mortis cap. 9. citans hunc locum, iure hominem exhortatur, vt cum illo puro, ac perpetuo, & immortalī bono maneat, ipsi adhareat, & cum ipso sit, de quo cognationem ducit; illudq. iam olim à D. Paulo Act. 17. inculcatum reperit; Cuius & genus sumus. Et D. Bernard. Serm. 2. de Natiuitate Domini: Spiritus sanctus inquit

inquit non communem, sed propriam habet conditionem, nec in massa creatur, sed singulari quadam excellentia inspiratur. Agnosce o homo dignitatem tuam, agnosce gloriam conditionis humanae &c.

Tertium est: Quod anima rationalis verè spiritus sit, ab omni concretione materiæ immunis, quâvis eam informet, ita vt vnus homo ex spiritu, & materia simul constans, omnia corpora, omnes animas rationales, omnesq. spiritus completos, Angelicos videlicet, veluti clausula omnium operum Diuinæ creationis in se contineat; idcirco & spiraculum dicitur anima rationalis, & à Deo inspirata, vt aliqui ex Patribus adnotarunt.

Quartum autem, & maximum inter cætera nobilitatis huius animæ nostræ illud est argumentum, illam fuisse ad Dei imaginem, & similitudinem conditam, ex qua imagine homini à Deo impressa, facile est videre, quantum honoris, ac dignitatis in ipsum proueniat; ideo enim Deus homini imaginem suam impressit, vt illum ad suæ authoritatis, maiestatis, ac Diuinitatis, non solum similitudinē, sed & participationem promoueret: quo igitur dignitas hominis altius ascendere poterit? Sed nunc singula expendamus. Primum fecit Deus hominem ad imaginem suam, vt eum ad summam dignitatem, excellentiamquē eueheret, & sic non solum res omnes corporales eum reuerterentur, vt qui tam expressam, & illustrem Dei omnium Conditoris, & Dominatoris imaginem in se gereret. Sic Deus dixit Noè, *Gen. 9. Terror vester, ac tremor sit super cuncta animalia terræ, & super omnes volucres cæli &c.* Et ne cæli, atq; astra inservire homi-

mini, aut etiā Angeli ministrare ei dedignarentur. Denique ne Dæmones hominem lædere auderent, neque propter hominis rebellionem aduersus Deum, omnes creaturę in ipsum insurgerent, sua hominem imagine Deus insignire, & munire voluit.

Non solum igitur ob hanc causam, sed etiam ut ipse non esset sui iuris, & possessionis, sed potius ut clare agnosceretur hominem esse quid Dei propriū, & peculiare, obsignauit eū sigillo suę imaginis, tam altè, ac tenaciter impressę, ut salua hominis natura, signaculum illud auferri nullo modo posset. Homo igitur gestat imaginem Dei, ut filius sui Patris, cui debet amorē, ac pietatē, ut mancipium Dñi sui, quē timere, ac reuereri debet; ut miles sui Ducis, & Imperatoris, cui fidem, & obedientiā præstare oportet. Denique ut minister, & dispensator bonorum hæri, & Domini sui, cui rectum vsum creaturarum, quę dispensationi eius commissę sunt, exhibere debet.

Deinde quemadmodum, quia nullum animalium simile inueniebatur Adę, cum quo societatem, & amicitiam, ac familiaritatem habere posset; creauit Deus Euam tanquam eius Sociam; ita creatis rebus omnibus corporeis, cum nulla esset Dei similis, & cum qua Deus familiaritatem, & societatem inire posset, fecit hominem sibi similē, ut esset, quē Deus amaret, & à quo vicissim amaretur, amore amicitię. Et de alijs quidem rebus cum eas Deus à se factas cerneret, approbasse eas dicitur. *Vidit Deus* (inquit scriptura) *cuncta, quę fecerat, & erant valde bona*: De homine autem multò aliter locutus est Deum per Salomonem, *Proverb. 8.* dicens. *Deli-*

Tertia causa, quare homo factus est ad imaginem Dei, illa est, ut posset esse homo æternitatis, infinitatis, & diuinitatis quodammodo capax, nullumquæ esset tantum bonum, ut non id auderet homo petere à Deo, & impetraturum se à Deo speraret: Quemadmodum igitur vas rotunda figura præditum non potest omni ex parte repleti, nisi à corpore similiter rotundo; ita nec animus hominis ad imaginem Dei factus, nisi à solo Deo, cuius similis est, repleti, & satiari potest.

Ac denique quemadmodum Rex condita à se Ciuitate, in medio eius, loco celebri, imaginem suam collocat ex materia quapiam eximia, & pretiosa confectam; ut manifestum sit omnibus eam intuentibus, quis fuerit eius Ciuitatis conditor: ita Deus, fabricato à se mundo, effigiem suam posuit in medio eius, idest in homine, qui est mediū quiddam inter res à Deo conditas; ut ex eius aspectu dignitate, in aperto, & manifesto sit omnibus, qualis fuerit huius mundi fabricator, & opifex.

Hec igitur admirans D. Bernardus de interiori domo, cap. 67. Animam ipsam his verbis alloquitur. *Intellige dignitatem tuam nobilis creatura, quoniam non solum insignita es Dei imagine, verum etiā decorata similitudine.* Et infra: *Quid maius his tibi facere potuit, quam ut ad similitudinem suam conderet factor tuus? Attende igitur diligenter primæ conditionis tuæ excellentiam, & venerandæ Trinitatis imaginem in te ipsa agnosce.* In quo verò præcipuè hæc hominis ad Deum imago consistat, luculenter, cap. 67. ut supra declarat idem Bernard. *Considera inquit nobilitatem tuam, quod sicut Deus ubique*

que est totus, totus omnia viuificans, omnia mouens, & gubernans: & sicut Deus est, uiuit, & sapit; ita tu secundum modum tuum, es, uiuis, & sapis: & sicut in Deo tres sunt personæ, Pater, Filius, & Spiritus sanctus, sic tu habes tres vires, scilicet, intellectum, memoriam, & voluntatem. Hæc Bernard.

Ex quibus illud constitutum nihil homini excellentius, aut gloriosius contingere posse, quam hæc Dei imaginem præferre, quæ illum ita euehit, ut omnibus etiam rebus creatis, tanquam paruulus quidam Deus, dominetur.

Hanc igitur hominibus quasi infinitam à Deo collatam dignitatem, etsi nos minus intelligere possimus; sufficeret Christi Domini, ac Saluatoris nostri iudicium, qui eam tanti estimauit. Ut enim homo rusticus in gemmis dignoscendis, videns artificem peritum gemmam aliquam nõ tam magno pretio emere, quam pro ea comparanda se ipsum etiam vendere, imò vitam profundere paratum esse, meritò iudicat gemmam tanti esse, quanti ab illo fit: sic nos in omni quidem re, sed in hac præcipue dijudicanda, nulla alia ratione magis quam illius exemplo moueri debemus, quem scimus esse Sapientiam ipsam: is vero quantopere animarum salutem estimauerit, sitiuerit, ac complexus fuerit, res ipsa loquitur; cum quicquid Christus egerit, quicquid dixerit, quicquid molitus est per triginta trium annorum spatium, omnia in hunc finem destinauerit. quæ omnia breuiter, ac veluti in fasciculum colligit D. Bernard. in serm. de quadruplici debito. *Primum quidem (ait) illarum in-*
fan-

fantilium necessitatum: deinde laborum, quos pertulit in predicando: fatigationum in discurrendo: tentationum in ieiunando: vigiliarum in orando; lachrymarum in compatiendo: insidiarum in colloquendo: postremo periculorum in falsis fratribus, conuictorum, sputorum, colaphorum, flagellorum, irrisionum, subsannationum, exprobrationum, clauorum, horumq. similium: quæ in salutem nostri generis triginta, & tribus annis, operatus & passus est in medio terræ. O quàm indebita miseratio: quàm gratuita, & sic probata dilectio: quàm inopinata dignatio: sic Bernard.

• Vide igitur merito inquit Chrysost. tom. 3. in oratione de Beato Phylogonio, quam multa propter hunc gregem passus sit Christus, homo factus est, serui formam assumpsit, consputus est, alapis casus est, postremo ne mortem quidem recusauit, & quidem ignominiosissimam. Quin & ipsum sanguinem suum effudit. Itaq; si quis voluerit illi commendatus esse, curam habeat ouium illius, publicam querat utilitatem, fratrum suorum saluti prospiciat. Nullum enim officium hoc Deo charius est.

Idem videlicet Chrysost. tom. 1. homil. 3. in Gen. Etenim ipse, cum Deus sit, propter nihil aliud nostram induit carnem, & omnia alia humana sustinuit, & crucem quoque suscepit, nisi ut nos peccato obnoxios à maledicto liberaret: Et hoc quoq; Paulus clamat, dicens. Christus nos redemit à maledicto legis, factus pro nobis maledictum. Si igitur ipse, qui Deus est ineffabilis essentia, ob misericordiam ineffabilem, hæc omnia propter nos, & salutem nostram suscepit, cur non & nos erga fratres iusti sumus, agnos-

scientesque eos; ut membra nostra, & eripientes ex
 Diaboli faucibus, in viam veritatis inducimur. ita
 Chrysostomus.

Sed & apertius Paulus 2. Corinth. 6. dignitatem,
 de qua tractamus, commendavit his verbis: *Empti*
enim istis pretio magno: Hoc autem pretium ma-
 gnum est ipse Christus totus (ut ait S. Bernardus)
 serm. 3. Circuncis. *Nobis datus, totus in nostros. usus*
expensus. Verè enim nullus unquam homo ad ser-
 viendum traditus, ita illi propius fuit, ac verbum
 illud æternū pro vniuersis hominib. tributus, cōces-
 sus, & donatus fuit: Vnde Paul. ad Tit. 2. *Qui dedit se*
metipsum pro nobis. Quare hoc emptionis genus,
 quo suā Christus dedit animam, & talē animā, suū
 quē corpus, ac insuper Diuinā personam, fatis
 declarant, quanto æstimauerit pretio salutem ani-
 marum, & quanti fecerit hanc suæ diuinitatis præ-
 claram effigiem.

Siquidem imaginem, quam Deus fecit per crea-
 tionē, Christus Dominus polio, & ornat; imò & re-
 ficat per redēptionē, ac deniq; absoluit, & consumat
 per glorificationē. Magnā est propterea dignitas a-
 nimarū, cū tā opere à Deo estimetur, & honoretur.

Quæ meritò cōsiderās D. Bernard. Sermon. 1. Aduē-
 tus, clamat: *Mira quærentis Dei dignatio, magna di-*
gnitas hominis sic quaesiti, in qua si gloriari voluerit, nō
erit insipiens: non quod aliquid esse videatur tanquam
à se ipso, sed quod tanti eum fecerit ipse, à quo crea-
tus est. Omnes enim diuitie, omnis gloria mundi,
 & quicquid in eo conspicitur, minus est hac gloria,
 imò neque est aliquid in comparatione eius. Hæc
 Bernardus.

Idem etiam, nec minus doctè prædictas animæ dignitates complectens, cap. 3. Meditat. exclamās inquit. *O Anima Dei insignita imagine, decorata similitudine, redempta sanguine, deputata cum Angelis, capax beatitudinis, heres bonitatis, rationis particeps, quid tibi cum carne?* Et infra. *Totus quidem iste mundus ad unius animæ pretium assimari non potest: non enim pro toto mundo animam suam Deus dare voluit, quam pro anima humana dedit. Sublimius ergo est animæ pretium, qua non nisi sanguine Christi redimi potuit. Nonne Dei filius, cum esset in sinu Patris, à Regalibus sedibus pro ea descendit, ut eam à potestate Diaboli liberaret? Fleuit ipsam, nec solum fleuit, sed etiam morti se obtulit, ut pretiosi sanguinis sui pretio eam redimeret. Aspice mortalis, prout datur hostia talis. Agnosce homo, quam nobilis est anima tua, & quam graua fuerint eius vulnera &c.*

Egregiè etiam Chrysost. in cap. 1. Epist. ad Corinth. *Nibil est enim, quod animæ possit equiparari, nec vniuersus quidem mundus.* Hanc igitur animæ nobilitatem, siue splendorem sanguine Christi expiatæ, cum semel Catherinæ Senensii datum diuinitus esset animo intueri; ita exarsit zelo animarum, ut dixerit, *tanta est animarum dignitas, & pulchritudo, ut ad eas tuendas nullus par labor esse possit; idq. gloriosissimis factis à se in hunc finem gestis, maximisq. laboribus, periculisq. susceptis ita esse, ut dicebat, opere ipso ostendit.*

Quare non mirum si Deus ita arctè hominibus proximorum salutis curam commendet, ac in Ecclesiæ eius sponsa, non ob aliam causam certissimò

constat Hierarchyam vniuersam, vt sunt Sacerdotia, bona, dignitates, neq; ad alium finem, quam ad animas Deo, vitæq. æternæ lucrandas esse institutâ. Neq; verò in oculis Domini omnium bonorum temporalium, ac Regnorum euerfionem tanti esse, quanti vnius animæ amissio fit, quæ in deserto errare sinatur; nec omni conatu, omniumq. bonorum, ac vitæ ipsius dispendio ad ouile reuocetur.

Quod si vnius animæ pretio vniuersus Orbis comparari nequit, ac ex alia parte in tot animarum millia, vt ex typo Orbis terrarum à nobis in præcedenti cap. ostenso constat, oculos conuertamus, quæ luce Evangelica destituta in æternum pereunt (ita vt & meritò Christus cum clamore valido lamentatus sit, quando seminis parabolam prædicauit, in qua ex quatuor diuini seminis partibus tres in Dæmonum prædam cedere vidit): Quid ergo superest viris Religiosis, nisi vt lachrymas, Christi q. conatus imitentur, ac non solum impensissimè Dominum messis exorent, vt mittat diuinitus operarios in messem suam, sed etiam vt relicta vna oue, quæ Ecclesiæ angustum regnum repræsentat, nonaginta alias in deserto infidelitatis aberrantes sedulò quærant.

EXEMPLO, ET DOCTRINA CHRISTI

zelum animarum maximè commendari.

CAP. IIII.

HActenus eam dignitatem huius ministerij commendauimus, quæ ex animæ nobilitate, &

præstantia tanquam ex nobilissima, pretiosissimaque materia profecta est: nunc verò illa dignitas declaranda est; quæ huic functioni accrescit, tum ex Christi exemplo, eiusque similitudine, tum etiam ex eius doctrina. In qua re duo breuiter erūt attingenda; primū, quanto studio Christus proximorum curam, maximè verò Infidelium verbo commendaue- rit: Deinde quantum nos suo exemplo ad sui imitationem instruxerit.

— Audiamus igitur ipsius veritatis testimoniū, ac breuem, diuinā tamen, & dignā ipso Deo sententiā: *Hoc est* (inquit, Io. 15.) *præceptum meū, vt diligatis inuicem, sicut dilexi vos*: Quæ verba exponens Grego Papa bomil. 27. in Euangelia: *Cum cuncta sacra eloquia, inquit, plena sint Dominicis præceptis, quid est, quod de sola dilectione, quasi de singulari mandato, Dominus dicit, Hoc est præceptum meum, vt diligatis inuicem. nisi quia omne mandatum de sola dilectione est, & omnia vnum præceptum sunt? quia quicquid præcipitur, in sola charitate solidatur. Vt enim multi arboris rami ex vna radice prodeunt, sic multe virtutes ex vna charitate generantur. Nec habet aliquid viriditatis ramus boni operis, si non maneat in radice charitatis. Præcepta ergo Dominica, & multa sunt, & vnum: multa per diuersitatem operis, vnum in radice dilectionis. Sic Gregor.*

— Multa his similia commemorari possent, tum ex Sacra Scriptura, tum ex Patribus, sed nō opus est ea, quæ notissima sunt, repetere: solum Chrysost. egregium adijciam testimonium: *Novissima* (inquit in primam Canonicam, Ioan. Tom. 9.) *Verba Christi ituri in cælum sunt ista, (nempe hoc est præ-*

ceptum meum &c.) Considerate languentem in lecto hominem, in domo sua iacentem, & maceratum aegritudine, proximum morti, anhelantem iam animam inter dentes quodammodo habentem, qui fortè sollicitus de aliqua re chara sibi, quam multum diligit, veniat sibi in mentem, & vocet heredes suos, & dicat, Rogo vos facite hoc, teneat quodammodo violenter animam, ne ante a exeat, quam verba illa formetur, cum illa verba nouissima dictauerit, efflat animam, tollitur cadaver in sepulchrum, heredes ipsius quomodo meminerunt nouissima verba morientis? quomodo, si quis existat, qui dicat eis, nolite facere, quid ergo illi dicant? ergo non facio, quod mihi Pater efflans animam nouissimè mandauit, & quod ultimum sonuit in aures meas proficiente, hinc Patre meo? quauis alia verba aliter possam habere, nouissima verba me plus tenent, non cum vidi amplius, non audiui loquentem. Fratres cogitate visceribus Christianis, si heredibus sunt tam dulcia, tam grata, tam magni ponderis verba patris ituri in sepulchrum, heredibus Christi qualia debent esse verba nouissima?

Quare nihil est, quo Christus vberius laudare, posset Christianam charitatem, quam insinuando se hoc tantum præcipere: Et rectè sanè, quia in charitate non vna, aut altera virtus, sed omnium virtutum copia, tãquã in fecundissima radice cõtinetur. At non solum Christus Dominus hoc generali præcepto contentus est, (ne forte Christiani, qui ad omne ignauia genus propensius inclinamur, dilectio: è hanc intra Ecclesiæ tantum terminos exhibendam existimaremus) sed & infidelium curam maxime

Ecclesie commendauit. *Aliàs* (inquit) *Ioan. 16.*
Ouis habeo, quas oportet me adducere, & fiet vnum
ouile, & vnus Pastor.
 Imò hanc fuisse tempore mortis Christi, Resur-
 rectionis, ac in cœlos Ascensionis curam, hancq.
 solam, vel saltem præcipuam suæ Ecclesie qua à
 cæteris profanis, & vanis conuenticulis Hæretico-
 rum discerneretur, notam esse voluit; vt disertè
 Augustinus plurimis in locis disseruit. Illud verò
 inter omnia illustrius est testimonium, quod reddi-
 dit sermone 6. lib. 17. *Homil.* Vbi curam adducen-
 di animas ad ouile Christi præcipuam, ad veram
 Christi Ecclesiam discernendam notam esse agno-
 uit: Explicans enim illa verba *Act. 2.* *Eritis mibi*
testes in Hierusalem &c. Apostoli (inquit) *quarunt*
tempus iudicij, & Dominus respondet locum Ecclesie.
Non respondit, quod quaesierunt, sed nostros præui-
debat dolores. Eritis inquit mibi testes in Hierusalem.
Parum est, non pro hoc tantum pretium dedisti, vt
hoc solum emeret in Hierusalem. Dic adhuc, & usq;
in fines terra. Venisti ad fines. Quare contentiones
non finis? Nemo mibi dicat iam: Ecce hic est; non,
sed, Ecce hic est. Sileat humana præsumptio, audia-
tur Diuina prædicatio. Teneatur vera promissio in
Hierusalem. & in tota Iudæa, & Samaria, & of-
que ad fines terra. His dictis nubes suscepit eum:
iàm non opus erat, vt aliquid adderetur, ne aliunde
cogitaretur. Fratres pro magno audiri solent verba
nouissima ascendentis in cœlum. Existimemus Do-
minum nostrum Testamentum scripsisse, & in testa-
mento suo nouissima verba posuisse: præuidit enim
malorum filiorum futura litigia, præuidit hominum
par-

partes sibi facere conantes de possessione aliena. (Et infra, postquam commendauit charitatem Dei, & proximi demonstrans veræ Ecclesiæ signa addit.) Videte ergo fratres, quid maxime diligatis; quid fortiter teneatis. Glorificatus Dominus resurgendo commendat Ecclesiam; Spiritum sanctum mittens de cælis commendat Ecclesiam. Resurgens enim quid dicit Discipulis suis? Hæc dicebam vobis, cum essem apud vos, quia oportebat impleri omnia, quæ scripta sunt in lege, & Prophetis, & Psalmis de me; Et tunc aperuit illis sensum, ut intelligerent scripturas, & dixit eis, quoniam sic scriptum est, & sic oportebat Christum pati, & resurgere à mortuis tertia die. Vbi est Ecclesiæ commendatio? Et predicare in nomine eius poenitentiam, & remissionem peccatorum? & hoc ubi? per omnes gentes, incipientibus ab Hierusalem, hac resurrectione glarificatus. Quid ascensione glorificandus? quod audistis: eritis mihi testes in Hierusalem, & in tota Iudæa, & Samaria, & vsq; in fines terra. Quid ipso aduentu Spiritus sancti? Venit Spiritus sanctus, quos primum impleuit, linguis omnium gentium loquebantur. Vnusquisque homo loquens omnibus linguis, quid aliud significauit, quam unitatem in omnibus linguis? hoc tenentes, in hoc firmati, in hoc roborati, in hoc inconcussa charitate defixi: Laudemus pueri Dominum, & dicamus balilelua. Sedin vna parte? & vnde, & quousque? A solis Ortus, vsque ad Occasum laudabile nomen Domini. Hæc August.

Deinde, si ad Christi Domini Saluatoris nostri exemplum, ad cuius formam, & exemplar omnes Christianorum actiones, omnia studia, & exercita-

tiones sunt dirigendæ, maximè elucet in omni eius
 vita, operatione, & doctrina hic animarum zelus,
 quo eius viscera transfigenda prædixerunt Prophe-
 tæ. Quanta verò fuerint in Christo Domino chari-
 tatis indicia, quanta erga proximorum salutem
 curandam sollicitudo, nemo est qui dignè possit ex-
 plicare: zelo animarum ita exarsit, vt coarctaretur,
 vt ipse ait, donec Baptismo sanguinis pro earum
 salute ablutus, seipsum Patri hostiam viuentem im-
 molaret; passionem, & mortem probrosissimam
 obiit spontè, libensq. & gaudens sustinuit, quod
 optauit ardentè, vt opprobria exprobrantium Deo
 in ipsum reciderent omnia, fieretq. vnus pro omni
 gloria opprobrium hominum, & abiectio plebis.
 Quàm vero constanter in amore ingratissimæ, &
 pessimæ gentis perseuerauerit, quàm ardentè nec
 amatus, & capitalissimo odio habitus ab inimicis
 ciuibus, & popularibus suis, inimicos ipse dilexe-
 rit, quàm facilis ad ignoscendū fuerit suis met hosti-
 bus, & intersectoribus immanissimis, efferatissimis
 in ipso seruire tanti sceleris mortis suæ, locupletis-
 simè testatur vel vna eius oratio illa, Pater dimit-
 te illis, quia nesciunt quid faciunt. Et nos breuiter
 præcedenti cap. nonnulla attigimus. *De imitatione*
 Quare cum summa dignitas Christiani sit, se-
 quàm simillimum Christo efficere, illumq. imitari
 meritò Patres Christianos omnes ad hanc animarum
 functionem proposito Christi exemplo, veluti eam
 actionum mensura perfectissima,urgent, vt iam nō
 sibi, suisq. commodis, & vtilitatibus, sed proximo-
 rum saluti viuant. D. Io. Chrysost. tom. 4. homil. 25.
 in cap. 19. epist. 1. ad Corinth. in illa verba: *Imita-*
tores

cores mei estote, sicut & ego Christi: Hæc perfectæ charitatis regula est, hic certissimus terminus, hoc supremum omnium tacumen querere, quæ communem omnium comprehendant utilitatem, quod ipse significans addidit, sicut ego Christi. Nihil enim potest nos ad eum imitatores Christi facere, ut proximorum curam.

Idem etiam Chrysostomus Homil. 34. in Mattheum: Etenim ut scias quantum bonum sit cum salute nostra & alios lucrari, audi Prophetam ex persona Dei dicentem: Qui educit pretiosum à vili quasi os meum erit. Quid hoc est? Qui ab errore ad veritatem aut manuduxerit, vel à peccato ad virtutem proximum induxerit, pro virili humano me imitatur.

Denique D. Augustinus proposito Christi exemplo ad charitatis vincula fidelium excitat animos; explicans enim locum Ioan. Omnis qui natus est ex Deo, non facit peccatum, ait: Accipere calicem salutarem, & inuocare nomen Domini, hoc est satiare charitatē. & ita satiari, ut non solum non oderis fratrem, sed paratus sis mori pro fratre: Hanc charitatem docuit Christus in cruce moriens: Hanc didicit Paulus dicens: Ego libentissimè impendar pro animabus vestris: Hanc imitatus est Stephanus, orans pro lapidantibus ipsum propter eos volebat Paulus viuere, pro quibus paratus erat mori. Et Petro dixit Christus post resurrectionem: Petre, amas me? Pasce oves meas: quasi dicat, hæc est perfectæ mei dilectio, ut pro fratribus facias, quod ego pro te feci: Qui non diligit fratrem suum, non est ex Deo: Dilectio sola discernit inter filios Dei, & filios Diaboli. Hæc Augustinus.

Cumq; nihil homini excellentius, aut gloriosius contingere possit, quàm ad hanc Christi imitationem, & similitudinem pertingere, ac omnes præterea Christianos imitatores Christi esse oporteat, idq. eos, & professio, & nomen ipsum monet; multò vero exactius, strictiori q. vinculo ad hoc affecti tenentur Religiosi, quorum instituta ita ex Christi vita desumpta sunt, vt pictores solent, cum vultum ex vultu exprimunt. Quare si horum paupertas ideo perfecta, quia eius paupertatem imitantur, qui non habuit vbi caput reclinaret, & castitas illius castitatem, qui fuit candor lucis æternæ, & obedientia quoque, quia ab illo deprompta est, qui factus est obediens vsque ad mortem; non dubium horum charitatem tantò fore perfectiorem, quantò plus ad illius exemplar accesserit, qui propter nimiam charitatem qua dilexit nos, venit in mundum, vt peccatores saluos faceret.

EXEMPLA SANCTORVM,

qui ardenti animarum zelo flagrant.

CAP. V.

Tanta est insignium sanctitate virorum multitudo, qui hoc ardentissimo animarum zelo ad imitationem sui capitis exarserunt, vt & sola eorum authoritas satis esse possit, tum ad permouendos Religiosorum, aliorumq. Christianorum pios animos ad eam ardens indelessèque sectandam.

Illud certè præ alijs huius studij in procuranda fidelium, siue infidelium salute perfectionem maximè

ximè commendat, quod hoc studium, siue functionis genus Apostolica vita à Sanctis Patribus appelletur, & re vera sit, ac perinde ea summum perfectionis fastigium attingat necesse est. Neq; enim dubitari potest, quin Apostoli, qui in Euangelica perfectione principè locum obtinuerunt, vtpotè qui primitias Spiritus sancti acceperunt, vt prædicat Paulus *ad Rom. 8.* quod à Christo Domino fuerint electi in eum finem, ac in totius Orbis Regionem, pro fide propaganda missi. Omnes igitur huic animarum zelo mancipati Apostolos Duces habent, eorumq; professioni nomina dederunt.

Aliorum etiam Sanctorum tam veteris, quam noui Testamenti proferamus exempla. Nam & amor, zelusq; animarum frequens, ac ardens fuit in viris sanctis vtriusque Testamenti. D. Chrisost. *tom. 4. homil. 25. in cap. 10. Epist. prima ad Corinth.* vberimè tractat hoc argumentum. Antiquis (inquit) magnis, & generosis illis viris hæc maxima cura erat, vt summam cum diligentia, aliorum vitam disquirerent, & manifestè cognoscerent nullum eorum unquam ad propriam respexisse utilitatem, sed proximi unumquemque. Quamobrem maiorem in modum claruerunt. Etenim Moyses multa, & magna operatus est miracula, sed nihil tam magnum eum fecit, vt beata illa vox, quam ad Deum habuit, eum inquit. Aut dimitte eis hanc noxam, aut si non facis, dele me de libro tuo. Huiusmodi erat, & Dauid; idcirco dicebat: Ego Pastor peccaui, & ego male feci, & hi, qui Ouile sunt quid fecerunt? fiat manus tua super me, & super domum patris mei. Eodem modo Abraham non suam, sed mulierum quasiuit

utilitatem, ideo se periculis exposebat, & Deum pro
 bis, qui nihil ipsi conferebant, deprecabatur. Ii qui-
 dem tantopere claruerunt: qui autem sibi tantum
 consulunt, considera quantum acceperint detrimētum.
 Fratris igitur filius, cum audiuit, si tu dexteram ele-
 geris, ego ad sinistram pergā; optione accepta suam
 quaesivit utilitatem, quam non modo non inuenit,
 sed ipsa quoque regio est incensa, qua autem Abra-
 hae obtigit incolumis seruata est. Ad hac Ionas non
 alijs, sed sibi ipsi prospiciens, penē periclitatus est,
 & Ciuitas conseruata, ipse verò agitat, iactat,
 & obrutus est fluctibus, sed cum multitudine salu-
 tis inuigilauit, suam inuenit. Ita & Iacob in qui-
 bus proprium non quarens lucrum, plurimas lucrā-
 tus est, Ioseph autem fratrum studens utilitati suā
 est consequutus. Qui missus à Patre non dixit: Quid
 non audisti, quod pro visionibus, & somnijs discer-
 pere me aggrediebantur, & somniorum, & amoris
 erga me tui pœnas dabam? quid non contra me mo-
 lientur, cum in eorum ero potestate? Nihil huius-
 modi causatus est, nec cogitauit quidem, sed rebus
 omnibus fratrum salutem preposuit: idcirco omnia
 postmodum bona adeptus est, quae eum clarissimum,
 gloriosissimumq. reddiderunt.

Præterea Moyses, nihil enim prohibet iterum eius
 meminisse, & contemplari, quomodo res suas contem-
 pfit, & alienas persecutus est. Moyses inquam, in
 Regia domo educatus, cum Christi opprobrium maio-
 res Aegyptijs thesauris diuitias arbitraretur; omnibus
 abiectis cum Hebraeis malorum particeps esse non re-
 cusauit. Quamobrem ipse non solum non seruauit,
 sed & ipsos à seruitute liberauit. Magna quidem be-

& Angelo digna vita. Veram Paulus maximè in hoc excelluit. Alij namque omnes suis omnis bonis proximorum malis communicare non recusarunt, Paulus autem longe maiora aggressus est. Non enim simpliciter voluit aliorum calamitatibus participare, sed maximas ipse subiit, ut ceteri bene haberent.

Diuus Hieronymus Epistola 12. quæ est ad Gaudentium, Tomo 1. de hoc ardenti zelo ita scripsit: Legimus Aaron Pontificem isse obuiam furentibus flammis, & accenso thuribulo, Dei iram cobibuisse: Stetit inter mortem, & vitam Sacerdos magnus, nec ultra vestigia eius procedere ignis ausus est. Moysi loquitur Deus: Dimitte me, & delebo populum istum. Quis nunc in terra est, qui obuicare flammis velit; & cum Apostolo, Roman. 9. dicere: Optabam ego anathema esse pro fratribus meis: Pereunt cum Pastoribus greges, quia sicut populus, sic Sacerdos. Moyses compassionis loquebatur affectu: Si dimittis populo huic, dimitte, sin autem, dele me de libro vite. Vult perire cum pereuntibus, nec propria salute contentus est, gloria quippe Regis multitudo populi.

Idem sic habet Epistola quadragesima sexta ad Rusticum, Tomo primo: Quod ignotus ad ignotum audeo scribere, Sanctæ Ancille Christi. Hedibæ fecit deprecatio, quia nequaquam propria salute contenta, tuam & ante quæsiuit in patria, & nunc in Sanctis locis quærit, imitari cupiens Andream, et Philippi Apostolorum beneuolentiam, quorū uterq; inuentus à Christo fratrem Simeonem, & amicum Nathanael inuenire desiderat. Optauerat, & quondam
Loth

Loth cum filiabus saluare coniugem suam, & de incendio Sodomae penè semiustus erumpens educere, eam, quae pristinis vitijs tenebatur astricta, & ardens fides pro vna muliere perditâ, totam Segor liberat ciuitatem: Et Ioseph fratres pascit in Aegypto: sponsusq. audit à sponsa, ubi pascis, ubi cubas in meridie. Samuel quondam plangebâc Saulem, quia peccati vulnere non curabat. Et Pauli lugebat Corinthios, qui fornicationis maculas lacrymis delere volebant: Vnde & Ezechiel 2. librum deuorat scriptum intus, & foris carmine, & planctu, & vâ, carmine super laude iustorum, planctu super poenitentibus, vâ super bis, de quibus scriptum est Prouerb. 18. Cum venerit impius in profundum malorum, contemnit, in quibus omnibus in Andrea, & Philippo, in Loth, Ioseph, & Samuele, & Ezechiele contemplatur Hieronymus dilectionem Sanctorum erga proximos suos, quos imitata est Hedibia deprecans Hieronymum, ut Rusticum conetur educere à peccato suo: Sic Hieronymus.

Gregorius Papa exponens locum Iob, qui habetur in cap. 30. ipsius lib. 20. Moral. Cutis mea denigrata est super me, & ossa mea aruerunt, ait. Hæc sunt verba sancti viri Iob, omniumq. perfectorum, & in virtute fortium, qui dum infirmi ad iniquitatem prosiliunt, illi Zeli sui igne cruciantur. D. Augustinus libro 2. contra Gaudentium Donatist. Torquet Diabolus homines iustos sceleribus impiorum hominum: Hanc persecutionem Loth iustus patiebatur in Sodomis, cum Angeli hospites eius, cum homines putarentur, à Sodomitis appeterentur ad stuprum; etiam antequam domum iusti ingrede-

rentur; quod sine magno cordis cruciatus videre non poterat, unde inter suas persecutiones inter hanc commemorat Apostolus, cum dicit: Quis infirmatur, & ego non infirmor? Quis scandalizatur, & ego non oror? Vnde quanto maior in nobis est charitas, tanto maiori cum dolore animi nos videmus separari homines à membris Christi. Vnde quando vos Donatista heretici in hoc vestro errore vitam finitis, multo amarior nos dolemus, dici non potest, quanto nos merore cruciatis, plus quippe impius Absalon Patrem suum Dauid extinctus, quam rebellis afflixit; viuum namque cum comprehendi cupiebat, ut qui malitia grassabatur, pœnitentia sanaretur. Erat ergo ille persecutor Patris, non solum contra legitimum patris Regnum arma capiendo, atque bellando, sed multo amplius persecutus est cor parentum in illa impietate moriendo; unde si Catholicorum domus Donatista non diripuissent, si Catholicorum membra non præcidissent; si denique Catholicos crudeliter non occidissent, hanc solam nos à vobis grauissimam persecutionem perpeti verissime diceremus, quia videmus vos offensatos, & tabescimus: quia infirmatos, & infirmamur: quia scandalizatos, & orimur: quia perditos, & lugemus: hæc mala vestra, quæ vos in æternum interitum mittunt, amarius nos persequuntur; quam illa quæ à vobis nostris corporibus inferuntur. denique in illa persecutione, quæ in nos seuitis, cum laude gaudemus; in hac autem, quæ vos peritis, si gauisi fuerimus, vobiscum perimus. Hactenus Augustinus.

Et Diuus Bernardus in sermone 7. quadragesimæ, cui titulus est de peregrino mortuo, & cruci-

fixo,

fixo, inter varias expositiones, quas adhibet illi loco Pauli ad Gal. 6. *Mibi absit gloriari &c. per quē mibi mundus crucifixus est &c.* hæc est vna, vt mundus crucifixus dicatur Apostolo, & ipse mundo, quia crucifixum mundum videbat obligationibus vitiorum; & ipse crucifigebatur ei per compassionis affectum. Crucifixus Paulo mundus est reputatione, ipse vero mundo crucifixus est compassionē; itaque tanta prospiciens flagitia, & mala in mundo, illis tam dire cruciatur, & torquetur, ac si cruci, & patibulo affixus esset, in quō amor ingēs Pauli ad proximos indicatur. Idem etiam Bernardus inter alias expositiones, quas sermone 28. adhibet illi loco Canticorum: *Nolite me considerare, quod fusca sim, quia decolorauit me sol: hæc est vna, vt nigredinem se contraxisse sponsa fateatur, propter animarum zelum, videns eas legem Dei præuaricari, ob earum amorem sit à Sole decolorata exemplo illius, qui dicebat psal. 68. reclusus domus tuæ comedit me, & illud: Tabescere me fecit zelus meus. Et item psal. 118. Defectio tenuit me pro peccatoribus derelinquentibus legem tuam. Vel, decolorari à Sole est ignoscere charitate fraterna, flere cum flentibus, cum infirmantibus infirmari, vri ad scandala singulorum.* Sic Bernardus.

Ac denique Sanctus Chrysost. quī pluribus locis, cum de S. Pauli charitate aduersus proximos loquitur, ita efferuescit spiritu, adeo alta admiratione tantæ charitatis suspenditur, & abripitur animo, vt vix apud se sit, vix seipsum capiat, præsertim cum illud explicat: *Optabam anathema esse*
à Cbri.

à Christo (*hoc est, inquit, carere aeterna remuneratione, & Christi praesenti conspectu*) pro fratribus meis, qui sunt Israelitae, sic exponit homilia 16. in Commentarijs Epistolae ad Romanos, & alibi: Optabat, inquit, in gehennam mitti, & iudicium subire perpetuum pro eorum salute, à quibus fuerat saepe lapidatus, qui eum interficere contenderant, ut hi tantarum ei authores afflictionum per fidem corpori Christi iungerentur. Quis ita dilexit Christum? Si tamen hoc dilectione, & non amore maius est aliquid nuncupandum. Sed & verba ipsius Chrysostomi audiamus, Homil. enim 16. in Epist. ad Romanos, cap. 9. Tomo 4. in illa verba, *Optabam enim ego ipse anathema esse à Christo pro fratribus meis. Quid ais ò Paule? à Christo, illo inquam Christo, qui à te desideratur? à quo te, peccatorum regnum, nec gehenna separabat, neque ea, quae cogitari possunt? nec alia totidem: ab hoc nunc precaris anathema esse? quid accidit? num desiderium illud excussisti, ac deposuisti? baud quamquam (inquit) sed pro fratribus meis, nec id utcumque volo, sed opto, multumque desidero; ut fratres mei salvi fiant; optarim anathema esse: ergo ipse, ipse ego, qui omnium Magister sum effectus, qui merita infinita coegi, qui coronas infinitas expecto, qui sic illum amo, ut meus erga illum amor mihi sit rebus omnibus antiquior, qui quotidie propter illum, uror; unum enim per omnia considerabat, nempe quomodo pulchrum hunc amorem expleret.*

Idem explicans caput primum ipsius sermone quarto in Epist. ad Philipp. 1. ubi multa de di-

lectione proximorum docet Apostolus, qualia sunt: *Testis enim mihi est Deus. quomodo cupiam omnes vos in visceribus Christi. coarctor autem à duobus desiderium habens dissolui, & esse cum Christo; multo magis melius, permanere autem in carne necessarium propter vos, & hoc confidens scio, quia manebo, & permanebo omnibus vobis ad profectum vestrum.* quæ verba exponens Chrysost. ait. *Quid dicis Paule? cum hinc abiens in ipsum cælum migraturus sis, atque cum Christo futurus? ignoras quid eligere debeas? & non solum istud, sed quod huius est vita, eligis; nempe ut in carne maneat: quamobrem? non acerbam vitam ducebas in vigilijs, in naufragijs, in fame, ac siti, ac nuditate, in curis, & sollicitudinibus? Cum infirmis infirmus eras: in multa patientia, in tribulationibus, in necessitatibus, in angustijs, in plagis, in carceribus, in seditionibus, in ieiunijs; quinquies quadragenas plagas una minus accepisti, ter virgis es casus, semel lapidatus (2. Corinth. 6.) noctem, ac diem in profundo maris egisti, in periculis fluminum, periculis latronum, periculis in ciuitate, periculis in solitudine, periculis in falsis fratribus, & adhuc infelicem hanc vitam desideras? si namque nihil tibi horum obtigisset, sed quicquid agebas, cum voluptate etiam, & liberè patrasses; nunquid oportebat incertitudinem futuri euentus metuentem ad portum quemdam confugere? quis mercator nauem habens multis rerum copijs plenam, cum liceat ad portum iam appellare, tutoque quiescere, adhuc tamen in mari nauigare mallet? quis athleta cupiet amplius certare, cum iam liceat*

coronari? quis pugilum eliget denuo certamen ingressus de suo ipsius capite periclitari, cum iam si vellet, coronam posset accipere? quis est ille miles, qui cum liceat iam cum celebritate, & trophæis à bello liberari, cumq. Rege requiescere in ipsis regijs palatijs, sustineat adhuc in bello & sudare, & in aciem collocari? quomodo ergo cupis, & in hac vita consistere, qui dicebas, 1. Corinth. 2. timeo ne dum alijs prædicauero; ipse reprobus efficiar? etsi ob nullam aliam causam, ob hanc certè liberationem desiderare oportebat. Pape? quis est hic Apostoli animus? nihil par illi unquam, vel fuit, vel erit: futura metiris, innumeris malis obnoxius es, & apud Christum esse non vis? non (inquit). quia quos lucrifeci, seruos expeditiores opto constituere & solidiores, & ut agricolationem illam, quam plantavi, frugiferam reddam, à Christo volo exulare; non audisti me: non quod mihi est utile, sed quæ sunt proximorum querentem? qui anathema esse volui à Christo pro fratribus, quomodo non multo amplius istud eligam, cum mihi ipsi libenter ex mora, ac dilatione damnum inferam; quo aliqua possit illis obtingere salus: Ac denique Homil. 3. de Laudibus Pauli tom. 3. idem Pater varias charitatis formas, ac veluti personas in Apostolo recenset dicens: Nemo ita dilexit inimicos, nemo erga insidiatores suos tam beneficus fuit, nullus pro afflictioribus suis tanta perpeffus est, ut enim aliquis indulgentissimus pater afficitur erga filium phrenesi comprehensum, cuius quanto magis conuictijs, ieiunijsq. pulsatur, tanto eum potius miserratur, & defleat. Ita Paulus maiora addebat fomenta pietatis erga eos, à quibus affligebatur: Unde pro

eis, qui eum quinquies verberauerunt, qui eum catenis onerauerunt, qui ipsius sitiebant cruorem, testimonium (inquit Roman. 10.) illis perhibeo, quoniam emulationem Dei habent, sed non secundum scientiam. In quantum poterat, laborabat umbram eis excusationis aliquam obtendere, & quia sermone illis fidem persuadere non poterat, ad orationes se conuertebat assiduas, tres (ait ibid.) voluntas quidem cordis mei, & obsecratio ad Deum fit pro illis in salutem, quae utiq; omnia sunt verba amanti, & valde eorum utilitatibus providentis. & item: Filioli mei, quos iterum parturio, donec formetur Christus in vobis: & iterum quoniam Corinthum fornicarium ab Ecclesiae corpore separabat (ait 2. Corin. 2.) ex multa tribulatione, & angustia cordis scripsi vobis per multas lacrymas, non ut contristemini, sed ut sciatis, quoniam charitatem habeo abundantius in vos (1. Corin. 9. factus sum Iudeis tanquam Iudeus; his qui sine lege erant, factus sum quasi sine lege essens: factus sum infirmus infirmis, quasi uniuersum mundum genuisset, sic perturbabatur, sic currebat; sic omnes in Regnum Dei festinabat inducere docendo, orando, minando, pollicendo, per sermonem, & per discipulos, per se ipsum conabatur erigere laborantes, stantes vero firmare, torpentes animare, humiliantes attollere &c. Pro vno seruulo Onesimo ad Philemonem integram scribit Epistolam omni affectu plenam, miles se ipsum tradidit in mortem, & ait, Ego autem libentissime impendam, & superimpendar ego ipse pro animabus vestris. (sic 2. Corin. 2.) Cumq; celsus in omni consisteret arce virtutum; omnem tamen flammam

precipuo charitatis ardore vincebat. Vt enim mis-
sum in ignem ferrum totum ignis efficitur; sic Pau-
lus charitate succensus, totus factus est charitas, qui
quasi communis totius mundi esset Pater, ita in amo-
re omnium ipsos eorum imitabatur parentes, ac su-
perabat, & pecunias, & verba, & corpus, & ani-
mā pro his, quos diligebat, impendens. Sic Chrysost.

Diuus autem Bernardus in sermone Sancti Mar-
tini, Domine (inquit) si adhuc populo tuo sum
necessarius, non recuso laborem (2. ad Timoth. 4.).
Bonum certamen certasti, cursum consummasti, fi-
dem seruasti, reposita est tibi corona iustitiae, & ad-
huc dicis, propter bonum proximi non recuso labo-
rem, fiat voluntas tua. Obtulisti planè Isaac,
unicum illum, quem diligis, quod in te est, iugulasti,
immolasti. Singulare gaudium tuum, pia deuotio-
ne paratus iterum redire in pericula, innouare cer-
tamina, denuo laborem subire, prolongare tentatio-
nem propter proximum, & à Christo peregrinari
diutius ab illa tanta, & tam optata foelicitate. Ange-
li in ministerium mittuntur propter eos, qui bare-
ditatem capiunt salutis, sed tamen semper curan-
tes bonum proximorum diuinæ assistant praesentia.
Hanc paratus est Martinus propter fratres dilata-
re. Magnum est Petre, quod Dominum secuturus
omnia reliquisti; sed audio te in monte dicentem: Bo-
num est nos hic esse; non est hoc, si adhuc populo tuo
sum necessarius, non recuso laborem (Psal. 107.) Pa-
ratum cor tuum, ò Martine, paratum cor tuum,
siue dissolui, & esse cum Christo; siue manere in cor-
pore, mille subditus laboribus, si id amor proximi
efflagitat.

Ac demum de S. Io: Chrisost. tanti Magistri, nēpe S. Pauli Discipulo, aliquid etiā proferamus, vt intelligamus, quantus fuerit illius in proximos charitatis ardor: Sic enim de semetipso scribit: *Vellē si fieri posset, vestris oculis ostendere, quam in vos habeo charitatem: Nihil enim est mihi vobis iucundius, & desiderabilius, ne hęc ipsa quidem lux: Milliet enim optarem ipse esse cecus, si per hoc liceret vestras animas conuertere, aded ipsa luce est mihi salus vestra iucundior. Quid enim me iuuant solares radij, quādo, quę propter vos accipitur, animi egritudo oculis meis magnas offundit tenebras? Lux enim tunc est bona, quando apparet in latitia: (& paulo post) Implere gaudium meum liceat, vobis salutem assequi, me autem propter vos reddere rationem: vobis dari salutem, me vero accusari, quod meum munus non impleuerim: Non enim curo, vt pro me salui sitis, sed vt salui sitis quacunque ratione.*

Et de Sancto Francisco, Sanctus Bonauentura in vita Sancti Francisci cap. 5. sic scripsit: *Non se Christi reputabat amicum, nisi animas foueret, quas ille redemit: saluti animarum nihil preferendum esse ducebat, eo magis probans, quod vni genitus Dei pro animabus dignatus fuerit in Cruce pendere.*

Ac denique Beatus Pater Ignatius, (authore Patre Ribera de Neyra, libro quinto, cap. secundo de eius vita,) aiebat, se, si quid ad animarum salutem pertineret, paratissimum esse nudis pedibus, cornibusq. onustum per plateas incedere, nullumquē recusare habitum, aut ridiculum, ac probrosum vestimenti genus, quod esse vtile hominibus posset, quod re ipsa comprobauit, si quando se-

se occasio obtulit. Etenim contemptus huius, ac despicientiæ rerum omnium, præ animarum lucro, est origo Dei amor, & proximi.

Plenæ etiam sunt sacræ literæ, & historiæ Ecclesiasticæ Apostolicis exemplis innumerabilium hominum, qui & vitam salutis aliorum causa libentissimè profuderunt, & ipsas etiam grauissimæ ignominie notas subierunt, eandem ob causam, ut sine culpa, sic laudabiliter; ut propterea necesse non sit longum facere in ijs recensendis.

IN STUDIO INFIDELIS

iuuandi omnes ferè, ac in heroico gradu influunt Virtutes. CAP. VI.

Alterum caput, ex quo huius functionis pro iuuandis Infidelibus perfectio ducitur, est magnitudo, & præstantia earum actionum; quæ hoc studium comitantur, quæ non modò naturæ vires superant, sed etiam tanto intervallo antecurrunt, ut sine vberissima gratiæ copia sustineri, neq; adiri possint: quare nihil est, quo vberius laudari possit, quàm ex hoc, quod non vna, aut altera virtus, sed omnium planè virtutum agmen, ac omnes ferè in gradu heroico, & perfectissimo in eum confluant; Et ut ab ipso limine incipiam, hoc est ab ipsis virtutibus, quæ in primo quasi diuinæ vocationis ad animarum conuersionem conceptu, cum ipsa vocatione in animo à Deo ingenerantur; mirum est quantam, in hoc etiam quasi vestibulo, desiderium ipsum Deo cooperandi in hac animarum functione operum segetem, & per se meliorum, & præterea difficiliorum, ac plurimorum offerat sic à Deo vocatis.

Primum enim vocatio ipsa, & multo magis studium animarum executioni mandatum, Apostolicam mentem, animumq. efformat intrepidum, omnibusq. imbuit virtutibus. Atque ut ab his incipiam, quæ Theologicæ vocantur, apertum est, Missionum studium constare non posse non solum sine fide, sed sine magna, & excellenti fide: nam quisquis hoc facit, ut propter verba labiorum Domini, ea, quæ habet, quæ videt, & quæ diligit, pro his, quæ non videt, deserat, & præsentia pro futuris, nempe patriam, fratrum carnalium, consanguineorum, parentum, amicorum, diuitiarum, cæterarumq. commoditatum omnium emolumenta commutet, ac ingrediatur vias duras, sine dubio ad maximum, & altissimum fidei gradum pervenit. Magna est deinde fidei firmitas, & admiranda, quæ hominem non solum intrepidum, sed alacrem reddit ad quælibet tormenta quamvis immanissima, cruciatus etiam acerbissimos, ad omnem denique ignominiosæ mortis genus pro eiusdem fidei confessione obeunda. Ac denique heroicæ, atque Apostolicæ fidei gradus est, pro eadem fide inter gentes propaganda, barbaras, effæratasq. gentes, vel cum aperto capitis discrimine adire, atque contemptis Oceani fluctibus, piratarum latrocinij, & incommodis alijs ferè infinitæ navigationis usque ad ultimas mundi oras pro eiusdem fidei dilatatione penetrare, ac demum pro eadem fide sincera, integraq; conseruanda, qualem Christus, & Apostoli tradiderunt, eaq. sancta recta ab omni periculo, & labe hæreticorum tuenda, quodvis vitæ discrimen subire.

Idem quoque de Spē, siue in Deum fiducia dicere licet; nam cum huius virtutis proprior sit actio, certissima expectatio vitæ æternæ; Ideo autem certissima est hæc expectatio, quia fide nititur, & promissioni eius, qui non mentitur Dei. Hanc igitur; Missionum studium, tam certo representat, & Christi Athletæ ob oculos ponit, ac si manu teneret: quia vt de fide diximus, ob hanc spem continent homines omnia huius vitæ commoda, ac se immensis obijciunt difficultatibus, atque periculis. Ad hoc idem etiā Spei caput referuntur auxilia Dei, quæ nobis calamitate oppressis minime defutura speramus. At cum inter Infideles omnibus humanis præsijs Evangelici viri destituuntur, ac sæpè varijs tribulationibus circumveniuntur, opus est, vt in Deo spem omnem collocent, ac cum Propheta clament: Quoniam tu es Domine spes mea: Nam tribulatio, vt testatur Apostolus, patientiam operatur, patientia probationem, probatio verò spem: nam & calamitates, afflictiones, fortunasq. aduersas infligit Deus, vt animum terrenis, humanisq. subsidijs destitutum, spe viua in Deum fulti, ad Diuina auxilia procuranda accurramus.

Ad hanc etiam virtutem spectat actio illa, quæ tantopere in operarijs huius Euangelicæ functionis reuocet, nempe fiducia in Deum; hac enim armati aduersus barbarorum, infestissimorumq. hominum rabiem, ac inter maxima pericula intrepidi incedunt: ac demum hac in Deum fiducia, per tot maris, terræque discrimina, per tot gentes,

tes linguis, moribusq. dissonas ad vltimas vniuersi Orbis transeunt Regionēs.

Et quia oratio est tribulationum comes, & diuinæ spei soboles, eam huic functioni coniunctam esse oportet.

Sequitur deinde Charitas, quæ virtus inter omnes prima est, & non tam spectat ad hanc functionem, quàm est ipsissima functio: Quis enim ignorat ipsam intrinsecè ei inesse, & dici charitatem in proximum, quæ sine Dei Charitate consistere nequit. Sed cum & charitatis duplex sit munus, alterum in Deum, in proximos alterum; in Deum quidem, quia cum solus Dei amor animam impellat in arctissimam semitam laboribus, periculis, ac immensis penè incòmodis refertam, illum oportet esse maximum: Deinde cum inter omnia charitatis opera maximum, ac præstantissimum sit martirium, quia malum istud, quod in eo tollatur, omnium acerbissimum, nempe ipsa mors, & bonum quod relinquitur, quod est ipsa vita omnium suauissimum, ac negotiatio illa cælestis occasionem martyrio offerat, desideriumquè illud sufferendi animo inferat, & si sæpè potius martyrium voluntati, quàm voluntas martyrio deficiat; (quamvis ex sententia Theologorum ad martyrii rationem mors ipsa necessaria sit) hæc tamen perfectio Tyranno deficiente non deficit: nam & incommoditates corporis, animiq. cruciatus assidui non vnum tantum martirium, sed plura in hac functione inueniuntur; neque in solo martyrii desiderio charitatis resplendet amplitudo, sed

& quotidiana huius functionis exercitia omnia nihil aliud spectant, nisi vt hunc Dei amorem assiduus incrementis prouehant.

Ab hoc fonte charitatis erga Deum in proximos amor emanat, quo salutem proximorum non solum precibus, & desiderijs promouent, qui iuuantibus Infidelibus vacant, sed omnia huius functionis studia in hunc finem diriguntur: vt opera ipsa declarant, quæ non tantum ad propriam, sed & ad aliorum vtilitatem referuntur. Ob hanc enim proximi dilectionem ad remotissimas, & ferocissimas nationes belluinis moribus præditas penetrare non dubitant, tot, tantasq. difficultates vincunt, vt charitatis gradum supremum attigisse non dubitem: ex quo satis apparet huic functioni, non tam annexam esse charitatem, quam eam esse ipsissimum, ac perfectissimum charitatis actum.

Ex charitate vero Dei etiam ardens orationis studium promanat; est enim amantis eum, quem amat, aspectu, colloquio, & consuetudine velle semper frui si posset; oratio autem conuersatio est cum Deo. Quapropter sancti viri, quò magis Dei, & proximi amatores, eò studiosiores orationis existerunt, exemplo Apostolorum, qui in vocatione gentium laborantes, alia alijs omnia demandantes duo tantum sibi sumpserunt, vt orationi, & ministerio verbi instantes essent. His enim duabus functionibus oratione ad Deum, & prædicatione ad homines Apostolica cura definita est: Quare vniuersæ Apostolicæ curæ, negotijquæ gerendi caput Oratio feruens, assiduaq. esse debet: quia

cum animarum conuersio gratiæ res ita sit, quæ impetrari precibus potest, præueniri meritis non potest, oportet ut nihil magis coniunctum sit cum ministerio animarum, quàm orationis studium: ita ut qui velit in hac vinea fructuosè operari, illud non intermittendum sibi suadeat, in quo lachrymis, fletibus, ieiunijs, vigilijs crebris, atque omni carnis maceratione Deum sibi propitium reddat, atque ab ipso toto mentis affectu, plenè què fiducia postulet, tum ut ipsum in medio tot periculorum protegat, tum ut Euangelium crescat, atque multiplicetur.

Neque timendum est Sancti Euangelij operarijs per vniuersum Orbem peregrinantibus, qui sepe in vita actiua, laboriosisquè negotijs versantur, ideo orationis studium impediri, quia cum negotia, quæ ab illis geruntur, spiritualia sint, & ob Dei & proximi amorem suscepta, non ideo in his occupati à Deo seiunguntur, quin potius ei magis adhærent, quoniam & illi Deo, & Deus illis in huiusmodi functione cooperatur. Quinimò huiusmodi peregrinis Deus per Isaiam dulcedinem contemplationis promittit dicens cap. 56. *Filios aduenæ, qui adherent Domino, ut colant eum, & diligant nomen eius, & sint ei in seruos: Adducam eos in montem sanctum meum, & latificabo eos in monte orationis meæ, holocausta eorum, & victima eorum placebunt mihi super altari meo &c.* Qui sunt isti aduenæ, qui colunt nomen Domini, &c. nisi qui pro eius gloria, & sui nominis exaltatione, tanquam peregrini, non habentes hic Ciuitatem

tem permanentem per totum orbem excurrunt.

Cæteræ verò morales virtutes non minus resplendent in salute proximi procuranda: nam si de Iustitia disseram, cum huius officium sit vnicuique quod suum est tribuere, ac in primis reddere, quæ Dei sunt, Deo, & quæ proximi, proximo; in hoc vno ferè tota hæc animarum functio perficitur.

Iam verò, quod attinet ad Prudentiam, diuina ea quidem est, quæ animi eorum, qui iuuandis infidelibus vacant, mouentur: Nam cum prudentia sit cognitio rerum appetendarum, & fugiendarum, demonstrans nobis quid agendum, quid verò vitandum sit, vt recta via, & consilio ad finem perueniamus; ea, quæ docet mundana despiciere, honores & diuitias contemnere; Deum & proximum tantum querere, Diuina & non humana Prudentia censeretur debet.

Temperantiæ verò, ac omnium virtutum, quæ illam vt partes ornant, propria sedes est hæc Apostolica functio, in qua & victus tenuis ferè semper est, isq. aut præcario quæsitus, aut eleemosynarum nomine vtrò oblatas, nec ciborum delectum quærens, sed quæ apponuntur, Christo auctore, cum gratiarum actione accipiens. Lectuli deinde molitiem non requirit, nam & quicumque locus ad cubandum aptus videtur, ac sæpè nuda humus cubile præbet. Omitto nunc cæteras corporis asperitates spontaneè assumptas: his verò quantum frænentur, ac moderentur libidinis impetus, ac delectationes aliæ, experientia docet, ac perinde

de quanta occasio sit, ut Castitas etiam in hoc ministerio resplendeat, aperte colligitur.

Humilitas verò, quæ annexa est Temperantiæ, & quæ potissima inter morales virtutes reputatur, luculentissimè etiam in hac functione resplendet: aliud quippe nihil est hoc animarum lucrandarum officium, quàm abdicatio, & contemptus omnium huius mundi vanitatum, in quo quis omnium se servum constituit; ac humillimis ministerijs exponit, quod prorsus alienum est ab omni famæ, ac nominis celebritate.

Tandem superest Fortitudo, quæ potissimum locum vendicat in hac functione: nam præter eam, qua caro ab Apostolicis viris vincitur, proprijs voluntatibus resistitur, & delectatio vitæ præsentis contemnitur, aduersa superantur, quæ fortis, & inuicti animi actiones sunt. Aliæ etiam actiones præstantissimæ reputantur, ut sunt aperta vitæ discrimina ad singula penè momenta subire, & sæpè apud homines (ob belluinos ipsorum mores) vix homines dicendos, versari. His igitur, & alijs innumeris periculis, & incommodis, quæ passim obuia sunt, non terreri, sed potius incredibili animi magnitudine obiecta contemnere, & superare, ingentis fortitudinis est argumentum. Ut nunc omittam patientiæ occasiones, quas frequentissimè opus conuersionum Evangelicis Ministris suppeditat, in quibus ingens est meriti, ac præmiorum semen.

Huius verò Patientiæ, cæterarumq. virtutum agmen in Beato Apostolo Paulo, qui Apostolicæ

vite appositissimum fuit exemplar, eleganter descripsit S. Ioan. Chrisost. Homil. 2. de laudibus Pauli: Corinthijs inquit scribens: *Placeo mihi in periculis, & infirmitatibus meis. Itaque cum inter medias inimicorum versaretur insidias, ouans tamen de omni eorum impugnatione referebat victorias: & ubique casus verberibus, affectus iniurijs, atque maledictis, quasi triumphales pompas ageret, crebra trophæa firueret, orabat, gratiasque referebat Deo, dicens: Deo autem gratias, qui semper triumphat nos. Itaque ad confusiones, & iniurias, quas ob predicandum Christum sustinebat, magis quam ad bonorum oblectamenta preparabat, mortem potius, quàm vitam appetens, paupertatem quàm opulentiam, & multo amplius laborem desiderans, quàm alij requiem post laborem, ac merorem magis eligens, quàm alij voluptatem, studiosius pro inimicis orans, quàm alij aduersus inimicos. (Et postea) Non dico quia nihil presentium desiderabat, sed nec ipsorum aliquid futurorum. Non enim mihi dicas vrbes, gentes, exercitus, prouincias, pecunias, potestates; hæc enim ille quasi arena vilia reputabat: sed ea ipsa penè, quæ promittuntur in cælis, & tunc eius ardentem amorem in Christum videbis: hic siquidem præ illius dulcedine non Angelorum, non Archangelorum admiratus est dignitatem, neque quicquam horum simile concupiuit: Quod enim erat maius, omnibus Christi amore fruebatur, cum hoc beatior se cunctis putabat, sine hoc autem, neque dominationum, neque principatum socius esse cupiebat, sed cum hac dilectione magis esse extremus optabat,*

tabat, imo etiam ex numero punitorum, quàm sine hac inter summos, & honore sublimes; hoc enim erat illi maximum, & singulare tormentum, ab hac charitate discedere, hæc illi erat gehenna, hæc sola pœna, hæc intoleranda supplicia: sicut etiam perfrui charitate Christi, hoc illi vita, hoc mundus, hoc Angelus, hoc præsentia, hoc futurum, hoc Regnum, hoc promissio, hoc bona videbantur innumera; præter hoc vero nihil in tristium parte ponebat. Horum enim, quæ habentur, nihil asperum, nihil etiam suave reputabat; sic despiciebat uniuersa, quæ cernimus, ut solet herba iam putrescens contemni. Tyrannos vero ipsos, ac populos spirantes furorem, velut effugiosos culices existimabat. Mortem vero & cruciatus, & mille supplicia quasi ludum putabat esse puerorum, dummodo propter Christum aliquid sustineret. Tunc enim, tunc amplectebatur libenter, & decorabatur vinctus catenis magis, quàm diademate coronatus; etenim coarctatus carcere habitabat celum, ac libentius verbera excipiebat, & vulnera, quàm alij braua diripiunt, & dolores non minus, quàm præmia diligebat, cum ipsos utique dolores lauduceret præmiorum. Hæc Sanctus Chrysost.

Quales igitur, quantæq. virtutes, & quam heroicæ, ac diuinissimæ in hac D. Pauli pro animabus legatione resplendent? quibus sine dubio & prædicti fuere alij Apostoli Christi, & qui eos postea imitati sunt, innumeri viri Apostolici.

Quare cum studium animarum, maximè Infidelium, tot tantisq. abundet virtutibus, quid aliud esse dicemus, quàm auream coronam ex omni gem-

gemmarum, & margaritarum genere compositam; sic enim cui missionum desiderium à Deo inspiratur, eodem ferme tempore hæc eadem corona tot bonis, totque operibus virtutum præciosissimis ornata, capiti imponitur: nam cum ad Dei providentiam spectet, eius, cuius excitat mentem, actiones iuvare, mediaque proportionata ad optatum finem consequendum conferre, cum Deus aliquem ad hanc Apostolicam culturam vocat, opus est, ut omnes virtutes, quæ ad perfectè exequendam hanc functionem sunt necessariae, impertiatur.

DE PRÆSTANTIA HVIVS

functionis inter cetera virtutum opera

CAP. VII.

Quantum deinde excellant opera charitatis, proximis exhibita, alijs quantumvis magnis, inter alios Patres (egregie ut solet) passim docet Chrysost. Tom. 1. homil. 3. in Genes. Nam ut anima (inquit) corpore melior est, ita his qui indigentibus pecunias, & facultates suppeditant, maioribus premijs digni sunt hi, qui admonendo, & continue docendo, in viam rectam supinos, & desides inducunt, mostrando eis virtutum diuinarum fragrantiam, & vitiorum malevolentiam. Hæc omnia cum scimus præ omnibus alijs huius vite curis, de salute animarum loquamur proximis, eandem illis sollicitudinem ingerentes. Magnæ enim bonitatis est animam, cui hæc continuo intonantur, posse reduci ex abyssu malorum, in quorum medio versamur, & compesci.

D

seditio-

Seditionem, qua perpetuo animam nostram infestat.

Idem tom. 4. homil. 25. in cap. 10. Epist. 1. ad Corinth. Licet ieiunando, humi dormiendo corpus maceraueris, nullam autem proximi curam habueris, nibilegregium feceris, sed adhuc longe ab huiusmodi abfueris imitatione. Propterea inquit Paulus: Per omnia omnibus placebo. Siue prater legem aliquid, siue laboriosum, siue periculosum facere oporteat, omnia in proximorum utilitatem perpetior. Cum igitur omnium diligentia supremus sim, humilitate omnium abiectissimus effectus sum. Etenim nullum valde magnum potest esse officium, quando nullum in proximos lucrum conferatur, quod ostendit, qui totum reddidit talentum, & supplicio affectus est, quoniam id non auxit. Tu igitur mi frater quamuis fame conficiaris, quamuis humi iaceas, quamuis cinerem comedas, quamuis super lacrimis madeas, & nihil cuiquam proficias, nihil magnum facis.

Quantum etiam alijs praeient opera Charitatis in proximos, idem eleganter docuit, Tomo 5. oratione 5. contra ludros. Quid huic poterit aquirari? quod neque ieiunium, neque humi peracta cubitationes, neque peruigilia, neque aliud quippiam potest efficere, efficit fratris procurata salus. Cogita quam multa tuum os frequenter peccauerit, quam multa verba obscena protulerit, quam multa conuitia, quam multa maledicta euomuerit, & omnino suscipies colapsi curam. Nam hoc vno omnem illam delere maculam poteris: Et quid dico delere? facies et sit os tuum sicut os Dei. Quid huic bonori possit aquirari? Non enim ego ista polliceor, ipse Deus hoc dixit:

*ait: si unum quempiam eduxeris (inquit) ut os meum
erit os tuum, purum sanctumque.*

Et tom. 2. homil. 78. in cap. 24. Matth. Ponatur, inquit, quempiam ieiunare, & martyrium comprobare, ac cremari, alium vero ad ædificationem proximi martyrium differre, nec differre modo, sed etiam absque martyrio discedere: uter igitur post hanc peregrinationem maior erit? non est nobis multis in hoc loco rationibus opus, cum Beatus Paulus magna voce sententiam iam protulerit, dicens: Cupio dissolui, & esse cum Christo, melius mihi autem in carne adhuc permanere propter vos.

Et in cap. 1. Epist. 2. ad Corinth. Nihil est enim, quod anima possit æquiparari, nec uniuersus quidem mundus: Itaque etsi immensas pecunias pauperibus eroges, plus tamen efficies, si unam conuerteris animam &c. Magnum sanè, & laudabile est misereri pauperum, sed magis errantem ab errore reuocare.

Idem tom. 4. homil. 4. antepōnit omnibus alijs gratijs. Iam verò vide, ut malum aliquid cum demonstrasset Paulus, quia videlicet præstantius sit animæ mederi peccatis emortuæ, quàm cadauera excitare rursus ad vitam.

Et homil. 23. Paulum propterea admiramur, non propter mortuos quos excitauit, nec propter leprosos quos mundauit, sed quoniam dicebat: Quis infirmatur? &c. nam etsi decies millia signa ad hæc adieceris, nihil dices quod ei possis conferre: nam ipse quoq; dicit magnam sibi repositam esse mercedem, non quoniam fecit signa, sed quia infirmis fuit tan-

quam infirmus &c. Et quando se praeponit Aposto-
lis, non dicit, plura quam ipsi feci signa, sed plus-
quam ipsi laboravi.

Ac denique idem ipse. Chrysost. tom. 5. homil.
53. Siue quis signa faciat, siue virginitatem, siue ie-
iunium, siue humi stratum excolat, siue ipsos An-
gelos virtute praeueniat, omnium enim scelestissimus
hunc habens defectum, & adultero, leuone, ac latro-
ne, & fure iniquior &c. Orationis enim indiget hu-
iusmodi morbus, & plurima supplicationis: Nam si
fratrem non diligens, siue pecunias erogat, siue mar-
tyrio effulgeat, nihil amplius efficit &c. Et hic genti-
libus est peior. Ex his igitur clarè constat studium
salutis proximorum procurandæ quantum excel-
lat alias etiam heroicæ virtutum. functiones, ac
perinde quantum negligentia in hac re à Deo pu-
niatur.

DE VTILITATE HVIVS

functionis proiuuandis Infidelibus.

C A P. VIII.

Cum animarum cura præcipuè, quæ in Infide-
lium procuranda salute versatur, per se tota
ad charitatis studium referatur; non dubium quin
præter summam dignitatem, & splendorem, de qua
hæcenus diximus, ingentes etiam contineat utili-
tates. nam cum omnes præ se ferat virtutes, hasq.
in heroico gradu contineat, non mirum si omnia
in hac cultura laborantibus præsidia conferat, ac
ad omnia perfectæ vitæ munera informet, & ut
nunc

nunc cætera beneficia, vtilitatesq. prætermittam, quæ in nos manant ex hac Infidelium cura, breuiter tria enumerabo. Primum est, peculiaris Dei cura, & patrocinium in fidei propagatione laborantibus: Nam cum hic sit Dei mos, vt qui maxime humanis destituuntur auxilijs, eos præcipue in suam fidem recipiat, eorumq. curam suscipiat, cum de eo scriptum sit (*Psal. 9.*) *Tibi derelictus est pauper orphano tu eris adiutor*. Et illud, *Dominus custodit aduenas, pupillos, & viduas suscipiet*. Hoc igitur eodem nomine peregrinantibus pro Infidelium salute Dei patrocinium non deerit: ipsi enim aduenæ, quia peregrini, & pauperes, quia sacculum, neque peram portant, pupilli, ac orphani; qui non modo Patrem, ac matrem dereliquerunt, sed etiam res omnes creatas, amicos, hominum fauores, ac temporalia commoda pro animarum dilectione contempserunt, itaq; verissimi sunt orphani, & omnibus auxilijs humanis destituti: Quare eis maxime conuenit, quod per Dauidem dicitur (*Psal. 90.*) *Qui habitat in adiutorio altissimi, in protectione Dei cæli commorabitur*: & consequenter, alijs etiam gaudeant privilegijs, quæ in illo psalmo commemorantur: nempe vt illos diuina prouidentia scapulis suis obumbret, & scuto suo eos circundet: Nec timeant à timore nocturno, idest à clandestinis inimici insidijs, neque à sagitta volante per diem, hoc est ab eiusdem congressibus manifestis. Ac demum necesse est, vt illius promissionis Christi partem percipiant (*Matth. 26.*) *Ecce ego vobiscum sum usque ad consummationem sæculi*. quod non solum Apo-

stolis, sed etiam suis successoribus à Domino promissum fuit. Si enim Saluator semper cum eis fore pollicetur, omnia vno verbo, quæ optari possunt, pollicetur, lumen in obscuritate, robur in infirmitate, solatium in mœrore, victoriam in tentationibus, constantiam, ac firmitatem animi in periculis. Deniq; quod bonum, & præsidium non habeant, qui secum habeant, qui est ipsa omnis potentia, & in quo sunt omnia bona?

Ex hac igitur Diuina protectione promanat singularis sollicitudo, & cura, quam Deus gerit, primo circa animas pro eius amore laborantes, idq. tum promouendo eas ad virtutum opera, simulq. cum ipsis cooperando; tum non permittendo tentari supra suas vires, ac in eo ipso quod permittit, præstando eis gratiam, vt superiores, & victores eundant. Secundo circa corporum curam resplendet etiam hæc diuina protectio, de qua verè dici potest: Nullum vnquam Patremfamilias liberis, quos ipse genuisset alendis, & sustentandis tantum sollicitudinis impendisse, quantum Deus alendis Apostolicis viris, necessaria eis vitæ præsidia assidue pronidendo, ita vt illos nullatenus sollicitos esse velit hac de re, sed quod primum quarant Regnū Dei, & hæc omnia adicientur illis. Hæc igitur vtilitas maxima est, siue vt melius dicam, hæc est Apostolicæ vitæ gloria, vt cum Propheta verè dicere possint eius sectatores: *Anima nostra sustentet Dominum, quia adiutor, & protector noster est, in eo letabitur cor nostrum, & in nomine sancto eius sperabimus.* Et ille vicissim vnicuique illorum

rum dicat, quod olim Abrahæ : *Noli timere; ego protector tuus, & merces tua magna nimis* : Nam, & horum utrumque coniunctum est, & utrumque, si cui alij in hac vita, præcipuè viris Apostolicis conuenit : ut quoniam nullam mercedem, aut nullum bonum expetunt præter Deum, ideo eorum protector, & propugnator sit idem Deus.

Secundò, ex vberiori etiam virtutum exercitatione in hac functione, miro modo animæ diuitiæ, ac utilitates augentur : nam cum virtutes labore, studio, & ipso usu acquirantur, status ille earum exercitationi erit utilior, ac salubrior, qui commodiorem afferat materiam virtutis exercendæ : Hunc autem sine vlla dubitatione tenere possumus esse, hanc Apostolicam functionem, in qua omnes virtutes assiduè vigent, & in perpetua fermè actione continentur, ut non obscure constabit ex his, quæ superius ostendimus, de communi omnium virtutum influxu in hanc vitam. Deinde cum in ea actus virtutum heroicos passim exerceri opus sit, habitus autem virtutum gignatur ex actionibus frequentibus, consurgent etiam in anima virtutes perfectissimæ.

Ex hoc deinde virtutum usu, & exercitatione, vberius etiam resultare Meritum necesse est, quod inter præcipuas huius vitæ utilitates primum locum vendicat. Nam cum vnā ob hanc causam huius peregrinationis cursus institutus sit, & ad hoc vnum tota hominum vita dirigatur, ut negotiationem, ac mercaturam cælestium operum exercent, & ut mercatores huius sæculi omni studio id

agunt, vt quam maximè dīteſcant, ob id relictis alijs ſtudijs, vt venandi, equitandi, aut ſimilium rerum, nullas lucri occaſiones oblatas prætermittunt: imò iucundi eis videntur labores omnes, & vigiliæ, quæ modò rem augeant; ita & multò magis ſperandum eſt, in hac ſpirituſuali mercatura, cuius fructus ſunt æterni, & materia, de qua Euāgelici Miniſtri tractant, & in qua quotidie verſantur, nihil aliud contineat, quàm Dei ipſius, & animarum negotium, & dum his procurandis immorantur, Dei cauſam agant non ſuam: Immo poſtquam huic functioni ſe manciparunt, etiamſi nō hnt, vt ita dicam, coguntur Dei, & animarum rem procurare, quæ omnia vberiore apud Deum merendi præbent materiam.

Creſcit etiam meritum, ac huius functionis præmium ex nimia difficultate, quàm ex natura ſua præſeſert hæc infidelium cultura: dubitari enim nequit, quin ſenſibus ipſis primo aſpectu, acerbæ, aſperæ, & dura repræſentetur, ſed ex hac acerbitate, & difficultate creſcit ipſa meriti, & præmiij corona: Illud tamen experientia compertum eſt, quod quid eſt difficultatis, ita molliri, & temperari à Deo, vt appareat quatenus valet ad meritum, non appareat quantum attinet ad laborem: Quia in re ita utrūque Deus coniunxit, vt res quidem grauiffima, maximèq. ardua, ita ab eo conditur, & mitigatur, vt eadem ſit ſuaviſſima, & iucundiſſima.

Ex varijs etiam alijs vtilitatibus luculenter, vt ſolet, ac frequenter Sanctus Ioannes Chriſoſt. cha-
rita-

fitatem in proximos commendat, præcipuè verò, quia cum ad nostram vtilitatem sit quoddam medium præstantissimum, nunquam ea neglecta, nostram propriam attingemus. In priinis tom. 4. homil. 25. in cap. 10. epist. 1. ad Corint. Ita enim (inquit) tibi vtilitatem comparabis, si proximi in-
aigilabis vtilitati. Itaque si piger in fratris cura fueris, intellige nulla te prorsus ratione salutem consecuturum: Igitur tua ipsius gratia proximi tui rebus adsis: sufficientia itaque sunt, quæ iam diximus, quod persuadeant, nulla alia ratione vtilitatem nos inuenire posse. Quod si hoc à confessis exemplis cognoscere volueris, considera si quando domum aliquam exuri contingat, inde nonnulli ex vicinis sibi cauentes minimè se periculis obijciant, sed domi inclusi timeant ne quis ingrediatur, qui aliquid ex rebus suis auferat, quantam iacturam facient? etenim ignis quoque eos comprehendet, & omnes eorum comburet facultates. Ita qui cum proximi vtilitatem non respexerunt, suam perdidierunt. Siquidem Deus cum inuicem omnes colligare vellet, talem rebus vtilitatem imposuit, ut in proximi vtilitate alterius etià colligata sit, & vniuersus mundus hoc pacto constitutus est. Propterea si in mari tempestate exorta gubernator omissa multorum salute, suam tantum quæreret, & se ipsum, & alios quamprimum obrueret: & vniuscuiusque artis, si sua tantum quæreretur vtilitas, nunquam neque vita constaret, neque ars, quæ sui ipsius quæreret vtilitatem: propterea agricola non tantum frumentum seminat, quantum sibi sat sit; nam iam pridem & alios, & se perdidisset;

diffet; sed quod multis sufficiat, terra mandat: Et
 miles, non ut suæ dumtaxat consulat saluti, se peri-
 culis obijcit, sed ut Ciuitates in securitate constituat.
 Et mercator non eas tantum merces transportat, quæ
 sibi ipsi satis sint, sed multis alijs. Quod si quis hoc
 in loco diceret non alterius, sed suam unumquemq.
 considerare utilitatem, & idcirco ita facere, ut pe-
 cunias sibi, & securitatem, & gloriam comparet,
 atque ita dum suam querit, proximi quoque quære-
 re utilitatem: Idem ego dico, hoc est, quod iam dudum
 audire volebam, & hac gratia omnem hunc sermo-
 nem fecimus; ut ostenderemus tunc sibi unumquem-
 que consulere, cum proximo consulit. Nam cum ali-
 ter homines proximi commodum non essent curaturi,
 nisi in hac constituti necessitate, propterea ita Deus ea
 coniunxit, & non permittit, ut in propriam prius quis-
 quam veniat utilitatem, nisi per alienam transeat. Hoc
 igitur humanum est, ut hoc pacto proximo vsui simus.
 Verum oportet non hinc, sed Diuina voluntate ad hoc
 adduci: siquidem nemo salutem consequi potest, nisi
 ita se habeat. Sed quamuis summam completari
 Philosophiam, proximi autem iacturam contempseris;
 nullam apud Deum fiduciam habere poteris: Vnde
 hoc constat? ex Beati Pauli verbis: Etsi distribuerim
 cibos pauperum omnes facultates meas, & si tradi-
 dero corpus meum, ita ut ardeam, charitatem autem
 non habuero, nihil mihi prodest. Vides quantum à
 nobis Paulus requirit? At qui pascit non suam, sed
 proximi querit utilitatem. Sed non sufficit hoc inquit.
 Cum charitate hoc fieri vult, & misericordia plurima.
 Propterea legem hanc statuit Deus, ut nos in vi-
 culum

culum charitatis adduceret. Hæc Chrifost. Cæteras
verò vtilitates ex testimonijs sequenti capite ad-
ducendis colligemus.

AD OMNES CHRISTIANOS

*ſpectat proximorum etiam Infidelium ſaluti
conſulere.* CAP. IX.

QUamquam non omnes fideles fide Chriſtiana
præditi, ad alios instituendos ſint idonei,
multi tamen ſunt, qui id commodè poſſunt,
& ſi nolunt, inducendi ſunt, vt pro ſua virili parte,
Eccleſiæ Sanctæ, animarumq. ſaluti deſeruiant. Et
vt omittam eos, qui ex officiij munere, vel ex ſua
vocatione tenentur huic ſtudio operâ dare, quales
ſunt Paſtores, & Religioſi poſt ipſos, alij proſectò
ſunt, qui licet ad hoc nō vocati, idonei tamen ſunt,
quibus quippè maior fides, & doctrina inſit, quàm
alijs idiotis, & vulgaribus. Hos Sancti Patres, præ-
cipuè tamen S. Ioan. Chriſoſt. paſſim hortatur, vt
maiori illa luce præditi, non ſe ipſos ſolum, ſed &
alios etiam Infideles erudiant, & ad fidem alliciant.
Homil. 24. in Matt. Omnes Chriſtianos exhortâs
ait: *Scitote quia mercenarij ſumus conducti: ſi ergo
mercenarij ſumus, cognoscere debemus, quæ ſunt opera
noſtra; mercenarius enim ſine opere non poteſt eſſe: Ope-
ra autem noſtra ſunt opera Iuſtitia, non vt agros no-
ſtros colamus, & vineas: non vt diuitias congregemus,
& acquiramus honores, ſed vt proximis proſimus. Et
quamuis hæc ſine peccato facere poſſimus, tamen n. n
ſunt opera noſtra, ſed diaria noſtra. Sicut ergo nemo
ſic conducit mercenarium, vt hoc ſolum faciat, quod*

manducet: sic & nos ideo vocati non sumus à Chrìsto, ut hæc sola operemur, quæ ad nostrum pertinent vsum, sed ad gloriam Dei. Et sicut mercenarius, qui hoc solum facit, quod manducat, sine causa ambulat in domo: sic & nos si sola hæc facimus, quæ ad nostram pertinent utilitatem, sine causa vivimus super terram: & sicut mercenarius prius aspicit opus suum, deinde diaria sua: & sic nos si mercenarij Christi sumus, primum debemus aspicere, quæ ad gloriam Dei pertinent, proximiq. profectum, (quia charitas, & verus amor erga Deum non querunt, quæ sua sunt, sed ad libitum amati cuncta desiderant perficere) deinde quæ ad nostram utilitatem.

Idem tom. 1. homil. 3. in Genes. Ne omittamus proponere eis, (hoc est Gentilibus) doctrinas scripturarum, sed omne impendamus studium, ut ab errore liberati ad veritatem reducantur: nam licet in erroribus deprehensi sint, cognati tamen nostri sunt, & congruit, ut magnam eorum curam habeamus, nunquam torpescantes, sed summa diligentia facientes ea quæ in nobis sunt, utilem eis medicinam adbibeamus, si fortè, vel tardè ad veram sanitatem redeant: nihil enim ita gratum est Deo, & ita curæ, ut animarum salus. Talem igitur habentes Dominum, tam misericordem, tam benignum, tam mansuetum cum nostræ, tum fratrum nostrorum curam geramus salutis: nam & hoc nostræ salutis argumentum erit, & occasio, si non solum pro nobis ipsis solliciti, sed & proximo utiles fuerimus, ipsum ad viam veritatis manuducentes.

Idem eodem tom. homil. 8. in Genes. Auditores ad Hæreticorum excitat conuersionem dicens: Operam date, ut pia scita in eis (loquitur de Arianiis) plantentur, & roborentur: volo enim, & precor omnes vos in Doctorem ordine esse, & non solum auditores nostrorum esse dictorum, sed & alijs doctrinam nostram afferre, piscariq. errantes, ut y redeant in viam veritatis: sicut & Paulus inquit: Vnus alterum edificet, & cum timore, & tremore salutem vestram operemini. Sic Deus nostram multitudinem augebit, & vos uberius superna fruemini gratia, magnam membrorum vestrorum curam gerentes. Neque enim Deus vult, ut Christianus se ipso tantum contentus sit, sed ut alios edificet, non per doctrinam solum, sed & per vitam, & conuersationem.

Et homil. etiam 10. in Genes. tomo primo, fortè prolixius, quam oportebat sermonem produximus: verum hoc non absque ratione, neque temere factum est; sed ut absentes ex vobis discant quantum sibi metipsis damni fecerint, ob corporalem cibum, semetipsos à spiritali cibo subducentes. Cæterum ne valdè contristentur, fraterna illos beneuolentia prosequamini, recensentes eis, quæ à nobis dicta sunt. Hoc enim germanæ charitatis argumentum: nam si inter magna charitatis indicia habent, qui ita de sensibilibus edulijis hoc faciunt: multo magis, qui in spiritalibus hoc agunt, magnum nostrum præconium celebrant, reditq. ad nos quicquid est utilitatis: nam cuius studium est docere proximum, is non tantum illi benefacit, quantum sibi ipsi magnam

gnam mercedem parat, dum duplicem percipit mercedem, retributionemq. à Deo maiorem assequitur. Deniq; is, qui fratrem docere tentat, dum illi commemorat, & dicta secum repetit, & melius tenet: Igitur cogitantes tantum lucrum vestrum, ne inuideatis fratribus vestris. sed à vobis discant, quæ nunc à nobis dicuntur. Vt autem plenius doceantur, ducite illos ad nos, persuadentes ipsis, quod nihil obest spiritali mensæ, si præcedat corporalis cibi sumptio, sed haberi debet omne tempus spiritali sermoni idoneum.

Præcipuè verò tom. 5, oratione 5. in Iudeos, idē pro Iudeorum cōuersione prosequitur argumentū: Tu quoq; imitare Samaritanum illum, qui in Evangelio tantam erga vulneratum præstitit sollicitudinē. Etenim illic præteryt Leuita, præteryt Phariseus, ac neuter deflexit ad iacentem, sed inclementer, crudeliterq. relicto seminece abierunt. Samaritanus autem quispiam, qui nulla ex parte illi coniunctus erat, non prætercurrit, sed misertus est accurrens, instillauit oleū, & vinum, imposuit asino, duxit ad diuersorium, pecuniam partim dedit præsentem, partim pollicitus est pro eius, qui nihil ad ipsum pertinebat curatione, nec dixit apud sese; Quæ mihi cura est istius? Samaritanus sum, nihil mihi cum illo, procul absumus à Ciuitate; & ille ne ingredi quidem potest. Ne dixeris apud te ipsum: homo sum mundanus, uxorem, & liberos habeo, & ista Sacerdotum sunt, ista Monachorum: Neque enim Samaritanus ille hæc dicebat, ubi nunc Sacerdotes? Vbi nunc Pharisei? Vbi Iudeorum Doctores? sed perinde quasi venatum quempiam maximum nactus esset, ita lucrum arripuit. Et tu igitur

cum

cum videris aliquem curatione egentem, vel corporis, vel animi, ne dicito apud te ipsum; Quare ille, & ille cum non curauerunt, sed à morbo libera, ne petas ab illis causam negligentie: Si inueneris aurum iacens, non dicis apud te ipsum, quare ille, aut ille hoc non sustulerunt, sed festinas ante alios rapere. Itidem & de fratribus collapsis cogita, putatoque te thesaurum reperisse, nimirum occasionem illis medendi. Etenim si instillaueris illi velut oleum sermonis doctrinam, si obligaueris humanitate, temperantiaq. vulneratum si sanaueris, ille te faciet ditiozem quouis thesauro. Qui enim eduxerit pretiosum ex indignitate, tanquam os meum erit, inquit, ille.

Ac oratione 3. in Iudeos: Quodq. prius rogauimus, idem et nunc rogamus, ut fratres vestros reducat is ad salutem, multam sollicitudinem habeatis pro membris neglectis: propter vos enim tantum laborē suscipimus, non ut vulgari more loquamur, neque ut plausum, strepitumq. referamus, sed ut auulsos ad viam veritatis reducamus. Ac ne quis mihi dicat, nihil mihi est cum eo negotij, utinam contingat mihi mea ipsius negotia recte gerere: Nemo suum ipsius negotium recte gerere potest neglecta proximi salute: propter hoc, & Paulus ait: Nemo quod suum est querat, sed quisq. quod alterius, sciens quod sua cuiusq. utilitas in proximi utilitate sita est. Sanus es tu, sed oculus tuus infirmatur: hoc est, est egrotus. Itaque si verè sollicitus fueris pro egrotante magis dolebis, & imitaberis in hoc quoque Beatum illum, qui dicit: Quis infirmatur, & ego non infirmor? Quis offenditur, & ego non oror? Etenim sic si duos obolos dederimus pauperemq.

lumq. pecunia insumpserimus in pauperes gaudemus, si poterimus animas seruare quanto maiorem voluptatis fructum capiemus? Quantum autem in futuro saeculo recipiemus gaudium? nam ibi quoq; quoties conueniemus multam capiemus voluptatem ex congressu reminiscentes beneficiorum, quae vicissim alij in alios praestitimus. Deinde cum illos conspexerimus ad tribuenda illud metuendum, multa fiducia participes erimus.

Et infra in eodem sermone, non solum homines, & viros huic operi studere, sed & foeminas suadet, dicens: Ut igitur, & fratres seruemus, & nobis ipsis veniam pro peccatis, imo potius multam fiduciam reponamus: Denique tuemus & illud, ut à ceteris omnibus nomen Dei glorificetur, cum uxoribus, liberis, & famulis ad hunc venatum, & indaginem egressi extrahamus à Diaboli laqueis captos ab illo, iuxta ipsius voluntatem: nec prius desistamus quam quicquid per nos praestari poterit, praestiterimus, siue pareant, siue non pareant. Quin potius impossibile est, ut Christiani cum sint, non pareant. Sed ne, vel hanc excusationem habeatis illud dico: si postquam multa verba exhausseris, & quicquid per te praestari poterit expleueris, videris illum non obtemperare, adducito ad Sacerdotes, & omnes per Dei gratiam potentur venatu, totumq. tuum erit, qui illum adduxeris. Expedit ut hec, & uxores dicant viris, & viri uxoribus, & filij parentibus, & patres filiis, & amici amicis. Discant hec, & Iudei, & ij, qui nobis quidem coniuncti videntur, sed cum illis sentiunt, quod nobis aliquod studium est, ac sollicitudo,

*licitudo, vigilantiaque pro fratribus nostris ad illos
ultrò currentibus: Et omnes ante nos illos corrigent,
qui cum nostrę professionis sint, tamen illo commean-
t. Quin potius nemo post hac ausurus est ad illos confu-
gere, sed erit corpus Ecclesię purum. Deus autem,
qui vult omnes homines fieri saluos, & ad agnitionem
veritatis peruenire, & vos ad istum venatum corro-
boret, & illos ab hoc errore liberet. ita Chrsost.*

*DE IVCVNDITATE, QVAM EX
conuersione animarum Religiosi conse-
quantur. CAP. X.*

NEc vtilitatem solam, aut dignitatem hi, qui
animarum lucris se consecrant; sed & iucun-
ditatem, & oblectationem non paruam ex hac fū-
ctione consequuntur: Nam licet prima specie aspe-
ra, & odiosa videatur, solatia tamen, & gaudia pas-
sim inueniuntur in ea, vt nullum bonum, nullamue
perfectionem ei deesse appareat. Nam, si vt Salua-
tor noster testatus est (*Luc. 15.*) Gaudium est in cę-
lo super vno peccatore pœnitentiam agente, non
eadem quoq; causa erit lætandi in terris, seu cum
hominem ad pœnitentiam conuerti, seu cum totis
conatibus ad perfectionem aspirare cernimus? Plu-
rimæ enim sese offerunt lætitiæ rationes: ac in pri-
mis Dei honor; proximi salus, quem sicut nos ipsos
diligere iubemur: tum etiam maximum, ac gratif-
simum quoddam indicium diuinę bonitatis, clemē-
tiæ, & patientiæ, in perdita ouicula, non solum tole-
randa, sed etiā super humeros reportāda; cuius qui-
dem clemētiæ nos ipsi testes, & spectatores sumus.

Præterea illud quoque accedit, quod tam præclari doni, ac muneris aliqua ex parte nos ipsos etiã participes esse sentiamus, vt cum Paulo dicere, & quodammodo gloriari nobis liceat: (1. Cor. 3.) Ego plantaui. Est autem maximè naturale, vt in eo quisq; delectetur, idq. diligat, in quod aliquid studii, atq; operis impendit, eoque magis, quo ea res præclarior, ac præstantior est. Quid aut maius, aut præclarius, quã alios homines christianos, ac Beatos efficere, quod nõ modo est proprium Dei opus, sed & primum inter omnia eius opera locum obtinet? Quemadmodum etiam exultabat Paulus in Philippensibus, Gaudium meũ inquit, (ad Phil. 4.) & corona mea. Quo modo in Corinthiis, quos gloriam suam in die Domini appellat? 2. Cor. 1. & 1. ad Thes salonicenses 2. Quæ est, ait, nostra spes, & gaudium, aut corona gloriæ? nonne vos ante Dominum nostrum Iesum Christum estis in aduentu eius? Vos enim estis gloria nostra, & gaudium.

Nec minus lætandi occasionem excitant labor, sollicitudo, & cura, quæ sæpè comitari solent huiusmodi fructus, de quo Apostolus, ad Galat. 4. Filioli quos iterum parturio, donec formetur Christus in vobis. Parturienti se comparat mulieri, quod significat moram, & laborem, & etiam cruciatum, qui in eiusmodi opera sæpè intercurrit. Itaq; dubitandum non est, quin in hunc etiam partum conueniat illud, quod est à Domino dictum, Ioan. 16. Mulier cum parit, tristitiam habet, cum autem peperit, iã non meminit pressuræ, quia natus est homo in mundum. Hic vero maior est etiam lætitia, quia non natus est homo in mundum, sed verius in cælum: vita

enim

enim corporis brevis est, ac miseriis plena; vita autem animi sempiterna, ac omni ineffabili gaudio referta.

Quæ omnia confirmari possunt ex ipsa Dei natura, & innata bonitate, ac providentia: quæ cum tanta fuerit, ut eum è cælo in flagella, in spinas, in crucem impulerit, idq. pro animarum salute, ad eius etiam bonitatem, & providentiam spectare videtur, ut in hac sibi gratissima functione laborantes solatiis, ac lætitiis repleat, ut mediante delectatione, opus ipsum perficiatur. Hanc igitur spiritualium gaudiorum abundantiam, Apostolorum exempla testantur: nam simul ac fuerunt verbi Dei ministerio accincti, ibant à conspectu Concilii gaudētes, quoniam digni habiti sunt pro Christi Iesu nomine contumeliam pati. Legimus & innumera alia, & Martyrium, & Confessorum exempla, qui pro fidei confessione, ac propagatione, tormenta ingenti cum gaudio perpessi fuerunt. Nec similia hac nostra ætate desiderantur, Beatus enim Franciscus Xavierus legitur sapissimè in immenso illo Orientis tractu pro animarum salute laborans, solitarius, manu pectori admota, oculis in cælum elatis, propter harum consolationum abundantiam, huiusmodi voces edere solitus fuisse: Sufficit Dñe, sufficit: quasi ipse quoq; ut Ephren, consolationē divinā, ferre non posset amplius. Quin etiam cum iter faceret, quod ille semper pedester faciebat, adeo mentem suspensam, & in Deum absorptam gerebat, ut sæpè de via aberrans, in vepres, dumeta, & lapides impingeret, nec advertens: quam sanè ob causam semper ei plantæ, ac tibie sanguine, & tabo fluebant, cum

tamen ille ne sentiret quidem. Et quamuis hæc grandia videantur; sunt etiam alia, & communia, & quotidiana, quæ ex corde puro, ex orationis studio, ex virtutum exercitatione, & aliorum reparata salute proueniunt, quæ viris Religiosis sincerè ob Dei honorem, in hac Infidelium cultura laborantibus, certa, & perpetua sunt.

*DE ALIQUIBVS IMPEDIMENTIS
remouendis. CAP. XI.*

Aliqui, qui nondum alte gustarunt quàm suavis sit cibus, pro animabus seruandis labores, & tribulationes magnas, vsque ad sanguinis effusionem perferre, propriam commoditatem animarum saluti præponentes, multa excogitarunt impedimèta, quibus benè currentiùm conatus aut retardare, aut penitus impedire, maximè in Infideliùm, tam Occidentaliùm, quàm Orientaliùm Indiarum conuersione conabantur. Quæ ad quatuor præcipuè capita reducuntur à Doctissimo Patre Iosepho Acoſta in tractatu aureo, ac omni eruditione pleno de procuranda Indorum salute, primò ad Diuinæ gratiæ subtractionem, quasi credant, illas gentes occulto Dei iudicio in suis tenebris relictas: secùdò ad naturæ, morumq. illarum gentium absurditatem, siue incapacitatem: tertio, linguarum illius tractus difficultatem, ac demum locorum, atque habitationis incommoda: quibus certè difficultatibus, incommodis, & periculis sæpè milites Christi ab incepta vocatione deterrentur. At quoniam apte idem Acoſta horum retundit tela, maximè lib. 1. de

procur. Indorum salute; propterea rogo, vt qui se se vocari ad sanctam illam, Deoq. gratissimam marium traiectionem sēferit, nimirum vt Deo Indos, Aethiopes, seu alias nationes Barbaras vocāti co-operentur, cum attentē versent, ac perlegant. Et quoniam omnia impedimenta reducuntur, vel ad locorum incommoditatem, addiscendæ linguæ laborem, ac ipsorum Barbarorum ineptiam, & stupiditatem: quæ quidem quod non tam à natura ipsis insita, quam educatione, vsuq. acquisita sit, præter ea, quæ Iosephus Acosta in huius rei confirmationem affert, legendus est Thomas Bozius sig. 28. de gētibus efferis ad humanitatem disciplina Christi perductis, & sig. 93. à c. 199. vbi de gentibus Septētrionalibus agēs illas olim (ait) ita. incredibilis fuisse ferocitatis, vt feræ ipsæ, ac forsan ipsis Indis, Aethiopibusuē deterioris naturæ viderentur.

Deinde isti nimium sibi ipsis indulgentes breuiter exemplo ipsius Iosephi Acostæ conuincantur: Iam illud, inquit, multum mouere nos debet, quod videmus ad gentes profundi sermonis, & ignoræ linguæ homines penetrare lucris spe, nec deterreri barbarie immēsa, sed vniuersa merciū causa lustrare, non Aethiopū innumerabiles linguas, non Syntarum, non Tartarorum, non Brasiliensium, non extremi Oceani littora recusare, & quicquid inter Mendocinum promontorium, & fretum Magalanicum situm est infinitis terræ, ac maris spatijs, idq. vtroq; ex latere, & Boreali, & Australi magno studio obire: Deniq; & si quem tellus extremo refuso sum mouet Oceano; vel si quem extensa plagarum quatuor in medio dirimit plaga solis iniqui, hunc

perscrutantur, huius linguæ, vel balbutientes se ac-
 commandant, vt aurum, argentū, ligna pretiosa, mer-
 cesq. exquisitas ad suos euehant, quæstumq. vndiq;
 augeant, tam longā, & periculosa peregrinationē
 avidissimē suscipiunt, vt profectō admirabile sit om-
 nes penē portus Oceani, omnes sinus Orbis terra-
 rum stationibus nauium Hispaniensium teneri, oēs
 Indorum Satrapas cum nostris mercatoribus, &
 nautis cōmerciū habere. At nos, qui pretiosissimas
 merces querimus, animas, Dei imagine insignes,
 qui lucra nō incerta, aut breuia, sed æterna in cælis
 speramus; linguæ difficultatem, locorum asperita-
 tem causamur: vt appareat verē prudentiores esse
 filios huius sæculi in generatione sua filijs lucis.
 Superest, vt charitas ardens in Christum, industria,
 & labore perficiat, quod deest naturæ. Qua in re
 Patris Francisci Xauieri admirabile extat exem-
 plum, qui in perdiscenda Malauarica lingua tantū
 operæ, & sudoris posuit, tantundemq. in Iaponen-
 atque alijs longē inter se diuersis, vt si Apostolico
 dono linguarum præditus esset, non posset maiore
 gloria Christi nomen in tanto terrarum Orbe vul-
 gare. Certe enim charitas omnia potest, & cum
 linguæ cessarint, vna charitas pro omnibus est.
 Hactenus Acoſta.

Igitur vt iam huic primæ parti, in qua necessita-
 tem, dignitatem, ac huius in lucrandis animabus
 studij vtilitates breuiter exposui, finem imponam,
 quis tot, ac tanta lucra, tot opes, ac virtutum oīum
 præstantiam in eo inesse conspiciat, qui non meritō
 thesaurum illū, in Euangelico agro abscondito il-
 lud non iudicet? est enim verissimus thesaurus Euā-
 geli-

gelicus ardens in proximos dilectio, quæ ingentes diuitias continet, immensamq. bonorum abundantiam: non enim vnum, aut alterum bonum, sed omnia simul congesta, & accumulata. Quod si illi, qui mercaturam exercēt, vt ditescant, traiectis immēsis maribus, peragratis varijs Orbis regionibus, ac hominibus ignotæ linguæ, magno cū labore, & quidem multis iacturis exposito, & longo tempore, diuturno studio, magnaq. contentione diuitijs inhiant, sæpè etiam in naufragia incidunt, vt vna hora omnia auferat, quæ plures fortassis anni corrauerant: nos, qui thesaurum cēlestem in agro animarum reconditum, ac fodinas quærimus animarum, in quibus non chrisoliti, aut vniones, sed veriores gemmæ, & margaritæ, ac multò illis pretiosiores congregatæ sunt, quarum vsus non in terra tantum, sed in cēlo quoq; maximus est, cur torpescere debeamus? Est tamen thesaurus absconditus, quia pauci eum cognoscunt, paucisq. conceditur. Vbi autem absconditus? nempe in agro, in hoc inquam remoto à delitijs, & temporalibus commoditatibus, à strepitu ambitionum, à negotiationibus, à consanguineis, amicis: In agro deinde, qui locus & arari, & feri, & magno deniq; studio coli solet. Omnia igitur relinquenda, si agrum hunc possidere, ac in eius cultura laborare velimus: ac quod primum est, thesauro in tam felici agro abscondito frui.

SECUNDA PARS.

Religiosorum omnium instituto congruit pro
Hæreticis, aut Infidelibus iuuandis studiū.

RELIGIOSIS Ordinibus, quantumuis
solitudini, ac contemplationi va-
cent (exemptis forsan illis, qui Ere-
miticam vitam profitentur) valde
esse consentaneum, imo expedien-
tissimum, Ecclesiæ conatus in ani-
marum conuersione adiuuare, ostenditur tam ex
regulis, ac institutis Religiosorum omnium, in qui-
bus animarum studia non interdiciuntur, quam ex
multis alijs argumentis. Imò verò Religiosos om-
nes præ alijs huic functioni esse aptissimos, tum ex
fructu à Religiosis Ordinib. in Ecclesia Dei perce-
pto, tum ex alijs capitib. plenissimè comprobatur.

RELIGIOSIS OMNIBVS, CŪ IVSCVNQ;

*Ordinis sint, valde consentaneum esse proximo-
rum salutis, ac peculiariter Infidelium con-
uersioni studere. C. A. P. I.*

Quamuis ad Petrum, eiusq. Successores, quibus
vniuersalis Ecclesia à Christo commissæ est,
singulari quadā ratione, & debito pertineat,
ex non ouibus oues facere, vt ouile vnum in Eccle-
sia consurgat; Quia tamen Romani Pontifices per
se ipsos præstare id non possunt, decreuerunt viros
idoneos sibi coadiutores eligere, qui ipsorū autho-
ritate officium hoc prædicandi gentibus Euāgeliū
obi-

obirent: nam etſi Epiſcoporum, qui hac in parte Apoſtoliſ ſucceſſerunt, munus hoc eſſe videatur; ta-
men neq; Epiſcopi omnia præſtare poſſunt, & ipſi
etiã ſuarum dioceſeon limitibus cõcluſi ſunt. Qua-
re Religioſos Ordines Põtiſices ſibi in hac func-tio-
ne tanti pneris ſocios aſſumpſerunt, qui Apoſtolica
authoritate freti, totum terrarum Orbem doctrinæ
luce illuſtrarent, ac vitæ pietate, & ardore inflāma-
rent. Et quamvis in Eccleſia olim fuerit concerta-
tio maxima, an Religioſis etiam Mendicantib; mu-
nus prædicandi, Sacramentaq. adminiſtrandi com-
peteret: Surrexit enim Guilielmus quidam oppidi
Amatoris, eiꝫ amentia, & ſcelere pares alij Docto-
res Pariſienſes, qui tũ in voce, tũ iuſtis volumi-
nibus editis, nec literis ſtudere, nec ad populũ con-
cionari, nec pœnitentium confeſſiones excipere, li-
citur eſſe Religioſis affirmarũt; ea potiſſimum ra-
tione ducti, quia Monachis potius plangēdi, ac cõ-
templādi, quàm docendi officia competerent. Re-
pugnarũt tamen acerrimè hiſ, qui Dei gloriæ, ani-
marumq. ſaluti aduerſabantur, duo vtriuſq; illius
temporis lumina, Beatus Thomas, & D. Bonauētu-
ra, & hic quidem pauperum Apologiam, ille verò
opusculum edidit contra impugnantes Religionē.
Sed antequam D. Thomæ argumēta proponam,
illud eſt præclarum inter alia, ac primo loco ad ho-
rum impietatem improbandam præmittendũ, quod
etſi olim, antequam Monachi Sacerdotum munere
fungerentur, ipſorum illa erant propria, iugis ſci-
licet oratio, pſalmodia, vigiliæ, ieiunia, & aliæ exer-
citationes, Diuinorum contemplatio, atq; ipſa vi-
uendi ratio victu, veſtitu, & loco à reliquorũ homi-
num

nū cōmunionē iuxta nominis, ethymologiā distīn-
 ctā: Monachi enim appellati sunt ab indiuidua illa,
 & singulari vita, & à rebus alijs separata, quā profi-
 tebantur: Vnde apud Dionys. Arcopag. vniuersus il-
 le cōsecrationis ritus, quē ipse c. 6. Ecclesiast. Hie-
 rarchiæ affert, secessionē hāc, & separationē, ac trās-
 formationē in vitam vnificā, & Dei contēplatiuā
 designat. Extant hac de re plurima Patrū decreta
 apud Gratianū, & apud Iuonē, Ex Concilio quidem
 Nicēno Canone sexagesimo primo inter Arabicos
 legitur, vt Monachorū cōuersatio iuxta eorum no-
 men à reliquis sit discreta. In Calcedonen. autem
 c. 4. Monachorū vita, orōne, ieiunio, quiete, & clau-
 sura definitur. Hieronymus vero ad Riparium, ad
 Paulinū, ad Heliodorū, ad Rústicū, & ad Desideriū,
 solitudinē, orationē sine intermissione, vigiliās, labo-
 rem manū, Diuinorū contēplationē, ac vitam peni-
 tentē ex Apostolico instituto prorsus ab alijs se iun-
 ctam, & pro illorū nominis ratione singularē, pro-
 pria illorum esse docet: ac perinde omnes ferē Mo-
 nachi olim solitariam, & heremiticā vitā ducebāt.
 At verò postquā Monachi ad Prębyterorum, ac
 Sacerdotū gradum ascēderunt, iam ipsorū Religio-
 forum Sacerdotum illa propria officia sunt, ex ipsa
 Christi institutione, vt saluti hominum procurādā,
 tanquā coadiutores Dei incumbant, disciplina mo-
 rum, & doctrina fidei alios ædificent, verbi ministe-
 rio, Sacramētorum administratione, vita exēplari
 & oratione populo profint. Deniq; (sicut à Diony-
 sio traditum est) vt purgent, illuminent, & perficiāt
 alios, quæ actiones propriæ sunt Ecclesiasticę Hie-
 rarchiæ, quam Christus secundum exemplaris sui

ecclēsis in terris instituit, hoc est, vt legatione inter homines pro Christo fungeretur, & opus illud promouerēt, quod Christi, atq; Apostolorum est; quodque solum toti Ecclesiasticæ Hierarchiæ fuit demā datum, quam institutam à Christo Domino accepimus, ad retinendam doctrinæ ab eo traditæ puritatem, atq; ad excitandos, & iuuandos homines, vt æternam salutē consequātur. Quæ cuncta adhuc clariora sunt ex Euangelicis, & Apostolicis libris, atque ex ipsa Patrum canonica institutione, vno ordine dicentium, Ordinem vniuersum Sacerdotum vni huic operi consecratum fuisse, vt ab oībus alijs curis liberum, & immune esset, ne qua re impediri, vel retardari posset ab eo ministerio, quod principem locum in Ecclesia Dei tenet, vt grauissimè, & eleganter multi Patres affirmarunt. In primis S. Greg. Nazianz. in Apolog. *Præbyteri* (inquit) *officiū cœlestem quandam vitam requirit, primo purgari, deinde purgare; sapientia instrui, & sic alios sapientes reddere; lumen fieri, & alios illustrare; accedere ad Deum, & alios adducere; sanctificari, & alijs sanctitatem adferre.* Sanctus Ioan. Chrisost. homil. 11. in Marcum, *Sacerdotalis officiū est posse docere populum.* S. Hieronymus ad Rusticum Monachum epist. 4. sic inquit: *viue in monasterio, vt clericus esse merearis: & infra: Multo tempore disce, quæ postmodum doceas. Quod si populus, vel Episcopus in clericū te elegerit, age ea, quæ Clerici sunt.* sic Hieronymus; quibus clarè innuit Monachos Clericos omnia Ecclesiastica munera Clericorum propria debere exercere. Quis verò primus fuerit, qui in Occidēte Monachismo inseruerit Clericatū, prædicatur à S. Ambrosio li-

bro 10. epist. 82. S. Eusebius Episc. Vercellēsis, quod & ipsum præstantissimum vitæ genus S. Martinus Episcopus Turonēsis transuexit in Gallias; & S. Augustinus in Aphricam, & ante ipsos in Orientē, Basilus Magnus, qui omnes admirabili quadam connexionē duo hæc perfectissimæ vitæ genera, Clericorum, & Monachorum, eorumq. fūctiones in vnū pariter coniungentes, tanquam splendidissimis luminaribus sibi ipsis, alijsq. lucētibus Christi Ecclesiam exornarunt. Ex quibus, alijsq. innumeris Patrum testimonijs quid addat Præsbyterium ad Monachismum, quæ, & quales virtutes requirantur in eo, qui tractaturus est de æterna animarum salute, non obscure constat: ob quam causam Religionum Institutores monastico instituto Sacerdotalis officij dignitatē, ac curam adiungere, ac ex eo proximorum saluti procurandæ, quasi quodam debito se astrinxerunt.

Quare Gregorius Nazianzenus in oratione funebri ad Basilium, ex hoc maximè Basilium commendat, quod pietatis Gymnasia, siue Monasteria extruxerit, vt & Monachi contemplationi, & aliorum saluti iugiter studeant. Hoc igitur Basilij studium, & inceptum in posteriorum Religionum institutione magnos progressus fecit. Nam Monasticæ disciplinæ, & sacerdotij virtutes, & vtilitates ita vnus vitæ communione permixtæ sunt, vt verè illius solidæ virtutes, atq; vtilitates Sacerdotij ministerijs, & exercitatione extra vmbra, & solitudinem positi illustriores fiant, & quàm maximè fructuosæ. Quippe Sacerdotij ministeria Religiosis virtutibus adiecta tranquillitatem animi, & puritatem non impediunt,

diunt, sed potius perficiunt, & oratione, ac Diuinorum contemplatione quasi accensa feruentius, & cum vberiori animarum fructu exercentur. Vnde item fit, vt aliorum vtilitas cum propria vtilitate coniuncta semper sit; nam in omni ministerio, & actione ad renouationem spiritus perpetua veteris hominis mortificatione, ad augmenta virtutum, ad maiorem Dei gloriam, Religiosorum Ordinū Authores, & Duces semper aspirarunt.

Nam postquam Basilius sanctissimis legibus Religiosos, tam in ordine ad propriam salutem tuendam, quam ad proximorum iuuandam, procurandamq. Euangelica lux in Occidentem illata, caliginem Europæ discessit, surrexit Almificus Monachorum Pater Benedictus, cuius Regulas plurimi sunt amplexi. Bernardus quoq; ac ceteri Ordines, præcipuè verò illi quatuor, qui Mendicantium vocantur, illuxere mundo, minantemq. ruinam Ecclesiam indefesso labore sustentarunt, instaurarunt, ac in varias nationes propagarunt; ac idem quoq; alii Ordines executi sūt, qui veluti nouæ cohortes prodierunt in campū, animasq. quāplurimas à laqueis Diaboli in Euangelii lucem, ac libertatem reuocarunt, vt latius sequētibus exemplis demonstrabitur.

Conuenientissimè igitur Religiosi, postquam Sacerdotales functiones Monacatu sunt annexæ, prædicandi, ac docendi munus exercent: quare meritò sententiam Guilielmi D. Thom. Opusc. 19. cap. 4. in primis censet erroneam, & in procemio eiusdem Opusc. asserit Diabolum inuidum Diuinæ gloriæ, & humanæ salutis per ministros suos (& loquitur de Guilielmo, eiusq. complicibus) gloriam Dei, & ani-

marum salutem niti impedire, & secunda secundæ quæst. 187. art. 1. Stultam inquit esse opinionem dicentium, quod sit status Religionis impedimentum talia exequi. Ecce, qua ratione D. Thomas errorē, & stultitiam cēset asserere, Religioni alicui esse contrarium saluti proximorum prædicatione verbi Dei, aut confessionum auditione cōsulere: loquitur autē D. Tho. vt luce clarius constat ex contextu, de omnibus Religionibus, tam de ijs, quæ sunt institutæ ad vacandum contēplationi, vt sunt Monachales omnes, quàm de illis, quæ actioni, & cōtemplationi vacant, vt ipse docet in cap. primo eiusdem Opusc.

Hanc verò sententiā tribus inter alia conuincit argumētis. Primū affert, illudq. egregiū 2.2.q.187. art. 1. vbi quærens D. Tho. an liceat Religiosis prædicare, & docere: Respondet, nō solum non impediri ratione status Religiosos ab hoc munere, sed potius esse magis idoneos exercitio sãctitatis, quod assumpserunt: *Stultum autem est* (inquit) *dicere, vt per hoc quod quis in sanctitate magis promoueatur, efficiatur minus idoneus ad spiritalia officia exercenda: & ideo stulta est quorundam opinio dicentium, quod ipse status Religionis impedimentum afferat talia exequendi, quorum error em excludit Bonifacius Papa in c. sunt nonnulli, 16. q. 1. vbi sic dicitur: Sunt nonnulli nullo dogmate fulti, audacissimo quidem zelo magis amaritudinis, quàm dilectionis inflammati, asserentes, Monachos, qui mundo mortui sunt, & Deo viuunt, Sacerdotalis officij potentia indignos: sed omnino labuntur. quod ostendit; primo quidē, quia non cōtrariatur Regule, subdit quippe, Neq; enim D. Benedictus Monachorum Præceptor almificus huiusmodi rei aliquo modo*

modo fuit interdictor : & similiter nec in alijs Regulis hoc prohibetur . Secundo, prædictum errorem improbat ex idoneitate Monachorum, cum in fine capituli subdit : Quanto quisque excellentior est, tantò illis, scilicet spiritualibus operibus, potentior . Hactenus D. Thomas . Vbi clarissimè probat, non solum non repugnare instituto Religionum prædicare, & docere, sed etiam Religiones, quanto sanctiores, eo aptiores animarum salutis procurandæ . Sed ut perfectius vis huius rationis à Diuo Thoma adductæ expendatur, ante omnia animaduertere oportet, D. Thomam prædicto art. 1. quærere: an liceat Religiosis prædicare, & docere, & affirmantem partem, damnata contraria sententia, ut stultitia, & erronea, sequitur ; eo fundamento Bonifacii Papæ potissimum ductus, quia Religiosi sunt capaces dignitatis Sacerdotalis, cui annexa est potestas, prædicta munera exercèdi, ut iam dixi ac proinde non solum apti ad prædicandum, sed quantò sanctiores alijs, tantò aptiores huic Sacræ functioni, maximè cum a nulla Regula Religionum prohibeatur id ipsum. Præterea secundo, dicto Opusc. 19. art. 2. id egregiè confirmat D. Tho. quia consilium non potest esse (inquit) de eo, quod contrariatur cõsilio, vel præcepto: sed docere cadit sub præcepto, vel consilio, et patet Matth. ult. Euntes docete omnes gentes &c. Gal. 6. Vos qui spirituales estis, huiusmodi instruite in spiritu lenitatis, non ergo de non docendo potest esse consilium . Et confirmat D. Thom. : Consilia, quæ Dominus proposuit, immediatè ab Apostolis seruari voluit, et eorum exemplo alij ad obeunda consilia prouocarentur : unde Paulus 1. Corint. 7. consilium

de virginitate proponens (dixit) Volo oēs homines esse sicut meipsum: sed observatio huius, quod dicunt. Consilium, scilicet abstinere à docendo, ad Apostolos nō pertinebat, cum ipsi ad docendum in vniuersum Orbē mitterentur: nō ergo abstinere à docendo sub Consilio cadit. Haftenus D. Thomas. Igitur maioris perfectionis esse non potest, abstinere à doctrina, & prædicatione: tūc etiam si nō potest esse consiliū, neq; præceptum de non prædicando, aut docendo, nō poterit doctrina, aut prædicatio verbi Dei esse contraria alicui Instituto.

Et quanquam Doctor Angelicus scriptis ipsis, Deus autem multò grauius, & acerbius factis illorum temeritatem, qui animarū saluti aduersabantur, patefecit, Guilielmus enim ab Alex. IV. Rom. Pontif. Romam euocatus in publico Cardinalium confessu conuictus, damnatusq. est, atq; non solum eius liber igni traditus, sed & ipse quoq; eius Author Canonicatu, ac redditibus Ecclesiasticis exutus, atq; insuper à Ludouico Rege à tota Gallia relegatus. Stant hodie in compendio priuilegiorum Ordinis Prædicatorum antiquo, varia Alexandri IV. contra Guilielmum, eiusq. librum, & sectatores decreta, quæ etiam habentur in Conuentibus Parisiensibus authentica.

RELIGIOSI OMNES PRÆ ALIIS
aptissimi sunt animarum conuersioni procuranda. CAP. II.

Illud inter cætera maximè pios Religiosorū animos ad opus conuersionis suscipiendum mouere debet;

debet, quod eorum status, vitæ, & instituti ratio præ omnibus alijs magis idoneus, & aptior huic animarum culturæ censetur, idq. propter multas rationes, siue causas, quarum aliquas adducit Angelicus Pater D. Thomas opusc. 19. c. 2. ex quibus tres præcipuas desumemus. *Prima, quia convenientissimè doctrinam Evangelicam docet, qui non solum præcepta, sed etiam consilia servat: secundum illud. Cæpit Iesus facere, & docere, huiusmodi sunt omnes Religiosi, convenientissimè igitur omnes prædicant.* *Secunda: Illi maxime sunt idonei ad docendum, qui maxime diuina per contemplationem capere possunt: unde Gregorius in 6. Moral. Quietis contemplantes orbeant, quod occupati erga proximos refundant loquentes: sed ad vacanturæ contemplationi præcipuè Religiosi sunt deputati: ergo per hoc quod sunt Religiosi redduntur magis apti ad docendum.* Sic D. Thom. ut supra, qui etiam secunda secundæ, quæstione 187. articulo primo, tertiam non contemnendam adiungit rationem, quia quanto aliquis est sanctior, tanto est aptior prædicationi verbi Dei, nisi aliando prohibeatur; sed prædicare, & docere, neq. interdicitur in Regula Sancti Benedicti, neq. in alijs Religionum Regulis, ut determinat Bonifac. Papa. in c. nonnulli sunt 16. quæst. 1. Concludit igitur eo quæpiam magis esse idoneum, ac alijs aptiorem animarum profectibus, quanto ille vitæ sanctitate fuerit sublimior. *inquit, etc.*

Accedunt tres aliæ causæ, euz statum Religiosæ ministerio conuersionum aptissimum efficiunt, (quas fusius Hieronymus Plato vir aliàs pius, & doctus in libro de bono sta. religio. persequitur.

Prima ducitur ex ipsa Dei natura, & more: si quis enim Dei rationem, atque ordinem in hominum salute propaganda ab ipso Ecclesiæ ortu attentius inspexerit, facile inueniet, hoc semper fuisse eius consilium, ut ad tantum hoc opus eos maximè ministros, adiutoresq. adhiberet, qui essent maximè humanis omnibus præfidijs destituti, ut non gloriatur omnis caro, idest, ne tantæ rei perfectæ laus, euacuata Christi Cruce, in hominum sapientiam, aut potentiam transferretur: quare nō sapientes, non nobiles, sed piscatores, & publicanos quos dirigeret, elegit: non igitur putandum est mutatum esse Deum, eiusque sapientiam, ac aliam nunc in hominum conuersione formulam, quàm antea secuturum. Quare nunc etiam querit Deus operarios pauperes, humiles, ac terrenis rebus omnibus vacuos, quales sunt Religiosi, qui vineam Domini in siti, fame, frigore, & nuditate, sicut olim Apostoli, excolant.

Secunda causa; quia cum ad cohortandum multò maius pondus habeant exempla, quàm verba, nulli dubium est, quin multò certius, faciliusq. credituri sint homines illi, quem non verbis tantum, sed factis ipsis viderint res humanas contempsisse. Nam cum maior hominum pars voluptatibus, cæterisq. terrenis bonis rapiatur, quem viderint hæc despexisse, se ipsum vincere, ac suas cupiditates rationi subigere, magni æstimant, ac rerum hæc despicientia admirabilitatem tantam præ se ferre, ut nihil sit ad persuadendum aptius, nihil gratius ad voluntates commouendas. Quare Religiosi, qui hanc paupertatem, rerumq. abrenun-

tiationem profitentur, aptissimi sunt huiusmodi ministerio.

○ Tertia, & vltima causa ab ipsis operarijs ducta sit. Nemini dubium, quin ad hoc opus multo melius parati sint, qui nihil omnino in hoc mundo possident; primum, quia liberi sunt, expediti, & alacres ad currendum, quocunque eos spiritus Domini impulerit; propterea quod non liberorum, non agrorum, non rei familiaris procuratione eorum cogitationes illigantur: ex quibus duo magna damna consequi solent, nam & tempus eripiunt, quod in alijs melioribus studijs utilius impenderetur, & ipse animus frequenter rebus ipsis quas tractat, nimium adhærescit; quod vtrumque Euangelico operario, & indignum, ac turpe, & maximè etiam incommodum est. Itaque bene, & sapienter Ambrosius in Lucam: *Qualis, (inquit) debeat esse, qui euangelizat regnum Dei, preceptis Euangelicis designatur, ut sine virga, sine pera, sine calceamento, sine pane, sine pecunia, hoc est subsidij secularis adminicula non requirens, fideq. tutus putet sibi, quo minus ea requirat, magis posse suppetere.*

Restant etiam duo alia in Religiosis, quæ ad hunc fructum in animarum conuersione assequendum maximè conferunt. Primum, professio ipsa castitatis, quæ ita Deo placet, ut eius possessores Deus mira efficacia, & fortitudine contra Dæmones muniat; ut optimè prædicauit summus Sacerdos Ioa- chim (Iudith. 15.) qui in communi gratulatione post tantam victoriam à Iudith cōtra Holofernem

repositam, sic eam celebravit, eoque castitatem amaueris; ideo manus Domini confortauit te, & eris benedicta in æternum. Sed de castimoniz in sancti Euangelij Ministris necessitate, & fructibus alibi dicturi, nunc breuitatis causa sermonem ad alteram partem, quæ Religiosos ad hoc conuersionum opus maximè iuuat, transferamus. Ea est charitas, & coniunctio animorum inter se ipsos; nam cum Orbis ad Deum conuersio difficillimi negotii sit, ac perspicuum sit nullam rem magnam effici sine multorum adiumentis, cum nemo solus omnia habere possit, sit vt in animarum conuersione ex Religiosorum coniunctione, ac mutua charitate vberissimi eliciantur fructus. Nam vt præclare dictum est à Sancto Basilio. Constit. Mon. cap. 19. *Veluti milites te-
studine, quam vocant, facta, sese inuicem ita mu-
nunt, ut sint impenetrabiles, sic ipsi propter con-
iunctionem qua nexi sunt, sese mutuo, (vt ipse
ait,) conspiciant, & inter se protegant; ex quo
non solum fit, vt inimicorum ictus repellant, sed
etiam inimicos ipsos faciliè fundere, & fugare
etiam ab alijs possint. Quod si hoc verissimum
est, nullum hominum genus reperiri ita huic ani-
marum functioni aptum, & idoneum, esseque
huiusmodi ministerium Monachorum instituto co-
sentaneum, restat vt sit etiam hæc functio illis
facilior, & iucundior. Id enim perpetuum est in
omnibus rebus; vt quæque res eo maximè ga-
deat, quod eius naturæ est maximè aptum, &
proinde quanto impedimenta sunt remotiora.*

eo maiori facilitate sit prædita, quæ omnia Religiosorum animos in opus Missionum maxime deberent inflammare, maxime si experientia ipsa clamante fructus in Ecclesia Dei, ex Religiosis Ordinibus in fidei propagatione considerentur, ad quorum enarrationem iam gradum faciamus.

RELIGIOSIS OMNIBVS CONVENIENTIS-

simum esse animarum saluti, & conuersioni studere, ostenditur ex fructu à Religiosis in fidei propagatione facto. CAP. III.

Non levis momēti, imò grauissimum, validissimumque argumentum produci potest, quo & dignitas ministerii huius amplius extollatur, & conuincantur illi, qui contra institutum Religiosos agere, si in Missionibus occupētur, ausi sunt affirmare, ex fructu, magna. utilitate, quam Religiosi viri omnium ferè Ordinum in Ecclesia Dei, ex quo instituti sunt, verbi Dei prædicatione effecerunt. Ex quo facile erit conuincere eos non temerè, aut inordinatè contra suum institutum hoc munus suscepisse, sed potius Diuino consilio, ac convenientissimè egisse. Tum quia ad Ecclesiæ culturam, & propagationem homines sui instituti defensores tantopere non contulissent; nec Deus hominum ita deuiantium à suo instituto adiunxerit actiones, aut mentem excitaret ad similia opera perficienda: tum quia ferè omnes viri fuerunt doctissimi, atque ut plurimum sanctissimi;

de quibus sine temeritate iudicari, aut suspicio nequit haberi; vel ipsos institutum proprium ignorasse; aut illud scienter non observasse; & contempsisse. Et quemadmodum Ecclesiam Sanctam illud maxime commendat, quod tam multi claræ admirationis viri, strenuissimi Martyres, Confessores integerrimi in ea fuerint; sic mihi videtur optimum argumentum in studij Missionum commendatione, quod tanta præstantium virorum Religiosorum multitudo illud fuerit amplexa, ut vel sola eorum authoritas satis esse possit ad illud omni laude commendandum. Est autem eiusmodi hæc multitudo, ut si ratiocinando summam eorum deducamus, qui in Religionibus sanctitatis gloria florere, sine vllâ dubitatione maximam partem, immo omnem ferè, inveniamus huic animarum scholæ fuisse addictos. Quod si in eis hoc efficit ardens animarum zelus, ut tantam sanctitatis excellentiam adipiscantur, quid hoc ministerio melius, aut utilius Religiosis? hoc enim magnopere Missionum opus commendat, (ut nunc eius alias laudes prætermittam), quod tales, & tanti viri eam vivendi formulam sustinuisent, quorum vestigiis insistere non possit non esse tutum, & laudabile; quantacunque enim est eorum authoritas, ex tota huius ministerii dignitatem extollit. Primum, quia nunquam hi tale institutum adamassent, nisi meritò adamandum cognovissent: Deinde quod ad illius dignitatem, & commendationem, ipsi quoque aliquid splendoris, & dignitatis suis exemplis contulerunt.

Et in primis, vt nunc præteream Mendican-
tium Ordinum, tam Religiosos, quam fundato-
res, à Monachalium Religionum institutoribus in-
cipiam, quorum facta tacita est, immo expressa,
sui instituti interpretatio, aliorumque subdito-
rum ad sui imitationem cohortatio. De magno
illo Monachorum Patre Benedicto, vt latius apud
D. Gregor. in eius vita, habetur, in Cassino mon-
te simulachra, quæ adhuc à Gentilibus coleban-
tur, comminuisse, ipsosque oppidanos Christia-
nis præceptis imbuissè legimus. De Basilio Ma-
gno Gregorius Nazianzenus in eius vita scripsit,
eum sua Monasteria propè Ciuitates erigi curas-
se, vt non sibi tantum vtilis, sed & aliis prodes-
se possent. *Quamobrem* (inquit Gregorius) *Mo-
nachorum Canobia baud procul ab his, qui in ho-
minum societate viuunt, adificari iussit, nec omni-
no separauit; vt & propinquitate, cum opus cha-
ritatis exposceret, adesse possent, distantes alioquin
proprijs terminis, ne quies illorum, aut pax inter-
rumpi per multitudinem posset; vt & sic, nec ipsi
Monachi actionis merito, quod ex impendenda alijs
pietate esset, priuarentur; neq; rursus eorum actio
per tumultus inutilis efficeretur.* Hactenus Greg.

Et ipse etiam Basilius in Regulis fusioribus, q. 7.
communem vitam solitariæ præferendam censet:
quod hac quidem (vt verbis Basilii utar) *suorum
tantum bonorum procurationem propositam habet:*
*hoc autem apertè charitatis legi aduersatur, qua
non querit, quæ sua sunt: quam perfectè obser-
uasse Apostolum videmus, qui non suam utilita-
tem quærebat, sed multorum, et salui fierent:*

Et paulò post idem Basiliius inertem, & infructuosam appellare non veretur eam vitam, in qua scilicet Dei contemplationem nulla actio subsequatur tuendis hominum commodis directa. Hæc Basiliius.

Quis verò Diui Bernardi, Clareuallensis instituti Authoris, beneficia, quæ non solum concionibus, & scriptis, sed quàm plurimis exemplis proximis, Ecclesiamque adiuuit, poterit referre? Petrum Abailardum in Concilio Senensi, Gilbertum Porretanum in Remensi, Henricumque, & alios Hæreticos, qui Galliam vniuersam suis dogmatibus inficiebant, solus ipse conuicit, ac repressit: Franciamq. aliqua ex parte prædictis hæresibus iam infectam, ad Ecclesiæ Catholicæ unitatem reduxit. Quid de peregrinationibus eius, fidei, & sanctæ Matris Ecclesiæ, ac proximorum salutis causa susceptis dicemus? Modo enim ad Galliæ regem, modo ad Imperatorem, aliosque principes viros pro arduis Ecclesiæ negotiis, ac rebus publicis, animarumque salutem concernentibus missus est à Summis Pontificibus, ac denique fructus, qui ex eius concionibus ad populum prouenerint, quàm innumerabiles ex vitis ad frugē se receperint à Satana faucibus erepti, nec cogitari quidē potest. Vt omittam nunc præclariora, quæ fecit in illo retro scismate adaersus Petrum Leonem Antipapā pro Innocentio Papa secundo legenda in eius vita. Ecce tres monasticæ vitæ Authores, fontesque clarissimos, à quibus fertur omne institutum Monasticum, tam in Oriente, quàm in Occidente manauit, qui tam exemplis, quàm

quàm verbis, Regulisque scriptis Monachorum instituto valdè consentaneum esse decreuerunt animarum salutì conuersioniq. consulere.

Deinde, quæ à Religiosis Monachis ferè ab Apostolorum tempore gesta sunt in proximorum salute tuenda, & procuranda, immensum esset recensere: qui enim historias consuluerunt, facillè compererint maxima, & egregia opera, quæ à Monachis in integris Prouincijs, & Regnìs ipsis, Christo adiungendis patrata sunt: quàm saepe Euangelij lumen, ubi nullum antea erat, intulerint: ubi obscuratum instaurauerint: quoties fidem, & Religionem, vel iam labefactatam, vel penitus perditam restituerint, ac redintegrarint. Quare ita Monachorum zelus olim in his enituit, vt post Apostolos, & Apostolica illa tempora, in propaganda per singulas Prouincias fide, vix aliorum nomen inueniatur, quàm Monachorù: & quia longum esset omnes percensere, aliquos quasi exempli causa, & per transennam attingamus.

*EXEMPLA ORDINVM
Monachalium. CAP. IV.*

ET in primis Carmelitæ Monachi, antequam Mendicantibus annumerarentur, erumpente Euangelij luce, admirabili cum animi magnitudine Euangelium Apostolorum tempore, per Samariam, Palestinam, aliasq. Orbis partes propagarunt. Nam à Monte Carmeli discedentes ab Apostolis primum baptizati, postea eorum coadiutores in prædicatione sancti Euangelij effecti sunt:

sunt, vt Iosephus Antiochenus lib. 12. speculi perfectæ militiæ primitiæ Ecclesiæ scripsit. *Perfectorum* (inquit) *militum Christi* (idest Apostolorum) *coadiutores surrexerunt strenuissimi viri, solitarij, contemplationi dediti, Sanctorum Prophetarum Helia, & Helisei imitatores, qui de Monte Carmelo descendentes per Galileam, Samariam, Palestinamq. fidem Christi constantissime sparserunt.* Hactenus Iosephus.

Idem etiam de Carmelitis post Iosephum docuit Sanctus Ioannes Patriarcha Hierosolymitanus in lib. de instit. Monach. & c. 27. Postquam docuit Carmelitas ab Apostolis esse baptizatos, & in fide instructos, addit: *Deniq; eorum multi ea, quæ ab Apostolis hauserant, ceteris effundentes, fidem Christi per Phœniciam, & Palestinam prædicabant, dilatantes dogma fidei, & moribus vitæ Monasticam conuersationem Ecclesiæ Dei insignissimam demonstrantes.* Sic Io. Patriar. Hier.

Nec dissentit ab hac sententia Chronica Romana antiqua apud speculum Ordinis lib. 5. in fin. in qua scriptum habetur: *tempore, quo beatus Petrus Antiochiæ Cathedræ præsidebat, Carmelitis in circumquaq; regione adiacente, diuersis locis catholice pro fide insisterant.*

Quibus subscribit Ricardus Armacanus Archiepiscopus in sermone de Conceptione Beatæ Mariæ, vbi de Carmelitis agens (inquit) *Insuper, et fide dignæ historia referunt, in principio nascentis Ecclesiæ in partibus illis prædicando Euangelium solidissime laborarunt.* Hæc, & alia de antiquis Carmelitis reperies apud doctiss. Vbalden. de Sacramentalibus tit. 9. cap. 89.

Sed si ad alia tempora descēdamus, aliorum Monachorum in Ecclesia Dei vberrimi fructus conspiciētur. Primū enim de Monachis ex S. Benedicti familia (vt author est vir grauissimus Trithemius de viris illustribus sui Ordinis, & Hier. Plato, ex quoq. sequūtur decerpimus) B. Remigius, qui Anno ferē 530. Clodouēum Regem, & Franciam vniuersam ab Idolorum cultu ad fidem christianam traduxit, ab ineunte ætate Monachus fuit, ac postea Remensis Archiepiscopus.

Item Martinus Monachus, Anno 540. Sueuos ab Ariano errore sanauit. De Anglia notissimū est, vt ab Augustino informata, quem Gregorius Pontifex cum aliis sex Monachis, nempē Sancto Mellito, S. Petro, S. Iusto, S. Paulino, S. Laurentio, & S. Ioanne eò legarat, ad Deum sese conuerterit, vnā cum Rege Etelberto, Anno 603.

Nec præteream ipsum Pontificē Magnum Greg. vt in eius vita lib. 1. refert Io. Diaconus, qui cum Monachus adhuc esset, & Anglicos pueros forma pulcherrimos venales Romæ cōspiceret, agnosceretq. illos esse infidelitatis tenebris immerfos, tactus dolore cordis intrinsecus, mox à Benedicto Pontifice vehementer cepit expetere, vt sibi licentiam in illam Regionem ad prædicandum Sanctum Euangelium proniscendi concederet, qua obtenta profectus est: postea verò tota acclamante Roma ab eodem Pontifice post triduum itineris coactus est ad proprium Monasterium reuerti.

Anno autem 622. Lambertus Leodiensis Monachus Tassandriam Germaniæ Prouinciā, eodēq. tempore Rilianus Monachus Francorum gentem

ad infidelium numerum aggregarunt, atque hic quidem in eo opere etiam martyrium subiit.

Vilfridus ex Hierpuensi Monasterio in Anglia, postea Eboracensis Episcopus, Anno circiter 683. cum Romam peteret, tempestate in Hollandiam, & Phrisiam eiectus est; ne hyemem illic infructuosè degeret, aggressus est Euangelium, quod nullus adhuc ibi auditus fuerat prædicare. Idemque in patriam reuersus, cum ab improbo Rege Egfrido in sua sede herere non sineretur; diuertit ad Australes Saxones, adhuc in infidelitatis tenebris iacentes, ijsq. fidei lumen importauit, & simul toti Insulæ, quæ Vetula dicitur: Caterum, quod hic opus in Phrisia cœperat id deinde continuauit Villibrodus, ex Monasterio Ripensi etiam in Anglia, qui Traiectensis Episcopus etiam creatus est.

Eodem tempore Suitbertus Lindissæ in celebri Cœnobio Angliæ educatus, vnâ cum vndecim aliis ad Apostolicum numerum representandum ad Saxones se contulit, ex quibus innumerabiles in Christi fide instituisse fertur: idemque postea Verdensi Ecclesiæ Præpositus fuit, nec tamen à laboribus suis vnquam cessauit.

Insignis quoque in hoc genere fuit Bonifacius, qui adhuc meritò tanquam Germaniæ Apostolus colitur: Hic patria Scotus, cum adhuc quinquennis à parentibus ipsis oblatus diù vitam in sacris claustris sanctissimè egisset, à Gregorio Secundo Pontifice in Germaniam missus Hassiam Christo adianxit, anno fermè 717. quam ob causam ad eos, quos docuerat regendos Moguntino Archiepiscopatu ornatus est: quamquam maius orna-

mentum etiam postea ex martyrio accepit.

Villeardus item, & Lugderus ex Monasterio Sancti Villebrodii in Gallia, in Franconiam Germaniæ Prouinciæ profecti, annum circiter 800. & plurimos illic filios Christo Domino pepererunt, ipsique plurimos ea de causâ labores pertulerunt. Paulo post etiam, annos videlicet decem, Ansgarius cum tribus socijs ex Monasterio Corbienti in Gallia belgica plures Regiones Euangelij causa peragraverunt, Daciam, Suetiam, Gottiâ, Grœnlandiam, in quibus omnibus vix credi posset, quantum fructus reliquerint.

Ex quo eodem Monasterio prodit etiam Stephanus, qui primum Ansgario in Suetica messe successit: Deinde in Helinguensem Prouinciâ se contulit, quam totam ab erroribus ad viam veritatis adduxit, atque ibidem tamen ab impijs quibusdam mactatus, ad martyrij palmam euolauit.

Quo etiam referri debet Abbas Floriacensis Monasterii Albus dictus, quod à Sancto Mauro in Pago Flori Comitis ædificatum fertur; is enim in Vasconia Galliarum parte Religionis propagandæ causa strenuè laborauit, vir eloquentia insignis, nec minus sanctitate præstans, ad extremum etiâ martyrio gloriosissimus: Vixit autem Anno ferè 970. Religiosam vitam diu professus vna cum Gaudentio fratre, Monacho item Sancti Alexij Romæ, in Pannoniam abiit, ad disseminandam Christi fidem, ubi in Geisam Regem incidit, diuino iam antea oraculo monitum de eius aduentu. Itaque ab illo cum honore exceptus totam

eam gentem antea feram, & duram Christi cultu imbuit. Mox ad Sarmatas digressus Russis, Lituaniis, Moschis, Prussianis, sed plerumq; Polonis, eorumq. Regi Bolislao Euangelium promulgavit. Denique in Prussia, cum ab impijs ad stipitem alligatus, septemq. lanceis confixis palpitaret, egisse Deo gratias dicitur, quod se martyrij, quod tam diu iam optarat, compotem fecisset.

At Bruno ex Ducali familia, nempe Lotarij Saxoniz Ducis filius, monasticam vitam Romæ professus in Cænobio Beati Alexii à Ioanne XIX. ad Ruthenos missus annum circiter 1025. multos populos ad salutis viam renocavit, qua in causa ne quid ad laudem deesset, martyrij quoque gloria ornatus est.

Eodem quoque tempore Bonifacius Romualdi discipulus in Russiam profectus, Russianum Regem, eiusq. Regnum, præter fratrem, convertit, à quo impie cæsus, vineam à se plantatam etiam sanguine irrigavit.

Anno vero 1050. Humbertus ex Ordine Sancti Benedicti Constantinopolim à Pontifice legatus ad Græcorum scisma confutandum, cum Nicetæ congressus coram Cōstantino Imperatore, ita cum disputando convicit, ut librum, quem conscripserat, comburere coegerit. Otho etiam ex Monasterio Vabergensi, quæ erat Germaniz Civitas, Anno 1125. à Calisto Secundo in Pomeraniam missus Varcisslaum Principem cōvertit cum suis, qui idem etiam loca omnia maritima, Daciz, Polonizq. finitima, cum magna animarū conversione peragravit. Denique complures Saxoniz Civitates

tes obiens, magnos vbique ad salutem motus effecit. Huic similis fuit Vicellinus, qui non multò post hunc vnà cum quatuor sociis ex Gallia ad Vandalos profectus, triginta totis annis incredibili labore vniuersam illam Regionem, in qua innumeri fermè erant populi, Christianis imbuere præceptis, & in iis insignia complura fundauit Cœnobial.

Ac deniq; non solum Benedictus, Asiam, Aphricam, ac præcipue Europam suis seminibus impleuit, Regna, & Prouincias sua prædicatione conuertens; verum etiam Americam nunquam antea cognitam bonorum suorū operum radijs illustrauit. Nam, vt refert Genebrad. in Cronol. sua lib. 4. & alii quāplures Historiographi, primus noui Orbis Apostolus electus ab Alexandro VI. Summo Pontifice, Beccil Monachus Benedictinus natione Cathalanus fuit, qui electis duodecim eiusdem familiæ sociis, Vicarius Generalis Summi Pontificis apud illas nationes fuit designatus, ac benedictione Pontificali accepta ad hanc nouam Euangelii prædicationem ex Hispania, Anno 1495. discessit, illisq; Prouinciis omnium primus lumen fidei intulit. Multa præterea similia commemorari possent ex Monachorum Ordine profecta, præcipuè tamen Orientalium Monachorum sub regula Beati Basilij militantium, quorum ope, & doctrina conuersa Græcia, aliæ etiam Orientales nationes in fide, & moribus sustentantur; quibus breuitatis causa omiſſis, ad alia exempla efficaciora gradum faciamus.

EXEMPLIS HEREMITICAM VITAM DE-
gentium, idem comprobatur. CAP. V.

Heremi, solitudinisq. professores, qui licet pro-
cul à negotijs ad spirituale otium confugerint
tamen si proximorum spiritualis utilitas requirat, cō-
tra officiū agere, si nō contēplationis studijs reli-
ctis, ad proximos iuuādos accurrāt, docet August.
in epist. 91. ad Capratiz Insulæ Monachos; qua eos
hortatur, ne suā quietē necessitatibus Ecclesię prę-
ponant, vbi inquit, *Parturienti si nulli boni admini-
strare vellent, ne ipsi quidem quomodo nascerentur,
inuenturi fuissent.*

Imò, quod magis miror, ipsū Chrysostomū acri-
ter inuehi in sacros Heremi cultores, si proximo-
rum salutis obliuiscantur, homil. 6. in primā epist.
ad Corinth. tom. 4. *Nonnulli (ait) Ciuitates, fora,
hominum consuetudines, & aliorum eruditiones reli-
querunt, montesq. petierunt. Quid si quispiā secessu
causā dixerit, inueniet omni carentē venia excusatio-
nē, siquidē ne peream inquit, ne in virtute fiam &
tufior, secedo: At quanto melius obtusorem te fieri, &
alios lucrari, quam morantem in solitudine percussū
fratres despicere. Et in serm. 3. de B. Phylogono, n-
mo 3. Neq; prorsus alia res est, qua perinde declarat,
doceatq. quid sit fidelis, & amans Christi, quam si fra-
trum curam agat, et pro illorū salute gerat sollicitudi-
nem. Hæc omnes audiant, & Monachi, qui montem
occuparunt cacumina &c. quò pro viribus Ecclesi-
arum Presbītos adiuuent &c. & quibuscunque possint
rationibus auxiliantur. Hæc Chrysost.*

Itaq;

Itaque veteres illi tam magni tamque sancti Patres sæpe hac vna de causa solitudinē quam multis annis coluerant, reliquerunt: & tempore quo persecutiones Ecclesiam Dei oppugnarunt, non defuerūt hi quin naufraganti Ecclesiæ opē ferrent: imo tanquam generosi quidam catuli ex antris exilientes, & è latebris emergentes, statuerunt non se amplius solos seruare, ac relicta contemplatiua vita, omnemque quietem, vt athletæ insuperabiles à se remouentes, alacriter prodierunt ad certanda pro fide Christi bona certamina, sicut de Magno Antonio memorię proditum est, qui relicta solitudine, Alexandriam veniens breuissimo temporis spatio miram Arianis intulit cladem.

Magnus quoque Athanasius in Epistola ad Dracontium Monachum contentiosè reluctantem ad animarum ministerium suscipiendum, his monet post multa: *Nosti enim Seraphionem Monachum esse, & quot Monachorum Prefectum. Neque à te ignoratur, quot Monachorum Pater fuerit Apollonius. Nosti Agathonem, neque ignotum habes Aristonem. Memor es Ammonem cum Serapione peregre profecti. Fortassis etiam audiisti de Eue in superiori Thebaide: Poteris etiam resciscere de Paula, qui est apud latos, & alijs multis, & tamen illi Episcopi constituti non contradixerunt, sed habentes pro exemplari Eliseum, & conscj quid Elias egerit, & eruditi quid Discipuli Christi Apostolique fecerint susceperunt hanc curam, neque ministerium hoc aspernati sunt, neque propterea se ipsis deteriores facti sunt, sed mercedem expectant laboris proficientes ipsi, aliosque proficere adhortantes. Quot ab Idolis conuerterunt? Quot à furiosa & demoniaca consuetudine suis admonitionibus compescuerunt? Quot ad-*
G duxerunt

duxerunt Christo seruos? adeo ut qui ista signa conspiciant, admirentur. Anquæso non ingens signum puellam inducere, ut virgo maneat, & adolescentiorem adhuc ut sit continens & idolatram, ut cognoscat Dominum?

Et post pauca ut probet, quod non sit impedimentum cura Episcopalis monasticæ obseruantia, quædam alia subdit, quæ ego libenter addam; quia si Episcopalis sollicitudo cum obseruantia non pugnat, multo minus simplex Missionum ministerium. Prosequitur igitur Magnus Athanasius: *Qua propter cum istius modi (inquit) habeas, exempla dilectissime Dracon, ne dicas, nec dicentibus credas, Episcopatum esse causam peccati, aut quod inde nascantur occasiones delinquendi. Licet tibi in Episcopatu esurire, sitire cum Paulo; licet vinum non bibere, sicut Thimoteus fecit, & ieiunare frequenter, ut Paulus solitus, ita ut secundum illum ieiunam alios sermonibus nutrias, & sitiens abstinendo à potu, alii docendo potum præbeas. Ne igitur talia obiciant Consilium tui, Nouimus enim Episcopos ieiunantes, & Monachos comedentes &c. Hæc, & alia plura id genus Athanasius ad Dracontium, quem tandè persuasisse constat. Abbatem Appollonium, qui Thebaidem olim colebat, Paladius commendat, (idem etiam refert Nicephorus lib. 9. c. 14.) quod relicta solitudine persecutionis tempore addens animum Christi Confessoribus multos effecit martyres.*

Et ut nunc præmittam Romualdū Bremiticæ vitæ authorem, quem magno ardore animarum salutis flagrasse eius gesta testantur, Theodoretus in libro eo, quem Religiosam historiam inscripsit, commemorat de Iuliano, cum Arianorum impietas late serperet, ab Acatio Episcopo his rationibus a spelâ-

ea abduci non esse, ut relinqueret illam, (verba sunt Theodoretii) in solitudine versandi rationem, veniret autem, ut ferret auxilium tot millibus, quæ fraude interibant, & rumore sui aduentus flammam extingueret Arrianam. Cucurrit diuinus Acacius, & sumptus, ut iussus erat, magno Acacio, accessit ad maximum lumen Ecclesie, & cum eum salutasset, Dic mihi inquit, o Pater, quam de causa totum hunc laborem tam lubenter toleras? Cum is autem respondisset, & corpore, & anima, vitæque, & omnibus, quæ ad vitam pertinent, est mihi Dei cultus præciosior. Conor autem quoad eius à me fieri potest, illi à sorde nudum offerre ministerium. & ei perpetuo placere. Ostendam tibi, inquit Acacius, rationem, per quam ei plus quam nunc seruias. Idque dicam, non sola utens ratiocinatione, sed qui id ab eius doctrina didicerim. Cum enim Petrum aliquando rogasset, an eum plus quam alii amaret, & didicisset id quod sciebat vel antea Petri vocem. Tu enim inquit, nosti Domine, quod amo te. Ostendit quidnam agens eum magis coleret. Si enim, inquit, amas me, pascere oues meas, & pascere agnos meos. Hoc quoque tibi, o Pater est faciendum. Periculum enim est, ne oues à lupis intereant, eas autem valde amat, qui à te valde amatur. Est autem proprium amantium illa facere, quæ cum fiunt, eis qui amantur grata sunt. Et alioquin non paruum est periculum, multorumque, & magnorum illorum sudorum detrimentum, si pati potueris, negligere, tacitus præterire, veritatem quidem grauiter oppugnari. Hoc cum primum audisset senex, quietem quidem valere libens ad tempus, neque ciuitatis strepitus, quod eis non esset assuetus, refugiens, accurrit Antiochiam.

Eodem quoque modo narrat idem Theodoretus in vita Euticii, Ammianum Eusebio persuasisse, cum eum monuisset, ut videret, ne plus se ipsum quam

Deum diligeret: his verbis. Dic enim mihi, ad illum dicebat: ò optimè Cuiam placere existimans, laboriosam hanc sordidamque, & squalidam vitam es persecutus? Cum autem ut par est, is utique dixisset, Deo, qui est virtutis legislator & magister. Quoniam ergo cum amas inquit Ammianus, ego tibi modum ostendam, per quem & amorem magis accendas, & ei, quem amas, seruias. Nam quod omnis tua cura & industria in te ipsum conuertatur, non effugiet, ut sentio, crimen in te nimij amoris. Lex enim Diuina iubet proximum amare ut te ipsum. Multos autem opum participes sumere, hoc est proprium veri muneris charitati. Hanc autem D. Paulus appellauit legis plenitudinem. Rursus quoque clamat: Tota lex & Prophetę in hoc sermone in summam rediguntur, nempe, diliges proximum tuum sicut te ipsum. Porro autem Dominus quoque in sacris Euangelijis Petro qui confessus est cum plus aliis amare, præcepit pascere oues suas. Eos autem qui hoc non fecerunt reprehendens, clamat per Prophetam, ò Pastores, Non se ipsi Pastores pascunt, sed oues. Et ideo magnum quoque Eliam, qui hanc vitam persequebatur, iussit versari in medio impiorum, & secundum Eliam tantopere celebratum Ioannem, qui amplectebatur solitudinem, transmisit ad ripas Iordani illic baptizare iubens & prædicare. Quoniam tu ergo quæ es Dei, qui te fecit, ardens amator, multos quoque tecum alios effice amatores. Hoc enim est valdè gratum communi Domino.

Optimè autem Aphraates vir sanctissimus, quem scribit idem Theodoretus in Valentis Imperatoris furore aduersus Ecclesiã, heremo, in qua diu vixerat relictã, tanquam bonum militem ad locum certaminis venisse, seque pugnantibus vltro miscuisse. Quin etiam cum aliquando Tyranno in via occur-

risset, cauillari cum cepisse, quid ageret Monachus inter hominum turbas, illum autem intrepidè sic respondisse: *Dic Imperator, si puella essem, quam pudor in conclauis retineret: vidissem autem in Patris mei domum ignem corrueri eamque conflagrare, Num intus sedens oriose incendia spectare deberem? Atque si hoc facerem me quoque ipsum flamma absumeret, quod statim accurrerem, aquam afferrem, & omni ope igni resisterem, hoc ipsum nunc ago, qui flammæ à te in Dei domum, qui vetustissimus est Pater, iniecta pro mea parte remedium adferre coner. hæc tunc Aphrates. Neque verò nunc meliora multò sunt tempora, minoresue pestes vbiq; hoc tempore infert Sathanas, quam tunc Valens.*

Sed vere diuersa sunt tempora, diuersusque Christianorum zelus: Nam & antiquitus maiores nostri, cum hæresis aliqua oriretur, causaque fidei ageretur, ita animis omnes commouebantur, vt non sibi satisfacerent, nisi vniuersas Ecclesiæ vires in vnum colligerent, ac tanquam in agmen accincti omnes vnâ ad resistendum occurrerent. Et vt hæresim propularent Episcopi relietis gregibus, altaribus, sedibus, longè positis Regionibus non sine magno sumptu & periculo adire non dubitabant. Vna autem omnium Ordinum, & nationum Doctores nec non, & interiorum solitudinum cultores, tam Archimandritæ, quàm alii, (vt de sancto Antonio contra Arrianos, & aliis quam plurimis in actis Conciliorum Generalium legitur,) literis & sermonibus tanquam ad commune restringendum incendium accurrebant. Quod si priscis illis temporibus vnus aliquis error totum Christianum orbem vsque adeò commouebat, vt ab antris deserti viros solitarios, in commu-

nia castra conuenire compelleret; quid nunc facere oporteat, cum non vno aliquo errore, sed ipsa hæresum colluione oppetatur, & exerceatur Ecclesia? Quis, qualiscunq. sit ille Ecclesiæ Catholicæ filius, qui piæ matri tam graui laboranti opem ferre recuset? Imo et si Ecclesiæ tam ingens periculum non immineret, sed tantum vtilitas maior, ac spiritalis profectus animarum expectaretur; sufficeret, vt & Monachi, & solitarii prætermissa contemplatione, ac clausura Ecclesiæ conatus adiuuarent: vt optimè docuit Innocentius Papa in c. licet de Regularibus, his verbis, *Sicut maius bonum minori bono præponitur, ita communis vtilitas speciali vtilitati præferenda est. Et in hoc casu rectè præponitur doctrina silentio, solitudo contemplationi, & labor quieti: Quæ sententia latius confirmatur à D. Thoma opulc. 19. c. 4. dicente: Nec valet quod dicunt aliqui, quod hoc posset fieri, quando necessitas immineret, quæ nunc non apparet, cum Magistrorum iam secularium copia habeatur. Quia vtilitas communis non solum debet procurari, vt sit quocunque modo, sed vt sit optimo modo, quo fieri potest. Quanto autem Doctores magis multiplicantur, tanto vtilitas communis, quæ ex doctrina prouenit magis crescit: quia vni manifestatur, quod alteri nondum notum est. Vnde dicitur Sap. 6. Multitudo sapientium sanitas est orbis terrarum. Quo zelo Moyses ductus dixit Num. 11. Quis tribuat, vt omnis populus prophetizet? Glo. Fidelis Prædicator optat si fieri valeat, vt veritatem quam solus loqui non sufficit, ora eunctorum sonent. Et infra: Prophetizare omnes voluit, qui bonum, quod habuit, non inuidit.*

Quis ergo cum tot exempla sanctorum, tum illas monasticæ vitæ columnas Basilium, Benedictum,

Romualdum, ac Bernardum, & eorum instituti sectatores, sanctissimos quæ Eremitæ Patres, & sacratissimos cultores animarum salutis deditos videat, sine temeritatis nota audeat tot, ac tantos Patres instituti sui desertores iudicare? aut quis non professioni Monasticæ convenientissimum proximos iuuare pronuntiabit?

MISSIONES EXPEDIENTISSIMÆ

sunt omnium Religiosorum instituto, illudq. mirifice perficiunt. CAP. VII.

Religiones ex hoc esse perfectissimas, quod sine mixto, tam ex contemplatione, quam actione gaudeant manifestum est. Nam cum primum apud nos locum obtinere Deus debeat, qui & summum bonum est, & a quo omnia in nos bona promanarunt: secundo autem loco homini homo esse debes, inter quos vna naturæ coniunctio est, qua maior altera affinitas non est, atq. ideo maxima in terris officia sunt, quæ ad Dei gloriam, hominumq. salutem propagandam conferuntur. Quare rectè S. Thom. 2. 2. q. 188. art. 6. negotiosæ, & occupatæ vitæ munera duplici modo distinguit, alia enim sola exteriori functione compleri, cuiusmodi est seruire hospitibus, vel egrotis, vel militare, atque hæc quidem non paulo minora esse contemplatione: alia vero esse, quæ quasi fluunt ex abundantia quadam contemplationis, qua videlicet cum mens diuino amore incensa fuerit, agitur in opera externa, ut est concionari, vel docere rudes, & alia similia.

Hæc verò maiora, & nobiliora esse non solum illa actione, sed etiam ipsa contemplatione, si sola, ac simplex sit, & si in se tantum ipsa vertatur ac nihil ex ea in alios utilitatis sequatur. Docuit hoc D. Thomas his verbis. *Opus vite actiue aliud est, quod ex plenitudine contemplationis derivatur, sicut doctrina & prædicatio, unde & Gregor. dicit in sua Homil. super Ezechielem: Quod de perfectis viris post contemplationem suam redeuntibus, dicitur Psal. 144. Memoriam suauitatis tue cructabunt: & hoc præfertur simplici contemplationi, sicut enim maius est illuminare quam lucere solum, ita magis est contemplata alijs tradere, quam solum contemplari. Sic enim summum gradum in Religionibus tenent, qui ordinantur ad docendum, & prædicandum; secundum autem gradum tenent hi, qui ordinantur ad contemplationem; igitur firmior perfectio est sortiri finem ex contemplatione, & actione temperatum. Quare maior perfectio erit Religiosorum, (ac perinde eis magis expediens) in contemplatione, & actione exerceri, quam vel in sola actione, vel contemplatione: Quia etsi Religiones quam plurimæ ut Monachales, ad solam veluti ad præcipuum scopum, contemplationem destineantur: quia tamen, ut iam supra ostendimus, ex regula propria, à prædicationis functione non arcentur; non poterit obesse, sed prodesse quam plurimum omnium Religiosorum perfectioni, in huius altissimi ministerii studio occupari.*

Neque timendum est huic vitæ mixtæ, ne in actionem multiplicem dilabatur, ac iterum reprehendatur à Domino de nimia sollicitudine, &urbatione erga plurima: Nam cum interior oratio siue meditatio cum actione exteriori coniungitur,

tam benè inter se nectuntur, vt actio à contemplatione iuuetur, & contemplatio ab actione non impediatur. Verè enim D. August. epist. 116. animi gaudium, lætitiā ac tranquillitatem non solum in solitudine ac secessu, sed et in actu quoque humano permanere, si ex illo aditu siue contemplatione ad operationem procedatur: ac perinde qui hominibus virtutem suam, & Euangelii lucem communicare instituerunt, non modo de virtutibus nihil perdere videntur, sed & eam potius multum augere quasi enim quandam necessitatem iniiciunt Deo, vt ipsis primo largiatur, quod per ipsos in alios effundi velit: Quare non potest non esse expedientissimum Religionis omnibus in iuuandis in fidelibus has duas amplecti sorores.

Rem verò hanc potius practicè quàm theoricè, ac veluti ab experiētia ipia probandam aggrediamur: Ostendamus igitur ad proprii cuiuslibet Religionis instituti obseruantiam Missionum opus esse opportunissimum, expedientissimumque medium, idque inprimis hac comparatione. Statuamus in hoc loco Religiosos duos, quorum alter de simplici tantum Regulæ obseruatione, suaque salute cogitet, alter Missiones meditetur. Rogamus igitur (quàmuis experientia luce promeridiana clarior est) vter ex his duobus chorū ardentius frequentabit? vter mortificationes ex his duobus, increpationes, morbos patientius feret? vter noua patientiæ genera studiosius inquirat? vter labores & tentationes constantius patietur? Res per se perspicua est, & quia non omnes capiunt verbum hoc, rationem discriminis proferamus. Manifestum est eum, qui nil, nisi domesti-

cum cogitat, (vt experimenta quotidiana cōuincūt) iis ad passionem, mortificationem, & virtutum acquisitionem mediis vti mediocribus, ita vt raro admodum in eximiam sanctitatem iis mediis, eo modo, quo exerceri solent, perueniatur: Disciplina quippē domestica nihil arduum post aliquantum temporis repræsentat, ad cuius victoriam animus se solito altius erigat, imò consuetudine lentescit, & timendum est, ne iis, quæ præstare consuevit, satis contentus regrediatur, cum progrediendi signa non præferat: ex hoc efficitur, vt anim⁹ vilescat, & satis crebro ceptæ disciplinæ tenorem languidus omittat, seque ad laxitatem cum aliorum scandalo conuertat. Proptereaque illæ Religiones, quæ hanc mediocritatem amplectantur, cum degeneres otio, austeritatem diuturnam sustinere nolint, ad mollia relabantur, & rixis, ambitionibus, aliisque peccatis, vt plurimum deformentur, tantumque abest, vt ignaui Religiosi, qui prætexunt reformationem propriam prius quærendam, postmodum proximis vacandum, se ipsos promoueant, vt dolendum sit, quàm misere propriis passionibus succumbant. Hæc diximus ratione Religiosi illius, qui de Missionibus neuiquam cogitat, at non ii Religiosi, qui Missiones animo pertractant, & suam primo salutem, & mox totius Religionis bonum magnopere promouent. Vt enim actiones, & labores communes proferamus, quàm strenuè ad horas Canonicas, ad verbera, ad increpationes, ad nouos labores se offerant, qui eas actiones tam perfecte obire cogitant, vt eorum obseruationem in exteris Regionibus cōdere, ac pro iis si oportuerit, occumbere meditantur? quis hic non depræhendat quandam animi magnitudinem, quæ communi Mō

naſtica diſciplinæ modo minimè contenta, largiores vigilias, in mediam grauiorem, acriora verbera, ſeuiores increpationes ferre contendat? Hæc quippe omnia, aliaque grauiora in opere Miſſionum futura nouit, eoque ipſo quod anim⁹ ea complexus eſt, in quibuſdam eorum præluſis, domi ſe exercere cupit, ne ad pugnam imparatus accedat. Hinc longè maior quàm ſine Miſſionum ſtudiis totius Religionis profeſtus exiſtit: ſi enim Religioſi maiora, & auſteriora quærunt, quàm quæ regula præcipit, quomodo nō faciliſimè, ac exactiſſimè domeſtica diſciplinam obſeruabunt? Quomodo non oīa hæc leuia exiſtimabūt, ac perfectiora mortificationū, ac virtutū exercitia quærēt, vbi rixæ, vbi platonū ambitio, vbi cibi intemperantia, cæteraq; mala, quæ Religioſes labefaciunt? Profeſtus uis qui Miſſiones cupiunt, longè alius affectus eſt, totoſq; ignominiiſ, laboribuſ, ipſique morti conſtanter ferendę ſeipſos exponunt.

Accedit ad hoc quædam ſpiritus alacritas ſimilis affectui, quem Regius vates expreſſit in hæc verba: Exultauit vt gigas ad currendam viam ſuam. Omnes enim actus expedite, & celeriter obeunt Religioſi Miſſionum cupidi, velut ad curſum accincti, quæ Regularium actū inſignis perfectio eſt. Quid hic de fluminis impetu, qui lætificat Ciuitatem Dei dicemus? Deuotionis impetu inquam, qui ſæpe foras erumpit, ac alios nō ita generoſos inflammāt. Nunquam enim Religioſa Cœnobiaz, tam euidenter flammeſcere vidimus, ac cum de Miſſionibus ageretur.

Tamen ne deuotionis ſenſu, qui à ſapientibuſ nō magni æſtimatur, niti videamur, ſi rem Theologico more perpendamus, quis non cōſideret actus omnes Cœnobiticos ex Miſſionū cogitatione, ac propoſito, in
ſigne

signe meriti argumentum acquirere, ex nobilissimo scilicet diuinæ charitatis fine, quem qui de Missionibus non cogitant, vix, aut leuiter attingunt: Sed & Philosophica & Theologica Gymnasia in finem hunc directæ eximii meriti seminaria sunt, subest puritas intentionis, quæ maior, ac verior elaboratur, & doctrina grauior, sanctior, permanentiorque acquiritur: obuersantur quippe animo exercendæ doctrinæ occasiones, quarum qui de Missionibus non agunt, neque meminisci solent, & timendum est, ne vanitas pro pietate subintret: multos enim Religiosos in vrbibus clarissimis eleganter dicendo consenescere videmus: quos eò molestissimos studiorum labores intendisse in fælicitatis argumentum est: Vtinam vniuersi Scholastici, dum studiis vacant, de doctrina cum sanguine pro Christo disseminanda cogitarent.

Ab exemplis etiam Sanctorum, tam antiquorum, quam recentium aliam non contemnendam ponamus rationem. Nam nihil in viris Christianis dignius, quam sanctorum vestigiis insistere: quorum studiū non in eo tantum laudatur, quod salutem ipsi æternam consecuti sunt, sed etiam quod alios eiusdem salutis fecere consortes. Habet enim hoc zelus Dei, vt omnes velit & curet eiusdem Dei esse participes, quod in viris certè laudabile est, ac in feminis etiam non minus commendatur. Quod ex Beatæ Theresiæ Virginis Carmelitarum Discalceatorum Fundatricis spiritu satis patere potest. Illa quippe florentem Carmeli reformationem in hæreticorum conuersionem peculiari intuitu destinauit. Quanto ergo congruentius sit viros pios qui per

se ipsos eam conuersionem Dei auxilio operari possunt, hoc ipsum meditari & exequi.

Tertia ratio petitur ex Religionum reformatione. Cum enim constet non modo Religiones laxatas, verum & reformatas, quæ sibi tantum viuunt, breui tempore in ambitiones & discordias degenerare occasione otii & inertiae, quæ sunt vitia Religiosorum, nihil Apostolicum cogitantium: profecto ad augendum & conseruandum Religionum spiritum magnopere conducit opus conuersionis Infidelium. Sic enim exercentur ingenia vtilibus studiis, & animi ornantur veris virtutibus, incenduntur desiderio patiendi, & in ipsa claustrî disciplina proficiunt; qui certè fructus feliciter nunc etiam prouenirent, si Religiosi à Principibus Ecclesiæ de opere Missionum admonerentur.

Denique recentibus antiquisq. constat historiis viros aliquos insignes, qui cathalogo sanctorum digni censentur, in ipsa Infidelium conuersione eximiam vitæ sanctimoniam comparasse, vel illustri martyrio, vel præclara laborum plurimorum perpessione, quæ legationem Apostolicam miro modo condecorat. Verisimile autem est tantis luminibus Ordines Religiosorum, Ecclesiamq. hac ætate caritaturam fuisse, nisi conuersioni Infidelium viros illos destinasset. Nunc ergo quis non videat ex hoc capite ornamentum perfectissimum, non solum ipsis Ordinibus, sed etiam toti Ecclesiæ corpori accedere: quod cum sanguine clarissimorum Martyrum fides propagetur, & vineat perfidiam. Quod vero spectat ad viros alios plane sanctissimos, qui martirio coronati non sunt, subest validissimum argumentum ad

Missiones persuadendas, quod in ipsa conversionis legatione tantos in vitæ sanctitate progressus feceriat, ut numero Sanctorum digni existimetur: quod viris peritis compertum est. Cum ergo Apostolica isto labore Ecclesia mirifice, & Martyribus, & Confessoribus decoretur, profecto à Summis Ecclesiæ Principibus, & ab ipsis Religionum Prælati Infidelium conuersio, ut suo convenientissima instituto, sollicitè debet procurari.

Recenseamus igitur in huius argumenti confirmationem primo loco, breuiter tamen, viros qui ex Ordinibus Mèdicantibus prodierunt: (ut nunc omit- tam eos, qui in hac spiritali militia sanctissimos Monaehales ordines habuere, quorum aliquos re- talimus supra). Apostolis adnumerandos, ac mori- bus reuera Apostolicis, & Diuinis excellentes, qui prædicatione sancti Euangelii sanctiores effecti, Ec- clesiæ augmentum, suæ familiæ honorem, & præ- cippè Deo gloriam, ac laudem reportarunt. Enu- merabimus deinde Martyres, qui ex eisdem Ordini- bus prodire. Si enim res ipsa attentè expendat- tur, omnes ferè sanctitatis excellentissimæ viri, qui in Ordinibus Mendicantibus florere, aut marty- ri palmam sunt consecuti, huic animarum lucran- darum studio maxime Infidelium fuerunt addicti: ex quibus clarissime conuincitur eorum instituta expedientissimum esse Missionum frequentem vsu. Et ut nunc omittam D. Franciscum in Aegypto pe- rregnantem, D. Dominicū cum Hæreticis assiduò congregientē, S. Patrē nostrū Angelū totū pene or- bem animarū lucrādarū studio perambulante; quæ, ne antiquiora videātur, ad nostra sæcula denentiam?

In primis Martinus Valentinus illustrissimæ sanctitatis vir. Ordinis S. Francisci duodecim assumptis fociis, in Indias occidentales profectus est; illum Indi tanquam Apostolum diuinitus ad ipsos missū coluerunt; summis enim vita functus miraculis coruscavit. Nec minoris sanctitatis fuit vnus è duodecim fociis Toruius Mitolinia. Eximia fuit sanctitatis similiter, & alter Ioannes è Sancto Francisco, qui solis precibus, ac nullo planè studio affectus est linguę Mexicanę cognitionem, aliaq. innumera pertrauit miracula. Andreas ex Olmo, qui quadraginta trium annorum spatio Indis Christo reconciliandis insumpto, quot, & quanta perpeffus fuerit, quæ inquam discrimina Diuino beneficio superauerit, incredibile est. Item Franciscus Colmenarius 35. annos Indis ad ouile Christi perducendis impendit, in quibus nihil non duri, & acerbi tolerauit, per quem vita functum Deus quàm plurima dignatus est miracula operari. Franciscus Soto, quem aliquando concionantem Indi ingenti luce circumfulgentem viderūt. Insuper Martinus Iesus, supra cuius sepulchrum sæpè visus est homo maximo splendore circumfusus. Hos igitur paucos ex hac familia retulisse satis erit ex plurimis, qui virtutibus diuinissimis florentes, miraculisq. editis clari prodierunt, innumerosq. ad Christum populos perduxerunt: de quibus qui plura desiderat, legat historiam Francisci Gonzagę Episcopi Zephaleni, & Marcum Vlisiponensem Episcopum Porti in Lusitania.

Sunt porro ex Ordinibus aliis quamplurimi. vt D. Augustini, Dominici, Carmelitarum, è Societatis Iesu, qui magno Ecclesię emolumento, & proprii instituti

stituti perfectione, vitā cælestem degentes in terris
mirabilia magna in conuersione animarum patra-
runt, vt latius prosequitur Thomas Bozius tom. i. de
fig. Ecclesiæ fig. 9 de propag. fidei cap. 2. & 3. & fig.
57. de sanctitate Ecclesiæ cap. 21.

Nullus autem fuit ex hijs ordinibus, qui Marty-
res non protulerit, in nostræ fidei, & sanctitatis pro-
pria confirmationem. Ex sola Franciscanorum fa-
milia Franciscus Gonzaga numerat 114. eorum tan-
tum, qui hoc sæculo floruerunt; quibus si adiungan-
tur alii ad alia sæcula attinentes, de quibus Bosius
fig. 27. vt supra, numerum 200. excedent. Ex reli-
gione vero Societatis Iesu, qui hætenus ab Ethnicis
Mahumetanis & Hæreticis pro Catholica fide in-
terempti sunt, prope centesimum numerum attin-
gunt. D. vero Benedicti ad certum numerum non ita
facile redigi poterunt. Aliorum autem ordinum no-
minatim numerum scire penitus impossibile est.
Præcipue tamen Sancti Dominici, è quo sanctitate
florētissimi viri prodierunt quamplurimi, qui &
superioribus sæculis, & nostro durissimam mortem
perpessi, martyrii coronam sunt adepti.

Quocirca efficacissimum euidentissimumq. argu-
mentum elici potest, Missiones omnibus Religioni-
bus expedientissimas esse, cum earum occasione viri
egregi, qui tot, ac tanta pericula pro fidei dilatione
adierunt, qui acerbissima, & asperissima sunt pro ea-
dem causa passi, qui vastissima, & seuisima maria
transmiserunt, qui Regiones incultas, incognitas, &
horrentes peragrarunt, & qui inter efferatissimos
populos, belluas inhumanitate morum superantes,
veritati nullis tecti præsidis, nisi diuina opes eosdem
popu-

populos ad veræ fidei cognitionem perduxere : Ac denique, qui pro eiusdem fidei veritate ac propagatione vitæ periculum iurare non dubitarunt. Vnde si omnium Ordinum viri sanctitate præclari computentur, maiorem eorum, excellentior emque partem animarum salutis, & præcipuè infidelium operâ dedisse inuenietur, aut pro fidei dilatatione martyrii palmam arripuisse. Maxima verò tunc erit huius argumenti vis, si expendamus, in nulla Religione vigesimam Religiosorum partem, in aliis verò, nec centesimam in Missionibus occupari, & ex hac minima seminis portione maiores Deo, & Ecclesiæ fructus referri, quàm ex aliâ quantumvis maximâ, Religiosorum quantitate, & numero Regularibus exercitiis occupati. Quæ cum ita se habeant, quàm gratos Domino, ac Salvatori nostro, quàm fructuosos, quàm salutare proximo, ac toti Ecclesiæ, quàm ipsi Domino gloriosos futuros meritò speramus, qui huic operi alacriter se accingunt. Quare cum Deus tot, ac tantis signis manifestauerit Religiosis omnibus expedientissimum esse huiusmodi operi Missionum insudare, id sine magna temeritatis, aut cecitatis nota inficiari non possumus.

*OCCASIONE CONTEMPLATIONIS
quantumvis sublimis, aut strictioris clausuræ Monachos non excusari a Missionibus adinuandis.*

CAPVT VII.

Illud semper fuit consilium Principis tenebrarum, qui Dei gloriæ, animarumque salutis aduersatur, eos ministros, quos multis profuturos timet, à tam salubri opere, sub maioris boni, aut saltem sub pro-

priæ quietis, ac pacis interioris, contemplationis; aut strictoris clausuræ prætextu detertere. At contemplationis studiū quantumuis ardens, & sublime ad tempus esse ob proximorum salutem prætermittendum: Nec hoc prætextu Monachos Eremitasue solitudinis sectatores excusari, præter exempla quāplurimis firmata rationibus, hætenus commemoratis, Sanctorum etiam Patrum proferamus testimonia, in quibus omnes vno ore contemplationem ab actione, hoc est proximorum cura seiunctam, vel sterilem, vel minus fructuosam iudicarunt.

D. enim Hieronymus lib. 3. in c. 31. Prouerb. tom. 8. in enarratione illorum verborum. Et de nocte surrexit, deditq. prædam domesticis suis, & cibaria ancillis suis, inquit. *Sicut totius labentis sæculi cursus perenni diei, ac noctis alternatione variatur, & dies quidem ad operandum, nox ad quiescendum naturaliter condita est; sic totum presentis Ecclesiæ tempus gemino quodam quietis & operis statu discernitur. Quasi enim nocte quiescit, cum aliqui fidelium eius intermissa ad tempus solitudine externa, sibi met vacare, seque ipsos spiritualiter incipiunt iuuare, vel lectionibus sacris, vel orationibus, ac lacrimis sese, vel alios huiusmodi studiis secretius exercendo. Surgit autem de nocte, cum in usdem suis fidelibus ad agendam etiam proximorum curam se sollicitè accingit. Quod fraternæ administrationis opus duobus modis exercere consuevit, quia & eos, qui foris errabant, ad fidei gratiam conuocat; & illos qui fidei sacramentis iam sunt imbuti, ut bonis operibus amplius insistant, excitare non desinit: Vnde bene dicitur: Deditq. prædam domesticis suis, cū eos quos ab antiquo hoste eripere potuit docendo, societati illorū, qui in fide præcessere, cōciliat: Dat & ancillis cibaria, cum humiles quosq.*

quosq. et debito timore sua iussa seruantes, ne pio labore flauescat, supernę mercedis cōmemoratione reficit: De nocte surrexit, cum ad operandum se post quietem preparauit: & ideo aptè dicitur, quod lucernę sanctę Ecclesię non extinguatur in nocte, quia & cum negotio quiescit actionis, vacat liberius luci supernę contemplationis.

Sanctus quoq. Augustinus in Psal. 119, explicans visionem scalę iacob, in qua Angeli ascendebant, & descendebant, Multi, inquit, Sancti ascendunt ad Deum per contemplationem, & descendunt ad nos bonum nobis procurantes. In quadam altitudine cordis habitabat Paulus cum diceret, siue enim mente excessimus Deo: Jam quod mente exceßerat, Deo exceßerat. Excedente enim mente animam humanam fragilitatem, omnem sæculi temporalitatem, omnia quęcunq. nascendo, & nascendo euanescent transcurrentia, hic habitabat corde in quadam ineffabili contemplatione quantum poterat. Et si semper manere vellet in eo quod videbat, & loqui non poterat, te non leniret, ubi & tu posses videre. Quid autem fecit? Descendit: Idco enim ait: Siue temperantes sumus vobis (id est) si loquimur, vt capere possitis. In illis scalis ascendentes sunt, & descendentes. Ascendentes sunt, qui proficiunt ad intellectum spiritualium: Descendentes, qui quamuis quantum homines possunt, fruuntur intelligentia spiritualium, tamen descendunt ad paruulos, vt talia eis dicant, qualia possunt capere. Taliter Augustinus.

Item D. Greg. Homil. 5. in c. 18. Ezechi. Cum vero (inquit) ab actiua vita ad contemplatiuam surgimus, quia diu mēns stare in contemplatione non valet, necesse est, vt ad actiuam redeat, seq. ipsam continue in vsu bonę operationis exercent; vt cū mēs surgere ad celestia contemplanda non valet, quęq. pōt bona agere, nō recusset. Sicq. sit

ut ipsis suis bonis actibus, ad superiora rursus in contemplationem surgat, & amoris pastum de pabulo contemplata veritatis accipiat. In qua, quia diu se tenere ipsa corruptionis infirmitas non potest, ad bona rursus opera rediens, suauitatis Dei memoria pascitur, & foris pijs actibus, intus verò sanctis desideriis nutritur. Hinc etenim de perfectis viris post contemplationem suam redeuntibus dicitur: Memoriam suauitatis tue eructabunt. Offensa ergo animalia vadunt, & non reuertuntur, atque vadunt, & redeunt, quia sancti viri ab actiua vita, quam apprehenderunt, ad iniquitates non currunt, & à contemplatiua, quam tenere iugiter non possunt, in actiuam relabuntur.

Ac demum D. Bernardus serm. 41. in Cant. Docemur sanè ex hoc intermittenda plerumq. dulcia oscula, propter lactentia vbera, nec quemquam sibi, sed omnes illi, qui mortuus est pro omnibus, esse viuendum. Ve eis, de quibus dici potest: Dedi eis aurum meum, & argentum meum, ipsi autem de auro, & argento meo operati sunt Baal, non bene vtentes donis Dei ad lucrum animarum. Idem quoq. serm. 50 in Cant. Orantem, inquit, hominem cum Deo loqui, quis dubitet? quoties tamen inde charitate iubente adducimur, & euellimur propter eos, qui nostra indigent opera; vel loquelæ? quoties præcedit negotiorum tumultus piquies? quoties bona conscientia ponitur codex, ut operi manuum insudetur? quoties pro administrandis terrenis iustissimis ipsis supersedemus celebrandis Missarum solemnibus? Ordo præposterus? sed necessitas non habet legem, Et serm. 57. super Cant. Vera & casta contemplatio habet, ut mentem, quam diuino igne vehementer succederit, tantum interdum repleat zelo, & desiderio acquirendi Deo, qui eum similiter & diligat, ut etiam contemplationis pro studio prædicationis libentissimè intermittat. Et serm. 9. super illa
verba

verba Cant. 1. *Meliora sunt vbera tua vino* (inquit) *quod enim postulas, te quidem delectat, sed vbera quibus paru-
los alis, quos & parvis, meliora, hoc est necessaria sunt vino
cōtemplationis: aliud si quidem est, quod vnius letificat cor
hominis, & aliud quod letificat multos. Nā etsi Rachel for-
mosior, sed Lia fecundior est. Noli ergo nimis consistere ocu-
lis contemplationis, quia meliora sunt vbera predicationis.*
Hæc Bernardus.

D. Thom. opusc. 18. c. 23. *Quantò cōtemplatio melior
est actione, tantò plus pro Deo videtur facere; qui dilectæ con-
tēplationis detrimentū aliquod patitur, vt saluti proximo-
rū propter Deū intendat: intendere aut saluti proximorum
cū aliquo detrimento cōtēplationis ad Dei amorē, & proxi-
mi, ad maiorem perfectiōnem charitatis videtur pertinere,
quā si aliquis in tantum dulcedini contemplationis inhaeret,
quod nullo modo eā deserere vellet, & propter salutē aliorū,
propter quam Apostolus non solum prolongationem præsen-
tis vitæ, sed et à contemplatione cælestis patriæ retardari ad
tēpus voluit, propter proximorum salutē; vt patet per il-
lud quod dicitur ad Philipp. 1. Coarctor nimis desiderium
habens dissolui, & esse cum Christo, multo enim melius est;
permanere autem in carne necessarium propter vos.*

Deniq. si peregrinationes, & acta virorum Reli-
giosorum perpendamus, quantopere nimirū Diui-
nā gloriā propagarunt, dū gentium remotissima-
rum salutē paucissimi, paucissimorum annorū spa-
tio in Indiis orientalibus, occidentalibus, ac in aliis
Regionibus meridionalibus, & septentrionalibus
promouerūt, apertissimè inueniemus plurimos alios
viros probos, qui sibi solis etiam diuina contemplan-
do vixerunt, nec sibi, nec Ecclesiæ tam fructuosam
sobolem attulisse.

lam verò si contemplatio, quæ optima, ac sublimior est portio, ad tempus relinquenda sit ob animarum curam vt Patres censuerunt : quid de materiali clausula erit iudicandum? sufficiant exempla quæ de Monachis, ac Eremitis attulimus, nam in hoc casu, vt optimè philosophantur Innoc. 3. c. licet de regul. rectè præponitur doctrina silentio, sollicitudo contemplationi, & labor quieti : Cuius rei eam ratione reddit D. Thom. opuscul. 19. c. 2. Quia cum minora bona pro maioribus intermitteri possunt, ut dicit Gloss. super illud. Luc. 9. Tu autem vade, & annuncia Regnum Dei, sed bonum commune præfertur bono privato. Cuius ergo Monachus in Claustro, ordinem suum seruans privato bono insistat, scilicet tantum suæ salutis, doctrinæ autem officium quo plurimi erudiuntur in commune bonum totius Ecclesiæ redundet : non est inconueniens si Monachus extra Claustrum viuat, ad doctrinæ effectum assumptus, de licetia eius ad quem spectat. Nec valet quod dicunt, quod hoc posset fieri, quando necessitas immineret, quæ nunc non apparet, cum magistrorum, tam secularium copia habeatur, quia utilitas communis, non solum debet procurari, vt sit quocunque modo, sed vt sit optimo modo, quo fieri potest.

TERTIA OPERIS PARS.

CVR A MINFIDELIS IVVANDI

precipue spectat ad Ordines Mendicantes.



VAMQVAM Deus omnipotens, cuius natura bonitas, vt inquit S. Leo, cuius opus misericordia est, vniuersum hominum genus ad eam salutem, cuius causa conditum est,

est, facile per se adducere posset, tamen vt illam suauitatem, qua sua prouidentia in rebus omnibus delectatur, in hac quoq. re, (idest animarum conuersione) omnium maxime retineret, ministrorum etiam operam adhibere decreuit, qui vt ait Apostolus 1. Corinth. 3. adiutores Dei essent.

Hos vero inter alios ad tantam gloriam à Deo electos coadiutores in hac tertia parte ostendere conabimur fuisse Ordines Mendicantes, quod ex duplici capite deducemus; alterum ex antiqua horum Sanctissimorum Ordinum in Ecclesia Dei institutione; alterum ex fructu, qui tanquam ex vberissimis fontibus in Ecclesie arua emanauit: ac demum Guilielmi harum familiarum acerrimi impugnatoris objectionibus quibusdam satisfaciemus.

ORDINES MENDICANTES EX VI
sue institutionis fuisse ab Ecclesie destinatos, vt proximorum, tam Fidelium quam Infidelium spiritali consulerent. CAP. I.

IN primitiua Ecclesia olim fuit duplex Evangelizantium genus, quod vsque ad nostra tempora productum est, alii certas plebes moderandas instituendasq. cura propria, ac perpetua suscipiebant: qui vel Episcoporum, vel Parochorum munere fungebantur. hos D. Petrus alloquens 1. Petri 5. Seniores, inquit, pascite, qui in vobis est, Gregem Dei; Non turpis lucri gratia, neque dominantes Clero, &c. Act. 20. Attendite vobis, & vniuerso gregi, in quo vos posuit Spiritus Sanctus regere Ecclesiam Dei, quam acquisiuit sanguine suo. Fuit etiam alterum in Ecclesia Dei ministrorum

genus sequi non firmas sedes tenerent, sed prout temporum opportunitas, & Fratrum necessitas postularer, duo potissimum munera exequabantur. Primum quod varias Ecclesias obirent, ac in eis proprios Pastores iuuarent, infirmos confirmarent, ac omni ratione rem Christi promouerent. Secundum, quod in alienigenarum gentium fines pertransibant, ac luce Euangelicæ doctrinæ Infideles illustrantes ad ouile Christi reducebāt. Oportebat enim, vt in hac militiæ Christianæ ordinatissimā, ac fortissimā acie, præter militares copias certā sede dispositas, quibus nihil æquē curæ est, vt locum suum non deferant, essent etiā auxiliares copiae, leuiq. armaturæ equites, quorum munus sit, huc illucq. discurrere, & vbi discrimē sit, promptē adesse, labantemq. iam militem confirmare, ac præterea aliquando in hostes relictis propriis cohortibus irruere, illosq. vel occidere, vel victos & captiuos Duci exercitus tradere. Sic igitur duo hi militū ordines in Ecclesia ab initio sunt pro eius conseruatione & propugnacione constituti, vnus eorum qui certo loco decertent, alter qui per omnia discurrant, & operam propriis Catholicorum agminibus deferāt, et aduerlarios, idest Infideles, verbi Dei gladio transigentes, captiuos in obsequiū fidei trahant. Hoc vero duplici militiæ genere vsi sunt Apostoli Act. 15. Paulus, & Barnabas inter se dixerant, reuertentes visitemus omnes Ecclesias, in quibus prædicauimus. Ipse etiam Apostoli (quorum Principi Petro dictum est, occide & manduca) verbi diuini prædicatione, ac virtute miraculorum illam confirman-
tes vniuersum ferè orbem captiuum in obsequium Christi, seu vt melius dicam à seruitute Dæmonum,

num, in libertatem Christi traduxerunt. Et quanta-
 uis Episcoporum, hoc videatur esse uti verè successo-
 rum Apostolorum; Episcopi tamen hæc omnia
 præstare nequeunt. Quamobrem singulari prou-
 dentia, ac non sine diuino consilio a Summis Pontifi-
 cibus factum est, ut Religiosorum Ordines, maxime
 tamen eorum qui Mendicantium functione gau-
 dent, specialiter deputarentur, qui Episcoporum,
 Parochorum, ac præcipuè sedis Apostolicæ conatus
 in tuenda Catholica fide, ac Ethnicorum procuran-
 da salute, ipsius sedis auctoritate fulti adiuuarent,
 ac hoc Apostolicum munus, tum inter Christianos,
 tum inter Infideles oppidatim per varia Regna, &
 Regiones discurrendo obirent. Quare merito à
 Gregorio Magno emanauit decretum, ut habetur
 16. quæst. 1. c. ex auctoritate, ubi *Ex auctoritate in-*
quit huius decreti Sacerdotibus, Monachis, Apostolo-
rum figuram tenentibus, liceat predicare. Hæc Gre-
 gorius, qui Apostolorum munere fungi voluit Mo-
 nachos, non quia in potestate, aut iurisdictione Apo-
 stolis succedant, hoc enim munus potius ad digni-
 tatem spectat Episcoporum: sed quia suis discipu-
 lis, & missionibus animarum profectibus more
 Apostolorum student. Vnde Apostoli, ac Reli-
 giosi, qui his per vniuersum orbem Missionibus, al-
 los imitantur, *Nubes* in sacra scriptura merito ap-
 pellantur, quia aquas Euangelii portant populis ef-
 fundendas, ut irrigentur terre populorum, & de
 hac celesti pluuia virtutum fruges spirituali ope-
 ratione multiplicentur.

Quare nulli dubium esse potest, si Catholicè fa-
 piat, omnibus Religionibus Médicantibus ac no-
 lum

lum conforme, sed & præcipuam esse sui instituti partem, salutem animarum studere, esseque à sede Apostolica in hunc finem ordinatas, à Deoque diuinitus institutis, & vocatis, ad fidei pietatisque propagationem, morum instructionem, ac communis boni conseruationem. Quare Concilium Viennense, vt refertur in Clement. dudum §. cæterum de sepulturis, Episcoporum coadiutores, siue cooperatores in prædicationis officio, ac in aliis spiritualibus functionibus Mendicantes Ordines constituit. Quam verò ob causam Apostolica sedes Religiones instituerit Mendicantes, & quale sit earum munus aptissime declarat, D. Bonauentura in tractatu, quare Fratres Minores prædicent, tom. 1. vbi instruit Rectores Ecclesiæ Deum imitari debere, qui etsi omnia per se possit, dignatur tamen in quibusdam operibus suis habere coadiutores, & Vicarios, in hoc præbens exemplum Ecclesiæ Rectoribus sollicitudinis suæ onus impartienti, ne per ipsorum absentiam, & insufficientiam salus fidelium negligatur. Prædictis ergo (inquit) Bonauentura, de causis in his notissimis temporibus, de quibus prædixit Apostolus 2. Tim. 3. quod instabant tempora periculosa, ex multiplicatione peccatorum, & numerositate rudium populorum, & seductione Hæreticorum, & raritate bonorum, & difficultate regendi, & insufficientia Prælatorum, & perplexitate casuum emergentium, & aliorum periculorum Ecclesiæ imminuentium, ex variis euentibus prouidit sedes Apostolica, ad obuiandum præfatis periculis, remedium quibusque animabus perentibus ministrando, quod Diuina Ordinatione Religiosos quosdam Ordines instituit, qui officio Prædicationis, & Confessionis sibi commissio subueniant

ueniant indigentia populorum, & insufficientia Clericorum, & obsistant versatius Hereticorum, & hoc in solatium, & subleuamen oneris, non in preiudicium plebanorum.

Et infra Temperatissime quippe ait sic disposuit Diuina sapientia, & instituit sedes Apostolica, vt per Ordines prenotatos in Predicatione, & Confessione defectus clericorum suppleantur, & anime saluentur.

(Et post pauca.) Quod autem quandoque Religiosi ad saluandos Fideles, in Ecclesia essent vocandi, ostenditur in Euangelio, Luc 5. Cum Dominus dixit Petro, Duce in altum, & laxate retia vestra, in capturam concluderant autem piscium multitudinem copiosissimam, rumpebatur autem rete eorum, & annuerunt sociis, qui erant in alia navi, vt venirent, & adiunarent eos, & impleuerunt ambas nauiculas. Mare est seculum, Nauicula Petri est Ecclesia fidelium: Rete est Euangelica Doctrina, per iussum Domini tanta piscium multitudo concluditur, quod rete rumpitur, quia tot ad fidem veniunt, quod eam etiam Haresibus sciindunt: sed cum Petrus, cum suis trahere non valent, annuerunt sociis in alia navi, vt venirent, & adiunarent eos, qui Prelati Ecclesie cum Clero non sufficientes, tantum plebis multitudinem trahere ad littus vite perpetue, annuerunt, admittendo, sociis Religiosis scilicet, Ioanni, & Iacobo, actiuis, & contemplatiuis, vt venirent, compatiendo animarum periculis, & adiunarent tam eos, qui trahunt, quam qui trahuntur, illorum insufficientiam, istorum indigentiam releuando. (Deinde & subdit.) Quod autem Prioribus temporibus in Ecclesia non erant vocati, vel missi a sede Apostolica Religiosi, ad officia Predicationis, & Confessionis, vt nunc, ista fuit ratio:

Cum morbus adhuc parvus est, paucioribus indiget remediis & leuioribus; sed cum caput inualefcere, & latius se diffundere, ne desperabiliter æger periclitaretur, necesse est plura, & efficaciora remedia adhiberi: Ita etiam cum status mûdi modò deterior sit, quàm olim, expedit plures nunc esse subleuantes, iuxta illud, Luc. 10. Messis multa, operarij pauci, (idonei, & fideles.) Rogate ergo Dominum messis, vt mittat operarios in vineam suam. Ac demum concludit Seraphicus Doctor: Cum igitur iam sit Ecclesia quasi nauis tempestate concussa, in qua remigantibus pauore trementibus, procella tumentes penè operiunt nauem, missi sunt Fratres à summo Gubernatore, fulti auctoritate sedis Apostolicæ, vt in nauiculis suis, discurrentes per mundum, quos ex naufragio peccati periclitantes inuenerit, rapiant ex undis, & ad litus salutis reportent. Hactenus D. Bonauentura.

Ex qua doctrina colligit D. Bonauentura, in eodem opusculo, prædictas Religiones teneri ex charitate saluti proximorum subuenire. Et Doctissimus Pater Dominicus Bagnèz, 2. 2. q. 33. art. 3. dub. 3. Ordines Mendicantium teneri, sub præcepto habere specialem curam, vt Religiosi se exerceant in Doctrina, Prædicationibus, & Confessionibus, cuius eâ reddit rationem: Quia finis prædictorû Ordinum est salus animarum: Et ideo Prælati tenentur ad media procuranda, nec non & subditi tenentur ex officio, & professione sua disponere se, vt sint idonei ad exercenda potissimum sui Ordinis munia, sub peccato mortali, & ex consequenti tenentur peculiari obligatione, ad studium literarum, quoniam hæc est dispositio idonea.

Imò & D. Thom. in opusc. 18. c. 23. agens de Ordinibus Mendicantibus, (inquit) Huiusmodi statum
perfe-

perfectiōnis magis habent Religiosi, qui ex voto sui Ordinis ad hoc obligantur, quod Episcopis subministrant in his quæ ad curam animarum pertinent prædicando, & audiendo Confessionem: vbi illa verba (ex voto) idem sonant, ac ex professione, sicut omnes tenentur Mendicantes. Ex quo etiam secundo sequitur, quod cum Religio nostra, inter Mendicantes Ordines à sūmis Pontificib⁹ fuerit annumerata, vt constat ex innumeris privilegiis, & ex c. vnic. de Religiosis domibus, nullus restat dubitandi locus, illam esse à prædictis Pontificibus, & maioribus nostris destinatam in adiutorium Episcoporum, vt eorum ministerium in saluandis animabus, Religiosi nostri sua doctrina, & exemplo adiuuent. Sed de hoc latius infra.

EXEMPLA ORDINVM MENDICANTIVM, qui in propaganda fide Catholica, viros in Ecclesia Dei fecere progressus.

CAPVT II.

Multa commemorauimus supra ex Menachorum familia circa animarum culturam præclarissima exempla, superest, vt ad Mendicantium Ordines deueniamus, quos & Episcoporum, & Apostolicæ sedis in hac causa cooperatores præstantissimos à tempore suæ institutionis, vsque ad nostra secula, nemo est qui dubitet. Et in primis de Patribus Dominicanis, quantum animarum conuersioni insudauerint, quantumque à suo ortu, & origine totius orbis salutem procurauerint, & in quas Regionibus ob hanc causam fuerint sparsi, scilicet cit colligere ex Bulla Innocentii. iiii. & Nicolai quarti, Fratribus

tribus Prædicatoribus, in conuersione animarū laborantibus concessa, cuius initio habentur hæc verba. *Innocentius Episcopus seruus seruorum Dei, Dilectis filiis Fratribus de Ordine Prædicatorum, in terras Sarracenorum, Paganorum, Grecorum, Bulgarorum, Cumanorum, Aethiopum, Syrorum, Iberorum, Alanorum, Gazaram, Gothorum, Ziccorum, Ruthenorum, Jacobitarum, Nubianorum, Georgianorum, Armenorum, Indorum, Mostelitarum, Tartarorum, Hungarorum, Maioris Hungarie, Christianorum captiuatorum, apud Tartaros, aliarumque Infidelium nationum Orientis, seu quarumcunque aliarum partium proficiscentibus salutē. &c.* Hæc Innocentius. Quos fructus ordo iste tulerit ex tam copioso, tamque vniuersali, Verbi Dei semine, non facile erit dinumerare. Nam cum aliqui Religiosi ad aliquas prædictarum Regiones fuissent destinati, multas peragrarūt Barbarorum Prouincias, in quibus nulla adhuc Christi notitia erat, idque eò fructu, vt ita scriptum sit, iniri non posse numerum animarum, ad rectam fidem per eos traductarum, præsertim verò in Cumanorum gente: Vnde Benedictus, qui cæteris præerat Fratribus, ad Magistrum Generalem scribens (quæ adhuc extant literæ) narrat multa hominum millia non solum ex plebe sed etiam ex prima nobilitate Baptismum suscepisse. Quare hoc sufficiat quasi specimen eorum fructuum, quos hic Ordo in Ecclesia tulit, fertque indies, quibus recensendis iusta iam volumina scripta sunt.

Ex Fræscicana autē familia, præter alia anno fere Domini 1270. missus est Constantinopolim, ad tractandā illius Græcæ Ecclesiæ recōciliationem Hieronymus Esculus, is qui postea ad summū Pontificatum

tū euectus, Nicolaus iiii. est appellatus; & quidē felici
succesſu, quippē qui Imperatori, & gēti illi veritatis
lex perſuaſerit, ſecumq. quadraginta ex Proceribus,
ad Pontificis pedes, & ad Conciliū, quod eò tempore
Lugduni habebatur, cū magno omnium gaudio per-
duxerit. iidem etiā ad Tartaros, neq. ſemel adierunt
primū ab Innocentio iiii. miſſi Anno 1245. quo tem-
pore cū magnus hominum numerus Euāgelium ad-
miſiſſet, paulo poſt multò plures illuc operarii deſti-
nati, Monasteria multa inſtituta, deniq. res Chriſtia-
na ſcēliciter proriſus adminiſtrata eſt. Iterum deinde
Anno 1341. à Benediſt. X. Pontifi. duo ex eiſdē miſſi
tanquā Apoſtolici Legati, cum aliis ſociis adiunctis,
qui item accepta ab Imperatore illo promulgandi
Euāgelii facultate, multa denuo, & tēpla, & Mona-
ſteria, cū diuini cultus propagatione, multaſque ani-
marum cōuerſione inſtruxerunt. Anno autem 1332.
non parua horū manus in Armeniam ipſā penetra-
uit, inter quos præcipuū fuiſſe ferunt Gonzalū Lau-
ratum virum doctiſſimū, qui cum concionibus, tum
pluribus libris in illā linguam conuerſis, multū pro-
fecit. Eodem etiam ferme tēpore, & Paſcalem, inter
Medos, & Gentilē inter Perſas verſatos eſſe accepi-
mus, & illius quidem extat Epiſtola, qua narrat ſe,
cum munera, & Vxo- res, quas Barbari illi offerebāt,
aliaſq. blanditias conſtāter repuliſſet, tentatū deinde
eſſe contumeliis, bis etiā lapidatum, faciē & plantas
igne aduſtas, quibus tamē rebus ita ſe nunquā terri-
tum, vt nec habitū depoſuerit, nec à prædicando de-
ſtiterit. Atq; etiam circa idem tempus Botina, vrbs
Dalmatiæ Gerardi Generalis Miniſtri opera con-
uerſa eſt ab herēſi, cum illac fortē iter habuiſſet; qui
deinde

deinde etiam pluribus coalitis, finitima loca, quæ
 erant eadem labe infecta, expugnauit, & ad Christi
 quædam reduxit. *Ordoricus* autem *Foroliuiensis*, eodem ipse ferme
 tempore, tum, ut honores fugeret, qui illi ab
 omnibus habebantur, tum feruenti auaritarum Zelo
 adductus, impetrata a superioribus facultate, contu-
 lit se inter infideles, ubi per varias excurrens Pro-
 uincias, versus Orientem, & Meridiem, eo in opere
 annis septem, & decem positus, viginti millia anima-
 rum solus baptizasse, & salutari doctrina instituisse
 dicitur. At verò circiter annum 1370. *Guilielmus*
Prætor *Catani* missus Euangelizandi causa, plures
 quam sexaginta, ex suis abduxit. In *Hungaria* autē
 eum Rex illē finitimas quasdam Prouincias recen-
 ser subiecisset, destinatis eò *Franciscanis* octo, non
 pluribus diebus, quam quinquaginta, ducenta ho-
 minum millia, ad Christum adduxerunt: quo suc-
 cessu impulsus Rex optimus, ad *Ordinis* *Generalem*
 diligenter scripsit, ut duo millia ad se Fratrum mit-
 teret, quoniam nulli opus esset defuturum: legiturq;
 adhuc huius *Generalis* *Epistola*, qua suos ad tam op-
 eribus, & gloriosos labores piē, & feruenter inuitat.
 Nec tacendus *Ioannes Capistranus*, qui annum cir-
 citer 1430. vna excursione duodecim infidelium
 millia, & multos præterea schismaticos *Ecclesiæ*
 aggregauit.

Quanti verò in *Indiis Orientalibus*, & *Occiden-*
talibus fuerint, ab initio, & fiant quotidie fidei *Chri-*
stianæ progressus, per *Ordines* omnes *Mendicantes*,
 numentum laboris esset enumerare. In eis sunt multæ
 famulæ, ex ordine *SS. Augustini, Dominici, & Frā-*
cisci,

cisci, & Carmelitarum Excalceatorum, quæ huic vni rei Christianæ, scilicet fidei propagationi dant operam. Primos omnium, qui ex Mëdicantibus tantam hanc Prouinciã aggredi sunt, Franciscanos fuisse legimus, atque eosdem etiam in iis inueniendis, cum antea ne quidem de nomine auditum esset, magnopere contulisse. Cum enim Christophorus Columbus de ea nauigatione instituenda, apud Ferdinandum in Hispania Regem ageret, nec ei, vt in re tam noua atque incerta, multum fidei haberetur; Patres duo Franciscani valdè eum iuuisse dicuntur, tum ipsum animando, tum etiam Regem impellendo, vt eam occasionem omnino tentaret. Itaque cum impetrata classe Columbus Mexicana regna fæliciter aperuisset, atque in Hispaniam, tam lætæ rei nuncijs reuersus esset, statim aliquot eius familiæ Patres, ea in loca nauigarunt anno circiter a Christianato 1493. Atque eodem pæne tempore, ad Occidentalem Indiã, Emmanuelis Lusitani Regis, auspicijs à Vasco Gama patefactam, anno videlicet, M. D. missi sunt Euangelii causa viri octo, ex eadem familia, tum doctrina, tum pietate præstantes. Ab his initis, hic Ordo per eas regiones diffusus, multiplicatis breui tempore domicilijs, tredecim Prouincias instituere, in quibus magnam Christianæ rei operã nauauerunt, & adhuc nauant. Ad eosdẽ labores paulo post, id est Anno 1505. nauigauere etiam Dominicani, qui item illic multa præclare gessere, deinde Augustiniani, & Carmelitæ.

Sed quàmuis plurimum Ordines alii, vt Christi nomen ab omnibus in vniuerso orbe colatur, laborauerint, inferior tamen laus Societatis Iesu Reli-

giosis non debetur, quæ tum in Gallia, in Belgia, Germania, Polonia, totoque illo Septemtrionis tractu hæresum peste laborante, impigrè se vbique offert Catholicis confirmandis, hæreticis reducendis, aut etiam confutandis, tum etiam versus omnes orbis partes, ac præcipuè in vtraque India infidelium culturam exercet: ac primum in Orientali India, Ioannis Lusitani Regis rogatu, per Franciscum Xauerum, Apostolicum sanè virum introducta est. ac in celebri insula Goa nuncupata Societas Iesu, habet frequentissimum Collegium, in quo morari solent foculi amplius centum, ibi instituuntur pueri quàm plurimi, e diuersis Regionibus oriundi, Brachmanes, Pericæ, Arabes, Aethiopes, Cafres, Canarii, Cazarates, Bacani, Malauares, Bengalæ, Canaræ, Peguæ, Patanes, Chinguolæ, Iai, Malai, Manacarabi, Macazareti, Malucii, Sionii, Mauri, Sinæ, & alii, qui in terras suas dimissi optimis instructi moribus, ac disciplinis Euangelium longè lateque diffeminare solent. Eadem Societas in Occidentali India Euangelium Christi latissimè propagauit, ac in vtraque India innumeros habet operarios.



NON SUFFICERE RELIGIOSIS

*Mendicantibus preparationem animi ad iuuandos
proximos. CAPUT III.*

AT non desunt, qui dicant non opus esse ad charitatis perfectionem animarum studium actu suscipi, sed sufficere in affectu, & desiderio habere, ut constat multos viros sanctissimos heremi cultores, hac charitatis affectione sine illa actuali, quæ proximis tenetur consulere, viros euasisse perfectissimos; ex quo inferunt sufficere Religiosis etiam Mendicantibus, habere animi promptitudinē, hoc est, paratos esse iuuare Episcopos, vel summum Pontificem tempore instantis necessitatis, vel ipsis requirentibus, aut præcipientibus.

Et quamvis forsan si rem istam subtilius discuteremus, & ut dici solet, in Scholis Metaphysicæ, posset forsan defendi, inter occasiones consulendi proximorum salutem assiduam, & graues sufficere charitatem in affectu, siue, ut ipsi vocant, in animi preparatione; quemadmodum inter opes, & delicias sanctitas, inter honores humilitas, inter epulas castimonia. illud tamen certissimum est in praxi similem animi preparationem nec sufficere, neque charitatis metam attingere: Proh dolor pereunt innumeræ animæ, & cum effectu detruduntur in infernū, & sufficiet charitas in affectu, aut solā animi promptitudo eas adiuuandi?

Quæ rogo fuit causa, cur sancti, & Religiosi viri cum probè intelligerent, in quo sita esset charitatis perfectio, tamen ita charitatem proximi in actu

sunt amplexati, ac si nihil ea esset quæ in affectu tantum consistebat: Ac deinde illud etiam maximū, est in hoc genere, quod cum Christi Domini vita perfectissima fuerit nostræ vitæ, & salutis forma, & ille non sola animi præparatione, sed etiam operib⁹ ipsi, ac toto suæ vitæ cursu nihil aliud, quàm animarum salutē curauerit, consequens esse videtur, vt qui in hoc vtroque eius in se efflaxerit similitudinē, ei plus laudis debeat, quam qui tantum in altero.

Quæ fuit etiam Bernardi sententia, afferētis antiquis Patribus satis fuisse spiritum Domini solo spiritu lequi. *At, inquit, vbi Verbum caro factum est, & habitauit in nobis, iā nobis in eo tradita est imago vitæ, & perfectionis exemplar, quod oporteat etiam corporaliter imitari, vt vtroque sequentes vestigio, non vterius cum Patriarcha Iacob, altero femore claudicemus. Neque id dicimus tanquam saluari quis vel hoc tempore nequeat, si secus egerit; sed vt gradum agnoscat proprium, & locum perfectionis, aut discipulatus officium non vsurpet.* Hæc Bernardus. Clarius tamen ipse etiam Bernardus serm. 50. in Cantica de hoc duplici charitatis genere edisserens in proximis iuuandis, non sufficere affectualem, sed actualem præquiri his verbis ostendit: *Ordinavit in me charitatem. Quàm putas harum? Utramque, sed ordine opposuo, Nam actualis inferiora præfert, affectualis superiora. Etenim in bene affecta mente non dubium (verbi causa) quin dilectioni hominis Dei dilectio præponatur, & in hominibus ipsi perfectior infirmioribus, cælum terræ, æternitas temporis, anima carni. At tamen in bene ordinata actione sapē, aut etiam semper ordo oppositus inuenitur. Nam & circa proximi curam, & plus vrgemur, & pluries occupamur, & infirmioribus Fratribus diligentiori*

tiori sedulitate assistimus, & paci terræ magis, quàm gloriæ cæli, iure humanitatis, & ipsa necessitate inendimus, & temporalium inquietudine curarum, vix aliquid sentire de æternis permittimur, & languoribus nostri corporis, postposita anima cura, penè continuè inferimus, & ipsis denique infirmioribus membris nostris abundantiorē honorē, iuxta sententiam Apostoli circumdamus, pro hoc quodammodo facientes verbum Domini, de quo habes: Erunt novissimi primi, & primi novissimi. Orantem denique hominē cum Deo loqui, quis dubitet? quoties tamen inde charitate iubente abducimur, & auellimur propter eos, qui nostra indigent opera, vel loquela, quoties piè cedit negotiorum tumultibus pia quies? Quoties bona cōscientia ponitur codex, ut operi manuum insudetur? Quoties pro administrandis terrenis, iussissimè ipsis supersedemus celebrandis Missarū solemnibus? Ordo præposterus, sed necessitas non habet legē. Agit ergo suum actualis charitas ordinem iuxta Patris familias iussione incipiens à novissimis. Hæc Berna. Præterea excusatio hæc frivola omnino videtur, nam vel loquitur de præparatione animi, quam debet habere subditi respectu Prælatorum Ordinis, ita ut ipsi non se immisceant Ecclesiasticis functionibus, nisi à Prælatis suis ad munus concionandi, aut confessiones audiendi, aut alio modo erudiendi populos vocati: & hoc verissimum tutissimumque consilium iudico. Quamvis forsitan sæpe laudabilius erit se ipsos pro infidelibus iuvandis Prælatis semel, atque iterum offerre exemplo D. Gregorii, antequam ad Pontificiam ascenderet dignitatem, S. Bonifacii Episcopi, & Martyris Ordinis Camaldulensium, Benedicti Ludouici Beltrandi, qui omnes aliique quàm plurimi sanctissimi viri a suis

Prælati ardentissime efflagitarunt, ac impetrarunt
 mitti in remotissimas orbis Regiones, pro infidelium
 salute procuranda: imò nullus ferè Religiosorum
 Ordinum alumnus à Prælati, nisi ipsemet postula-
 rit, huic altissimo deputatur ministerio. Nec verò si
 quis præsentit se à spiritu diuino, semel atque iterum
 ad Missiones excitari, trepidandum illi est timore,
 ubi nulla est timendi occasio, nempe in appetenda
 solici teque procuranda illa re, quæ a Christo Domi-
 no commendata, ab Apostolis, ac tot Sanctissimis
 viris tanto studio exculta, imò ipso usu, & experien-
 tia Religiosis vtilissima, & iucundissima semper
 inuenta: si enim nihil aliud, quam Dei gloriam, ani-
 marumque salutem sitiamus, nihil trepidandum, quin
 Dei spiritus, qui nostras mētes excitat, nostras quo-
 que actiones adiuuabit. Quod si res optatum exitum
 non sortiatur, in re tam magna voluisse saterit.
 Sed iam ad rem propositam redeamus. Vel sermo
 est de præparatione animi respectu Prælatorum
 Ecclesiasticorum, ut sunt Episcopi, & summus Ec-
 clesiæ Pastor, & tunc falsum est sufficere Prælati;
 Ordinum Mendicantium animi præparationem, illos
 in populorum instructione, aut reductione adiuuandi,
 ita ut nisi ab ipsis requirantur non teneri animarum
 cultarum operam dare. Primo, quia Pontifices, qui
 Mendicantes Ordines elegerunt, non assumpserunt
 eos, ut essent coadiutores in animi præparatione,
 sed re ipsa cum animarum necessitas, vel utilitas po-
 stulauerit. Secundo, quia expresse D. Thom. 2. 2. q.
 188. art. 4. ad 2. asserit, quod subuenire Prælati in
 ministerio animarum, est proprium huiusmodi Re-
 ligionum. Tertio, quia Mendicantes, ut constat ex
 superio-

superioribus, instituti sunt, a sede Apostolica, variis
 que privilegiis condecorati, ad prædicandum, docē-
 dū, & aliis modis conuenientibus spirituales salutē
 proximorum procurandam. Quomodo igitur pro-
 ximorū salutē erit consultum, si Religiosi præpara-
 tionē animi, tantum illos iuuarent: aut quando ali-
 qua ex his sacris Religionib⁹ cōtenta fuit animi præ-
 paratione in salutē animarū procuranda? Nunquid
 D. Dominicus, aut Franciscus, B. Angelus, Ignatius,
 aliq. Patres Ordinum Mendicantium Coriphæi, eo-
 rumq. sectatores, quorū gloriosa gesta nulla delebit
 obliuio, præparationem animi, pro animarum salutē
 procurandā habuere tantū, an verò pro eis instaurandis
 labores, sudores, miras vexationes, ac sanguinis ipsius
 effusionē, non signe magno Ecclesiæ fructu tulerūt?
 Quarto, quia tunc animi promptitudo apud Deum,
 pro facto computatur, cum quis opus bonum non
 exequitur, vel quia non potest, vel quia non se offert
 occasio: sicuti Anachoretę habent in promptitudine
 animi obediētiam, patientiam, misericordiæ opera,
 quia parati sunt oblata occasione illa exercere; si
 tamen occasio illis daretur, nequaquam sufficeret
 habere hanc animi promptitudinem, nisi eam ipso
 facto comprobarent. Quomodo igitur Religiosis
 Mendicantibus, tempore quo Ecclesia tot hæresibus
 laborat, tot impiorū afflictionibus opprimitur, tēpo-
 re inquā, quo immēsus infidelium numerus, vt sunt
 Indi, Aethiopes &c. petentiū panē doctrinę Euāgeli-
 cę cōspicitur, sufficiet hæc animi prōptitudo? Quin-
 to, quia hanc animi præparationē respectu summorū
 Pontificū, ad quos tanquā ad sūmos Pastores spectat
 infidel. curare conuersionē, competere debet nō solū

Religiosis, Mendicantibus, Monachalibus, Clericis, verum etiam Laicis omnibus aptis ad Infideles reducendos: quare ad maiora Ordines Mendicantes ex vi suæ professionis sunt vocati.

Sexto, quia ministeria Ecclesiastica docendi, prædicandi &c. quæ lucrum temporale præ se ferunt etiam exigui momenti, nunquam à Religiosis præmittuntur, imò sæpe oriri solet contentio inter eos, ac æmulatio non modica, quis huic, vel illi populo debeat concionari: etiam si solū fructus aliquis temporalis non spiritualis animarum speretur. Variis etiam discursibus neglecta clausura, per Vicos, & Castella sæpe Religiosi vagantur, vt modicū vini, frumenti, vel paleæ, aliarumue rerum sibi comparent, ac in hunc finem veluti in scopum, doctrinā, prædicationem, sacramentorumq. administrationē aliquando iaculantur. Prohi dolor, cælestia ac diuina in humana, ac terrena lucra conuertuntur; at cum de salute animarum, pro quibus Christus Iesus spinas, flagella, clauos, vulnera, & ipsam sustinuit crucem, agitur; tunc contendunt sufficere sibi animi præparationem in Euangelium pacis:

RELIGIOSI ORDINVM MENDICANTIUM
*non solum Fidelibus, sed & Infidelibus
 tenentur opem ferre. Cap. IV.*

Aliud insuper Dæmonis telum aduersus fidei propagationem animarumq. salutem aliqui in nos contorquent (quod merito fidei arietem, vel vt clarius dicam, contra fidem appellare possumus) asserentes sufficere Fratribus Mendicantibus, si fidelium

delium tantum salutis consulant; cum in aliquibus Villis; aut Regionibus inter Christianos adhuc commorentur homines fidei Christianæ ignari; ac ipsi etiam civitatibus tot esse trisum inueterata vitia; & mores corruptos; ut Deo forsitan inuisum sacrificium videatur, ac præposterus charitatis ordo domesticis in fidei tenebris relictis, neglectaq. spirituali cura domesticorum eos, qui foris sunt, magno circulo re, ac non sine animarum nostrarum periculo imminens traiectis spatii quaeritare.

Quorsum, inquit, imo elamant, Missiones aggreddimini, tantum terræ pelagiq. immensi ad ignotas terras traucitis, si Christianorum curam deiecit, ac extraneis consulitis, propriis ac domesticis derelictis? cum iniquitas maxima sit, posthabitis domesticis extraneis vacare, & certos pro incertis relinquere fructus? Hanc friuolam excusationem; fidei propagationi omnino contrariam de medio tollendam esse duobus, aut tribus propositis argumentis facile conuincemus. Primum erit, Ecclesiam usque in finem mundi crescere oportere, ac Euangelium patris incessanter usq. ad sæculi consumationem prædicandum. Secundum, hanc propagandæ Ecclesiæ curam potissimum ad summum Pontificem pertinere, ac proinde Mendicantes Ordines, qui Sedi Apostolicæ sunt auxiliares, teneri in hac fidei propagatione curâ ad hanc præclarissimam Sedem spectante cooperari. Tertium, Fidei dilatacionem non esse huic curæ postponendam, eique semper studendum, etiam domesticis omnibus relictis, dummodo illis auxilia sufficientia conferantur.

Ad rem igitur redeamus, in primis constat Ecclesiam

fiam dilatandam esse, donec in toto mundo Euangelii lumen resplendeat, sintq. vnum ouile, & vnus pastor: hoc autem à Domino fuisse præceptum eleganter docet D. Augustinus variis in locis præcipuè, Epist. 8. ad Ifychium, & Epist. 48. ad Vicentiũ, vbi cõtra hæreticos, quosdam acerrimè pugnat, qui obicem fidei Christianæ, per vniuersum orbem propagationi ponẽtes, iudicarunt Euangelium non debere prædicari, vltra certos terminos ab ipsis præscriptos: quantum deinde errent, qui Euangelicam tubam solum intra Catholicæ Ecclesiæ claustra resonare vellẽt, pulchrè docuit D. Bernar. in Epist. ad Eugenium. Quare cum præceptum sit Domini non tantum Apostolis, sed etiam eorũ successoribus operarios pro excolenda vinea incessanter mittere, nemini dubiũ esse debet, hoc onus efformandi, mittendique ministros summis Pontificibus incumbere, quibus vniuersalis Ecclesia cõmissa est: vnde cum Mendicantes Ordines, etiam suo modo Apostolis succefferint, vt in princ. huius 2. partis ex decreto Gregorii Papæ commemorauimus, sintque in hac parte Apost. sedi coadiutores idonei, pro virili tenetur in gentium proceranda salute, summorum Pontificum conatus adiuuare, vsque dum ouile vnum in Ecclesia confurgat.

Præterea Christi Domini, ac Sanctorum omnium exemplo facillè edocemur normam in Missionibus seruandam. Nam in primis Saluator noster, ac Dominus Iesus Christus, cum Iudæa ferè tota tempore mortis suæ, ac in cœlos ascensionis esset inculta, ac sceleribus immanissimis obruta, vno tantum Apostolo, Beato nimirum Iacobo relicto, cæteros in vniuersum

uersum terrarum orbem ire præcepit dicens; Act. 1.
 Eritis mihi testes in omni Iudæa, & Hierusalem, &
 vsque ad extremum terræ. Nonne Apostoli omnia
 etiam inculta maxima plebis portione, relictis ibi
 Discipulis, ad alia Regna migrabant? Nunquid non
 Petrus Antiochiam deseruit, & Paulus Orientales
 Prouincias, vt Romam venirent? Illis in locis Petri
 aut Pauli doctrina opus non erat? vel tunc infideles
 omnes, ad fidem conuersi, ac moribus perfecti, intè-
 grique erant; cum ab illis Prouincijs præclarissimi
 Apostoli Romam profecti sunt, aut ab inclita vrbe
 Romana, cum Apostolorum Princeps Discipulos;
 verius omnes orbis partes Euangelii disseminandi
 gràtia emisit, Christo nomē collumque subdiderat?
 Ac denique, vt nunc aliorum Apostolorum similia
 præteream exempla; cum D. Benedictus ab Italia
 Maurum in Galliã, ac D. Franciscus in varias mun-
 di Regionēs Discipulos iparsit, Beatus Ignatius a
 Roma in eoum orbem, aliasque Septentrionales
 partes Xauerium, aliosque Discipulos transmisit;
 num Italia viris illis Apostolicis, pro infidelium in-
 struptione, ac ædificatione non indigebat? Quid sum-
 mos etiam Ecclesię Pontifices damnabimus, qui Di-
 uino afflati spiritu quotidie operarios in remouissi-
 mas Prouincias, pro infidelium salute curanda trās-
 mittunt, cum non deesset messis multa tum Romę;
 tum in alijs Ecclesię Regnis?
 Demum nusquam Ecclesiã esset propagata, nec
 Euangelium vniuerso fuisset orbe cognitum:
 Nam si primum oporteret domesticorum mor-
 bos curare, ac rudes omnes Christianos instruere,
 errantes

errantes, ad viam veritatis reducere, cum hoc moraliter sit fære impossibile, non relinqueretur tēpus, neque occasio propagandi Euangelium gentibus. Sufficit igitur, si populo Christiano auxilia ad salutē sufficiētia conferātur, ipso verò reuēte ad veritatis viam reduci, ad gentēs conuerti, quemadmodū Apostoli Iudæis prædixerunt: maximē quia domestici fidei, nunquā remanēt destituti ministris necessariis, habēt enim Episcopos, Parochos, ac Religiosos innumeros, quorū ope faciliē possūt veritatis viā edoceri.

Imò modicus fructus, qui ex Christiano populo, quasi ex vinea senescente colligitur, mouere debet Ecclesiæ Principes, ac Religiosorum Prælatos, ut eò sua studia conuerterent, vnde maiorem prouentum sperarent. Nimis enim exploratum est plurimos verbi Dei, ac Sacramentorum ministros in florētissimis vrbibus Christianis parum proficere, experientia ipsa clamante: integros ferē populos, in eisdem semper vitiis iacere, quantumuis ministris æternæ salutis abundant. Cur ergo non fiat delectus, & numero idoneo relicto, operarii multi destinētur, ad Regionēs, & nationes infidelium, vbi scelicius proficiant? Et quidem ratio hæc ipsos potissimum Prædicatores, & Sacramentorū Ministros exstimulare debet, ne post labores studiorum, & sciētiæ Diuinę acquisitionem vires consumant, aut eleganter dicendo, aut cum exiguo fructu laborando. Si enim rectē sentiant, prospicient profectō in Euāgelii Prædicatione, quæ apud infideles fit, se Apostolis similiores futuros, cum ibi stimuli multi vanitatis non pugnāt, & ipsum Iesum Christum, veracius per sudores, & labores imitentur.

PROPONVNTVR, ET REFELLVNTVR
Argumenta Guilielmi, & aliorum.

CAPUT V.

Guilielmi argumenta cōtra Ordines, tam Mendicantes, quam alios, quibus conabatur ostendere, Monachos nō esse idoneos doctrinæ, nec verbi Dei Prædicationi, imò hæc eorum instituto esse cōtraria, latissimè refert D. Thom. opusc. 19. c. 2. & 4. & 2. 2. q. 187. art. primo, breuiter tamen ea, quæ principaliora sunt, adducemus: Primum erat ex D. Hieronymo: *Monachus non docentis, sed plangentis habet officium.* Secundum ex D. Gregorio: *Nemo potest Ecclesiasticis deseruire Officiis, & in Monastica regula ordinate persistere:* Sed Monachi tenentur in sua regula ordinate persistere, ergo non possunt Ecclesiasticis officiis deseruire, qualia sunt Prædicare, & docere. Tertio, quia est contra doctrinam Apostoli. 2. ad Cor, 10. *Nos autem non immensum gloriamur, sed secundum mensuram regula, qua mensus est nos Deus.* Vnde dicunt, quod quicumque Religiosus vltra illū modum egreditur, qui sibi ab authore Regulæ suæ est statutus, seipsum superextendit. Quarto, Quia Monachus tenetur Ordinem suum seruare, sed extra claustra, non potest eum commode seruare, ergo nō conuenit ei prædicare, &c. Hæc sunt motiua Guilielmi, iam pridem a fidē Apostolica, ob ea plurimis decretis damnati.

Ad 1. respondet D. Thom. quod d. c. 2. ibi Hieronymum solum affirmare Monacho, in quantum Monachus est, competere pænitentiam agere, non docere, sicut aliqui olim vsurpabant; qui ex hoc ipso,

ipſo, quod Monachi erant, docere volebant. Ad ſe-
cundum ex Gregorio, quod nemo poteſt Eccleſia-
ſticis officiis deſeruire, reſpondet D. Thom. vt ſupra,
non eſſe intelligendum de his, quæ ad ſubſtantiam Religio-
nis pertinent, vt etiam per apparatus ibi patet, quia hæc
benè ſeruare poſſunt Eccleſiaſticis officijs deſeruientes: ſed
intelligitur quantum ad alias obſeruantias, ſicut ſilentium,
& vigilias, & huiusmodi: quod etiam patet ex hoc, quod
ſequitur in prædicto, cap. vt ipſe diſtinctionem Monaſterij
teneat, qui quotidie in Monaſterio Eccleſiaſtico cogitur
deſeruire. A quibus obſeruantijs regularibus non eſt incon-
ueniens ſi aliqui abſtineant, vt comuni vtilitati vacent
docendo, ſicut patet in illis, qui ad Prælationis officium aſ-
ſumuntur, cum etiam in clauſtris manentes, in talibus quo-
que diſpenſationem accipiant propter aliquam cauſam. Et
propterea aliqui Religioſi ſunt, qui in Clauſtris ſuis manen-
tes diſtinctionem Ordinis ſui ſeruantes, ſcholæſtico inſiſtunt
officio, quod ex inſtitutione ſui Ordinis habent.

Ad tertium reſpondet ibidem his verbis: Ille ſe
extendit ſuper meſuram ſuam, vt patet per gloſſ. ibidem,
qui ſe extendit, ultra quam concedatur ei: Illud autem in-
telligitur conceſſum, quod nulla lege prohibitum inuenitur.
Vnde ſi Religioſus aliquid faciat, quod non ſit ſibi per re-
gulam ſuam prohibitum, non ſuperextendit ſe ſuper me-
ſuram, quamuis de illo faciendo in Regula nulla mentio
fiat: alias non liceret Religioſis aliquibus, qui habent regu-
las latiores, aſſumere ſibi perfectioris vitæ conſuetudines
& ſtatuta, quod eſt contra Apoſtolum ad Philip. 3. Qui
ea quæ retro ſunt obliuiſcens, ad ea quæ ſunt priora ſe ex-
tendebat. Et præterea aliqui Religioſi ſunt, qui doctrinam
ex inſtitutione ſui Ordinis habent, & patet, quod contra
hanc dicta obiectio non procedit.

Ad quartum ex sanctissimi Doctoris doctrina, modo allata facile respondetur: vbi docuimus non solum imminente necessitate, sed etiam postulante id animarum communi vtilitate licite prætermitti Ordinis obseruantiam, maximè illam, quæ non ad instituti substantiam spectat.

Et vt alia quæ ad Mendicantium Ordinum functiones, & priuilegia breuiter ex mente D. Thomæ d. opusc. 19. & 22. q. 187. adiciam, quæro cū D. Thoma, cur Mendicantes Religiosi in medijs oppidis, ac ciuitatibus sua ferè cænobia extruant, ac proinde, Ciuium tumultibus exposita; cum tamen Monachi longè ab hominum cætù, & frequentia remoti in agris, montibus, & solitudinibus sua Monasteria exædificauerint? Respondeo cum S. Thoma locis citatis, ideo Mendicantes in Ciuitatibus habitare, vt iuuent alios, & ipsi pariter eorù largitionibus adiuuentur, cū Christi causa oīa reliquerint. Monachorù verò non fuit propriū, alios docendo iuuare; aut se fundis, possessionibus, ac bonis stabilib⁹ in cōiā abdicare.

Præterea quæritur, cur Mendicantes viribus aliquin præditi, manibus minimè laborent; cum ex Augustino per totum librum, de opere Monachorù, ex Basilii itē, & Benedicti Regula, & cap. de præsentiu 16. q. 1. manifestè constet, olim Monachos manibus laborare cōsueuisse? Respōdeo cū S. Thom. opusc. 19. c. 5. nō idē iuris esse de Mēdicantibus, quod de Monachis. Illi enim sunt instituti ad docendū, concionandū, cōferendū Sacramēta, & proinde ad diligentē literis operā nouandā. Porro qui spiritualia seminant, meritò ait Apostolus tēporalia metant, & qui altari seruiunt, ex altari viuunt, Monachi vero minimè.

Ac denique cur Religiosi Mendicantes in studia
 literarum incumbant, cum olim Monachi solum,
 quieti, silentio, solitudini, & contemplationi ope-
 ram dederint? Respondet itidem S. Thomas locis
 citatis, & cap. 11. Mendicantium Ordines, sese li-
 teris applicuisse, cum instituti fuerint, non
 tanquam Monastici Ordines ad solita-
 riam vitam agendam tantummodo,
 sed ad salutem animarum pro-
 curandam, propagan-
 dam, augendam, &
 conseruan-
 dam.



Q V A R T A P A R S.

MISSIONES PRO IUVANDIS

Infidelibus, nostro etiam Carmelitarum Di-
scalceatorum instituto, valde
congruunt.



ACTENVS Religiosos omnes
 fidei per vniuersum orbem propa-
 ganda aptissimos esse præ aliis,
 hancq. altissimam Vocationem,
 eorum institutum perficere docui-
 mus: nunc restat, vt ad nostrum ac-
 cedentes, ostendamus, proximorum

curam, ac de propaganda fide sollicitudinem, tantū
 abesse, vt nostro Instituto repugnet, vt maxime sit
 illi consentanea, & quod ad illius finem scopumque
 specialem reducatur, illudq. mirifice perficiat, ma-
 ximè si Missiones conuenienti forma executioni
 mandentur. Incipiam ergo in genere à salute
 proximorum, postea in specie dicturus de charitatis
 vinculo, quo ad iuuandos Infideles obligamur, ex
 quibus aperte constabit (vt opinor) eos in manife-
 stum labi errorem, qui ausi sunt affirmare nostræ
 Italicæ congregationis prælatos propriæ profes-
 sionis metas supergredi, dum Missionibus inter In-
 fideles, pro eorum conuersione, ac sanctæ Fidei pro-
 pagatione per religiosos huius familię viros studēt.

Præmittendum autem illud est, quod quantum
 ad præsens attinet propositum, multiplex potest esse
 sensus huius asserti. Primo, an sit contra nostrum
 Institutum saluti proximorum studere. Secundo, an

fit conforme. Tertio, an etiam pars principalis nostri instituti, utpote quæ ad finem nostri instituti redigatur.

Secundò præmittendum, institutum Religionis duo includere, primum Regulam ipsam à summis Pontificibus comprobata, deinde finem siue scopum, ad quem omnia alia tam in Regula, quam in Constitutionibus præscripta destinantur. Regula igitur præcisè sumpta non constituit institutum, neque Religionem peculiarem, sed est veluti materia, ac generica quædam institutio, quæ specificatur, & cōtrahitur ad varios fines, quos sibi, ac posteris Religionum Fundatores præfixerūt: ut patet ex Regula D. Augustini, sub qua innumeræ militant Religiones inter se distinctissimæ, ac in suis functionibus ferè contrariæ. Quare non tam ex Regula, vel saltem non ex ea potissimum, quam ex Fundatorum Religionum fine in Constitutionibus præfixo, institutum Religionis est iudicandum: & à fortiori vis, & latitudo instituti pensanda erit, præcipuè ex declarationibus, ac Bullis summorum Pontificum; quia cū Regula sit ius quoddam humanum, & (ut nuper dicebamus) velut materia quædam, à summis Pontificibus, à quibus confirmationem, vimque obligandi accipit, explicatur, declaratur, extenditur, ac pro temporum, & locorum mutatione limitatur, corrigitur, aut ad altiore finem, siue scopum sublimetur. Vnde instituti Religionis appellatione, vel possum⁹ intelligere finem particularem illius Ordinis, ut Prædicatorum prædicare, Monachalium contemplari; aut ipsam Regulam præcisè sumptam: Ac denique instituti nomine comprehenditur, tam Regula, & Consi-

Constitutiones, quàm finis specialis Religionis: quare quicquid in Constitutionibus præcipitur, vel alio modo, ad Religionem pertinet, solemus dicere, ad nostrum pertinere institutum. De instituto igitur, in hac triplici acceptione erit sermo, an in aliqua illarum Ordinis nostri instituto, præcipue Regulæ, Constitutionibus, aut speciali eius fini pugnent, vel consentaneæ sint Missiones.

Tertio tanquam certum indubitatumq. supponimus (latius inferius probandum) nomine, siue titulo salutis proximorum contineri tam fidelium, quàm infidelium curam, id enim apertissimè probant rationes infra adducende, ac allatæ supra. Quare si probauerim⁹ nostræ professioni, valde esse consentaneū, de salute proximorū procuranda tractare, non erit dubiū, quin idem censendū sit de infidelium cōuersione.

ORDINI NOSTRO CONSENTANEVM

esse animarum saluti studere, plurimis argumentis ostenditur. CAPUT I.

Nostro Carmelitarum Discalceatorum instituto proximorum curam congruere, manifestè ostenditur ex rationibus exemplique supra 2. & 3. huius tractationis parte allatis; nam si Religiosis omnibus, etiam Monachalibus consentaneum, ac expedientissimū est, proximis opem in spiritualibus ferre; quis de Mendicantium instituto, quale est nostri Ordinis, poterit dubitare? Recondenda sunt ea oīa, quæ tam in genere de Religiosis omnibus, quàm in specie de Mendicantibus superius adduxi, & accomodanda nostræ etiam Regulæ, & professioni, quæ etsi

euidentiſſima ſint, tamen vt euidentiſſima adhuc videantur, rem hanc in indiuiduo, hoc eſt ſpecialiter in noſtro Inſtituto, luce clariuſ oſtendam.

Quatuor igitur, aut quinque capitibus rem totam comprehendam. Primo, ex Regula. Secundo, ex ſummorum Pontificum teſtimoniis. Tertio, ex auctore eiſdem Inſtituti, ac ex noſtrorum maiorum exemplis. Quarto, ex mediis, hoc eſt, ex legibus ſcriptis. Denique quinto, ex fine ſpeciali, quem nos cōmunitè ſcopum noſtræ vocationis appellamus: Ex his ergo principiis aperte deducam, ad noſtram familiam curam hanc, & ſolicitudinē, pro iuuandis proximis potiſſimum ſpectare: dicturus deinde de eximia illa functione, quæ in infidelium ſalute procuranda verſatur.

*EX VI REGVLÆ, QVAM NOS
primitiuam appellamus, tenemur proximorū ſaluti
ſtudere. CAPVT II.*

PRæmitto vt certum, nullam eſſe in Eccleſia Dei Religioſorum regulam, cum qua pugnet ſtudiū animarum: Id probat diuus Thomas, 2. 2. q. 187. art. 1. ex decreto Bonifacii Papæ viii. c. nullam 16. qui expreſſe decernit in illo capitulo, à nulla Regula id eſſe prohibitum, ac proinde omnibus Religioſorum regulis, & inſtituto, vt ibi ex Bonifacii ſententia inferat D. Thomas, congruit proximos iuare: vt latius in 2. parte c. 1. demonſtrauiſmus. Quod verò in noſtra Regula, id non ſit prohibitum, conſtat ex Bonifacii auctoritate, is enim optimè inſtituti noſtri formam, ac Regulam nouerat, floruit enim

enim tempore primitiue Regule, eamque ab Innocentio iv. mitigatam, & declaratam confirmavit, variaque, & amplissima Religioni indulgit privilegia, quę referuntur in Speculo Ordinis, ex quibus aliqua sequenti capite adducemus: quare cum decreverit in nulla Regula prohiberi animarum curam, clarę & nostram sub hoc decreto comprehendit.

Secundo præmitto, non solum Regulę nostrę, hæc animarum functio non contrariatur, sed & illi valde est consentanea: Nam cum præcipitur Cellę custodia, non absolute, sed cum limitatione illa æquissima commendatur, nempe nisi aliis iustis occasionibus impediamur. Præterea in fine Regulę additur: *si quis verò supererogauerit, Dominus cum redderit, reddet ei*: quibus verbis ostium apertum est magnum, ad omnia diuina consilia, quę Regulę non contrariantur. Docere verò, aut prædicare verbum Dei, cum sit Euangelicum consilium vel præceptum, ut voluit D. Thomas opusc. 19. non potest esse contrarium alicui Religiosorum instituto.

Tertio ut certissimum constituo, in Regula nostra esse apertissimum præceptum de tuenda, siue procuranda proximorum salute, illis inquam verbis. *Dominicis quoque diebus de custodia Ordinis, & de animarum salute tractetis, ubi excessus, & culpa Fratrum, si qua in aliquo deprehensa fuerint, charitate media corrigantur.* Quorsum enim Innocentius adderet verba illa, *de Animarum salute*, si tantum de Religiosorum profectu ageret? Nōne illis verbis *de custodia Ordinis*, & similibus aliis, ubi agit de correctione culpæ, sufficienter eorum profectui esset consultum? num certa, & determinata tempora requireret Pontifex, ut de

animarum Religioſorum ſalute ageretur, cum id
 omni tempore à Prælatiſ fieri debeat? Sed vt clariuſ
 conſtet, horum verborum genuinuſ ſenſuſ, recolendū
 eſt, primo olim in regula, ab Alberto tradita,
 vt videre eſt in ipſo textu Regulæ, apud Paleonido-
 rum lib. 3. c. 2. & in præſationibuſ expoſitioniſ
 Regulæ (quam noſ annis præteritiſ in lucem emiſi-
 muſ) illa verba: *De animarum ſalute*, non contineri
 (licet in Spéculo aliter legatur, quod in hoc ſicut, &
 in aliis correptione indiget, quam noſ Deo fauente
 aliquando aggrediemur.) ſed ea poſtea in correptione,
 ac declaratione Regulæ Alberti, ab Innocentio
 rv. facta, ac petentibuſ ipſiſ Religioſiſ addita, (ſicut
 & reliqua, quæ in Regula prudenter fuerāt inſerta.)
 Itaq. olim in regula tantū illa verba continebantur:
Dominiciſ quoque diebuſ, vel aliſ, de cuſtodia Ordiniſ tra-
ctetiſ, ubi exceſſuſ, & culpæ Fratrum, ſi quæ in aliquo de-
prehenſæ fuerint, charitate media corrigantur, &c. nulla
 facta mentione de animarum ſalute. Iov. xv. m. d. c. c. c. c.

Quæ igitur, ac quanta fuerit occaſio addendi illa
 verba, *Et de animarum ſalute tractetiſ*, oportet vt ape-
 riamuſ, vt ſic de mente Regulæ, & ſenſu dubitare
 non liceat. Rem igitur breuiter attingam: Olim in-
 uadentibuſ Saraceniſ Terrā Sanctā (vt latiuſ pro-
 ſequuntur Ordiniſ Hiſtoriographi, præcipuè Gai-
 lielmuſ de Samico Heremita montiſ Carmeli, in
 Cronica de multiplicatione Religioniſ Carmelita-
 rum, per Prouinciaſ Syriæ, & Europæ, & Paleono-
 do. lib. 3. c. 3. & 6.) non ſine diuino conſilio, & re-
 uelatione Maiores noſtri, Syriam, Paleſtinā, & alia
 loca Terræ Sanctæ deferere iunt coacti, ac in Euro-
 pam tranſmigrare: Quare anno Domini 1238. aliqui
natione

natione Cypri in Famagustam, alii verò Siculi in Siciliam, in Massiliam alii, ac in Prouincias, & Regiones Europæ varias alii denique transfretarunt, qui in prædictis Regnis Ordinis Monasteria Diuina opitulante gratia crexerunt. Cum igitur in eremis Syriæ, propter frequentes Paganorum insultus, sine periculo habitare nō possent, in Europa verò, vt pote ignoti à Prælatiſ; aliisq; personis supra modū vexarentur, nec possent cōmode, vt olim in eremis, sibi tantū ipsis consulere, decreuerūt nō amplius se solos seruare, sed in Ciuitatibus, & villis habitare, ac sibi & proxi morū saluti attendere. Testis est Innocētius ipse. *iv.* qui Europæ Prælatiſ quarto sui Pontificatus anno (vt habetur apud Paleonid. *li. 3. c. 6. & li. 9. c. 5. Speculi.*) in hūc modum rescripsit. *Venerabilibus Fratribus Archiepiscopis, & Episcopis, ad quos presentes littere peruenerint, Salutem, & Apostolicam benedictionem: Paganorum incurſus dilectis filiis Fratribus Heremitis sanctæ Mariæ de monte Carmeli, necessitatē induxisse dignoscitur, quod se ad has marinas partes, non sine afflictione multa spiritus contulerunt, cum iis contemplationis dulcedine recreari solitis, ex huiusmodi transitu turbata non modicum fuerit quies mentis. Cum itaq; ipsorum, ad hoc aspi-ret affectio, vt per Apostolicæ pietatis auxilium, statum consequi valeant, in quo sibi, & proximis Deo propitio, ad salutem proficere hilarescant, fraternitatem vestram rogandam duximus, & monendam per Apostolica vobis scripta mandantes, quatenus ipsos, dum ad vos peruen-
nerint, benigno suscipientes affectu, &c.* In quo rescripto primo considerare oportet ipsius litteras fuisse expeditas ante mitigationem Regulæ, quam sequenti tunc Anno præstitit Innocentius.

Secundo, Ante ipsam Innocentii correctionem Fratres prudenter mutasse consilium, ut qui antea in eremis contemplationis dulcedine tantum tenebantur, compulsi iam in villis commorari non solum contemplationi, sed & proximorum saluti vacare proponebant: Ut constat ex illis verbis. *Cum itaque ipsorum ad hoc aspiraret affectio, ut Apostolicæ pietatis auxilio statum consequi valeant, in quo sibi, & proximis Deo propitio, ad salutem proficere hilarescant.* Expendenda sunt illa verba, *statum consequi valeant*: Intendebant enim non perfunctoriè, sicut & eremitis permittebatur proximos iuuare, sed ad id ex vi status teneri. Quare sequeati anno, ut ex Regula constat, ab Innocent. Regulâ Alberti mitigari, corrigi, ac declarari, & maximè in prohibitione habitandi in Villis, & Ciuitatibus postularunt; ac simul Inno. iv. addidit illa verba. *de Animarum salute tractetis*: qua Apostolicæ sedis declaratione, statum, quem ardèter cõcupierant, fuerunt affecti, in quo & sibi, & proximorum saluti procurandæ staderent.

Ab hac igitur Innocent. iv. Regulæ correctione, ac declaratione arcta illa heremiticè viuendi cõsuetudo, in alteram nempe Cænobialis vitæ formam mutata est; nam quæ prius diuinæ tantum contemplationi erat intenta, cepit proximorum curam suscipere, ac procurare: quod & expresse docuit Spec. Ordinis lib. 9. c. 8. in fine his verbis; Ab illo tamen Monte dilatati fuerant professores huius Religionis in diuersis Terræ sanctæ partibus. Qui etiam nouissimè, scilicet à diebus Domini Papæ Innocentii iv. & sanctissimi Regis Ludouici, ab eodem monte Carmeli, in partibus Occidentalibus multiplicati sunt

sunt in multas Prouincias, prouinciæq; in domos, domus in personas multas sufficientes, & idoneas, per orbem virescendo florent, & florendo multum fructum afferunt, ad fidei Catholicæ fulcimentum.

Ab Innoc. iv. etiã tẽpore cũ intelligerẽt se Fratres iam ex Regulæ prescripto astringi aliorum salutẽ consulere cæperũt Prælati oportuna eligere media, ac de ratione studiorum Theologiæ cogitare, eamq. Religiosis præcipere, ac ipsos Confessionibus audiendis, Verbo Dei disseminando exponere, Constat hoc apertissimẽ ex verbis ipsius Innocentii iv. (apud speculum Ordinis, folio 69.) vbi sic habetur.

Innocentius Episcopus seruus servorum Dei, Dilectis filiis Priori, & Generali, & Fratribus Heremitis S. Mariæ de monte Carmeli, salutem, & Apostolicam benedictionem. Devotionis augmentum vobis Deo propitio provenire confidimus, si super iis, quæ pie cupitis, nos benignos, ad gratiã habeatis. Cum itaque sicut ex tenore vestræ petitionis accepimus, plures vestri Ordinis in Theologica facultate instructi competentẽ existant, Nos vestris supplicationibus annuentes tibi fili Prior presentium auctoritate concedimus, vt illis ex prædictis Fratribus, quos ad hoc idoneos esse cognoveris, proponendi fidelibus Verbum Dei, & audiendi Confessiones eorum, de Diocesanorum tamen locorum assensu, licentiã largiaris, sine iuris præiudicio alieni. Datum Asisy 7. Cal. Septembris, Pontificatus nostri, Anno XI.

Vbi Innocentius Fratribus ipsis heremitis, adhuc in monte Carmeli habitantibus concedens, vt Prælati Religiosos idoneos Confessionibus audiendis exponant, supponit aperte, id ipsum suorum Institutorum rationi, ac Regulæ congruere, quia in illa animarum salus expresse erat commendata. Ipse etiã

Innocentius Episcopo Leodiensi, in Religionis fa-
uorem rescribens (vt in speculo Ordinis, fol. 74. re-
fertur) rē hanc non minus aperte confirmat dicens:
*Cum itaque dilecti filij, Prior, & Fratres Heremite de mon-
te Carmeli, in Anglia commorantes, ad tuam diocesim
diuertere cupiant, vt ibidem insistant diuinis laudibus, &
sibi, ac aliis gloriam perpetuę claritatis acquirant &c.*

Denique ab hoc tempore, omnes fere Pontifices,
qui Ordinem priuilegiis gratiisque innumeris con-
decorarunt, vno ore loquentes, vel institutum
Ordinis ex eo commendant, quia vtrumq, scili-
cet actiuę, & contemplatiuę vitę studium am-
plectatur: vel id supponunt vt certum, quemadmo-
dum latius sequenti capite ostendemus. Illud tamen
obiter considerandum, tam Innocentium iv. quā
alios Pontifices in suis Bullis, dum Fratres nostros
Deo, & saluti proximorum addictos referunt, simul
eos Heremitas appellare, vt ostendant, cum Here-
mitarum nomine proximorum salutem tuendi cu-
ram non pugnare, vt clarē constat exemplo Fratrum
Augustinienſium, qui adhuc Heremitarum nomi-
ne gaudent.

Ceterum, etsi nullū esset in Regula, de hac re prę-
ceptum expressum, sufficeret, vt initio prosequuti
sumus, quod in ea nō prohiberetur. Neque enim D.
Augustinus in Regula meminit salutis proximorū,
& tamen sub eā diuersę Christo Domino famulan-
tur Congregationes, quę licet sint habitu distinctę,
varię in Constitutionibus, & in cęremoniis discre-
tę, vna tamen intentione glorificandi Deū, & pro-
ximum lucrificandi, se exercendo defudant.

SYMMORYM PONTIFICVM TESTI-

moniis animarum curam nostro Instituto inesse

comprobat. CAPVT III.

NOSTRUM Institutum mixtum esse ex actione spiritali, & diuinorum contemplatione, ex summorum Pontificum testimoniis, ad quos spectat proprium vniuscuiusque Ordinis institutum declarare, ita clare conuincitur, vt non opus sit pluribus vt argumentis: Eorum igitur tantum literas, ac testimonia proferam, qui tempore regulę (quam nos primitiuam, appellamus) floruerunt. Quare omnes infra adducendi, auctoritate Pontificia functi, ante Eugenium IV. (qui anno Domini 1431. regulam omnino relaxauit, vt ex temporum computatione clarissime conspiciere licebit) claruerunt.

A tempore igitur Innocentii IV. vt in fine præcedentis capitis leuiter attigeram, omnes ferè Pontifices, per varia sæcula, continua suarum literarum serie, nostro instituto animarum functionem consentaneam esse vel supponunt, vel clarissimis exponunt verbis. Et vt nunc omittam Innocentii IV. præcedenti capite allata testimonia, (quæ si attente expectantur, efficacissima sunt, vt credamus etiam illa facillima ætate, maiores nostros in montis Carmeli vassa solitudine, cum Eremiticæ vitæ obseruantia, literarum palæstrâ, ac animarum curam coniunxisse. Adducam & alia aliorum Pontificum grauissima, qui Innoc. IV. vestigia, ac mentem secuti sunt, quorum Apostolicæ literæ habentur in speculo Ordinis prope finem, loco, & pagina a nobis adducendis.

Vrbanus **iv.** in Bulla quę incipit: *Pietatis opus &c.* in speculo fol. 73. *Maximè* (inquit) cum ipsi (loquitur de nostris Religiosis) *studeant sub extrema paupertate viuere, ipsorum ergo ad hoc feruenter aspires affectio, vt per eorum ministerium salus Deo proueniat gratissima animarum, &c.* Idem etiam Vrbanus in Bulla incipiente, *Vobis ad hoc* (in speculo fol. 69.) concedit Fratribus licentiam fidelium omnium ad se venientium audire confessiones, illamque reddit rationem. *Quia quę animarum salutem paritura credimus, benigno concedere fauore debemus.*

Vrbanus **vi.** in alia Bulla: *Sacer* (ait) *Ordo vester in agro Dominico diuina dispensatione plantatus Dominicum gregem illuminat, & currētibus in stadio iter insinuat, quò ad salutis brauium facilius prouenitur.* (Et infra) *Hęc sacra Religio virtutum fecunditate referta, ex suę institutionis exordio, per insignium meritorum gratiam, & exemplaris vitę doctrinam vberes hactenus in vniuersali Ecclesia honestatis fructus protulit, & salutis &c.* in Speculo fol. 72.

Clemens **iv.** *Pręclara Ordinis vestri Religio, quę in agro Ecclesię hactenus vberes fructus produxit, & producit.* Et infra etiam repetit prędicta verba Vrbanus **vi.** nimirum, *hec sacra Religio virtutum fecunditate &c.* in Speculo fol. 72. Idem colligitur ex alia eiusdem, Clementis **iv.** Bulla, apud specul. fol. 62. p. 2.

Bonifacius **viii.** in Bulla, quę incipit, *Religionis vestrę meretur honestas, vt petitionibus vestris pręsertim animarum salutem concernētibus fauorabiliter annuamus, &c.* in speculo fol. 69. p. 2. Vbi concedit Pontifex Ordinis Pręlatis, vt possint Religiosos exponere ad prędicandum, & Confessiones audiendum.

Omnes hi Pontifices clarè supponunt animarum curam, ad nostræ professionis scopum, & finem reduci. Sed & clarius, ita vt nullus relinquatur dubitandi loc⁹, Ioa. xxii. in Bulla: *Sacer.* (inquit fol. 67. spec.)

*Ordo uester in agro Dominico Diuina dispensatione plātatus &c. Cuius professores mundanis à se relegatis illecebris, celestium contemplationi vacantes insistent ingiter, & profectibus animarum. Et infra: Ad ea libenter intendimus, per quæ Professores iam dicti nullum internæ pacis patiantur excidium, nullumque sui status perferant detrimentum, vt eo deuotius diuino cultui, ac salutis animarum insistant operibus, quo quietior eorum status fuerit &c. Datum id. Martij, Pontificatus sui Anno 1. Quæ verba Clemens vi. in alia Bulla, apud specul. fol. 67. quæ etiam incipit: *Sacer ordo uester.* anno vi. sui Pontificatus, ad literam transtulit, & confirmauit.*

Ac denique Ioannes ipse xx i r. Anno x i. sui Pontificatus in Bulla, quæ incipit, *inter ceteros ordines, quæ habetur in dicto speculo, fol. 69. p. 2.* Inter alia ita ordinis Fratribus rescripsit: *Sane pro parte vestra fuit in Consistorio propositum coram nobis, quod Ordo uester, cuius institutio Concilium generale precessit, ab antiquo per sedem Apostolicam approbatus, in diuersis mundi partibus, in sacra pagina Magistris, Baccalauris, Lectoribus, Scolaribus, & quam plurimis Sacerdotibus eruditis, ac sufficienter instructis, in predicationis Officio Verbi Dei, notitur reslorere, ac in iisdem partibus Fratres sufficientes, & utiles ad irrigandum agrum fidelium rore verbi Diuini, & ex colendum eorundem fidelium mentes, non solum eruditione sermonis, sed Confessionum auditione, & penitentiarum impositione salutariu existere dignoscuntur, &c.* In hac Bulla, idem summus Pontifex Ioannes auctoritate

ritate Apostolica Constitutionem Bonifacii VIII. relata in Clement. Dudum de sepulturis, & in extrauanganti, super Cathedrā, quæ loquitur expresse tantum de duobus Ordinibus Mendicantibus, Prædicatoribus scilicet & Minoribus, (vbi eos coadiutores Episcoporum constituit, aliaq. priuilegia indulget) plenissimè extendit, ad nostri Ordinis professores. Illud quoq. obiter considerandū, ante ipsū Ioan. 22. a tempore Innoc. IV. vt clarè ex superioribus constat, nostri Ordinis professores addictos fuisse animarum ministerio, sicut & fratres Prædicatorum a sua institutione, qui tamen a Bonif. VIII. & nos a Ioan. 22. cæterique Ordines Mendicantes episcoporum effecti sunt coadiutores.

Hæc sunt Pontificum testimonia, omni exceptione maiora, quibus regulæ primitiue, (omnes enim ante Eugenii IV. mitigationem claruerunt) ac institutionis nostræ mens apertissime declaratur.

EX CONSTITUTIONIBVS, IDEM demonstratur. C A P V T VI.

VNiuerse ferè vtriusque Congregationis, tam Hispaniæ, quam Italiæ conditæ ab initio leges, hunc animarum zelum, tanquam nobis consentaneum, nostri instituti athletis iniungunt, quod validissimum est argumentum, quo animarum zelum semper fuisse Religionis proprium confirmatur. Neque enim efficacius Religionis alicuius spiritus aliunde probari potest, quam ex Regulis in eadem scriptis, ac obseruatis: Nam leges ipsæ, & instituta, clarè viuendi modum, & semitam cuiusq. Religionis edocent. Quod vt clarius liqueat breui-

breuiter perstringam Constitutiones omnes hactenus in Religione factas: in iis enim aperte animarum zelus commendatur, & quibus id potissimum fieri debeat mediis, demonstratur: Vnde ad oculū videre licebit, zelum animarū semper in Religione viguisse, nec nō coniunctionē illā vitæ actiuæ, & contemplatiuæ, quæ adæquatus status nostri finis existit.

Præsupponendum itaq. est Reformationem nostram initium sumpsisse Anno 1568. prima Dominica Aduentus, & ab illa die vsq. ad quartam Martii 1582. qua Capitulum Complutense celebratum fuit, factaq. separatio a Patribus mitigatis, vndecim anni cucurrere. Quo tēpore scriptis, legibus, ac constitutionibus carentes, factis ipsis atq. exemplis, primi illi Patres huius nouæ Reformationis institutum posteris aperte demonstrarunt. Æstuebat tunc apud illos Patres, & contemplationis studium, & ardens animarum zelus: Crebræ, vt Beata Virgo Theresia in suis foundationibus cap. 13. recenset, (& nos infra latius dicemus) erant ad populum prædicationes, Confessionum exceptiones, crebri pro iuuandis proximis per vicos, & Castella excursus. ¶ Præterea hoc etiam spiritu, & intentione conditæ fuerunt primæ Constitutiones in Capitulo Complutensi Apostolica auctoritate interueniente, in quibus clarè, & aperte non vnīs; sed pluribus vicibus animarum zelus cōmendatur. In prima namq. parte cap. 2. nu. 1. dicitur, in Ordine nostro tria Conuentuū genera distinguenda: Vnum pro nouitiis, alterum pro studentibus, tertium pro professis, & in eorum quolibet diuersa studia, & exercitia, secundum cuiusq. scopum esse stabilienda.

Et postea additur : *In primo, enim præcipue de educatione spirituali, in 2. de literarum studio, in 3. verò de spirituali Monachorum profectu, & animarum aliarum salute est habenda ratio.* Ecce primis huius reformationis legibus animarum Zelus non obiter, aut perfunctorie, sed serio, & quasi scopus manifestè præfixus: Ecce Religiosorum nostrorum statum in duas diuisum partes; alteram quæ de educatione spirituali, & animarum nostrarum profectu, quæ ad *Ordinis custodiam* spectant; alteram quæ de literarum studio, & proximis iuuandis, quæ ad illa verba *Regulæ: Et animarum salute tractetis*, referenda sunt. In hac igitur constitutione, (quæ etiã continuata est, vsq. ad nostra tempora) Regulæ nostræ mens, & fere ipsa verba, de quibus cap. 2. agebamus, nempe de *custodia Ordinis, & de animarum salute tractetis* expressa, declarata, ac vt obseruentur in Ordine præfixa, non sine diuino Consilio exponuntur. Et in eadē pri. parte cōstitutionū, cap. 17 de studiis, & studētibus, n. 2. sic habetur. Quia verò Religiosos decet, vt hæreses & vita extirpentur, eaq. legere quæ sibi, & proximis, in fide, & moribus prodesse dignoscuntur &c. Atque hic etiam animarum Zelum præcipi manifestè constat, cum in eum finem studiorum exercitia sint ordinata. Constitutiones hæ decem annis continuas, in viridi obseruantia fuerunt, atque iis durantibus animarum Zelum in Religione floruisse, nemo est qui negare possit.

Post quas constitutiones aliæ introductæ sunt, & vt verius dicam continuatæ eadem fuere, in Capitulo Madriti celebrato, Anno Domini 1590. in quo præsedente Religiosissimo viro Patre Nicolao de Oria,

de Oriâ statuta omnia, quæ animarum salutem con-
cernebant, authoritatè Apostolica dea uo fuerunt
stabilita, seu potius confirmata, & ex consequenti
eundem religionis spiritum Apostolica auctoritatè
firmatum. In prima enim parte cap. 9. num.
6. sic dicitur: *Et quia conuenit Religiosos Studere vi-
tiorum ac hæresum extirpationi; atq; ea legere, quæ
ad fidei promotionem; bonorumq. operum incremen-
tum; ac proximorum salutem conducunt.* Et in 2.
parte cap. 12. *Erunt in Religione nostra tria domorum
genera, primum in quo Nouiti instituantur, alterum Colle-
gia pro studiosis, tertium pro Professis.* Et post pauca. *In
primo præcipue de educatione spirituali &c.* eisdem enim
omnino verbis ac in Constitutionibus Compluti
editis, vt nuper reuoluimus. Potestne clarins, & ex-
pressius commendari animarum cura? faciunt etiam
ad huius veritatis confirmationem ea, quæ in dictis
etiam legibus continentur in prima parte cap. 9. num.
2. Quod, scilicet in Conuentibus, in quibus genera-
lia studia non existunt, (qui videlicet de numero
eorum sunt, quibus cura, & zelus aliarum animarum
iunctus atq; commissus est) sint duo Regentes, qui
sacras litteras legant, eo scilicet fine, vt in Scripturis
Religiosi edocti populo possint prædicare, quia *uti-
lis est ad docendum.* Deinde, parte 2. cap. 14. num.
8. habetur. *Et quia doctrinam Christianam populum
edocere obsequium est Deo acceptissimū, ideo quilibet
Provincialis in Conuentibus suæ Prouinciæ, prout sibi
magis expediens visum fuerit, vel in Conuentu, vel extra
hoc ipsum præstabit.* Hæc leges, & spiritus feruor in
Religione perseverauit decem annorum spacio ad
annum usq. 1600.

Deinde Anno 1600. in Capitulo celebrato
 Pastranæ, siue Toleti aliæ leges publicatæ sunt,
 quas delegati cum auctoritate Apostolica sicati
 priores sanxerunt: in quibus vti, & in cæteris nobis
 iniunctus atq. commendatus fuit zelus animarum.
 In prima enim parte capite cap. 1. num. 2. dici-
 tur: *Prima nostra obligatio est, qua nos ante omnia Di-*
uino obsequio, deinde nobis metipsis, & q. ultimo proximo-
rum saluti studere tenemur. Ac in eadem prima par-
 te cap. 19. num. 24. scriptum est: *Et quia non solum*
in Collegiis, sed etiam Religionis nostræ Conuentibus lite-
rarum exercitia esse oportet, vt aptiores reddantur, qui
animarum saluti incumbunt. Et eodem cap. num. 28.
Procurent diligenter Pælati Religionis nostræ, vt Biblio-
thecæ Conuentuum nostrorum probè instructæ sint omni-
bus libris necessariis ad profectum proximorum promo-
uendum. Viguerunt leges hæ ad annum vsq. 1604.
 in quo Constitutiones nouæ conditæ sunt, ac in
 nouam formam redactæ. In his demum legibus
 quid clarius, quam animarum zelus in ipsarum ve-
 stibulo præscribitur? in cap. enim primo ita scri-
 ptum inuenitur. *Præterea cum sacer ordo noster ad*
excolendam vineam Domini ab Ecclesia sancta voca-
tus, ac Sanctorum Patrum Prophetarum Elię, & Eli-
sei, aliorumq. vestigijs inherendo, non solum celesti
contemplationi insistas, sed & profectibus iugiter
vacet animarum, tam contemplationem quàm actio-
nem complectitur. Quibus verbis clarè iatis expri-
 mitur, finem nostrum mixtum esse ex contem-
 platione, & actione: Et in 2. parte dicitur cap. 1.
 num. 3. *Quatuor sunt apud nos monasteriorum genera*
 Primum

franchitatem amittunt. Ita etiam Reformationis nostræ status, quantum a florentissimo sui principio recesserit, tantum amittet puritatis.

AB AVTHORE NOSTRI INSTITUTI

Et ab exemplo maiorum animarum zelus nobis maxime commendatur. **CAPVT III.**

MAiores nostræ vitæ institutionem coluerunt, quæ & contemplationi diuinarum rerum vacaret, & proximorum salutis, maxime cum eorum necessitas exigebat, consuleret. Sic olim Patres nostri ac primi instituti monastici propagatores, Elias, & Elifæus, non scripto sed rebus gestis, ut scripturæ sacræ narrant historiae, instituerunt, & posteris obseruandam tradiderunt. Quare magnus ille Athanasius in epistola ad Dracontium Monachum Eremitam contentiose renitentem animarum curam suscipere, Eliæ, & Elisci exemplo urget relicta solitudine, ad animarum ministerium amplectendum. Recolenda sunt Athanasii verba a nobis supra 2. p. cap. 8. allata. Eodem quoque Magni Eliæ Prophetæ exemplo Ammianus Eusebio Monacho, ut Theodoretus narrat in vita Eusebii, idem persuasit. Hanc etiam viuendi normam erumpente Euangelii luce Carmelitæ magna cum animi contentione imitati sunt. Nam a monte Carmeli discedentes ab Apostolis primum baptizati, postea eorum coadiutores in prædicatione sancti Euangelii effecti sunt, ut Iosephus Antiochenus lib. 12. speculi perfectæ militiæ primitiæ Ecclesiæ scripsit, nosq. late retulimus supra 2. parte cap. 4.

Sed si ad alia tempora, statumq. Religionis descendamus, eandem inueniemus institutionem vitęq. rationem seruata. Nam, & illi Patres primitiue nostrę Regulę olim professores, etiam antequam Religio nostra Ordinibus Mēdicantibus annumeraretur, ita regulam in praxi obseruarunt. Nam cum tunc eremiticam vitam in monte Carmelo in singulis, & separatis cellulis commorantes profiterentur, conuenientissimum iudicarunt sanctiores illius temporis viri ex solitudine ad imitationem Patris nostri Elię Profetę pro animarum salute prodire. Quare B. Pater Cyrillus, qui inter Latinos fuit tertius Ordinis Generalis, vir alias sanctissimus, spiritu profetię illustris, clarusq. miraculis, in Armeniam prædicandi Euangelii causā a D. Basilio in visione monitus, se contulit, maioremq. illiusq. Prouincię partem ad Ecclesię Romanę vñionem reduxit. Quid de Santo Angelo, qui ardore martyrii, animarumq. zelo flagrans, tanquam nubes imbrifera (vt Erardus Carthusianus in fasciculo temporum scribit) prædicando circumquaq. discurrens, innumeras Christo lucrificet animas? Quid verò de Santo Alberto, qui antiquorum patrum vestigia secutus est, referam? Nonne multos ex Iudæis ad veritatem fidei adduxit? Quid demum de beatissimo viro Simone Anglico, cuius gesta breuiter Paleonid. lib. 3. cap. 8. referens ait: *Eloquentissimus erat, ac tam vehemens, tamq. efficax diuinorū eloquiorum enucleator, vt Anglorum animos a vitis ad virtutes mirabiliter commutaret.* Nonne isti aliiq. Patres strenuam operam dederūt, vt populos Christo conciliarent? De his ergo viris sanctitate præ-

fraternalissimis inquires, an fuerint Carmelites? an institutum regulamq. primitiuam obseruarint? an obseruarunt (quod omnino asserendū est, nec aliter sancti esse potuissent) affirmandū etiā in est, omnino eos, qui animarū Zelum meditantur, ne latō vngue ab instituto discedere, sed potius illud perficere, & obseruare, vt latissimè ex infra dicendis apparebit. Nec minus vrget B. Virg. Teresie nouæ Reformationis erectricis exemplū, quā ardens Dei & proximorum charitas monasterio expulit, vt animarum salutem, quas perire cernebat, solcite procuraret: eaq. studio sic efferbuit, vt totam fere Hispaniam viginti annorum spacio, pro animabus Deo lucrandis, magno cum labore peragraret; sæpèq. dicere solebat, se potius viris Apostolicis animarum zelum inuidere, quo Christo animarum lucrum reportant, quā sanctorum martyria, quibus tantum sibi gloriam parabant.

Et vt nullum argumenti genus prætermittā, eadem Venerabilis Virgo, ac nostræ Reformationis Mater Teresia, in libro foundationis suorum monasteriorū, c. 13. agēs de prima illa Religionis etate, maximè commendat illos duos piissimos Patres à se pro erigēdo primo Monasterio electos, quod eo tēpore, quo prima Ordinis fundamēta in oppido illo Daruelo iaciebāt, & orationi inflātes, & Verbo Dei per vicinas villas disseminando non sine magno animarum fructu studuissent. Hæc fuerunt nostræ Reformationis primordia, his duobus iponti vberibus, oratione, & animarum salute ab infantia lactatus est Ordo noster: In hæc tanquam in scopum tendūt actiones nostræ, vt iam latius ostendam.

SCOPIUM, SIVE FINEM, SPECIALEM
 vocacionis nostræ tam contemplationem quam
 actionem complecti. CAP. III. de mōp

Instituto nostro non tantum conformē consen-
 taneumq. esse; sicut & ceteris Monachorum Or-
 dinibus, sed & propriissimum; tanquam vni ex men-
 dicantibus, opem proximis ferre satis superq. con-
 stat ex superioribus. Illud restat examinandum, an
 munus hoc, proximos iuandi, ita ad vitæ nostræ
 rationem pertineat, vt finis sit & scopus vocatio-
 nis nostræ: & vt ita loquar, intret rationem finis
 essentialis constituentis & distinguētis institutum
 nostrum ab aliis aliorum Ordinibus: sunt enim ve-
 luti gradus quidam earum rerum, quæ ad Religio-
 sum statum spectare, vel aduersari possunt. Primus
 est eorum, quæ sunt omnino contraria; quia cum
 votis, sine, regula, aut constitutionibus pugnant.
 Secundus eorum, quæ instituto nec contrariantur,
 nec tamen ad illud etiam pertinere dignoscuntur;
 quæ proprie præter instituti rationem appellari so-
 lent: Vt si Prælatus iniungeret ieiunia, vel asperita-
 tes alias ab his, quæ in Regula aut Cōstitutionibus
 præscribuntur. Tertius eorum, quæ sunt professioni
 consentanea, qualia sunt ea oīa, quæ sunt media ad
 finem vniuersalem, vel speciale illius Religionis, vt
 sunt in nostro Ordine Ieiunia, clausura, sciētiarum
 studia, verbi Dei prædicatio, quorū alia ad cōtēpla-
 tionē, alia in proximorū dilectionē, & curā dirigun-
 tur. Quartus gradus est eorū, quæ sunt de substantia
 instituti, & veluti bases & fundamēta monasticæ
 disciplinæ, qualia sunt substantiaalia vota, & finis, siue
 scopus illius Religionis, ad quē oīa alia destinantur.

Inspiciamus ergo, an animarum zelus sit specialis finis à Patribus præfixus nobis, & veluti scopus, per quem ad Dei amorem, & proximi peruenire debemus.

Sciendum deinde est, quod quamvis finis, pro varietate, & diuersitate Religionum varius sit, omnia tamen ad tria genera reducuntur, secundum quod ab omnibus Theologis, tria esse potissimum Religionum genera traditur: quorum aliud in agendo, aliud in contemplando versatur, tertium verò tam actionem, quam contemplationem complectitur. Quod adhuc in alia duo membra subdividi potest. Nam vel est mixtum, ex æqualibus partibus, ita ut æqualiter & contemplationi, & actioni vacet, vel plus habet de vno, quam de alio, verbi gratia, minus de contemplatione, & plus de actione, vel è contrariis.

Nostre igitur Religionis institutum mixtum esse ex contemplatione, & actione, non tamen ex æquo, sed principaliter ex contemplatione, minus principaliter ex actione, omnino est certum. Primo ex declaratione summorum Pontificum, qui tempore primitivæ regulæ floruerunt, ut patet ex his, quæ supra c. 3. attulimus, præcipue vero ex verbis illis Ioannis 22. & Clem. v. 1. *Cuius professores celestium contemplationi vacantes insistent iugiter, & profectibus animarum.* Id etiam manifestè constat ex Bull. Innoc. IV. aliorumque Pontificum.

Tum etiam ratione demonstratur, quia scopus siue finis nostræ Religionis non est solum oratio, aut contemplatio, ut constat, tam ex prædictis Pontificum Bullis, tum etiam ex fine, quem habent sibi præfixum Ordines Mendicantes, qui, in quantum tales, instituti sunt ad ætiam vitam spirituales, in

proximos exercendam; summum Pontificem, Episcopos, & Parochos adiuuando: igitur finis ex contemplatiua, & actiua vitæ coalescit.

Ad Tertio hunc finem ex contemplatione, & actione compositum in ipso prohæmio, Constitutiones vtriusque Congregationis tam Hispanicæ, quam Italianæ athletis suis præfixere; & primo Hispanicæ de fine sibi constituto differetes inquirunt. Prætere acû Sacerdos noster, ad excolendam vitam Domini; ab Ecclesia vocatus, ac sanctorum Patrum Eliæ, & Elisei, aliorumque vestigiis inherendo non solum celestium contemplationi insistat, sed & profectibus iugiter vacet animarum; tam contemplationem, quam actionem (licet non ex æquo) complectitur, nam illam vt finem proximum, hanc vero, vt illi annexam respicit. Et infra: Et licet Regula nostra aptè tradiderit media ad hos fines consequendos &c. Ecce qua ratione Patres Ordinis nostri clarè, & apertissime, duos hos fines agnoscunt; siue vt Theologi dicunt, vnum mixtum ex contemplatione, & actione.

Similiter in prohemio Constitutionû Congregationis Italianæ, idem designatur scopus, cum in eis ita tæuetur: Nostræ vero Religioni hoc duplex bonum (nempe vacare Deo, & proximorum salutem) ordine seruato; diuinitus vallatum est: vt potior eius pars esset arcana vnio, qua per amorem, & contemplationem Deo anima sociatur; posterior autem proximis impenderetur: quam vite rationem amore utroque flagrantem Patres nostri Eliæ, & Eliseus non scripto, sed rebus gestis instituerunt; & posteris obseruandam tradiderunt. Quid igitur opus est in his immorari, cum ex antiquis Pontificum traditionibus, ex nouis, & apertissimis ipsius Ordinis decretis, ac Constitutionibus, ex Ordinum Mendicantium

cantium institutione, ex ratione ipsa constat Religionem nostram hoc altissimo fine gaudere, qui illam perfectiorem reddit, quam si solum contemplationem amplecteretur, ut nos superius 2. p. cap. 6. ex D. Thomæ doctrina latius tradidimus. Et ut nullum argumenti genus pro huius veritatis confirmatione desideraretur, sufficeret B. Virginis Theresiæ novæ huius reformationis erectricis auctoritas & exemplum, cuius præcipuus scopus in noua suæ familiæ restauratione, ille fuit, ut notissimum est apud omnes, magisque ex sequenti capite constabit, ut oratione, exemplo, & doctrina suorum Monasteriorum quamplurimas Christo animas lucraretur, ac omnibus modis sibi possibilibus Ecclesiæ, fidei propagationi, & conuersioni Hæreticorum ac Infidelium opem ferret.

Habemus igitur ex dictis, animarum zelum, non solum instituto nostro non aduersari (stultum enim censuit D. Thomas 2. 2. q. 187. art. 1. & opusc. 19. imo & erroneum, quod & nos eius præcipuis argumentis demonstrauius supra p. 2. c. p. affirmare animarum salutis studium contrarium esse alicui Monachorum instituto.) sed & omnino esse consentaneum, ut pote a regula præceptum, Pontificum decretis declaratum, Constitutionibus quam plurimis firmatum, ab institutoribus ac maioribus nostris eorum vitæ exemplis commendatum: ac demum (quod & grauissimum & maximum est) non tam pertinere ad nostrum institutum, quam esse ipsissimum scopum finemque instituti.

Quibus positis illud etiam videtur consequens, omnes nostras actiones, omnisque regularis discipli-

næ profectus tanto magis: vtilitatis & perfectionis continere, quanto huic scopo plus fuerint affines; nihilq. salutarius, & ad omnem spiritualem profectum aptius posse excogitari quam pro proprio fine asequendo omnem operam ac studium impendere. Deinde etiam fit, in dignoscenda ac iudicanda instituti nostri ratione, non esse inuestigandam antiquam illam Eremitarum in Palestina degentium viuendi formam & regulā: cum iam illa pene exoleuerit, & summorum Pontificum decretis, correctā, mitigata, & declarata fuerit; sed inspicienda ea est, quæ post Innoc. iv. correctionem, in præsentī & olim fuerit obseruata.

Sed forsan aliquis harum rationum vim euasisse arbitretur dicens, Religionem nostram huic animarum curæ, sibi tot titulis incumbenti satisfacere; si Religiosi intra suorum Conuentuum claustra, suis prædicationibus, & Confessionibus huic studeant animarū ministerio, salua tamen manente optima instituti nostri parte, quæ in rerum Diuinarū contemplatione sita est. Sed etsi daremus probabilem esse hanc sententiā (maxime si secludamus vel obedientiam Summi Pontificis Missiones iniungentis; vel extremam aut grauem salutis paruulorum necessitatem, doctrinæ Euangelicæ panem postulantium, in quo forsan euentu nulla Ordinum Mendicantium Religio ultra id teneretur, quod adhuc durissimum videtur, si Mendicantium Ordinum institutionem, de qua late supra parte 3. disseruimus, attendamus:) tamen ex hac sententiā, etsi vera esset, non sequitur, cum instituto nostro Missionum opus pugnare. Vnde igitur

colli-

colligis ponendam esse metā Euangelio inter priuatos parietes: nam a constitutionibus formam Missionibus prescribentibus? num a spiritu fundatrix? num a factis, & exemplis maiorum? & vt ad altiora, & firmitiora argumenta perueniam, num ab ipso Christi Euangelio, aut ab Apostolorū, aliorumq. Patrum doctrina, & exemplo? Si enim non pugnat Romæ Euangelium in propria, vel aliena Ecclesia prædicare, cur id in Perfide, vel Iapone pugnabit? friuola sunt hæc, & sine fundamento. vltio excogitata.

Diuerfam vero esse, inquit, vtriusq. rationem: quia Missionum studio, illæsa seruari nequit præcipua instituti nostri pars, quæ post vitæ asperitatem Deo, & rebus diuinis contemplando adhæret: Sed & in hoc primo falluntur, nam in principali scopi nostri parte, clausuram, vitæ asperitatem, aut similia alia, quæ licet media sint, vel a Regula, vel a Constitutionibus prescripta, valdeq. conducant ad Monachorum profectum, minime tamen comprehenduntur sub præcipuo nostræ vocationis scopo: solum enim optima illa parte (quam Mariam elegisse Evangelica narrat historia) rerum celestium theoria siue contemplatio comprehenditur: Contemplatiuæ vero vitæ tantum abest, quod noceat actiuæ spiritualis studiū, vt potius illam compleat atq. perficiat. Quare D. Thomas, vt nos latius supra 2. p. c. 6. ostendimus, sequutus D. Grego. aliosq. Patres, verè docuit, perfectiorem esse vitā ex contemplatione, & actione mixtā illa, quæ sola contemplatione delectatur. Cuius etiā sententiam, ex Patrum doctrina a nobis supra 2. etiam p. c. 5. allata, & quod

firmius est, ipsorum gestis, & exemplis roboratur; Hi enim, etsi se totos vitæ contemplatiuæ addixerunt, omnem tamen quietem ob proximorum salutem vti Christi strenui milites à se à mouebant, vt in vinea Domini strenuissime laborarent.

Præterea, quia cum hi, qui in conuersione gentium aliorumue Infidelium laborant, opus sit, vt Apostolorum fungantur officio, oportet, vt & Apostolorum sequantur vestigia, Apostoli vero alia aliis omnia demandantes, duo tantum sibi sumpsērunt, vt nimirū orationi, & verbi ministerio instantes essent. His enim duobus functionibus, oratione ad Deum, & spirituali solitudine ad homines Apostolica functio cōtinetur: non igitur vnum pugnat cum altero, sed potius inseparabili vinculo inter se annectuntur: alias Christus Dominus, qui Apostolis præceperat, vt sine intermissione orarent, non præciperet, vt euntes in mundum vniuersum Euangelium omni creaturæ annuntiarent. Quod si alicuius negligentia, & iniuria hæc ita disiungantur, vt oratione aut cōtemplatione prætermissa, ac proprio neglecto profectu, totum se tradat verbi ministerio; vel quod deterius est, missa ad aratrum manu retro deinde aspiciat, ac labatur in vitia, non propterea dānandum est Missionum cōsiliū; neq. horum inertia tātum talē instituti splendorem obscurare debet. Num Apostoli, num Ecclesiæ totius sanctissimi Prælati, num tot Sanctorum Monachorum agmina, qui lucrandis animabus insudarunt, diuinorum cōtemplationi damnum aliquod attulerunt? Quod si Religiosis Monachalibus, quorum instituti ratio tota in cælestium cōtemplatio-

ne sita est; non obesse, sed & quamplurimum profuisse. Missionum opus experientia ipsa, fructulosa; in Ecclesia vberissimi percepti testantur; nobis quibus simul cum oratione iniuncta est animarum cura, ut ex superioribus liquet, hârum cultura si debite assumatur, afferat detrimentum?

27 Deniq; nostri finis esse præcipuam partem, orationis studium, nemo est qui possit dubitare: oportet tamen advertere adhuc optimam tantum partem esse, & non tota instituti ratio; restat igitur altera pars, cui suus etiâ locus in Religione debetur, & sicut qui hanc a priori separet, scopum siue finem suæ vocationis non attingeret: ita qui primam à secunda distraheret, partem instituti teneret, non totum: igitur utraq; necessario tenenda est, vt debite finem assequamur: quare contemplationem præcipuam esse finis nostri portionem, ita accipiendū est, vt nulla ratione actiones nostræ quibus in Deum eisque quam in vniuersalissimum omnium finem medio contemplationis scopo tendimus, in ipsa contemplatione eius allesti dulcedine consistat, sed potius ex ipsa, tamquam ex fonte animarum zelus deriuetur, ita ut ex contemplatione ad proximorum curâ descendentes, iterum ad interiora reuertamur, vt sic ingredienti, & egredientes charitate Dei & proximi pascamur.

MISSIONES NON SOLVM ESSE

nostro instituto consentaneas, sed & ad finem specialem nostrae Religionis pertinere.

CAPVT V.

Praemissimus capite praecedenti, & anterioribus aliis, nostram Religionem vnā esse de Mendicantium numero; tum etiam nobis finem siue scopum mixtū ex cōtemplatione, & actione spirituali fuisse a maioribus nostris, a summi sq. Pontificibus, a regula ipsa, a nostris deniq. nouissimis legibus praefixum. His iam in genere constitutis, nunc reliquū est, vt in specie ostendamus, proximorū curam tam fidelium quā infidelium suscipi a nobis debere, si nostro instituto perfecte satisfacere velimus, ac a nobis susceptae professioni correspondere: ac proinde Missiones non solum consentaneas, sed & expedientissimas nobis esse, iuuareq. quamplurimum ad nostri instituti finis perfectam obseruantiam. Potissimum vero huius asserti illud sit argumētum quia cum ex speciali nostri ordinis fine charitatis vinculo tenemur etiam infidelium procurare salutem, & Missionū studia in hunc finē dirigantur, recte sit eas iuuare, vt perfectius ad finem & scopum nobis propositum attingamus.

Prima igitur ratio inter alias, qua ducimur, vt teneamus Missiones ad finē specialem Religionis nostrae pertinere, ea sit: quod cu cōstet Ordines Medicantes in Episcoporum auxiliū ab Apostolica Sede designatos, ac ideo multis privilegiis auctos fuisse, manifestissimū erit, nos iuxta Ordinis nostri institutū ab

Apostolica sede confirmatum, ad populos erudiendos, Episcopis opem ferre non modo posse, verum etiam debere. Si autem cæteris Episcopis auxiliares milites esse debemus, cur non summo Episcopo, hoc est summo ipsi Pontifici, qui de vniuerso terrarum orbe, ac præsertim de reducendis ad ouile Christi infidelibus, cura ingerere atq;issime obligatur? Prefecto nihil rationi huic firmum opponi valet. Quicquid enim de primæua illa Religionis forma dicendam esset, post institutionem tamen Pontificiam, quæ inter Mendicantes recensiti sumus, nihil obici potest. Per quod aperte confutatur, quod ab Eremitarum nomine nobis opponi posset: quicquid enim vocemur, inter Mendicantes à summis Pontificibus relati sumus. Augetur rationis pondus. Nemo est inter nos, qui Miliones intra idem regnum improbet, ut præcedenti capite breuiter attigeramus, quis enim neget, cum de cõcedo, Verbi gratia, Cenobio aliquo agitur, eo destinare Patres aliquos, qui omnia tentent, concionentur, hortentur, sacras Confessiones audiant, Prouinciã lustrant, antequam locum extruendo Cenobio seligant? si ergo id intra Italiã liceat, cur non extra? Cur ex eadem propagandæ Religionis causa in Germaniam, Moscouiam, Persidem, Angliam, Congum, ac in vniuersum orbem Fratres migrare non possint, imo cur non debent, cum Episcopum summum, cui hæc legatio cordi est, id optare facile perspiciant?

Secundo, quia etsi rationes aliæ minimè suppetere, quis non videat à ratione alienissimum esse, asserere Missiones instituto nostro minimè consentaneas esse, cum nemine excepto, omnes fateantur

munus inter Christianos concionandi instituto nostro nequaquam repugnare: si enim non pugnat Christianis prædicare, cur pugnet Infidelibus: Si autem non pugnat, hoc est ipsissimum Missionis opus, præterquam quod Missiones pensatis omnibus circumstantijs Deo acceptiores sunt, quia plus emolumenti referunt.

Tertiò à regula nostra nobis iniungitur animarum cura, illis verbis, *de animarum salute tractetis*, ut clarè ostendimus supra, nec distinguit inter curam iuuandi fideles, vel infideles, quo ergo iure nos distinguemus? Præterea regula ait discretè, oportere nos frequentius mendicare itinerantes: quæ certe verba ab Innocentio I V. Pontifice de nouo, non sine magno consilio fuerunt inserta, quorsum igitur addita? nisi ut maiores nostri, qui iam tunc proximorum saluti inhiabant, possent tutius ab Heremo egredi, ac cum opus esset, per varia loca peregrinantes animarum salutis studio insudare? Vix de re alia, quam de Missionibus Apostolorum more, sine baculo, & sine pera, verba illa interpretari valemus: quorsum enim frequenter peregrinentur, qui dies, noctesq. in cellis iubentur permanere, nisi ut spiritualia bona multa, & perfectissima, ac Deo gratissima, quæ in Cellis patrari nequeunt, peregrinando patrentur? hoc certè modo peregrinatio frequens cum illa per mansionem non pugnat, cum discretis temporibus vtrunque fieri possit, permanere scilicet in Cellis, ubi causa iusta exeundi non subest; hoc enim sibi vult illa regulæ ipsius moderatio, *nisi alijs iustis occasionibus occupentur*. Quas autem occasio-

nes iustiores, vel æquæ iustas excogitare possumus, quam eam, quæ tot Monachos, & Heremitas relictis claustris, & solitudine, pro animarum infidelium conuersione prodire coegit, & quæ Dei filio, vt exiret ex æterni Patris sinu, occasio iusta visa est? Profecto autem asserendum est causam omnino nullam exeundi inueniri posse; aut Missionum, siue animarum iuuandi causam iustam esse. nam quod responderi potest, iustas occupationes à regula appellari, quæ ad ministeria Heremitis necessaria tantum requiruntur, palam reijci debet: nam neq; sacras externorum confessiones audire; neq; concionari, præsertim extra Ecclesias nostras, liceret. & sancti, qui diutius peregrinati sunt, regulæ violatæ accusandi essent.

Quartò, exemplis tam externorum, quam nostrorum Monachorum confirmatur: nam (vt 2. p. præfati sumus) Ordines Monachales, quorum est proprium contemplationi vacare, & intra claustrorum septa contineri, tam ipsi, quam sui instituti Authores, ferè per vniuersum Orbem fidem propagarunt, Euangeliiq. lumen primi innumeris Regnis, ac nationibus intulerunt, & hoc tunc præcipuè, cù regularis obseruatiã vigebat. Nec vnquã quis ausus est affirmare prædictos viros animarum conuersioni studentes, sui instituti munus excessisse, sed potius eos laudè, & gloria dignos cõmendat Ecclesia, cù multorù præcipuè ex his, qui sanctorù numero fuerunt adscripti, animarum zelù laudet, & sacræ etiam historiæ vsq; ad cælum extollant. Quis ergo sanæ mentis similem animarum zelum, quantumuis feruentissimum, in Ordinibus Mendicantibus damna-

damnabit; & præcipue in nostro Ordine, in quo quatuor ætates recensere possumus, è quibus, quid de Missionibus censendum sit, iudicemus?

Ætas prima, Prophetis, secunda, Patribus, qui Christo primi nomen dederunt: tertia, proprijs Religiosis Carmelitis primæque regulæ cultoribus constat: quarta, à tempore quo cæpta est noua hæc reformatio, merito cõputatur. Quod ad antiquissimos Patres nostros Heliam, & Eliseum, à quibus originem ducimus, attinet; nemo est, qui Sacram Regum historiam legerit, qui nõ animaduertat sic eos contemplationi deditos fuisse, vt sepe ad Reges vngendos, ad populos erudiendos, ad miracula patranda, ad proteruos obiurgandos è locis, quæ orationi dicauerant, fuerint euocati. Porro res tam cõperta est, Prophetas illos ad opus Missionũ, sepe fuisse destinatos, cũ è sacro textu pateat, vt hic probare, vel exponere superuacaneũ sit: præterquã quod Helias ipse ad Missionem quandã contra seculissimos Christi hostes, Antichristum, eiusque satellites adhuc viuus armatur, quem eius posteros decet imitari.

Ætas secũda, complectitur Patres illos, Apostolis coquos, qui Euangelij semetẽ primam exceperunt, & ferendæ Christianæ veritati egregiã operã nauarunt: de quibus (vt iã dixi supra) à Iosepho Antiocheno, alijsque authoribus multa memorię prodita sunt: hos verò de Missionibus serio egisse, conuincitur ex ipsa Euangelij prædicatione.

Ætas tertia, ad eos pertinet, qui iam extra controuersiam constituti monasticã methodum imberunt, è quibus, qui præ cæteris sanctitate claruerunt; quicquid de alijs, ac proinde de ipso instituto

sentiendum sit, iudicabunt. Missos faciamus eos, qui ob temporum clades in varias velut formas mutati sunt, & eos quos in sanctorum Cathalogo ascriptos veneramus, obseruemus. Quis vnquam de Missionibus tam ardentem, ac præclarissimum Martyr, & Sanctissimum Pater noster Angelus cogitauit? Quis nisi aliquis instituti nostri cultor Carmelum, non in Italiam solum, sed in Angliam ultra quam nihil in Orbe terrarum antiquius innotuerat inuexit? Quomodo sine Missionibus ex professo susceptis Carmelus Europam totam peruasit? Quid de Patre nostro Cyrillo, nonne, vt iam diximus, totam Armeniam peragrauit, eamq. summo Ecclesiæ capiti reconciliauit? Vt nunc omittam D. Albertum Siculum, Sanctum Simonem Anglum, qui non semper in antris latitantes, strenuam operam dederunt, vt Christo animas lucrifacerent.

Denique, vt propius ad reformationis nostræ tempora, quæ quartam complectitur ætatem, accedamus, luce clarius reperimus primum B. Virginem Theresiam fundatricem nostram Missionum opus, hoc est tam fidelium, quam Infidelium animas Deo reconciliare, ardentius quam ipsum martyrium desiderasse, & ad eum finem suos, suæque familiæ labores, orationes, & exempla, ac doctrinam direxisse. Nam in initio foundationis suorum monasteriorum, antequam de erigenda Religiosorum virorum congregatione nedum cogitasset; Monialibus eam vocationem, & finem præfixit, vt assidue orationibus Infidelium conuersiones iuuarent. Quis igitur neget in erigenda vi-

rorum congregatione eius mentem fuisse (quod
 & ipsa verbis expressit, ac manifestauit) per fra-
 tres nostros eius filios præstare, quod per filias ne-
 quiret? Quis enim dicat, Virginem animarum ze-
 lo ardentissimam, & vt ipsa fatetur, in hanc rem
 propensissimam, ipsam tantummodo eandem sibi
 optasse, a suis verò Religiosis exerceri noluisse?
 maxime cum ipsa viuente, tempore, quo noua re-
 formatio huius sanctissimæ virginis, & consilio, &
 prouidentia regebatur, statim a primo Capitulo
 Compluti celebrato Missiones a prælatis in Regna
 Gongi, & Angolæ, & in alias Aethiopum Prouin-
 cias fuerunt destinatae, ac decretae: Ac demum
 missi Religiosi aliqui pro illorum Infidelium con-
 uersione, vt infra dicam. Sed vt ad Beatam Vir-
 ginem Theresiam electricam nostram redeat argu-
 mentatio, quid opus est in re manifesta coniectu-
 ris? Nonne certum est, non tam ipsam, quam
 Deum per ipsam Ordinem nostrum, præcipue pro
 iuuandis Infidelibus in Ecclesia restitui, ac in pri-
 stinum statum, decorem Carmeli reuocari voluisse?
 nam cum Virgo ipsa post institutum primum
 Abulæ forminarum Monasterium, eius eam vo-
 luit esse vocationem (vt ipsa recenset) assiduis
 precibus hos, qui Infidelium conuersioni student,
 vt feliciter agant, iuuare: nec quicquam de alijs
 erigendis cogitarat, cum fortè ad eius notitiam
 peruenisset innumeras Indorum, & aliorum Infideli-
 um animas, ministrorum inopia in æternum
 damnari, tanto fuit affecta dolore, & anxietate,
 ac si sagitta cor eius transigeretur. Quare cum
 Dominum anxie deprecaretur, vt ipsi concederet

gratiam has animas inuandi, ipsam Dominus volens consolari, ita est alloquutus. *Expecta filia, & videbis magna.* Quæ verba, licet ipsa tunc non intellexisset, (dependet enim sæpè verus, & genuinus prophetiæ sensus ex euentu) postea rei exitus prophetiæ sensum luce clarius aperuit: nam, vt ipsa refert, post breuissimum tempus à Generali Ordinis fundandi alia Monasteria, tam feminarum, quàm virorum, ac perinde nouam Congregationem erigendi facultatem accepit: Ecce iam res planè mirabilis à Deo promissa: Ecce qua ratione ab ista Christi reuelatione Congregatio nostra ducat originem. Quod luculētius cōstabit, si breuiter in reuelatione prædicta expendamus, primo eam fuisse factā tempore quo serua Dei pro conuersione infidelium lachrymis, & suspirijs Deum anxie deprecabatur, vt sibi concederet esse instrumentum aliquā Deo animā lucrandi. Secundo illa verba à Domino illi fuisse dicta eo fine, vt ipsam cōsolaretur, vt expresse ipsamet Virgo testatur. Tertiò, breuissimo transacto tēpore de alijs fundādis Monasterijs tractasse, cum id neq; antea cogitasset. Quartò, nullā rem maiorē, excellentiorēuē præstitisse B. hanc Virginē, etiam per totū vitæ spatium, hac nouæ reformationis erectione. Ex his euidenter colligitur, reformationem hanc nostrā esse ferum ex zelo illius Virginis pro salute infidelium cōceptum, ac in lucem editum, & in cōuersionē infidelium Christi cōsilio destinatum: aliās si res illas miras Christus ad infidelium conuersionem non direxisset, profecto non respondisset sufficienter votis Virginis pro infidelium spirituali salute deprecantis.

Deinde

Deinde, quia cum Dominus magna ipsam virginem virgini promittebat, aut hæc magna intelligenda erant in cōuersione animarū, vel in alijs rebus; & hoc non, quia aliās Dominus Virginis votis postulationiq. non satisfaciebat: si primum, ergo magna, quæ in cōuersione animarum Deus videnda promiserat, à filijs Beatæ Virginis exequenda erant; cum ipsa per se ipsam promouendis infidelibus nihil aliud præstiterit, quod huic functioni posset deseruire: igitur ne prophetica euicuetur loquutio, necessario interpretanda erit de erectione nouæ Congregationis per manus virginis plantatæ, à qua vberissimi fructus Deo irrigante ex infidelitatis vinea colligentur. Et quamuis B. Mater Tereſia morte præuenta, fructus magnos à suis Religiosis in Ecclesia perceptos non gustauerit; vidit tamen, antequam è viuīs decessisset, vt ita dicam, in virtute, ac in radice, cum ante eius mortem multa erecta essent virorum Monasteria, studiorū collegia, ac Missiones aliquæ exequutioni mandatæ, vt supra dictum est.

Deinde speciatim Missiones in Hispanicis cōstitutionibus, vt nostro instituto propriæ, asseruntur: nam lib. 3. cap. 8. dicitur. *Ad definitorium pertinet mittere ad Missiones, siue cōuersiones Infidelium*: ad definitorium autem non pertinet exequi illa, quæ sunt contra finem, & Religionis institutum, sed potius ea, quæ ipsum perficiunt, & augent. In Constitutionibus verò Italicæ Congregationis varia, ac charitate flagrantia edita sunt decreta: in primis secunda parte Constit. cap. 16. cuius inscriptio est, de Cōuentu Missionum, in

hac forma præcipitur: *Sit in Congregatione nostra Missionum Conuentus Romæ conditus, qui sit tanquam Seminarium, quod de Præpositi Venia conueniant Religiosi iturum ad disseminandum inter Infideles Euangelium.*

Fratres nostri, qui de Præpositi Venia in eo Conuentu moraturi sunt, instituuntur linguarum peritia, controuersiarum doctrina, & alijs, quæ ad errores Infidelium refellendos, & Catholicam veritatem confirmandam, & mores etiam componendos, opportuna videbuntur.

Exibunt fratres nostri e Conuentu Missionum de Prioris Venia, ad vicinâ oppida, Dei verbum pauperibus, ac derelictis prædicaturi: & licet eis aliunde victus suppetat, ut veri paupertatis cultores, mendicabunt.

Præter Romanum autem Missionum Conuentum, in alijs quoque Prouincijs de Venia Definitoris, alij Conuentus Missionum poterunt edificari.

Ac demum eisdem legibus constituitur, ut constet ex tertia parte cap. 8. ut in Capitulo Generali eligatur Procurator Generalis Missionum, qui sit eisdem qualitatibus, ac totius Ordinis Procurator, & præsertim conuersionis Infidelium zelo præditus.

Nec legibus tantum, quæ sunt velut regulæ e-mortuæ Missiones nobis, ut nostræ professioni consentaneæ offeruntur, sed & factis ipsis ab initio nostræ reformationis, usque ad tempora nostra Missionum studium nobis à maioribus cernimus commendatum. Nam statim ferè à primo Capitulo Compluti celebrato, superstitè adhuc B. Virgine, nostræ

noſtræ Congregationis piſſima erectrice, Anno 1582. Miſſionum opus inceptum per aliquot annos fuit continuatum. In primis hoc anno miſſi ſunt in Regna Congi, & Angolæ Pater Frater Antonius à Matre Dei, Franciſcus à Cruce, Ioan. ab Angelis, ſimul cum duobus aliis fratribus, Franciſco nempè ab Aſcenſione, & Didaco à Sancto Bruno. Anno verò ſequenti 1583. Patres Frater Petrus ab Apoſtolis, Pater Sebaſtianus à Sancto Andrea, aſſociati duobus alijs fratribus, fratre Bartholomeo à Sancto Michaele, & Ludonico à Sancto Paulo. Deinde Miſſionum ſtudium fuit continuatum: nam & Anno 1584. pro Regnorum prædictorum conuerſione, miſſi ſunt tres viri Religioſiſſimi Frater Didacus à Sacramento, Pater Franciſcus à Ieſu, (alio nomine Indignus, nuncupatus), vir alias admirandæ, & excellentiſſimæ ſanctitatis, & Pater Didacus ab Internatione, qui breui tempore ex vinea illa inculta maximos fructus perceperunt.

Anno etiam immediatè ſequenti verſus Occidentales Indias in Mexicanæ Regna deſtinati ſunt Religioſi alij, vt in illo immenſo tractu animarum conuerſioni ſtuderent. Demum in Capitulo Generali Valliſoletano Præſidente Patre Nicolao à Ieſu Maria primo huius Reformationis Generali, Miſſionum ardor non fuit extinctus. In eo enim actum eſt de Miſſionibus pro Sinarum Regno promouendis, deputatiq. ſunt duodecim Religioſi pro hac functione obeunda, licet poſtearob certa impedimenta non fuerint executioni mandata. Nec vllus vnquam tunc ne cogitauit quidem præclarum

Miſ-

Missionum opus alienum esse à nostræ professionis studio.

Et licet nostra ætate hic ardens Missionum zelus, in Congregatione Hispaniæ ferè videatur extinctus, virescit tamen in Italica, à qua in Persarum regna, Authore Clem. Octauo Pontifice Maximo, pro illorum conuersione missi sunt Anno 1604. viri religiosi, & quotidie in alias hæreticorum regiones à prælatis huius Congregationis destinantur, vt suis conatibus Ecclesiam Dei adiuuent, animarumque salutem promoueant. Et vt nullum argumenti genus omittamus, miras, ac fide dignissimas circa hanc rem prædictiones afferam. Olim cum Patres nostri intra Carmeli Montis claustra continebantur congregato Generali Capitulo actum est (vt Paleonid. libro tertio, cap. 5. & 6. alijque Ordinis Historiographi referunt) an oporteret in aliàs Orbis partes religionem propagari. Orantibus verò illis Capituli Præfidi Beata Virgo visa est, illūq. sic affata dicitur. *Hic sermo filij mei est, vt non solum Palestinam, & Syriam, sed etiam vniuersum Orbem Carmeli Ordo illustraret.* Statim absoluto Capitulo Religiosi in varias Orbis partes missi vniuersam Europam peragran-tes, alii martyrii palmam, alii verò Ecclesiæ fructus magnos perceperunt.

Nec desunt reuelationes aliæ, quibus præsentis ætatis Religiosi ad insistendum Prædecessorum vestigiis inflammari debeant. Fuit quippe persona quædam, raræ sanctitatis, diuina fructuione insignis, Catharina de Cordona nuncupata, in vniuersa Hispania ob præclaram vitæ sanctimoniam

celeberrima, cui supra Montem quendam ingens spelunca apparuit, quam frequens multitudo Religiosorum nostrorum inhabitabat, qui pro fidei christianæ prædicatione ferro occumbebant. Alius insuper Religiosus inter audiendum sacrum, supra altari globū quendā velut cristallinū conpexit, ac in eo quamplures discalceatos martyrio coronatos. Huius viri visionem refert, & approbat Beata Mater Theresia in libro suarum foundationum. Demum Mater ipsa, cap. 40. suæ vitæ, scribit sibi, de quadam Religione (quæ à sua primæva institutione declinauerat) à Deo fuisse reuelatam, futuris temporibus Ordinem illum fidei veritatem acerrimè propugnaturum, magnumque Ecclesiæ emolumentum allaturum: Ac iterum refert, sibi eiusdem familiæ sanctum è cælo apparuisse, apertoque libro, quem præ manibus ferebat, ut legeret, præcepisse: erat autem in eo hæc scriptura, *temporibus futuris, florebit Religio hæc, multosque producet Martyres*, & licet Beata Virgo Theresia huius Ordinis nomen, prudens, & sciens silentio præterierit, constans tamen sententia est, idque circumstantiæ ipsæ reuelationis confirmant, de nostro Ordine prædictionem esse accipiendam, Quæ certè meo iudicio cōprobari videntur alia antiquiori (nec tamen minus vera) prophetia B. Virg. Hildegardis, cuius etiā meministis Paleonid. lib. 3. cap. 9. Hæc igitur lib. de nouissima christiana fidei persecutione, cap. filiæ Sion, *Venient (inquit) equi varij coloris, quorum egressio ab Oriēte in Occidentem; sed mutato uellere paulatim incedent, horum progressio ab Occidente in Orientem,*

hi primi, & nouissimi. Hæc illa, & vt non incongruè Palionod. interpretatur, varij coloris equi sunt nostri Ordinis Religiosi, qui olim in Palestina coacti à Saracenis, dimissis cappis albis eas assumpserunt varij, & mixti coloris. Postea verò in Europam descendentes tempore Honorii IV. reassumpserunt cappas albas, quibus à tempore Helia, & Helisæi Prophetarum, vsi fuerant: ac ob id in prophetiæ verbis additur: *sed mutato vellere paulatim incedent*. Horum (deinde ait) *progressio ab Occidente in Orientem*, forsan significans huius Ordinis profectum versus Orientem futurum, ac aliquando ad patrias sedes, pristinaq. Carmeli Montis, totiusque Syriæ loca magna cum gloria rediturum. Hi denum (ait) *primi, & nouissimi*: Primi tanquam, qui in lege veteri, Authore Helia Propheta, Monasticæ vitæ iecerunt fundamenta, ac ex Monachis primi, qui Apostolorum vestigia sequuti per Aegyptum, & Palestinam, aliasque Asiæ provincias Euangelium disseminarunt; nouissimi vero, quia in nouissimis etiâ temporibus pro fide Christi strenuissimè certabunt, ac magno Helia Prophetae contra Antichristum, dimicanti associati, quamplurimi martyris palmam consequentur: & ob id nò immeritò B. Hildegardis nouissimâ hæc Ecclesiæ persecutione ipsosq. fore nouissimos, qui pro Ecclesia dimicabunt prædixit.

Hæ visiones, ac reuelationes aliæ quamplures multoties exhibitæ, non ita animum meum percellunt, quàm quod in hac Congregatione, ex quo fundata fuit, aduerterim maximam animi pro-
pensionem, ac desiderium, quo omnes Religiosi

nostri pro Christi nomine in animarum conuersione, nullo mortis metu perculsi inflammantur.

Igitur cum Congregatio nostra à Deo, ac à Summis Pontificibus, à nostris primis, fundatoribus, à regula ipsa, à Capitulis etiam Generalibus multis editis constitutionibus, à diuinis demum inspirationibus, ad hanc animarum culturam, ferius tamen euocata sit; tamen de benignissima Domini providentia certum mihi persuasum habeo, nullo unquam tempore ab hac functione cessaturam, cum tot, ac tantis rationibus procurandæ, tam fidelium, quam infidelium salutis teneamur: quare militiæ desertores, penè etiam proditores habeamur necesse est, si non omnes neruos in hoc opus Domini explicemus.

QVÆ AE MISSIONVM FORMA

nostro Instituto magis congruat.

CAP. VI.

CVM in parte huius tractatus Missiones Religiosis omnibus expedientissimas esse probauerimus, illas tamen iudicamus omnibus commodiores, quæ magis proprii instituti obseruantiam cum animarum zelo coniungunt: hæc enim Missionum forma non enervat proprii instituti vires, ac ideo expedientissima omnibus Religiosis merito iudicatur. Hanc enim iuuandi proximos curam constat viros sanctissimos cum proprii instituti obseruantia, quantum fert charitas, coniungere sollicitè procurasse: neque enim pugnat proximorum etiam infidelium cura cum propriæ prof-

fessionis arcta custodia, vt eleganter S. Athanasius
 Dracontio Monacho nolenti Episcopatum susci-
 pere rescripsit, obiiiciens illi quamplura Mona-
 chorum exempla, qui ad Episcopalem dignitatem
 promoti, nihil ferè de proprij instituti obseruàtia
 remisere, imò vitæ asperitatē cum Pontificio mu-
 nere, humilitatem cum dignitate, Rachelem cum
 Lya mirè coniungere; & hanc quidem gregi sibi
 commisso, illam vero sibi, ac Deo impendere. De
 Archiuio ad Episcopatum tracto, eadem ferè re-
 fert Cassianus coll. 11. c. 2. Idem certè de B. Ansel-
 mo, S. Antonino, ac alijs sàctissimis viris legimus,
 qui ita curam susceperè animarum, vt Religiosam
 vitam non abijcerent. Nec opus est Episcoporum
 mendicare vestigia, cum exempla nobis expressis-
 sima suppetant multa in eadem re, de qua agimus:
 nã & hodie apud Patres Dominicanos, qui per to-
 tum Orbem, maximè per Philippinas Insulas præ-
 dicandi Euangelium infidelibus causa discurrent,
 nullibi æquè, ac in his Insulis, regularem vigere
 obseruantiam comperimus: nam & rudioribus
 vestibus, cibo pariori, ac maiori orationis studio,
 aliisque asperioris, & perfectioris vitæ institutis
 spontaneè student. Idemque de Augustinienfibus
 apud Persas in Euangelio laborantibus testes ocu-
 lati fatentur. Quare Missiones si debitè assuman-
 tur, mirificè regulare institutum perficiant.
 Sed & illud meo iudicio efficax est argumen-
 tum: nam quis Religiosorum Ordinum colla-
 psus vnquam fuit, aut vbi Regularis discipli-
 na fuit extenuata eo præcisè, quod in mini-
 sterio propagationis fidei per varias Orbis Re-

giones excurrere Ecclesiæ deferuiret? Quantum vero quotidie delabantur, ac corruant monastica instituta propter Religiosorum tepiditatem, aut otium, sentiunt, ac gemunt viri optimi, & prudentissimi Religionum. Ego certè non dubito, quin maiori prouidentia, ac cura illos Ordines Dominus Iesus prosequatur, qui se totos, studiaq. sua huic animarum ministerio consecrarunt, quod eo charius, iucundiusq. est Deo nostro, quo per se insauius, difficilius, ac ab hominibus otio torpentibus neglectum: Quare ad eandem etiam spectat prouidentiam illorum conatus, non solum ad iuuandam, procurandamq. proximorum salutem, sed ad propriam instituti perfectionem tuendam iuuare res est experientia ipsa comperta ferè in omnibus Ordinibus Mendicantibus.

Ex his inferendum, nostro Carmelitarum instituto, quod in contemplatiuam potissimum vitam dirigitur, & in actionem, prout ex contemplatione deriuatur, illas congruere Missiones, in quibus contemplatiuæ vitæ exercitia illæsa seruantur: Quare vitandæ sūt Missiones illæ vagæ, & quæ oppidatim sine certis sedibus excurrunt, maximè si id fiat per diuturnum tempus: nam breui aliquo temporis spatio oppidatim Missionum studio vacare, ac postea domum, siue ad Conuentum redire ad reficienda retia, spiritumq. renouandum nullatenus sunt damnandæ: cum in Europa tempore Quadragesimæ, pro habendis ad populum concionibus, aut æstatis, pro re temporali à Mendicantibus, quantumuis reformatis, idem fieri soleat.

Deinde etiam existimo illas Missiones, in quibus

bus præcipua nostræ regulæ capita, aut regularis obseruantia seruari nequeunt, statui nostro non omnino expedire: quare nullatenus sunt propria electione à Prælati assumendæ, nisi vel extrema, aut graui urgente necessitate, aut Summo Pontifice mandante, qui scienter præcipiens iustissimè dispensat, vt minora bona propter maiora omitantur, & tunc sine hesitatione parendum erit. Quare illæ Missiones consentaneæ nobis censentur, quæ ad eas infidelium Regionès instituuntur, vbi sine detrimento principalium austeritatis nostræ capitum Cœnobia condantur, vbi exercitia obseruantia frequentari possint, quantum fert tempus, & loci occasio, & quod reliquum est proximorum saluti erogatur.

ARGVMENTA IN CONTRARIVM
adducta diluuntur. C A P. VII.

Non desunt, qui strictioris obseruantia zelo ducti, multa excogitauerint argumenta, vt probet nostrò instituto salutis proximorū sollicitudinem, ac curā (multo magis Missiones) pro infidelium conuersione ex diametro pugnare. Primò, quia nostra regula hac inscriptione, & titulo gaudet, Fratribus Heremitis, qui in Monte Carmelo iuxta fontem Helia morantur: Heremitis autem non conuenit prædicare &c. Secundò, quia potissimus nostræ Religionis finis est diuinorum contemplatio: at, vt sancti Patres passim affirmant, rebus exterioribus implicata mens, à studio contemplationis retardatur, de qua Ecclesiasti. c. 38.

Qui

(Qui minoratur actu, percipiet eam:) quare cum spiritus Missionum in exteriora intendat, contemplationi, quæ ad interiora fertur, videtur aduersari: non licet ergo cum periculo principalis instituti persequi id, quod ad nos vel nõ pertinet, vel saltem minus principaliter. Tertiò, quia Missiones à multis desiderantur, vel tedio Diuinæ contemplationis affectis, vel vt fugiant regularem obseruantiam, maioriq. fruantur libertate: ab alijs vero ex quadam quasi naturali inclinatione vagandi, ac curiositate videndi, & discurrendi &c. Quartò, quia nobis strictissimè, ita in regula illis verbis: *maneāt singuli in cellulis*, &c. recessus, & clausura commendatur. si ergo à Cella egredi non liceat, quomodo licebit maria fulcare, peregrinas, & longinquas regiones prædicationis gratia adire? Quintò, quia finis principalis exuitur, & euacuatur ex continua cum proximis cõuersatione, ex varijs discursibus, ex longinquitate itineris, quæ distrahit animum, & pericula creat, ac ex alijs impedimentis, quæ in procuranda proximorum salutē occurrunt. Sextò, quia pars nostri instituti præcipua est vitæ asperitas, quæ necessariò videtur laxanda, si proximorū salutē, maximè si Missionibus, linguarū externarū studio, & alijs exercitijs operam demus. Septimū, ducitur ex paucitate Religiosorum, cum vix sufficiant Conuentibus iam erectis. Octauum, ex periculo, & occasionibus conuersandi, & agendi inter infideles, inter milites, & mercatores: inter quos sæpè accidit, vt hi, qui in initio Missionum feruere videbantur, breui tempore retro aspiciant, & cadant. Nonò, quia nostræ nouæ Reformationis san-

atissima Patrona Mater Theresia à Iesu, inter alia, quæ à Deo diuinitus ei fuerant reuelata pro nostræ reformationis augmēto, & cōuersatione, illud fuit potissimum, vt huius Ordinis professores, non tam verbis, quàm exemplis prædicarent; quid clarius? Decimo, ab effectu, quia cum tribus, aut quatuor vicibus Religio nostra infidelium conversionem fuerit aggressa, mittens ad Congi Regna aliquos Religiosos, omnes prædictæ Missiones infelici exitu sunt terminatæ. Ultimo, quia Prælati Superiores, quibus Deus soler suæ voluntatis sinum aperire, & à quorum ore diuinum beneplacitum, & leges, eorumq. ratio requirenda est, censent Missionū studium nostro instituto penitus contrarium, Ordinis ruinam, imperfectorum, ac inquietorum subterfugium, vt regularem obseruantiam euadant.

Quæ omnia argumenta ferè ad duo capita reducuntur. Primum Missiones, siue alias animarū curam pugnare cum nostro instituto in fine, vel in obseruantijs, in quem etiam scopum omnia Guilielmi argumenta iaculabantur, vt ex superioribus patet. Secundum, ex effectibus in Missionibus non ita feliciter sequutis, illas non esse Deo acceptas colligi; quare argumenta, quæ ad primum caput spectant D. Thomæ solutionibus supra cap. 2. relatis diluuntur, alia vero non minus feliciter dissoluentur.

Ad primum de Heremitarum titulo Regulæ præfixo nobis cum Augustinianis communi, respōdeo primo, rem hanc non ex scripto, sed ex veritate pēsandam esse, quare cum nunc nos non Heremitarū, sed Mendicantium professione Heremitis omnino

contraria gādeamus, parum refert antiquū illud
vestigium nostræ professionis in Regula relictum.
Secundo, quia expressè Heremiticā vitā, siue Inno-
centij mitigationē, siue ipso facto in noua refor-
matione, in Cēnobiticā vitā est translata: quid
ergo refert Heremitarum nomine gloriari? forsan
nunc Heremitæ, an Carmelitæ tantum, vulgo, &
à Pontificibus, & à nostris Constitutionibus, exte-
riorumq. historijs nuncupamur? Tertio, quod etsi
Heremiticā vitā, & re, & nomine profiteremur,
adhuc huic instituto Missiones minimè aduersaren-
tur, vt exemplis sanctorum Patrum, tam aliarum,
quā nostræ Religionis, qui Heremiticā vitā
coluerunt, supra demonstrauius.

Ad secundū, satis solutio cōstat ex his, quæ supra
docuimus, contēplationis dulcedinē sepe derelin-
quendā esse ob proximorū salutē. Ad tertiū, ex mē-
te D. Thomæ Opusc. 18. c. 23. respondetur, *quod etsi
perfectio charitatis in plerisq; proximorū utilitati va-
cantibus non inuenitur, quos magis contēplatiua vitæ
tediū ad exteriora deducit, quā in desiderio habeatur,
vt sis in eis ad perfectionem dilectionis pertineat, quā
eam tanquam bonum dilectum ad tempus postponat,
sed quorundam defectus statui, vel officio præiudiciū
adferre non potest.* Hec D. Tho. Ex quibus satis cla-
re colligitur, quod etsi hoc fiat ab aliquibus imper-
fectis, non esse desumendum argumentum ex his,
quæ per accidens eneniunt: nam & Iudas Aposto-
latu fuit abusus, nec propterea à functionibus
Apostolicis cessandum est.

Ad quartum, inuenies solutionē supra 3. par. c. 5.
in responsione ad secundū, tertiū, & 4. Guilielmi.

vbi D. Tho. respondet primo non esse inconueniēs propter vtilitatem communem aliquas obseruantias à Monachis prætermitti: nam & in claustro manentes sæpè in talibus dispensationem accipiūt propter aliquas causas; quare non est inconueniēs, vt Monachus Claustrum, Cellamq. prætermittat, vt bono communi consulat, etsi id non necessitas, sed vtilitas maior animarum exposcat: vt idem D. Tho. vt supra, clarissimè docet: & idem (quod de clausura) censendum est de aliis obseruantis, vt D. Thom. scribit. Secundo respondetur, quod si Missiones debitè assumantur, non solum obseruantia regulari non obesse, sed & illam mirificè perficere, vt ratione, & exēplis supra comprobauimus. Tertio respondetur nobis absolute in regula non præcipi Cellæ clausuram, sed potius ibidem à consilio exceptio illa addita est. Quid autem Iustius, quàm Christo ad salutem animarum cooperari, ac finem nostrum exequi: alioquin iniuste fratres nostri è cella ad Conciones, vel ad alia charitatis officia, etiam inter Christianos prodirent.

Ad quintum, iam diximus in solutione ad secundum ex mente D. Tho.

Ad sextum, dictum est iam, vitæ asperitatem, aliaq. exercitia Missionibus perfici, quod non speculatiuè tantum, sed & praxi diuturna compertū est: nam verè, vt supra attigimus, vnà cum spiritu Missionum virtutes omnes mirum capiunt incrementum: nam ibi oratio purior, corporis castigatio seuerior, fides fortior, pro qua tuenda pugnatur; spes firmior, quæ inter pericula roboratur; charitas ardentior, quæ pro salute proximorum propriam

contemnit vitam; paupertas maior; obedientia perfectior, & ne prolixius dicam, eminentiori forma ibi virtutes exercentur, vt latissimè supra demonstrauimus.

Ad septimum, respondetur, nō debere obstare virorum paucitatem, quæ Religionibus nascentibus communis est; friuolam enim cōtinet excusationē; nam si sacrarum Religionum authores, qui Diuina fuerunt prouidentia ornati, cōspiciamus; facilè inueniemus tempore, quo erant numero pauciores, maiori animi magnitudine, ac in Deum fiducia socios in diuersas Orbis Prouincias pro animarum lucro sparsisse: ac in primis Christus Dominus pu-
sillo congregato Apostolorum gregi præcepit per vniuersum Orbem Euangelij propagare semina, D. Benedictus Maurum in Galliam, & D. Franciscus, cum primi sui instituti socij senarium numerum non excederent, ac B. Ignatius, cum ad denarium suæ Societatis alumni vix pertingerent, illos in diuersas mundi partes, vt salutem animarum confulerent, destinarunt: existimantes nullum tempus Missionibus oportunius, quàm nascentis Religionis exordium: Ac ita experiētia compertum est, vt hæ Religiones feliciter, ac cum maiori animarum fructu propagarentur, cum numerus esset minor, quia tunc pietas erat maior, & ex paucissimis seminibus grana plurima seges interdum collecta est.

Ad octauum, etsi inficiari nequeam occasiones in Missionū studio, esse maiores, quæ duriora bella militibus Christi interdum excitare solent: sed fidelis est Deus, qui nō patietur quemquā tentari supra id quod pōt; quin imò faciet cū tētatione pro-

uentum: ex alia etiam parte gratia est vberior, ita vt vbi abundauerit pugna, superabundet Diuina protectio, vt satis ex innumeris sanctorum Martyrum, & Confessorum patet exemplis.

Ad nonum, illa verba B. Matris Theresiæ, ante ipsam esse ab Euangelistis commedata, cum dicunt: Cœpit Iesus facere, & docere: quare Apostolis etiã dictum illud conuenientissimè poterat adaptari, vt magis exemplo, quàm verbis prædicent.

Decimum Argumentum sumptum ab effectu contingenti nihil probat; nunquid Dominus vineæ, cū misisset seruos, occisis illis, dixit, deferamus vineā. Imò misit alios, quibus iterum interfectis, num dereliquit vineam? misit & filium suum, quo mortuo misit Apostolos, & adhuc Prædicatores quamplurimos Iudæis, qui erant vineæ cultores mittit, vt relicta perfidia, & cecitate Dominum vineæ agnoscant, & reuereantur. Non ergo deferendæ sunt animæ, quia Euangelio resistunt, & multo minus si aliunde fructus non impediatur: neq; ex impedimentis licebit coniecturare volūtatē Dei esse, vt opus relinquatur. Secundo respondetur, Religiosos in Congum missos, quamplurimos fecisse in animabus illis fructus, clarissimis miraculis confirmatos, quare cum ipsi copiosam messem cōspicerent; ac cum paucitatē ministrorum compararent, quasi inuento thesauro in Hispaniam redierunt auxiliares operarios à Prælati postulaturi, quos cum Prælati denegassent, illius vineæ felicissimæ incepta cultura Prælatorum causa cessauit: ita res euenit. Quis ergo ex his non inferat Missiones esse nostro Instituto conuenientissimas?

mas? siquidem tempore quo inceptæ fuerunt, mirabiles progressus Sancti Euāgelii prædicatio egit, Domino etiam cōoperante; & sermonem confirmante, sequentibus signis: ita vt vsq; in hodiernum diem Carmelitarum Discalceatorum memoria, & desiderium apud Regem, proceresq. alios iterum eos visendi, eorumq. fruendi doctrina permaneat: quæ omnia signa manifesta sunt Diuinæ voluntatis. Quod si semel, aut iterum in illas Prouincias missi Religiosi, vel in mare submersi, vel ob alia impedimenta re infecta redierunt, quid inde? num quia Diuus Franciscus ad Soldanum profectus, eum ad fidem non perduxit, aut quia innumeri alii Religiosi Diuino iudicio ab incepto itinere sunt impediti, Franciscani, aut Religiosi alii ab incepto desistent, & Missiones sibi non conuenire prudenter acclamabunt?

Ad vltimum respondetur, voluntatē Diuinā per superiores in inferiores deriuari, illisq. hac via, & non alia certiori, aut æquē certa innotescere: ad rē igitur accedamus. Nobis de voluntate Diuina ex duobus capitibus clarē cōstat, primo ex cōstitutionibus ipsis, in quibus Missiones, vt nostro instituto cōsentaneæ asseruntur, cum dicitur ad Definitoriū spectare mittere ad Missiones, siue cōuersiones infidelium. Secundo, de eadē Diuina voluntate etiam constat, quia Summi Pontifices, & Capitula Generalia pro speciali nostri instituti scopo Deo vacare iugiter, & profectibus animarum præfixerunt. Quid expresse de voluntate Diuina requirimus? Sed vt nullus restaret circa Diuinæ voluntatis be-

neplacitum dubitandi locus, Summus Pontifex Paulus V. sapissime viuz vocis oraculo patribus Congregationis Italiae, ac deinde Patri Generali Congregationis Hispaniae suam, ac perinde Divinam tribus expeditis Bullis patefecit voluntatem: in quibus etiam in Regna Aethiopiae Missiones promovendas monebat, deprecabatur, ac tacite compellebat. Durissimum est enim imperandi genus, ut quidam dixit, deprecari, qui iubere potest. Et quod vulgare est, preces Principis æquivalent præcepto. Ac denique ipsum Summum Pontificem, non semel dixisse certissime accepimus, se habere pro comperto nullam Religionem in Ecclesia Dei aptiorem esse nostra, ad opus Missionum; quare ipse Indulgentiam plenariam omnibus Religiosis concessit, qui publice bis in anno suam renovantes professionem, Missionibus iuvandis se offerrent.



QVINTA PARS.

De præcipuis gratijs, & Priuilegijs à Summis
Pōtificibus Religiosis pro Infideliū con-
uersione laborantibus concessis.

CUm omnes sacri Religiosorum Ordines, maximè verò Mendicantes in agro militantis Ecclesiæ superna dispositione plantati esse dignoscantur, illorumq. professores ob fidei Catholicæ propagationem indefessè laborent, fructusq. afferant Ecclesiæ Dei salutare; dignum, æquūq. arbitrati sunt Summi Pōtiffices eos quāplurimis priuilegijs, & immunitatibus communire, & condecorare, ut sic alacrius huic animarum saluberrimæ functioni accingerentur, ac commodius in terris à Romanis Pontificibus remotis, animarum saluti possent consulere. Et quoniam ferè immensum esset, omnia & singula mendicantibus in conuersione infidelium laborantibus concessa Priuilegia recensere, ea tantum selegimus, quæ digniora, ampliora, magisq. necessaria visa sunt. Illud ante omnia recolentes omnia Priuilegia gratiæ, & fauores specialiter alicui Ordini elargiti ob communicationem eorundem priuilegiorum esse omnibus alijs Ordinibus Mendicantibus ita propria, ac si specialiter illis solis concessa essent.

Nec mirandum est maxima à Summis Pontificibus fuisse Religiosis in terris infidelium pro fidei propagatione laborantibus collata priuilegia: id enim non solum expediens, sed & maximè necessarium

rium pro functione animarum obeunda videbatur. Nam cum in terris à Sede Apost. remotissimis ver-
sentur, & sæpè in Regionibus, ex quibus, vel ob
magna itineris pericula, vel ob immensam distan-
tiam, aut non potest, vel non sine magna difficul-
tate, ac expensis adiri Sedes Apostolica: operèpre-
tium erat, vt ministri omni illa iurisdictione gau-
derent, quæ possent in casibus emergentibus, non so-
lum animarum salutem procurare, sed & omnia,
alia peragere, quæ ad augmentum gloriæ Dei, ac fi-
dei Catholicæ propagationem spectare videbãtur.
Quam ob causam Christus Dominus Apostolos in
vniuersum Orbẽ missurus, prius Episcopali digni-
tate cõdecorauit, deinde omnibus eandẽ, quã Petro
Sũmo Ecclesiæ, & totius Orbis Principi iurisdictionẽ
licet delegatã cõcessit: ac nõ sine Diuino cõsilio
præmissis illis verbis: Data est mihi omnis potestas
in Cælo, & in terra, euntes docete omnes gẽtes &c.
quibus Apostolos certos esse voluit de potestate
sibi à Patre collata eos missit: vt ipsi etiam de ea,
quam eis Christus delegauerat, non dubitarent, &
sic alacrius tanto operi accingerentur.

*Preambulæ quædam Notationes pro vsu, & praxi
prediclorum priuilegiorum.*

PRius quẽdã dubia præcipua absolnã, ac quẽdã
obseruãda in praxi præmittam; postea breuem
priuilegiorũ seriem Alphabetico ordine digestam,
aliquibus explicatam appendicibus tradam. Sed ne
alicui de veritate Bullarum, à quibus priuilegia,
omnia deprompsimus, contingat dubitare, Põtificũ
diplomata suis numeris distincta, in libro, quẽ Deo
fauente de omnium gentiũ procuranda salute, bre-
uiter

uiter in lucem proferemus, scripta inueniuntur. Primo igitur dubiū occurrit, An præfata priuilegia sint à Tridēcina Synodo derogata? nā in ea oīa priuilegia, quæ decretis eiusedē Cōcilii cōtrariātur expresse abrogata sunt, vt patet ex c. vlt. sess. 25. de reformat. & Pius iij. omnia priuilegia Cōc. Trid. aduersantia penitus annullauit, & licet Pius v. oīa Regulariū priuilegia cōfirmauerit, ac innouauerit; Postea verò greg. xij. præfatā Pij v. Bullā reuocauit ac solū eas gratias, & priuilegia Regularib. cōcessit, quæ sūt in vsu, & Sac. Cōc. Trid. decretis nō cōtradicūt. Pro huius dubij resolutione, primo possemus dicere, nō esse Cōcilii mē ē priuilegia specialia regularibus, in cōuersione infidelium laborantibus cōcessa abrogare: Nā decretū generaliter loquēs, non rectē extēditur ad casus speciales, quos Legislatores præsumitur non cōprehendisse: præcipuē, quia abrogatio, aut priuilegiōrū limitatio, à Sacro Cōc. facta fuit, vel in Episcoporū, vel in Parochorū fauorē, ne eorū iurisdictio in aliquo lēderetur: at in terris infidelium vbi nec Episcopi sunt, nec Parochi, nulli irrogatur iniuria: quare in hoc casu magna cū probabilitate sustineri posset, priuilegia Regularib. cōcessa in suo robore permāsisse. At quicquid sit de hac sētētia, illud cōstans est apud Authores, oīa priuilegia ante Cōc. Trid. Regularib. cōcessa in foro cōsciētiæ valere. Ita docēt Fr. Emanuel Rodriguez, tom. 1. quæst. regul. art. 9. q. 8. P. Enriquez 1. tom. li. 7. c. 24. P. Sorbus in cōpend. priuileg. verb. absolutio. P. Sa, verbo gratia, & cōmuniter alii Iuniores. In foro autē cōsciētiæ valere, idē est, ac posse vti nunc illis priuilegiis cōcessis, in salutē aīarū, ita vt valeāt corā Deo, & nō

coram Ecclesia, vt qui absolueret extra Cōfessionē virtute priuilegiorum hēreticum, aut excommunicatum, ille verē quoad Deum maneret absolutus, licet in foro exteriori posset ab Ecclesia puniri, ita explicat Couar. in c. alma Mater, §. 11. n. 6. in 1. p.

Quod verò priuilegia omnia in foro interiori salua consistant, ex eo manifestè colligunt præfati Authores, quia Pius V. viue vocis oraculo Fratrib. Minoribus concessit vti, & gaudere oībus Indulgentijs, gratijs, & priuilegijs à Summis Pōtificibus cōcessis; & quoad illa, quæ sunt restricta, seu derogata per Conc. Trid. etiā vti illis posse, in foro cōscientiæ tantū. Neq; ista cōcessio fuit reuocata per Bullā Greg. XIII. solum enim reuocauit ea, quæ Regularibus Pius V. concesserat in foro exteriori, vt iurgia vitarentur, & contentiones, quæ ex talibus concessionibus inter Ecclesiasticos erāt ortę: & sic nō reuocauit ea, quæ viue vocis oraculo, & tantum in foro interiori fuerunt concessa.

Nec solū in foro interiori priuilegia Regularibus cōcessa in suo robore permanere, sed & in exteriori docuit Pater Enriquez, tom. 1. Sūmæ moral. lib. 7 c. 24. in fine, quia, vt ipse ait, reuocatio facta à Gregorio XIII. non fuit promulgata, neq; vsu recepta, pro qua sententia adducit Nauarrū in editione anni 84. c. 27. in fine, quā ego videre nō potui, imo videtur colligi cōtrariū ex Nauarro in suo Enchirid. vbi ait, quod tenorē cōstit. Greg. xiiij. ponit in fine, si publicetur: quare cū ipse ponat dictā Cōstitutionē, colligi apertè videtur fuisse iuridicè promulgatā.

Illud tamen certū existimo, quod etsi Trid. sess. 25. de reformat. Regular. c. 22. reuocet oīa Mēdi-

cantiū priuilegia Canonib. aut Decretis à se editis cōtraria, intelligendū esse de illis priuilegijs, quæ repugnant decretis in illa sessione circa Regulariū reformationē promulgatis: cētera verò priuilegia minimè, neq; in interiori, neq; in exteriori foro esse sublata: ita expresse docuit Nauar. c. 27. nu. 190. Credimus inquit, quod per prædictū c. finale de Regularibus, (nēpe prædictū c. 12. Conc. Trid.) solū tolli eis priuilegia contraria iuribus cōmunibus, quæ capitibus præcedentibus eiusdē tit. (scilicet sessionis 25. de reformat. Regularium) iubetur seruari. Eandē Nauar. sententiā, ipso tamen nō citato, late prosequitur Emanuel Rodríguez tom. I. quæst. regul. q. 8. art. 6. & 7. & Pater Sa in Summa, verbo gratia: Quare tantū illa priuilegia sunt abrogata, quæ decretis illius sessionis contrariantur. & similiter quæcūq; alia, quæ in proprijs locis à Sacra Tridentina Synodo reuocantur. Loca autē, ubi expresse priuilegia Ordinum à Cōc. Trid. derogantur, adducit Emanuel Rodríguez dicto art. 7. quæ à nobis hic breuitatis gratia non recensentur, & quia in proprijs locis notabimus, quæ Concilij decreta sint obseruāda priuilegijs quibuscūq; nō obstantib. Illud etiā se offert notandū ex mēte omniū ferme Doctorū scribentiū de priuilegijs Ordinibus Medicantibus cōmunicatis nūquā per nō vsum amitti. Deinde antequā collectionē, siue cōpendiū oīum priuilegiōrū ministris Missionū cōcessorum aggrediamur, illud prius restat considerandū, hæc priuilegia, prout ex eorū serie, & cōtextu patet, à Sūmis Pontificibus fuisse Fratrib. concessa pro terris Infidelium, Hæreticorū, aut Scismaticorū, quæ Sedis Apo-

stolica magisterio, & obedientia non subduntur, in quibus, vel nō sunt Episcopi: vel si Episcopi, aut Patriarchæ reperiuntur, nō tamen habent cōmunicationē cū Ecclesia Catholica, in his igitur infidelium, hæreticorum, aut scismaticorum Prouincijs omnibus præfatis priuilegijs, vti licitè possunt Religiosi. In Terris vero infidelium, aut scismaticorum, vbi sunt Episcopi Catholici, aliquibus ex præfatis priuilegijs tuta conscientia gaudere nequeunt.

Dices, quæ sunt priuilegia, quibus vti indifferenter liceat in terris infidelium, & quæ sint à quibus abstinere oporteat in terris, vbi præsunt Catholici Episcopi, vt in multis Indiarum Prouincijs?

Respondetur ex ipsarum Bullarum cōtextu colligi, quibus priuilegijs vtēdum sit, & à quibus abstinendum, vbi sunt Episc. Catholici: Nā ea quæ propria sunt Episcopalis dignitatis, (licet auctoritate Summi Pontif. possint simplici Sacerdoti cōmitri,) vt sunt oleum cōsecrare, Ecclesias profanatas reconciliare, hæc inquā regulariter à Summis Pontif. nō cōceduntur, vbi sunt Episcopi. Quare in præfatis Bullis cum Religiosis aliqua ex his committuntur, solet frequenter addi: vbi Episcoporum copia non fuerit. Licet aliquando soleant etiā Pontifices aliqua ex prædictis absolutè cōcedere Religiosis proficiscētibus in terras Indiarū, maximè si sint valdè remotæ à locis, vbi Episcopi resident, vt sunt calices, & altariola cōsecrare. Et tūc nō est dubiū, quin possint hæc, & alia si cōcedantur, exequi in terris, quæ Episcopis subdūtur. Aliis vero priuilegijs pro infidelium terris cōcessis, vt sunt, quæ pertinet ad absolutionē, dispensationē, & aliquorū sacramentorū

administrationem, cum à Summis Pontificibus sine vlla restrictione concedantur, frui, & vti semper licebit in terris infidelium, & hæreticorum, maxime in illis, quæ valde remotæ sunt à Sede Apostolica.

○ Ex quo infero priuilegia, quæ olim aliquibus Religiosis in Indiâ profectis fuere cōcessa, quādo in illis Regionibus à Sede Apost. Episcopi non erant creati, si sint circa executionem earum rerum, quæ Episcoporum sunt propria, creatis Episcopis fuisse omnino extincta: quia cessat ratio, ob quā fuere concessa, nempe Episcoporum pēnuria; ita docuit Fr. Emanuel Rodriguez tom. 2. q. 99. art. 5.

Præterea priuilegia quæ Sūmi Pōt. cōcessere regularibus circa infideles nouiter cōuersos, extēdi etiā voluerunt ad captiuos Christianos in quibuscunq; infidelium Prouincijs existentes, vt patet ex initio Bullæ Innoc. iv. & Sixti iv. pro Fratribus Prædicatoribus. Imò, & ad omnes fideles in illis partibus degentes, vt ex ipsis Pontificum verbis manifestè cōstat, nisi in aliquo casu contrarium exprimatur.

Deniq; expēdenda sunt illa verba, tam Innoc. iv. quā aliorum Pontificum, scilicet *Fratribus Prædicatoribus in terras infidelium proficiscentibus*, quasi Sūmi Pontifices velint, eos non solum dum inter infideles versantur, gratiis, & fauoribus à se concessis vti; sed statim, ac huius ministerii causa ad infidelium cōuersionē fuerint profecti. quare itinerantes possent, si necessitas vrgeret, præfatis priuilegiis vti, vbi Episcopi non essent, vel esset ad illos accessus valde difficilis. Si enim in itinere vel frangeretur altariolum, vel corporalia iam benedicta perderentur, & die festo non esset qui celebraret,

quis dubitat virtute priuilegiorum posse, & aram, & corporalia benedicere, & sic de cæteris ?

Denique cum in hac collectione, aliquando ex compendio Indico Societatis Iesu aliqua priuilegia inferantur, nonnullaq. ex illis pro tẽpore limitato sint concessa, oporteret, (nisi aliàs alicui Religioni sine tẽporis determinatĩone cõcederentur) ab ipsis Patrib. postulare, an prorogata fuerint; solẽt enim ipsi, antequam extinguantur, prorogationẽ à Sede Apost. obtinere. Deinde cum hæc priuilegia Societati regulariter à Põnifice cõcedantur, depẽdenter à Præposito Generali, ita vt sine eius licẽtia, nemo ex Societate vtẽdi eis habeat facultatẽ, oporteret, vt aliorũ Ordinũ Religiosi facultatẽ à suo Generali, vel saltẽ Prouinciali, omnibus prædictis priuilegijs vtẽdi, impetrarent. Præterea etfi in ipsis priuilegijs concessis Religiosis Societatis, sæpe requiratur, vt à Præposito Generali sint missi: at postea Greg. xiii. indulgit omnibus de Societate, qui pro tẽpore erũt in illis partibus, vt eisdẽ priuilegijs vterentur, etiam si à Præposito Generali missi non sint.

Collectio breuis Priuilegorũ, quæ à Sede Apost. cõcessæ sunt Religiosis in propagãda fide laborantibus.

Absolutio.

IN terris infidelium, possunt Religiosi oĩum fidelium Libi degentium confessiones audire, iniunctaq. penitentia saluari eos, absolvere ab oĩbus peccatis, criminibus, excessibus, delictis quantũcunq. enormib. etiã in Cẽna Domini cõtẽtis, aut quomodolibet Se di Apostol. reseruatis, sine vlla exceptione, toties, quoties. Si x. iiii. n. 5. prædicat, Clem. viij. Car. discalceatis

ceatis, n. 12. ac etiā ab omnibus censuris pœnis prædicta delicta consequentibus absolueret Six. 4. num. 6. & compend. Societ. Indicum verbo absolutio.

Secundo quoscunq. in illis partibus Scismaticos, vel Hæreticos, etiam Hæresiarchas non tamen Relapsos, facta per eos prius detestatione & abiuratione, iniunctisq. pœnitentiis salutaribus, in utroq. foro ab excommunicatione, aliisq. Ecclesiasticis censuris, & sententiis absolueret, illosq. reconciliaret Clem. VIII. Carme. Discalceatis.

Annotatio.

NOta hanc concessionem intelligendam esse in illis partibus, ubi non sunt Episcopi, neq. Inquisitores hæreticæ prauitatis, id enim colligitur ex serie bullarum: Pro illis vero Regionibus remotissimis, ubi Iudices fidei sunt deputati, Fratres Iesuitæ, gaudent simili privilegio in foro cōscientiæ: Aduertit tamen Collector, quod eo Religiosi non vtantur cum, his quos probabiliter sciuerint ad Inquisitionis officium esse delatos, nisi fortè de hac re cum Inquisitoribus agatur, atq. ipsis placeat, vt ipsi hac facultate vtantur: Cum his etiam, qui delati nō fuerint, adhibenda est magna cautio & circumspectio, vt pœnitentibus deciderent, nihil eam absolutionem ipsis prodesse in foro exteriori, eosq. exhortentur, vt complices si quos habeant, reuelent, & hæreses abiurent, nec in locis in quibus Sanctæ Inquisitionis officium residet, hac facultate vtantur, nisi cum solis Neophytis, & ea moderatione, vt Inquisitores nulla ratione offendantur. Quin potius sedulam operam nauabunt, vt pœnitentes in iis qua in foro exteriori reuelare tenentur, officio suo nō deficiant.

Deniq. notandum est hoc priuilegium absoluendi ab omnibus casibus reservatis, non tolli, cum Romæ publicatur Bulla Cœnæ Domini, vt docet P. Fr. Emanuel tom. 1. q. 20. art. 9.

Altare.

Celebrare in altari portatili, siue viatico concesserunt multi Pontifices Religiosis, non solum pro conuersione Infidelium laborantibus, sed etiam aliis inter Catholicos conuersantibus. Et quamuis dubitari posset, an hæc gratia sublata esset per Concil. Trid. vt nullus dubitationi locus relinquatur, post Trident. Societati Iesu concessit Greg. xiii. cum derogatione expressa Conc. Trid. vt refert Pater Enriquez 1. tom. lib. 9. c. 27. in gloss. lit S. Nouissime vero Fratribus Carmelitis in terras Infidelium proficiscentibus concessit Clem. vii. vt supra n. 7.

Annotatio.

EX priuilegio Adriani vi. teste P. Fr. Emanuele tom. 1. q. 28. art. 2. possunt Prouinciales Indiarum, & Fratres habentes ab ipsis specialē ad hoc facultatē, cōsecrare altaria, etiā pro vsu alieno, in casu necessitatis, Episcopis in Prouincia nō existentibus.

Apostata.

IN terris Infidelium, Apostatas a Regularibus Ordinibus commorantes, possunt Religiosi imposita illis salutari pœnitētia, ab Apostasiæ nota, & excōmunicationis, aliisq. censuris, & pœnis aboluere: illisq. vt reatsumpto habitu sui Ordinis, extra monasteriū per certum decētem terminum, donec ad sua monasteria redeant, manere possint, concedere. Et cum eis, si Sacerdotes fuerint, super irregularitate, forte cōmissorū occasione contracta, dispe-

sare

fare, ita vt Missas, & alia diuina officia celebrare, & Ecclesiastica Sacramenta ministrare valeant: dūmodo scandalū non adfit, & utilitas animarū illarum partium id postulauerit. ita Clem. 8. Carmelitis num. 16. & Innoc. 4. Prædicatoribus num. 11.

Baptismus.

DE Sacramenti Baptismi administratione vide infra, verbo, Sacramēta. Religiosis Societat. in India degentibus Pius v. addecēniū, & postea Greg. xiii. extendit ad aliud decēniū, cōcessit, vt possent baptizare extra Ecclesias, & sine consuetis cæremoniis, quando ipsi iudicarint id ad maiore Dei gloriā & obsequiū expedire, propter paucitatem operariorū, & incōmoditates, quę se offerūt, Cōp. Socie. Ind.

Benedicere.

Indumenta, paramēta, vestes Sacerdotales, ac corporalia, tā pro ipsorū, quā pro aliorū Sacerdotum in illis partibus existentium vsu (ex concessione Clem. viii. n. 9. Carmelitis facta) possunt Religiosi benedicere. Similē concessionē plures alii Pōtifices aliis Ordinibus ex eorū priuilegiis fecisse constat. Vbi vero Episcopus Catholicus non adest, possunt etiā Calices, & altaria cōsecrare, Cēmeteria benedicere, & profanatas Ecclesias reconciliare, Inno. 4. Frius Præd. n. 21. Inno. 6. etiā vt supra, Cōpendiū Societ. Indicū verbo benedictio: & nouissime Paulus V. viuę vocis oraculo concessit Religiosis Carmelitis in Persiā profectis, dū ab Epō Catholico per duas dietas distarent.

Annotatio.

Primo nota, in consecratione vtendū esse Oleo ab Episcopis consecrato. Deinde sciendū, quod non solum in terris Infidelium, quæ Magisterio Ec-

clerici non subiiciuntur, possunt Fratres ornamenta Ecclesiastica, & corporalia benedicere, calices & altariola consecrare, sed etiam in terris fidelium, in illis scilicet, quæ remotissimæ sunt a Sede Apostolica, vt in nouo Indiarum orbe, cum sequentibus limitationibus. Prima. Possunt benedicere corporalia, cæteraq. paramenta diuino cultui deputata pro vsu sæcularium, si distent ab Episcopis, vel eorum Officialibus per duas dietas, ita P. Veracruz in compendio manu scripto, (quem citat, & sequitur Frater Emanuel 1. tomo quest. Regular. q. 19. art. 2.) Ex priuilegio (inquit) Adriani 6. possunt Prouinciales Indiarum Ordinum Mendicantium, & fratres eorum habentes authoritatem omnimodam dicti priuilegii, benedicere omnia prædicta etiã pro vsu alieno, si distent ab Episcopis, vel eorum Officialibus per duas dietas, causa iusta interueniente, pro bono Indorum, puta quia deferenda sunt ornamenta apud Episcopum distantem 20. leucis. Prouinciales vero in casu necessitatis, possunt omnia prædicta benedicere, tam pro vsu proprio, quã pro alieno siue sint intra, siue extra prædictas dietas, Episcopis tamen in Prouincia nõ existentibus. Ita vt si Episcopus in aliena esset Prouincia, quãuis nõ distaret vna dieta, possut id præstare: ita Pater Veracruz citatus.

Circa consecrationem vero Calicis, etiam requiritur, vt Episcopi nõ sint in sua Prouincia: hoc enim (ait prædictus Pater) Leo x. & postea Adrian. 6. anno Domini millesimo quingentesimo vigesimo secundo concessit de nouo præuilegium Prouincialibus, & quod possint communicare suis Fratribus authoritatem suam. Et aduerte quod potestas, quæ

quæ datur per priuilegium Leonis decimi, non habet tantas limitationes, sicut priuilegium Adriani Sexti. Priuilegium enim Leonis x. solè petit, quod Episcopi non sint in prouincia, ad hoc vt prædicta possint benedicere. Et sic Sede vacante, dicitur, quod Episcopi non sunt in prouincia. Aduerte etiã cum dicto Patre, quod hæc supradicta omnia possunt facere Fratres, & benedicere, si eis Prouinciales communicent, scilicet dicendo: Auctoritate Apostolica committo tibi auctoritatem breuis Adriani Sexti omnimodam super has & has personas, sicut tibi conceditur. Nec non communico tibi Breue Leonis Decimi, & alia priuilegia Fratribus Indiarum concessa & concedenda hætenus Frater Emanuel Rodríguez. Hoc priuilegium Adriani 6. habetur Hispali authenticum in Monasterio Beati Francisci teste Patre Enriquez 1. tomo sue summe lib. 9. c. 27. in gloss. lit. H.

Quibus concordat compendium Indicum Iesuitarum verbo benedictio. Possunt inquit hi, qui mittuntur a Præposito Generali in loca remotissima, a quibus non potest adiri Sedes Apostolica, vestes Sacerdotales, pallas, corporalia, calices, altaria, & cæmeteria, si Episcopus, qui ea faciat, Catholicus ibi non adfit, in eis partibus benedicere. Deniq. nota Regulares in terris Infidelium commorantes tam in Baptismate, quã in aliis ministeriis, in quibus opus est oleo sancto, vti posse oleo antiquo, si facta diligentia illud eiusdem anni haberi nõ poterint Clem. 8. Carmel. Discal. n. 10. quæ est amplissima cõcessio.

Confirmationis Sacramentum.

Innocentius 6. Predicatoribus, Ioannes 12. &

Leo x. Minoribus, in terras remotissimas a Sede Apostolica ac Episcoporum magisterio carentes profectis, concesserunt administrare sacramentum Cōfirmationis nouiter cōuersis. & Adrianus 6. concessit de nouo priuilegiū Leonis x. Prouincialibus tā circa consecrationē Calicis, vt dixi supra, quā circa Confirmationis Sacramentū, cū eisdē limitationibus, de quibus nuper mētionem fecimus, vt idem Author quæst. Regul. loco vt supra refert.

Annotatio.

DE hac concessione simplici Sacerdoti, circa administrationem Sacramenti Confirmationis, à summo Pontif. facta, licet olim ab aliquibus Authoribus fuerit dubitatum; an simplici sacerdoti à Papa committi possit, tamen hodie non licet dubitare, cū à pluribus Pontificibus fuerit concessum, vt constat ex præfatis priuilegiis, & de aliis, de quibus Doctores scribentes de Sacramento Cōfirmationis. Hac tamen concessione vtī non licet, quia cum priuilegium sit valdē exorbitans à Iure communi, non videtur extendendū vltra personas, quibus expressē fuit concessum. Præterea non legimus Patres Iesuitas, qui in Iaponis insulis plurimos ad fidem perduxerunt, vfos fuisse huiusmodi priuilegio; nec alios quoscunq. Religiosos; etiāsi Regionēs fuerint remotissimæ, & Episcopo multis annis caruerint.

Communicare cum Infidelibus aut excommunicatis.

Possūt religiosi in terris Infidelium, Hereticorum, & Scismaticorum cū excommunicatis quibuscunque tota conscientia conuersari, ac verbo, officio, & cibo communicare. Clem. viii. Carmelitis. num. 1. & alij etiam Pontifices Fratribus Prædicatoribus, &

mino.

Minoribus: possunt etiam Missas celebrare; etiam si illi presentes adsint in Ecclesiis, quando necessitas urget, & periculum est maioris scandali. Compend. societ. Ind. verbo, communicare.

Annotatio.

DE hac materia in libro de conuersione omnium gentium pro curanda Deo fauente atius dicemus. Illud tamen hic obiter aduerte, illud verbum, in officio communicare, à Clemente VI. expressum, denotare etiam sine necessitate, posse nos infidelium Hæreticorum, autismaticorum ritibus, vel officiis diuinis interesse, sine vilo scrupulo, & ipsos similiter presentes esse, cum à nobis diuina celebrantur Officia, dum tamē pusillorum scandalum non sequatur.

Conservatores.

Conceditur superioribus Societatis, seu eorum Conservatoribus in eisdem partibus extra Europā, vt ad omnē calumniæ genus obstruendum, & pro temporū, causarū, occasionum necessitate occurrente quascunq. censurarū, & pœnarum declarationes possint facere, pro cōseruatione & causa priuilegiarū & Iurium, rerum & personarū ipsius societatis tantum. Item vt contra tales effugientes, appellatione postposita, procedere seu mandare liberè & licitè valeant. Ex compendio Indico Societatis. Ex eodem compendio in omnibus causis personarū Iura, seu priuilegia Societatis cōcernentibus, in Regionibus tantum extra Europam occurrentibus, loco earum personarum, quæ iuxta commune compendium, in conservatores assumi possunt indulgetur Pœposito Generali, vt assumere

ad id minus valeat, quo suis idoneos & probos viros sæculares clericali caractere insignitos, non tamen coniugatos. Hac vti possunt Prouinciáles, & ii, quibus ipsi eam commiserint.

Confessarii.

OMnes Religiosi in terras Infideli, aut Hæretice rû à suis Prælati ac superioribus missi, possunt nouiter conuersis, ac Christianis ibi degentibus Sacramentû Confessionis administrare, ita Innoc. IV. Prædic. Clemens VI. Carmel. In terris vero, vbi sunt Episcopi Catholici Confessarii semel approbati à Generali, vel ab aliquo Episcopo ad Confessiones audiendas, possunt in vtraq. India omnibusque Regionibus, & insulis transmarinis, ad quas Hispani, & Lusitani penetrant, Confessionem audire: nec tenentur vltteriorom licentiam, & approbationem ab aliis Episcopis petere, seu alias habere. Greg. XII. ad decennium; quàm concessionem idem postea, ad duo decennia extendit. Compend. Indic. Societ.

Dispensare.

IN partibus, & Regionibus Infidelium, siue Hæreticorum, qui Ecclesiæ Catholice non obtèperant, Religiosis dispensandi facultatem in omni irregularitate, in qua possunt Legati à latere dispensare, concesserunt Innoc. IV. nu. 10. & Ioannes 22. Fratribus Minoribus. Ac idem Innoc. concessit eandem facultatem dispensandi, cum Clericis defectum natalium patiētibus, (dūmodo de adulterio) de incestu, aut de Regularibus non fuerint procreati. 2. Six. IV. & Pius II. vt supra n. 2. in omni cēiura, & irregularitate facultatē Fratribus Prædicatoribus præbuerūt dispensandi, excepta ea, quæ a bigamia descendit.

3. Clem. VIII. nu. 17. Fratribus Carmelitis in terris infidelium, aut Hæreticorū existentibus, concessit auctoritatem dispensandi in omni voto etiam castitatis, & Religionis, si necessitas, aut vtilitas conuerſionis animarum in illis partibus existentium exegerit, & hæc est amplissima cōcessio, de qua infra.

4. Possunt præterea Religiosi in terris Saracenorum, Paganorum, aliorumq. infidelium, & in aliis Prouinciis remotissimis, a quibus non potest adiri sedes Apostolica, dispensare cum iis, qui ab infidelitate conuertuntur tantum, & in locis remotissimis, si prius in gradibus non licitis, (lege tamen diuina non prohibitis) matrimonia contraxerant, vt in iisdem manere possint. ita Innoc. IV. nu. 17. & Ioan. 22. Minoribus.

5. Possunt Presbyteri Societatis à Proposito Generali per se vel alios, ad id electi auctoritate Apostolica, (gratis tamen) dispensare cum Neophy. s. in quibusuis Orientis, Brasiliæ, Peru, notæ Hispaniæ, & aliis Ultramarinis Regionibus, insulisq. Oceani maris, ac Occidentalibus partibus degentibus, in quibuscunque iure diuino non prohibitis consanguinitatis, vel affinitatis gradibus, aut alias coniunctis, aut ad se attinentibus, vt impedimentis eiusmodi nō obstantibus, matrimonium inter se contrahere, & solemnizare; (secus si iam etiam scienter cōtraxerint) denuo contrahere valeant: In partibus tamen vbi locorum Ordinarii de facili adiri possunt, in foro conscientiae tantum, sed perpetuo. Ordinarii verò ipsi ibidem in vtroque foro, sed tantum ad viginti annos, à data præsentium computandis, de consilio tamē, & assensu dictorum Societatis Presbyterorum,

tanquam

tanquam adiutorum & affefforum fuorum, vbi eorum copia commodè haberi poffit: in reliquis autē Prouincijs Ordinarij præfentia deftitutis, vel ab eis non minus ducentis millibus paffuū remotis, iidem Præbiteri per fe in vtroq. foro poffunt in prædictis difpèfare. Poffunt etiā prædicti Sacerdotes in eisdem locis denunciationes, & alias extrinsecas iolemnnitates, ac cegremonias, cum id expedire, aut necesse effe vifum fuerit, omitttere; proleq. fufceptam aut fufcepiendam legitimam declarare, Compend. Societat. Indic.

6. Sanctifs. D N. Paul. V. Fratribus Carmelitis Difcalceatis in Perfia profectis viuæ vocis oraculo conceffit, vt cum hii qui in illis Regnis conuerterentur, vel etiam cum iam conuerfis, in omnibus gradibus, præter primum confanguinitatis vel affinitatis, ac per lineam rectam inter alcendentes, & descendentes, poffent difpèfare.

Annotatio.

Circa irregularitatis difpensationem collige in omnibus irregularitatibus, ex quacūq. caufa prouenientibus, poffe Religiofos in Prouincijs remotiffimis Infidelium, a quibus non poteft adiri Sedes Apoftolica difpèfare, excepta ea quæ a bigamia proceffit. Nec mirum in illis partibus concedi facultatē difpèfandi in irregularitate proueniente ex homicidio voluntario, maxime quando id vtilitas animarum fideiq. propagationis commune bonum exegent: cum Paulus iii. fuperioribus Ordinis Præmonftratenfis refpectu fuorum fubditorum idem concefferit, vt videre eft apud P. Frat. Emanuel. Rodriguez tom. 2. q. 105. art. 1.

Circa

Circa dispensationē vero in gradibus prohibitis matrimonio, notandum est, aliud esse dispensare, siue licentiam præbere, vt qui matrimonium in infidelitate in gradibus prohibitis contraxere, mancant ad fidem conuersi eodem coniuncti matrimonio, de quo dicemus infra verbo matrimonium; aliud vero dispensare cum Neophitis, hoc est nouiter cōuersis, vt contrahant in gradibus prohibitis, & vtrumq. concessum est Religiosis, primum sine limitatione; secundum vero cum limitationibus prædictis.

Ecclesia.

IN illis partibus possunt religiosi fundare monasteria, & Ecclesias profanatas reconciliare, & de nouo fundatis Rectores idoneos providere, Innoc. IV. Prædicat. num. 13. & Clemen. VIII. Carmelit. num. 4.

Hora Canonica.

Patres Societatis, Cōcionatores, Lectores, Cōfessarii, & Superiores, qui sunt, aut erunt in Provinciis Indiæ, & Brasiliæ, possunt toto anni tempore ante horam cœnæ ordinariam, etiam cum per aliquot integras horas ante solis occasum cœnari solet, dicere matutinum sequentis diei, Habetur in compendio Societatis.

Circa ieiunium, & alia pro Indis.

Possunt Religiosi in foro conscientiae dispensare in India cum nouis, & antiquis Christianis, in Ieiuniis ab Ecclesia statutis, propter grauissimū æstum, & cibos debilioris nutrimenti, & quia homines illi nauigationibus, & bellis gerendis sunt dediti. Pius V. ad decennium, quam extendit

Greg.

Greg. ad aliud decennium, Compend. Societ. Ind. Concessit præterea Paulus iii. vt refert Pater Frater Emanuel Rodriguez tom. 2. quæst. Regul. q. 99. art. 5. vt Indi solum tenerentur ad ieiunandum omnibus sextis feriis quadragesimæ; & vigiliis Resurrectionis, & Natalis Christi, propter eorum novam ad fidem conversionem, & ipsius gentis infirmitatem; imo ieiunium repugnans sanitati, vel non bene quadrans officio, vel exercitio alicuius eorum, non est censendum illis ab Ecclesia præceptum: Hæc Paulus iii.

Ex hac concessione habes, vnde possis, quam plures Indos excusare ab obligatione ieiunandi, cum ipsi sibi quotidie batulent ligna, & alia multa huiusmodi faciant, & ipsi Indi molent sibi panem, aquâ humeris portant, & si addas eorum insufficientem pro vno prandio refectioe ciborum, eos excusabis.

Concessit etiam idem Paulus iii. quod dicti Indi solum teneantur ab operibus seruilibus cessare omnibus diebus Dominicis, Natiuitatis, Circumcisionis, Epiphaniæ, Resurrectionis, Ascensionis, Corporis Christi, Pentecostes, nec non Natiuitatis Beatæ Mariæ, Annunciationis, Purificationis, Assumptionis, & Beatorum Apostolorum Petri, & Pauli, cæteri vero dies ex dictis causis indulgentur eis.

Has concessiones concesserunt prædicti Summi Pôuifices noui orbis incolis, quæ omnes vt affirmat Veracruz, habentur in authenticis Bullis, quibus omnibus gaudent Religiosi in nouo orbe, ob communicationem gratiarum omnium factam ab eodem Paulo iii. vt testatur Cardinalis Burgensis in expressa concessione.

Indulgentia.

Possunt Fratres in terris Infidelium Indulgentias Fidelibus concedere; ita Innoc. 4. fratribus Prædicatoribus num. 2. Et specialiter possunt Fratres confessarii partium illarum in mortis articulo, indulgentiam plenariam concedere. Six. 4. Prædic.

Omnes Religiosi, qui in qualibet vtriusq. Indiæ Regione, vel Oceani Insula, aut nauigatione cundo, vel redeundo moriuntur, plenariam Indulgentiam consequuntur ad decennium: eandem gratiam ad duo alia de cætera prorogauit Greg. Pontifex: ex compend. Societ. Similiter qui moriuntur in Florida noua Hispanici Peru, & aliis Regionibus Indiarum transmarinis ad Regis Catholici, & Portugallicæ ditionem in mortis articulo, indulgentia plenaria concessa est. Pius V. indulgit Religiosis, qui ad Indiarum conuersionem proficiscuntur, quod in die quo se mari commiserint, & die in quo peruenerint, vel in itinere decesserint indulgentiam consequantur in forma Iubilei.

Annotatio.

Dubitari merito potest, quæ Indulgentiæ sint illæ, quæ à Fratribus possunt concedi, an sint plenariæ, an vero quadraginta dierum, quales solent ab Episcopis concedi: dubitationem vero auget, quod Pius Quintus in Bulla quæ incipit, Etsi Dominici gregis, Anno Domini. 1566. edita, potestatem concedendi Indulgentias abrogauerit.

Respondeo tamen, Indulgentias possunt dare non solum Papa, sed etiam Episcopi, Abbates, ac

alii Vicegerentes per eius commissionem ac præscriptionem: & sic Urban. v. vt habetur in Compendio priuilegio. Ordin. Mend. verbo Indulgentia, concessit, vt Generales & Prouinciales Ordinis Minorum possent communicare Indulgētiās, ac alia bona spiritualia, benefactoribus Ordinis: nec non Fratres Prædicatores indulgentias ex cōmissio-
ne Pontificis suis auditoribus, & Confessarii pœnitentibus concedere solent. Quare non est mirum summum Pontificem commisisse Religiosis in Regionibus longinquis, ac inter Infideles conuersantibus indulgentias plenarias concedere. Nec obstat Pii V. constitutio, nam, vt optime docet Pater Sorbus in Compend. priuil. verbo Indulgentiæ, quoad sæculares, in ea tantum reuocantur Indulgentiæ continentes facultatem quæstuandi, & pro quibus porrigendæ erant manus adiutrices.

Adhuc tamen nō auderem affirmare, prædictam generalē concessionē dād. Indulgentias extendendam esse vsq. ad plenarias. & ita tutius ea non vti.

Indulgentiæ pro secularibus noui orbis.

PRæterea sunt aliquæ aliæ indulgentiæ concessæ sæcularibus in illis partibus degentibus, quæ omnes referuntur in compendio Indico Societ.

In primis, vt quoties ii, qui vere pœnitentes, & confessi, siue firmum constitutis a iure temporibus confitendi propositum habentes, aliquem ex Infidelitate seu Idolatria, ad veri Dei cognitionem reducerint, toties plenariam Indulgentiam, & plenarium Iubileum consequantur: iniuncta aliqua per confessarios salutari pœnitentia, super quo illorum conscientię onerantur; quicumq. confessi & contriti

tertiã partem Rosarii, aut vnã Coronã proiis qui in vtriusq. Indię navigationibus, aut expeditionibus cõtra Infideles, & aliis quibuscũq. Fidelibus, qui in huiusmodi navigationibus in charitate decedunt, recitauerint; quoties id egerint, toties per modũ suffragii vnã ex dictis animanib⁹ a pēnis purgatorii libera bũt: dũmodo perdictos defunctos nō steterit, quom̃ nus tēpore periculi mortis peccata sua cõfiterentur.

Qui in quacunque vtriusq. Indiæ Regione ob fidei defensionem & propagationem, aut alio bello arma assumunt; in singulis huiusmodi expeditionibus, tam naualibus, quam terrestribus, dummodo peccata sua confiteantur, & (nisi legitime impediti fuerint) Sacramentum Eucharistiæ sumant, plenariam indulgentiam consequuntur.

Omnes Christi fideles vtriusq. Indiæ, & transmarinorum limitum, qui processionibus iuxta Sanctæ Romanæ Ecclesiæ ritum faciendis, ac supplicationibus Indorum, vel Aethiopum, seu quorumuis aliorum Neophitorum, vel aliorum Christianorum intererint, & eas associabunt, Christianamq. doctrinam cum eis recitabunt, vel priuatim docebunt, quoties id fecerint, decem annos, & totidem quadragenas Indulgentiarum consequentur.

Matrimonium.

Religiosi possunt licentiã p̃bere, vt Infideles post cõuersionē maneat in eodẽ matrimonio cõiuncti, quo erāt ligati ante conuersionē, dũmodo nō sit in gradibus Iure diuino p̃hibitis, vide supra verbo dispensare. Habent pręterea authoritatē in partibus Infidelium de causis matrimonialibus legitime cognoscere, Innoc. iv. Præd. & Ioan. 22. minoribus.

In Anglia, Æthiopia, Brasilia, & aliis Indicis Regionibus possunt eorundem locorum Ordinarii, Parochi, & Presbyteri Societatis, ad Confessiones audiendas ab eisdem societatis superioribus approbati, & ad dictas Regiones pro tempore missi, vel in illis admissi (& ex consequenti alii Regulares, qui eorum privilegia communicant,) dispensare cum quibuscunq. vtriusque sexus fidelibus, incolis dictarum Regionum, & seruis ad fidē conuersis; qui ante susceptum Baptisma matrimonium contraxerant, ut eorū quilibet etiam superstitute cōiuge infideli, & eius consensu minimē requisito, aut responso non expectato, matrimonia cū quouis, fideli alias tamen, rite contrahere, & in facie Ecclesiæ solemnizare, & in eis postea carnali copula consummata, quoad vixerint remanere licitē valeant, dummodo constet etiā summaliter, & extraudicialiter coniugem, ut præfertur, absentem moneri legitime non posse, admonitumque intra tempus in eadem monitione præfixum, suā voluntatem non indicasse. ex Compend. Indic. Societ.

Annotatio.

Qui sint gradus lege diuina prohibiti, quæstio est non parū difficilis apud Authores. Pr. Sanchez. lib. 7. Tomo de Matrimonio disput. 52. nu. 10. censet probabiliter in nullo gradu lineæ transuersalis, etiam consanguinitatis inter fratres, & sorores esse prohibitum iure diuino Matrimonium; pro qua sententia quam plures adducit authores, & ex consequenti n. 12. (inquit) secundū hanc sententiā, quæ valde (inquit) probabilis est, Matrimonium inter fratres sola lege Ecclesiastica irritari, ac perinde postea ad fidem conuersos separandos non esse, imo

imò & sanum esse consilium, si ad fidem conuersi ægrè ferrent separationem, sequi hanc sententiam, & hac iure ipso attento: quare in hac parte nullo opus est priuilegio ad dispensandum secundum hanc sententiam.

Ipse verò Author contrariâ sententiâ probabiliore censet, illiq. adhæret, scilicet, tale matrimonium iure naturæ, ac proinde iure diuino esse prohibitum, & infideles ad fidem conuersos separandos esse; repugnat enim naturaliter matrimonio primus gradus originis, vt cum sorore, nouerca, ac multo magis cum Matre, & Filia, Nepte, aut Aua. Quamobrè in his gradibus contracta dissoluenda sunt. Ego vero existimo contrariâ sententiam probabilem non esse; maxime post decretum Concilii Provincialis Limensis, in quo ex sententia Pauli Quarti Pontificis, omnia isthæc matrimonia infidelium, cum Christiani fiunt, irrita fieri decretum est: at verò, quæ lege solum Ecclesiastica prohibita sunt, vt secundo, aut tertio gradu contracta, rata fieri, cum vterque baptizatur, cauetur, in cap. gaudemus, de diuortijs: quare, extra prædictos gradus, siue in recta, siue in transversa linea matrimonium ratum haberi debet: unde Religiosi in hoc non dicuntur in rigore dispensare, sed potius rata habere dicta matrimonia, quæ iure diuino irrita non sunt.

Præterea oportet aduertere, priuilegium illud Religiosis concessum, vt tanquam Iudices in causis matrimonialibus procedant: primo limitandum esse, pro terris, vbi Episcopi non sunt, ad quos pertinent huiusmodi causæ. Secundo, proce-

endum est in his causis Matrimonialibus, quales sunt circa diuortia, adulteria, & similia, simpliciter, & de plano, sine tabellione, sine figura, & strepitu Iudicii: modo tamen pro viribus, & posse inuertiur de veritate certiores fieri: vt optimè aduertit Pater Sanchez lib. 10. di sput. 19. n. 1. & addit Religiosos, illos, quibus Neophitorum ex Indis cura commissa est à suis Prælati, habentq. assensum Episcopi, ad vtendum priuilegijs sibi concessis circa Indos, possunt in causis matrimonialibus, tanquam Iudices in vtroq; foro procedere: & quamuis vt Iudices procedant, oportere sine strepitu iudicij ferre sententiam, aliaq; facere simpliciter, & de plano.

Denique circa facultatem dispensandi Fratribus Iesuitis concessam cum illis, qui ad fidem veniunt, vt non expectato coniugis consensu, possint matrimonium cum alijs fidelibus contrahere: notandum est, quid de iure communi seruandum sit, vt sic priuilegiorum vis magis innotescat. Praxis de iure seruanda breuiter exprimitur in Conc. Limensi 3. (à Sixto V. confirmato) act. 2. cap. 10. sequentibus verbis: De ijs, qui iam matrimonio iuncti conuertuntur ad fidem, cōiuge adhuc infideli permanēte, in superiori Conc. prouide consultum est, vt si infidelis quidem spem suæ conuersionis maturā ostendat, Christianus nullo modo ad alias nuptias transeat: quemadmodum est sacris Canonibus definitū, sed coniugis lucrum in Christo expectet: si verò differat conuersionē suam, neq; tamen iam baptizato coniugi perniciosus existat, eum à fide auertendo, aut ad peccatum mortale pertrahendo, (ceterum

id cura fit, sacri Canones eos necessario separandos volunt, & Christiano noui coniugij ineundi potestatem tribuunt): tunc, & expectandum adhuc esse per semestre tempus, & assidue de sua interim conuersione admonendum. Sed quoniam tunc periculum recens conuersi cauendum est, ne si diu permanserit in toro infidelis, fidem Christi fortassis amittat, dum vult seruare homini; tunc vero libertati illius consulendum est, ne celebs viuere cogatur, qui forsitan vritur; Idcirco decernimus, vt tractato sex mensium spatio res ad Episcopum deferatur, qui bene perspecta causa, fideli declaret, copiam esse aliud matrimoniū ineundi, propter fidei, aut charitatis scandalū, quod patitur. Quod si nulum esse periculū in cohabitatione viderit, iubeat expectare infidelem: vel etiam cōsulat cohabitare, si prodesse intēlligit iuxta Pauli Apostoli consiliū. Neq; enim potest omnibus conuersis eadē lex prefigi, cum occurrant profectō variæ circumstantiæ, neq; sit omnium infidelium eadē ratio. Quare Episcopi prudētia in re dubia, ne grāuiter erretur, cōsulenda erit, & iuxta cap. quāto, de diuortijs, cū casus acciderit, decernendum. Hactenus Conc. Lim.

Missæ. Possunt Religiosi celebrare ante lucem per vnā horā, si necessitas postulauerit, & per dimidiā horam post meridiem, Clem. viii. Carmel. n. viii. & Urban. vi. Fratribus Prædicatoribus sine vlla limitatione. Insuper in locis, in quibus hospitari contingit, vel in locis, in quibus residentiā faciunt, possunt missam, & cetera diuina officia celebrare, Innoc. iv. Prædic. & Ioannes xxi. Minor. vide

supra, verbo Communicare cum Infidelibus.

Annotatio.

Circa horam celebrandi Missam, nota ampliora priuilegia esse concessa communiter Mendicantibus: nam in compend. priuilegiorum, (vt refert etiam Azor. tomo primo, lib. 10. cap. 25.) Fratrum Minorum, & aliorum Mendicantium, & non Mendicantium, Collectore Hieronymo à Sorbo Prædicatore Ordinis Capucinorum in verbo Missæ, post recitata priuilegia circa sacrificium Missæ faciendum loco, tempore, & modo non debito, ponitur annotatio, quæ sic habet. Omnia supradicta priuilegia dicendi Missam, quoad modum, locum, & tempus sunt iam per Concil. Trident. sublata, & præcipuè illa Sixti Quarti, Innocen. Octauæ, & Leonis Decimi, quoad tempus, sed celebrari debet secundum Rubricas Missalis noui, iuxta Constitutionem 118. Pij Quinti in Bullario. Ibidem tamen subiungit Collector hæc verba. Gregor. XII. Anno Secundo, concessit Congregationi Sanctæ Iustinae, vt dum in itinere fuerint constituti, possint Missam celebrare ante Auroram, & post mediam noctem, vt refertur in Compend. priuilegiorum S. Hieron. folio 50. Postea subiicit idem Collector: Pius Quintus concessit Societati Iesu, vt refertur in Compend. priuilegiorum eiusdem Societatis, in verbo Missæ, §. 3. eandem facultatem pleniorē, vt possint celebrare per horam ante Auroram, & infra horam post meridiem causa itineris, vel legitimi alicuius impedimenti. Sic ille.

Nouitius.

IN illis partibus possunt recipi Nouitii, etiam ad habitum, & professionem, non seruata forma Cōstitutionis Sixti V. neq; Clementis vii. ut ipse concessit Carmelitis num. 6.

Ordines.

Possunt Dīcecesani promouere Religiosos Societatis in India Orientali extra tempora, & aliquando ante ætatem legitimam: dummodo defectus ætatis requisitæ à Tridēcino Concilio, annum non excedat, atq; in ordinādo videatur, quod cæteræ qualitates suppleant defectum ætatis. Ad duo decennia, hac facultate uti possunt Prouinciales, ex Compendio Indico. Possunt etiā ordinari à Catholicis Patriarchis, Archiepiscopis, & Episcopis. Innoc. iii. Prædicato. & Clem. 8. Carmel. etiam quocunque tempore. & non seruatis interstitiis, iusta tamen de causa ab eorū Prælato examinanda, Clem. vii. n. 18. Et dare licentiam, ut ordinentur illi omnes, de quibus dubitatur, an ritè receperint Ordines Sacros, in quibus ministrarunt, non seruatis interstitiis.

Possunt Religiosi promouere ad minores Ordines omnes, etiā Infideles conuersos, Innoc. iv. Prædicatoribus, Ioannes xxii. Minoribus. Hac tamen privilegia conceduntur pro locis, in quibus non sunt Episcopi Catholici.

Prædicare.

DE licentia Prælatorum Ordinis possunt Religiosi in infidelium Regionibus quibuscunq; etiam Scismaticorum prædicare, Clem. vii. Carmelitis, num. 3. & alii etiam Summi Pontifices.

Presbyteri Societatis, ac perinde Regulares, qui in eorum priuilegijs communicant, qui semel ad prædicandum à Præposito Generali, siue ab aliquo Episcopo approbati fuerint, non tenentur vltiorem licentiam, & approbationem ab alijs Episcopis petere, sed possunt absque illis prædicare, in vtraque India, omnibusq. Regionibus, & Insulis transmarinis, ad quos Hispani, & Lusitani penetrant ad tria decennia. Ex Compend. Indico.

Sacramenta ministrare.

Clemens vii. Carmelitis Discalceatis, Innocentius iii. & Sixtus iii. Prædicatoribus, alijque Pontifices, amplissimam facultatem Religiosis in Infidelium, & Hæreticorum terris, vbi Episcopi non sunt, Sacramenta omnia administrandi concesserunt. In partibus Indiarum possunt etiam Religiosi omnia Sacramenta Infidelibus, nouiter conuersis, administrare. Ita concessit proprio Motu Pius Quartus Fratribus Minoribus Conuentus Mexicanus, & Prouinciæ de Sancto Vincente de Chiapa, noui Regni del Perú. Concessit etiam Paulus ii. Fratribus Prædicatoribus Mexicanæ Prouinciæ: ac Pius Quintus concessit Fratribus Mendican. Indiarum, vt in omnibus Monasterijs sui Ordinis, vel extra illa, in locis istarum partium ipsis deputatis, possint de licentia suorum Prælatorum, in Capitulo Prouinciali obtenta, administrare Indis omnia Sacramenta, prout hæcenus consueuerant.

Annotatio.

Hæc priuilegia administrandi omnia Sacramenta in illis partibus, refert Pater Frater

Ema-

Emanuel, tomo primo, quæst. regul. quæstione 31. articulo tertio, & vt optimè aduertit, causa, quæ mouit Paulum Tertium, ad concedendum dictum priuilegium, ea fuit, vt fides Christi, quæ speratur in his terris per prædicationem nostram, & Sacramentorum administrationem, cresceret magis ipsis Fratribus Prædicantibus, Sacramentaque administrantibus Infidelibus, & nouiter conuersis. Hæc autem causa, & ratio modo militat etiam in illis, qui per Fratres baptizati, & in illis, qui ex his descendunt, Nepotibus, vel Pronepotibus, dato, quod paruuli baptizati sint. Nam certè huius fidei dilatio, rebus vt nunc, nequit fieri, nisi Fratres prædicti prædicent, Sacramentaque administrent nouiter conuersis, & ab eis descendentibus. Quia licet in particulari nouiter conuersi dicantur, qui iam adulti sunt baptizati, nihilominus in generali considerantibus illam huius noui Orbis Ecclesiam in Deo adunatam, omnes, & singuli illarum partium nouiter conuersi apparebunt. Cuius rei testimonium firmiter præstant, quotquot Patres graues ex illis partibus ad has Hispaniarum partes ascendunt. Et quod dictis Fratribus ea facultas concessa sit, probatur, quia idem Paulus Tertius concessit Fratribus omnia priuilegia de nouo, iuxta fauorabiliorem illorum interpretationem: ergo debemus interpretari per nouiter, vniuersos etiam paruulos baptizatos, cū nomen hoc ferat hanc interpretationem, aliàs stricte interpretaremur. Hactenus ex prædicto patre. Aduertit præterea præfatus Doctor Fratres solum posse baptizare in suis Ecclesijs etiam in Ci-

uitatibus, & Oppidis, vt fit Mexici, & in aliis locis, quæ habent de visita, vt ipsi vocant: quare non licet eis in alienis Ecclesijs, nisi in proprijs, vel locis sibi deputatis Sacramenta administrare. Ex his colligit dictus Pater Emanuel, artic. quarto, vt supra, priuilegia Leonis Decimi, Adriani Sexti, & Pauli Tertij, quæ fuerunt data in fauorem fidei, & Indorum, in principio conuersionis illarum gentium, fuisse postea confirmata, & corroborata peculiariter: quod sanè intelligendum est, quoad alia Sacramenta excepta Confirmatione, de hoc enim non licet dubitare, maximè in terris, vbi adest Episcoporum copia.

Votum.

Clemens Octauus num. 15. Carmelitis reformatis concessit, vt in Regionibus Infidelium possint quæcunque vota, etiam solemniter iurata, (exceptis dumtaxat castitatis, & Religionis) ex aliqua rationabili causa, in alia pietatis opera commutare.

Idem Fratribus etiam Carmelitis, num. 17. amplissimam fecit concessionem pro illis partibus, nempe vt super votis quibuscunque etiam simplicibus Religionis, & castitatis ex aliqua causa necessaria, vel rationabili cedente in vtilitatem conuersionis animarum possint dispensare.

Priuilegia alia amplissima in generali concessa Regularibus.

Innocentius IV. & Nicolaus IV. Prædicatoribus, & Ioannes Vigessimus secundus, Minoribus, in remotissimas Hæreticorum, vel Infidelium Prouincias existentibus facultatem præbuere faciendi,

di, quicquid ad augmentum Diuini nominis, & ampliationem Catholicæ fidei, pro loco, & tempore viderint expedire.

Adrianus Sextus, Fratribus Minoribus concessit omnimodam in vtroque foro Papæ authoritatem: tantam, quantam iudicauerint expedire pro conuersione Indorum, & manutentione, ac profectu illorum, atque aliorum Prælatorum in fide Catholica, & obedientia Ecclesiæ Romanæ ex P. Emanuele, tom. 1. quæst. regul. q. 31. art. 4.

Paulus Tertius, Anno Domini millesimo quingentesimo quadagesimo quarto concessit Religiosis Mendicantibus, qui de licentia suorum Prælatorum proficiscuntur ad quasunque terras Infidelium, ad quamcunque mundi partem ad eos conuertendos, vt vadant tanquam Legati, & Commissarij eius, & eis concedit omnes gratias concessas à suis Prædecessoribus, illis, qui ad terras Infidelium vadunt. Ex prædicto Authore, 2. tom. quæst. 97. art. 2.

Annotations.

Circa primam, Innocent. III. concessionem imò circa omnes prædictas, quæ amplissimæ sunt, (illis enim cõmittitur Summorū Pontificum delegata potestas, & authoritas, qua possunt Ministri in Regionibus illis, quæ magisterio Ecclesiæ non subduntur, ea facere sine limitatione vlla, & restrictione, quæ sibi viderint ad fidei propagationem, animarūq. salutē expedire) Notandū est: hanc amplissimā facultatē à Summis Põtificibus permitti, & concedi Religiosis, vt initio huius collectionis monstrauius, non solum conueniens, sed
& om-

& omnino videtur necessarium pro illis partibus, vbi nec Parochi, nec Episcopi sunt: neque ad Sedem Apostolicam facilis est aditus. Quare ad providentiâ Romani Pontificis, qui Pastor est vniuersalis animarû, spectat, fidelibus in illis partibus existentibus providere de oîbus medijs necessarijs, & cōuenientibus ad salutem: & ob simile causam Episcopis vltamarinis, maximè in remotis Indiarum Regionibus residentibus, amplissimam facultatem solent Summi Pontifices concedere: & vbi Episcopi non sunt, ipsis Religiosis, ne animæ auxilijs sufficientibus ad æternam felicitatem iuuantibus destituantur. Oportere tamen viros Religiosos magno cum iudicio vti his concessionibus, & quātum fuerit possibile non recedere à communi praxi, & stylo Ecclesiæ. aliàs grauitèr delinquent.

Præterea notandum est, prædictam concessionem esse vnā ex maioribus, quæ posset à Sede Apostolica concedi: quare sine dubio censeo nulla ratione extendendam ad illa loca, vbi sunt Episcopi, & alij Ecclesiæ Prælati, nisi in illis casibus, in quibus ex mente Pontificis expressè colligitur: quicquid dicat Pater Emanuel Rodriguez, qui i. tom. q. 31. artic. 4. & 2. tom. quæst. 97. art. 2. affirmare videtur hanc amplissimam facultatem, etiam esse extendendam ad Religiosos, nunc in Prouincijs Indiarum degentes.

F I N I S.

INDEX.

PRIMAPARS

STIMVLI.



RO iuuandis infidelibus, ubi de
necessitate, dignitate, & utilitate
huius præstantissime functionis
agitur. folio 1

De extrema ferè totius Orbis sa-
lutis animarum necessitate, cap. 1. 2

De excellentia, & dignitate huius functionis pro
iuuandis infidelibus. cap. 2. 8

De dignitate, ac præstantia anime rationalis. c. 3. 9

Ab exemplo, & doctrina Christi zelum anima-
rum maximè commendari. cap. 4. 19

Exemplo Sanctorum, qui ardenti animarum ze-
lo flagrant. cap. 5. 26

In studiū infideles iuuandi omnes ferè, ac in heroi-
co gradu, influunt virtutes. cap. 6. 39

De præstantia huius functionis inter cetera vir-
tutum opera. cap. 7. 49

De utilitate huius functionis pro iuuandis infide-
libus. cap. 8. 53

Ad omnes Christianos spectat proximorum, etiam
infidelium saluti consulere. cap. 9. 59

De iucunditate, quam ex conuersione animarum
religiosi consequuntur. cap. 10. 65

De aliquibus impedimentis remouendis. cap. 11. 68

S E C V N D A P A R S .

- R**eligiosorum omnium instituto congruit probare hereticis, aut infidelibus iuuandis studium. 72
- Religiosis omnibus, cuiuscunque Ordinis sint, valde consentaneum esse proximorum saluti, ac peculiariter infidelium conuersioni studere. c. 1. 72
- Religiosi omnes præ alijs aptissimi sunt animarum conuersioni procuranda. cap. 2. 80
- Religiosis omnibus conuenientissimum esse animarum saluti, & conuersioni studere, ostenditur ex fructu à Religiosis in fidei propagatione facto. cap. 3. 85
- Exempla Ordinum Monachalium. cap. 4. 89
- Exemplis heremiticam vitam degentium idem comprobatur. cap. 5. 96
- Missiones expedientissimæ sunt omnium Religiosorum instituto, illudque mirifice perficiunt. cap. 6. 103
- Occasione contemplationis quantumuis sublimis, aut strictioris clausuræ Monachos non excusari à Missionibus adiuuandis. cap. 7. 113

T E R T I A P A R S .

- C**ura infideles iuuandi præcipue spectat ad Ordines Mendicantes. 118
- Ordines Mendicantes ex vi suæ institutionis fuisse ab Ecclesia destinatos, ut proximorum tam fidelium, quam infidelium spirituali saluti consulerent. cap. 1. 119
- Exempla Ord. Mendicantium, qui in propaganda fide Catholica miros in Ecclesia Dei fecere progressus. cap. 2. 125

*Nō sufficere Religiosis Mēdicantibus preparatio-
nem animi adiuuandos proximos. cap. 3. 131*
*Religiosi Ordinē Mendicantiū, non solū fidelibus,
sed & infidelibus tenentur opem ferre. c. 4. 136*
*Proponuntur, & refelluntur argumēta Guiliel-
mi, & aliorum. cap. 5. 141*

Q V A R T A P A R S.

Missiones pro iuuandis infidelibus, nostro etiā
*Carmelitarum Discalceatorum instituto,
valde congruunt. 145*
*Ordini nostro cōsentaneum esse, animarum saluti
studere plurimis argumentis ostenditur. c. 1. 147*
*Ex vi regulæ, quam nos primitiuam appellamus,
tenemur proximorum saluti studere. c. 2. 148*
Ex Constitutionibus idem demonstratur. c. 3. 158
*Ab Autore nostri instituti, & ab exemplo maio-
rum animarum zelus maximè nobis commen-
datur. cap. 4. 164*
*Scopum, siue finem specialem vocationis nostræ,
tām contemplationem, quàm actionem comple-
ti. cap. 5. 167*
*Missiones, non solum esse nostro instituto cōsentaneas,
sed ad finem specialem nostræ Religionis
pertinere. cap. 6. 175*
*Quæ Missionum formæ instituto nostro magis con-
gruat. cap. 7. 189*
*Argumenta in contrarium adducta diluuntur.
cap. 8. 192*

QVINTA PARS.

De Præcipuis gratijs, & priuilegijs à Summis Pö-
tificibus concessis Religiosis pro infidelium con-
uersione laborantibus.

Præambula quadam notationes pro usu, & pra-
xi prædictorum priuilegiorum.

Collectio breuiss. priuilegiorum, quæ à Sede Apo-
stolica concessa sunt Religiosis in propaganda
fide laborantibus.

Absolutio. 208 Hora canonica. 219

Altare. 210 Ieiunium. 219

Apostata. 210 Indulgentia. 221

Baptismus. 211 Matrimonium. 223

Benedicere. 211 Missa. 227

Confirmatio. 213 Nouitius. 228

Communicare cum Ordines. 229

infidelibus, &c. 214 Prædicare. 229

Conseruatores. 215 Sacramenta mini-
strare. 230

Confessarij. 216 Votum. 232

Dispensare. 216

Ecclesia. 219

F I N I S.

Errata sic corrige .

Primus numerus paginā, sequēs lineam demonstrat.

Pag. 4. linea 13. Hercule, lege, Herculeo. ¶ 11. 20. dicitur, dicitur, Genes. 2. ¶ 12. 17. reuenterentur, reuererentur. ¶ 13. 31. Deum, Deus. ¶ 26. 23. tum ad permouendos, ad permouēdos. ¶ 27. 8. quod a Christo, a Christo. ¶ 28. 12. multitudine, multitudini. ¶ 30. 2. semiuſtus, semiuſtus. 8. Paului, Paulus. ¶ 30. 20. sic Hieronymus. superfluum. ¶ 32. 2. inter, superfluum. ¶ 32. 23. ignoscere, ignescere. ¶ 33. 10. hoc, hac. ibi, et non amore, et amore. ¶ 38. 26. Ribera, Ribz de neyrz. ¶ 39. 11. studio, studium. ¶ 41. 24. accurramus, conuertamus. ¶ 47. 13. praprabat, se praprabat. ¶ 53. 18. cōtēpseront, cōtēpserunt. ¶ 70. 2. comndant, cōmodant. ¶ 75. 1. ca leſtis, caeleſtis formā. ¶ 81. 14. orbeant, ſorbent. ¶ 84. 4. eoque, eoquod. ¶ 92. 1. infidelium, fidelium. ¶ 96. 24. quid, quis. ¶ 100. 5. cum, eum. ¶ 102. praſectus, proſectus. ¶ 112. 26. dilatione, dilatatione ¶ 32. oper, ope. ¶ 113. 15. occupati, occupato. 22. poſſunu, poſſunus. ¶ 114. 2. ſtriſſoris, ſtriſſioris. ¶ 115. 4. lucerna, lucerna. ¶ 116. 23. loquelx, loqueia ¶ 118. 4. clauſula, clauſura. 6. Philoſoph^{ur}, philoſophatur. ¶ 119. 4. maximo, maxima. ¶ 17. Eccleſiæ, Eccleſia. ¶ 19. ſpirituāli, ſpirituāli ſaluti. ¶ 120. 1. ſequi, qui. ¶ 122. 4. inſtituti, et vocati, inſtitutas, et vocatas. ¶ 127. 3. lex, legem. ¶ 129. 18. Occidentālē, Orientalē ¶ 132. 9. ſententia, ſentētia in hom ecce nos re, liquimus etc. ¶ 133. 6. inſeruiſſus, inſeruiſſus. ¶ 133. 18. nouiſſimus nouiſſimis ¶ 135. 16. ſigne, ſine. ¶ 28 eſt petentium, expetentium. 29. hāc animi praprationē, hac animi prapratio. ¶ 138. 12. pulchrz, pulchrē. ¶ 139. 14. Christo, Cbriſto Roma. 21. infidelium, fidelium. ¶ 140. 2. ſare, ſerē. 31. pugnant, pugnent. ¶ 141. 4. hae, hac. 16. regula, regula. 27. ſede, ſede. ¶ 142. 10. Monnaſterio, miniſterio. ¶ 143. 30. nouandam, nauandā. ¶ 157. 27. notitur, nititur. ¶ 161. 11. collegia pro ſtudioſis, collegiorum pro ſtudentibus. ¶ 172. 2. nam, num. ¶ 173. 6. bi, bis. ¶ 188. 20. complectitur, complectuntur. ¶ 183. 2. uirgini, uirginem. ¶ 192. 26. paucitatē, paucitate. ¶ 201. 28. elargiti, elargitos. ¶ 216. 5. infideli, infidelium. 14. confeſſonem, confeſſiones. 15. uſteriorom, uſterioſiorem. 1. quo ſuis, quos ſuis. ¶ 221. 12. ſimiliter, ſimiliter bis. 13. noua Hiſpanici, noua Hiſpania. 15. diuſionem, diuſionem per tinentibus. ¶ 222. 20. tutius, tutius eſt.

